



Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material





39514

44

44-

44

Q.



Handwritten text, possibly a signature or name, written in cursive script.

Handwritten text, possibly a signature or name, written in cursive script.

1895 St. Louis, Missouri

Handwritten text, possibly a signature or name, written in cursive script.

In witness whereof

Handwritten text, possibly a signature or name, written in cursive script.

39514

Handwritten text at the top of the page, possibly a date or reference number, including "11-13-11" and "0124".

Գ Ի Բ Բ  
Ս Ա Ղ Մ Ո Ս Ա Ց  
Դ Ա Ի Թ Ի

ՏՊԱԳՐԵԱԼ

Ի ՀԱՅՐԱՊԵՏՈՒԹԵԱՆ Տ. Տ. ԳԷՈՐԳԱՅ  
ԱԶԳԱՍԷՐ ԵՒ ԱՍՏՈՒԱԾԸՆՑԻՐ ԿԱԹՈՒՂԻԿՈՍԻ  
ԱՄԵՆԱՅՆ ՀԱՅՈՑ

ԵՒ

Ի ՊԱՏՐԻԱՐԲՈՒԹԵԱՆ Ս. ԵՐՈՒՍԱԿԵՄԻ  
ՏԵԱՌՆ ԵՍԱՑԵԱՅ ՎԵՀԱՓԱՌ ԱՐԲԵՊԻՍԿՈՊՈՍԻ

ԵՒ

Ի ՊԱՏՐԻԱՐԲՈՒԹԵԱՆ Կ. ՊՕԼՍՈՅ  
ՏԵԱՌՆ ՊՕՂՈՍԻ ՍՐԲԱԶԱՆ ԱՐՀԻԵՊԻՍԿՈՊՈՍԻ

Կ. ՊՕԼԻՍ


ՏՊԱԳՐՈՒԹԻՒՆ ՔԻՒՐՔՃԵԱՆ

— 1869 —

59514











Գ Ի Ր Ք

ՍԱՂՄՈՍԱՅ ԴԱԻԹԻ

ՍԱՂՄՈՍ Ա.

ԵՐԱՆԵԱԼ է այր՝ որ ոչ գնաց ՚ի  
խորհուրդս ամբարշտաց . ՚ի ճա-  
նապարհի մեղաւորաց նա ոչ եկաց ,  
և յաթառս ժանտից ոչ նատաւ :  
Այլ յօրէնս տեառն են կամք նորա ,  
և յօրէնս նորա խորհեացի նա ՚ի տուէ  
և ՚ի գիշերի . և եղիցի նա որպէս ծառ ,  
որ տնկեալ է ՚ի գնացս Զուրց :  
Որ զպտուղ իւր ՚ի ժամու տացէ , և

տերեւ նորա մի թափեացի, և դամե-  
նայն զոր ինչ արասցէ, յաջողեացի նմա =  
Ոչ այսպէս են ամբարիշտք, և ոչ այն-  
պէս. այլ որպէս զփոշի, զոր հոսէ  
հողմ ՚ի վերայ երեսաց երկրի =

Վասն այսորիկ ո՛չ յարիցեն ամբա-  
րիշտք ՚ի դատաստան, և ո՛չ մեղաւորք  
ի խորհուրդս արդարոց =

Քանզի ճանաչէ տէր զճանապարհս  
արդարոց. ճանապարհք ամբարշտաց  
կորիցեն =

Տունք զ,

ՍՍ. ՂՄՈՍ Բ.

Անվերնազիր ՚ի յերբայեցւոց. երկոքին սոքա  
ընդ մի համար են,

Ընդէր խռովեցան հեթանոսք, և ժո-  
ղովուրդք խորհեցան ՚ի սնուտիս =  
Յանդիման եղեն թագաւորք երկրի,  
և իշխանք ժողովեցան ՚ի միասին վասն  
տեառն և վասն օժելոյ նորա =  
Խղեսցուք զկապանս նոցա, և ընկես-  
ցուք ՚ի մէնջ զլուծ նոցա =

Քնակեալն յերկինս ծիծաղեսցի զնո-  
քոք, և տէր արհամարհեսցէ զնոսս :  
Յայնժամ խօսեսցի ընդ նոսս բար-  
կու թեամբ իւրով, և սրտմտու թեամբ  
իւրով խռովեցուսցէ զնոսս :

Ես կացի թագաւոր 'ի նմանէ, 'ի վե-  
րայ լերին սիօնի սրբոյ նորա՝ 'ի պատ-  
մել զհրամանս տեառն :

Տէր ասաց զիս՝ որդի իմ ես դու, և  
ես այսօր ծնայ զքեզ :

Խնդրեա յինէն, և տաց քեզ զհեթա-  
նոսս 'ի ժառանգութիւն, և իշխանու-  
թիւն քեզ ընդ ամենայն ծագս երկրի :  
Հովուեսցես զնոսս գաւազանաւ եր-  
կաթեաւ, և որպէս զանօթ բրախ  
փշրեսցես զնոսս :

Արդ թագաւորք՝ զայս 'ի միտ առէք,  
և խրատեցարուք ամենեքեան, ոյք  
գատէք զերկիր :

Ծառայեցէք տեառն երկիւղիւ, և  
ցնծացէք առաջի նորա դողու թեամբ :  
Ընկալարուք զխրատ նորա, զի մի  
բարկասցի տէր, և կորնչիցիք 'ի ճա-

նապարհացն արդարութեան :  
Ի ժամանակի՛ յորժամ բորբոքեսցի  
բարկութիւն նորա :  
Երանի՛ ամենեցուն՝ ոյք յուսացեալ  
են տէր :

Տունք ժդ :

ՍՍ. ՂՄ ՈՍ Գ.


Սաղմոս դաւթի . 'ի ժամանակի՛ զի փախուցեալ էր նա  
յերեսաց արխողոմայ որդւոյ իւրոյ :

Տէր՝ զի բազում եղեն նեղիչք իմ,  
և բազումք յարեան 'ի վերայ իմ :  
Բազումք ասէին զանձնէ իմմէ, թէ չիք  
փրկութիւն սորա առ աստուած իւր :  
Այլ դու տէր՝ օգնական իմ ես, փառք  
իմ և բարձրացուցիչ գլխոյ իմոյ :  
Չայնիւ իմով ես առ տէր կարգացի,  
և լուաւ ինձ 'ի լեռնէ սրբոյ իւրմէ :  
Ես ննջեցի և 'ի քուն եղէ, զարթեայ՝  
և տէր ընդունելի իմ է :  
Ոչ երկեայց ես 'ի բիւրաւոր զօրաց  
նոցա, ոյք շուրջանակի սրատեալ պա-  
շարեալ պահէին զիս :

Արի տէր՝ և փրկեա զիս աստուած  
իմ, զի դու Հարեր զամենեւեան, ոյք  
էին ընդ իս թշնամութեամբ ՚ի տա-  
րապարտուց, և զատամունս մեղաւո-  
րաց փշրեսցես:

Տեառնդ է փրկութիւն, ՚ի վերայ ժո-  
ղովրդեան քոյ օրհնութիւն քո:

Տունք Ը, Գորդայս իը:



Ս Ս Ղ Մ Ո Ս Գ.

Ի կատարած օրհնութեան, Սաղմոսերգութիւն զաւթի:

Ի կարգալ իմում լուար ինձ աստուած  
ըստ արդարութեան ՚ինեղութենէ  
ինձ անդորր արարեր, ողորմեա ինձ  
և լուր աղօթից իմոց:

Որդիք մարդկան՝ մինչեւ յերբ էք  
խատասիրաք, ընդէր սիրէք զնանրու-  
թիւն, և ինդրէք զստութիւն:

Ծաներուք՝ զի սքանչելիս արար տէր  
սրբոյ իւրում, և տէր լուիցէ ինձ ՚ի  
կարգալ իմում սու նա:

Բարկանայք և մի՛ մեղանչէք, զոր ինչ

ասէք 'ի սիրտս ձեր, յանկողինս ձեր  
զղջացարուք :

Մատուցէք սպտարագս անդարու  
թեան, և յուսացարուք 'ի տէր :

Քաղուձք ասէին՝ թէ ո՞ր ցուցցէ մեզ  
զբարութիւն տեսան. նշանեցաւ առ  
մեզ լոյս երեսաց քոց, և ետուր ու  
րախութիւն սրտից մերոց :

Ի ստղոյ ցորենոյ գինւոյ և ձիթոյ  
իւրեանց լցուցեր զնոսա :

Խաղաղութեամբ յայս և 'ի սոյն ննջես  
ցուք և զարթիցուք. զի դու տէր  
միեյն առանձին յուսով քո բնակե  
ցուցեր զմեզ :

Տունք Ը :

Ս Ս Ղ Մ Ո Ս Ե .

Ի կատարած վասն վիճակելոցն. Սաղմոս դաւթի :

Քանից իմոց ունկն դիր տէր, և 'ի միտ  
առ զաղաղակ իմ :

Նայեա 'ի ձայն աղօթից իմոց, թա  
գաւոր իմ և աստուած իմ :

Ես զքեզ աղտչեմ տէր, ընդ առաւօտս

լուիցես ձայնի իմում, ընդ առաւօտս  
պատրաստ եղէց, յանդիման լինել  
առ քեզ :

Ոչ թէ դու՝ աստուած, կամիս զանօ-  
րէնութիւն, և ոչ բնակին առ քեզ  
չարք, և անօրէնք մի՛ բնակեսցին ա-  
ռաջի աչաց քոց :

Ատեցեր զայնօսիկ ոյք գործեն զանօ-  
րէնութիւն, կորուսանես զամենես-  
եան ոյք խօսին զսուտ :

Չայր արիւնահէզ և զնենգաւոր պիղծ  
առնես դու տէր, այլ ես ըստ բազում  
ողորմութեան քում մտից 'ի տուն քո,  
և երկիրպագից 'ի տաճար սուրբ քո  
երկիւղիւ քո :

Տէր՝ առաջնորդեա ինձ յարդարու-  
թեան քում, վասն թշնամեաց իմոց ու-  
ղիղ արա առաջի իմ զճանապարհս քո :  
Զի ոչ գոյ 'ի բերանս նոցա ճշմարտու-  
թիւն, և սիրտք նոցա նանրեալք են :  
Որպէս գերեզմանք բաց են կոկորդք  
նոցա, և լեզուօք իւրեանց նենգա-  
ւորք եղեն :

Գատեա զնոսա աստուած՝ զի անկցին  
ի խորհրդոց սրտից իւրեանց, ըստ բա-  
զում ամբարշտութեան նոցա մերժեա  
զնոսա, զի դառնացուցին զքեզ :  
Ուրախ լիցին ամենեքեան՝ ոյք յու-  
սացեալ են ի քեզ, յաւիտեան ցնծաս-  
ցեն, և բնակեցցիս դու ի նոսա :  
Պարծեսցին ի քեզ սիրելիք անուան  
քո, զի օրհնեսցես դու զարդարն .  
տէր որպէս զինու հաճութեամբ քո  
պսակեցեր զնոսա :

Տունք ժբ .

ՍՍ.ՂՄՈՍ 2 .

Ի կատարած ընդ օրհնութեան վասն ութերորդաց .  
Սաղմոս դաւթի :

Տէր, մի՛ սրտմտութեամբ քով յանդի-  
մաներ զիս, և մի՛ բարկութեամբ քով  
խրատեր զիս :

Ողորմեա ինձ տէր, զի հիւանդ եմ ես .  
բժշկեա զանձն իմ, զի խռովեցան ու-  
կերք իմ :

Անձն իմ յոյժ խռովեցաւ՝ և դու տէր  
մինչեւ յերբ :



Գարձ տէր և փրկեա զանձն իմ, կեցո  
զիս տէր՝ ըստ սղորմու թեան քում =  
Ձի ոչ ոք է՝ որ 'ի մահու յիշէ զքեզ,  
կամ 'ի գժոխս խոստովան առնիցի առ  
քեզ =

Վաստակեցայ ես 'ի հեծու թեան ի  
մում, լուացի զամենայն գիշեր զմա  
հիճս իմ, և արատաւօք իմովք զան  
կողինս իմ թացի =

Խռովեցաւ 'ի սրտմտու թենէ ակն իմ,  
և մաշեցայ ես 'ի վերայ ամենայն թըշ  
նամեաց իմոց =

Իբաց կացէք յինէն ամենեքեան, ոյք  
գործէք զանօրէնու թիւն =

Լուաւ տէր ձայնի լալոյ իմոյ, լուաւ  
տէր աղօթից իմոյ, և տէր զխնդրումս  
իմ ընկալաւ =

Սմաշեցցեն և խռովեցցին յոյժ ամե  
նայն թշնամիք իմ, գարձցին յետս և  
ամաշեցցեն յոյժ վարդաղակի և խռ  
վեցցին =

ՍՍ. ՂՄ ՈՍ Է.

Սաղմոս Գաւթի. զոր ասաց տեառն վասն բանին  
քուսեայ՝ որդւոյ յիմննայ .

Տէր աստուած իմ՝ ի քեզ յուսացայ .  
փրկեա զիս , և յամենայն հալածչաց  
իմոց ապրեցո զիս :

Գուցէ երբէք յափշտակիցէ որպէս  
առիւծ զանձն իմ . ոչ ոք իցէ որ փրկ  
կիցէ , և ոչ այն՝ որ ապրեցուցանիցէ :  
Տէր աստուած իմ թէ արարի զայս . և  
թէ իցեն անօրէնու թիւնք ի ձեռս իմ :  
Թէ հատուցի երբէք այնոցիկ , ոյք հա  
տուցին ինձ չար . անկեայց և ես ի թըշ  
նամեաց իմոց ընդունայն :

Հալածեացէ ապա թշնամին զանձն  
իմ . հասցէ և կոխեացէ յերկիր զկեանս  
իմ , և զփառս իմ ի հող բնակեցուսցէ :  
Արի տէր բարկու թեամբ քով , և բարձր  
լեր ի սպառիլ թշնամեաց իմոց :

Զարթիր տէր աստուած իմ՝ ի հրամանս  
քո՝ զոր պատուիրեցեր , և ժողովք  
ժողովրդոց շուրջ եղիցին զքեւ :

Վասն այսարիկ ի բարձունս դարձաւ տէր ,

և տէր գատէ զժողովուրդս իւր :  
Դատ արա ինձ տէր, ըստ արդարու-  
թեան իմում, և ըստ ամբօժութեան  
իմում՝ որ յիս :

Կատարեսցին չարիք ՚ի վերայ մեղաւո-  
րաց, և յաջողեսցես դու արդարոյ :  
Որ քննէ զսիրտս և զերիկամունս աստ-  
ուած արդար, յիրաւի է ինձ օգնու-  
թիւն յաստուծոյ՝ որ ասրեցուցանէ  
զայնոսիկ, ոյք ուղիղ են սրտիւք :

Աստուած դատաւոր արդար հզօր և  
երկայնամիտ, որ ոչ ամէ զբարկու-  
թիւն իւր զօրհանասպաղ :

Ապա թէ ոչ դառնայք առ նա, ըզ-  
տուր իւր սրեալ է, և զաղեղն իւր  
լարեալ, և ՚ի նմա պատրաստեալ է զա-  
նօթս մահու, և զնետս իւր այրեցե-  
լովք է գործեալ :

Ահաւասիկ երկնեաց զանօրէնու թիւն,  
յղացաւ զցաւս, և ծնաւ զանիրա-  
ւու թիւն :

Գուբն՝ զոր փորեաց և պեղեաց, ՚ի նոյն  
անկցի ՚ի խորխորատ՝ զոր և գործեաց :

Դարձցին ցաւք 'ի գլուխ նորա . և 'ի վերայ գագաթան նորա անօրէնու թիւնք իւր իջցեն :

Խոստովան եղէց տեառն ըստ արդարութեան նորա , և սաղմոս սասցից անուան տեառն բարձրելոյ :

Տունք ժէ :

ՍՍ. ՂՄ ՈՍ Ը .

Ի կատարած 'ի վերայ հնճանացն . Սաղմոս գաւթի :

Տէր տէր մեր , զի՞ սքանչելի է անունքո 'ի վերայ ամենայն երկրի :

Համբարձաւ մեծ վայելչութիւնքո 'ի վերոյ քան զերկինս . 'ի բերանոց մանկանց տղայոց և ստնդեայց հաստատեցեր զօրհնութիւն :

Վասն թշնամեաց քոց տէր , զի եղծցի թշնամին և հակառակորդն :

Տեսից զերկինս զգործս մատանց քոց , զլուսին և զաստեղս՝ զորս դու հաստատեցեր :

Ո՞վ է մարդ , զի յիշես դու զնա . կամ որդի մարդոց , թէ սոց ինչ արասցես :

դու նմա :

Փոքր ինչ խոնարհ արարեր զնա քան  
զհեշտակս քո . փառօք և սլառուօք սլը-  
սակեցեր զնա , և կացուցեր զնա 'ի  
վերայ ամենայն ձեռակերտաց քոց =  
Զամենայն ինչ հնազանդ արարեր 'ի  
ներքոյ ոտից նորա , զխաշն և զարջառ՝  
և զամենայն ինչ :

Եւս և զերէ վայրի , զթռչունա երկ-  
նից , և զձկունա ծովու՝ որք շրջին ընդ  
շաւիղս ծովու :

Տէր տէր մեր , զի՞ սքանչելի է անուն  
քո 'ի վերայ ամենայն երկրի :

Տունք թ . Գորգայս իզ :


ՍՍ. ՂՄՈՍ Թ .

Ի կատարած վասն գազանեացն որդւոց .

Սաղմոս գաւթի :

Գոհացայց զքէն տէր քալարով սքան-  
խնով . սլատմեցից զամենայն սքան-  
չելիս քո :

Ուրախ եղէց և յսճաղայց 'ի քեզ սա :



39514

մնս սասցից անուանն տեառնդ բարձ-  
րելոյ :

Ի դառնալ յետս թշնամեաց իմոց ,  
տկարասցին և կորիցեն յերեսաց քոց :  
Արարեր զդատաստանս իմ և զիրա-  
ւունս . նստար յաթոռ՝ դատաւոր  
արդարու թեան :

Սաստեցեր 'ի հեթանոսս , և կորեաւ  
ամբարիշտն . զանուանս նոցա ջնջեցեր  
յաւիտեանս յաւիտենից , և թշնամւոյն  
զէն սրակասեաց մինչ իսպառ :

Զքաղաքս աւերեցեր , և կորեաւ յի-  
շատակ նոցա աղաղակաւ :

Աստուած կայ՝ և մնաց յաւիտեանն .  
պատրաստ արար զաթոռ իւր 'ի դա-  
տաստանի :

Ինքն դատէ զաշխարհս արդարու-  
թեամբ , և զժողովուրդս իւր ուղղու-  
թեամբ :

Եղև տէր սպաւէն տնանկի , օգնական  
'ինեղու թեան 'ի դէպ ժամանակի :

Յուսասցին 'ի քեզ ամենեքեան՝ ոյք  
դիտեն զանուն քո . զի ոչ թողցես

զայնօսիկ, ոյք խնդրեն զքեզ տէր :  
Սաղմոս ասացէք տեառն՝ որ բնակեալն  
է 'ի սիօն, պատմեցէք 'ի հեթանոսս  
զգործս նորա :

Ի խնդրել զարիւն նոցա՝ յիշեաց, և ոչ  
մոռացաւ տէր զազազակս տնանկաց :  
Ողորմեա ինձ տէր՝ և տես զխոնարհ  
հուծիւն իմ 'ի թշնամեաց իմոց, ո՛ր  
բարձր արարեր զիս 'ի դրանց մահու :  
Որպէս պատմեցից զամենայն օրհնու  
ծիւնս քո 'ի դրունս դստեր սիօնի, և  
ցնծացայց 'ի փրկութեան քում :

Ընկան հեթանոսք յապականութեան  
իւրեանց՝ զոր արարին, և օրոգայթ՝  
զոր թագուցին, առցէ զոտս նոցա :  
Ճանաչի տէր յառնել զգատաատանս  
իւր, և 'ի գործս ձեռաց իւրեանց կա  
պեացին մեղաւորք :

Գարձցին մեղաւորք անդրէն 'ի դժօխս,  
և ամենայն հեթանոսք որք մոռացան  
զաստուած :

Ոչ իսպառ մոռանայ տէր զազքատն,  
համբերութիւն տնանկաց մի կորիցէ

իսպառ ։

Արի տէր՝ և մի՛ զօրասցի մարդ . դա-  
տեսցին հեթանոսք առաջի քո ։

Կացո տէր օրէնադիր՝ ՚ի վերայ նոցա , և  
ծանիցեն հեթանոսք՝ թէ մարդիկ են ։  
Ընդէ՞ր տէր՝ կացեր ՚ի հեռաստանէ .  
անտես արարեր ՚ի դէպ նեղութեան  
ժամանակի ։

Յամբարտաւանիլ ամբարշտին , այրի  
աղքատն . արգելցին ՚ի խորհուրդս  
իւրեանց՝ զօր և խորհեցան ։

Զի գովի մեղաւորն ՚ի ցանկութիւն  
անձին իւրոյ . որ զրկէն , և նա գովի ։  
Իսկ ընդէ՞ր բարկացոյց մեղաւորն զաս-  
տուած , ըստ բազում բարկութեան  
իւրում , թէ ոչ խնդրի ։

Ոչ է աստուած առաջի աչաց նորա .  
պիղծ են ճանապարհք նորա յամե-  
նայն ժամ ։

Բարձեալ են իրաւունք յերեսաց նո-  
րա . ՚ի վերայ ամենայն թշնամեաց իւ-  
րոյ տիրեսցէ ։

Ասաց ՚ի սրտի իւրում , թէ ոչ ստաս-



Նեցայց ազգէ յազգ առանց չարի :  
Անիծիւք և դառնութեամբ և նենգութեամբ լի է բերան նորա, և ՚ի ներքոյ լեզուի նորա ցաւք և վաստակք :  
Նստի դարանեալ ընդ մեծամեծս ՚ի գաղտնիս՝ սպանանել զամբիծն :

Աչք նորա ՚ի տնանկս հային, դարանի ՚ի գաղտնիս, որպէս զառիւծ ՚ի մորուջիւրում :

Դարանի յափշտակել զաղբատն, յափրշտակել զաղբատն, և ձգել զնա :  
Յորոգայթ իւր խոնարհեցուցէ զնա, խոնարհեցի և անկցի ՚ի տիրել իւրում ՚ի վերայ տնանկաց :

Զի ասաց ՚ի սրտի իւրում՝ թէ մոռացաւ աստուած, դարձոյց զերեսս իւր, զի մի տեսցէ իսպառ :

Արի տէր աստուած իմ, բարձր եղիցի ձեռնքո, և մի մոռանար զտնանկս :  
Իսկ ընդէ՞ր բարկացոյց ամբարիշտն զաստուած, զի ասաց ՚ի սրտի իւրում թէ ոչ քննի :

Տեսանես դու զնա ՚ի ցաւս, և ՚ի սրբա-

մըտու թիւնս հայիս . 'ի քեզ թողեալ է  
աղքատն , և որբոյն դու ես օգնականս  
Խորտակեսցի բազուկ մեղաւորի և չա-  
րի . խնդրեսցին մեղք նորա , և նա  
մի գտցի :

Տէր թագաւոր յաւիտեանս յաւիտե-  
նից . կորիցեն հեթանոսք յերկրէ նորա :  
Զցանկու թիւն տնանկաց լուաւ տէր .  
'ի սպտրաստու թիւն սրտից նոցա հա-  
յեցաւ ակն քո :

Դատ առնել որբոյն և տնանկի . զի մի  
եւս յաւելցի մարդ 'ի մեծաբանել  
իւրում 'ի վերայ երեսաց երկրի :  
Տունք խ :

Ս Ս Ղ Մ Ո Ս Ժ .

Ի կատարած . Սաղմոս դաւթի :

Ի տէր յուսացայ . որպէս ասիցէք  
ցանձն իմ , փոփոխեաց 'ի լերինս որ-  
պէս ճնճղուկ :

Զի ահա մեղաւուրք լարեցին զաղե-  
ղունս իւրեանց . սպտրաստ արարին  
դնեստս 'ի կապարձս , ձգել ընդ խաւար

այնոցիկ՝ ոյք ուղիղ են սրտիւք =  
Զի զոր դու շինեցեր, նորա աւերեցին.  
Իսկ արդարն զի՞ արար =  
Տէր 'ի տաճար սուրբ իւրում. տէր  
յերկինս յաթոռ իւրում =

Աչք նորա 'ի անանկս հային, և արտեւանունք  
նորա քննեն զորդ ի մարդկանս =  
Տէր քննէ զարդարն և զամբարիշտն.  
որ սիրէ զմեզս, ատէ զանձն իւր =  
Տեղացի 'ի վերայ մեղաւորաց որոգայթ՝  
հուր և ծծումք. այս մըրիկ՝  
բաժին բաժակի նոցա =

Արդար է տէր՝ և զարդարութիւն սիրէ.  
և զուղղութիւն տեսանեն երեսք նորա =

Տունք Ը:

ՍՍ.ՂՄ ՈՍ ԺԱ.

Ի կատարած 'ի վերայ ութերորդին. Սաղմոս դաւթի:

Ապրեցս զիս տէր, զի նուաղեաց սուրբ.  
նուաղեցան ճշմարտութիւնք յորդուց  
'ի մարդկանէ =

Ի նանիր խօսեցաւ այր ընդ ընկերի

իւրում. շրթամբք նենդաւորօք սրտէ  
'ի սիրտ խօսեցաւ :

Սատակէ տէր զամենայն շրթունա  
նենդաւորս և զլեզուս մեծաբանս :

Ոյք ասացին, զլեզուս մեր մեծս ա-  
րասցուք, շրթունք մեր առ մեզ են,  
և արդ մեր ում է տէր :

Վասն տառապանաց աղքատին և հե-  
ծութեան անանկին, այժմ յարեացյ  
ասէ տէր. եղից զփրկութիւն իմ, և  
համարձակեցայց 'ի նոսա :

Բանք տեառն են բանք սուրբ, որպէս  
զարծաթ ընտրեալ և փորձեալ յերկ-  
րէ, սրբեալ և պարզեալ եօթնպատիկ  
'ի հողոյ :

Դու տէր պահեցեր զմեզ, և ապրե-  
ցուցեր զմեզ յազգէ յայսմանէ մին-  
չեւ յաւիտեան :

Շուրջանակի ամբարիշտք շրջին. ըստ  
բարձրութեան քում մեծս արասցես  
գու զորդիս մարդկան :

ՍՍ. ՂՄ ՈՍ ԺԲ.

Ի կատարած . Սաղմոս դաւթի :

Մինչեւ յերբ տէր՝ մոռանաս զիս իսպառ ,  
մինչեւ յերբ դարձուցանես զերեսս քո յինէն :

Մինչեւ յերբ դնեմ զխորհուրդս յանձն իմ ,  
և ցաւք սրտի իմոյ զաւուրս :

Մինչեւ ցերբ բարձրանայ թշնամին ՚ի վերայ իմ ,  
նայեա և լուր ինձ տէր տատուած իմ :

Լոյս տուր տէր աչաց իմոյ , զի մի երբէք  
ննջեցից ՚ի մահ :

Մի սասացէ թշնամին՝ թէ յաղթեցի  
նմա , կամ նեղիչք իմ ցնծացեն , թէ ես  
սասանեցայ :

Ես յողորմու թիւնս քո տէր յուսացայ ,  
ցնծացաւ սիրտ իմ ՚ի փրկու թեան քում ,  
օրհնեցից զտէր զբարերարդ իմ :

Տունք զ .

ՍՍ. ՂՄ ՈՍ ԺԳ.

Ի կատարած . Սաղմոս դաւթի :

Ասաց անողամն ՚ի սրտի իւրում , թէ

ոչ գոյ աստուած :

Ապականեցան և սղծեցան յանօրէնութեան իւրեանց, և ոչ ոք է՝ որ առնէ զքաղցրութիւն :

Տէր յերկնից նայեցաւ յամենայն որդիս մարդկան, տեսանել թէ իցէ՞ ոք իմաստուն, որ խնդրիցէ զաստուած : Ամենեքեան խոտորեցան 'ի միասին և անսպիտանացան :

Ոչ ոք է որ առնէ զբարի, և չէ ոք մինչեւ 'ի մի :

Որպէս ոչ ծանիցեն ամենեքեան, ոյք գործեն զանօրէնութիւն :

Ոյք ուտէին զժողովուրդ իմ որպէս կերակուր հացի, և առ տէր ոչ կարգացին :

Անդ երկիցեն զերկիւղ՝ ուր ոչ իցէ երկիւղ, զի տէր է յազգս արդարոց : Զխորհուրդ աղքատին յամօթ արարին, զի տէր է յոյս նորա :

Ո՞ տացէ 'ի սիօնէ զփրկութիւն իսրայէլի, 'ի դարձուցանել տեսուն զգերութիւն ժողովրդեան իւրոյ, ցնծաս

ցէ յակոր՝ և ուրախ եղիցի իսրայէլ :  
Տունք ժ : Գորդայս ւր :

ՍՍ. ՂՄ ՈՍ ժ Դ .

Ի կատարած . Սաղմոս դաւթի :

Տէր ո՞վ կացցէ 'ի խորանի քում, կամ  
ո՞վ բնակեսցէ 'ի լեառն սուրբ քո :  
Որ գնայ անբիծ՝ գործէ զարդարու  
թիւն, խօսի զճշմարտութիւն 'ի սրտի  
իւրում :

Որ ոչ նենգաւորեաց լեզուաւ իւրով,  
և չար ընկերի իւրում ոչ արար :  
Նախատինա 'ի մերձաւորացնա ոչ առ  
նու . արհամարհեալ է առաջի նորա  
չարագործն :

Զերկիւղածս տեառն փառաւոր առ  
նէ . որ երգնու ընդ ընկերի իւրում,  
և ոչ ստէ :

Զարծաթ իւր 'ի վարձու ոչ տայ, և  
կաշառս 'ի վերայ իրաւանց ոչ առնու .  
որ զայս արասցէ, նա մի սասանեսցի  
յաւիտեան :

Տունք Գ :

ՍԱՂՄՈՍ ԺԵ.

Յարձանագիր . Սաղմոս դաւթի :

Պահեա զիս աստուած իմ զի ես 'ի  
քեզ յուսացայ . ասացի տեառն , տէր  
իմ ես դու , և բարիք իմ ինձ 'ի քէն են :  
Սրբոց քոց՝ որք են յերկրի քում . սքան-  
չելի արարեր զամենայն կամս իմ 'ի նոսա :  
Յաճախեսցին հիւանդութիւնք նոցա .  
յետ այսորիկ ապա վաղվաղեսցին :  
Ոչ ժողովեցայց 'ի ժողովս նոցա յար-  
եանց . և ոչ յիշեցից զանուանս նոցա  
'ի շրթունս իմ :

Տէր բաժին ժառանգութեան իմոյ՝ և  
բաժակի իմոյ դու ես , որ այսրէն դար-  
ձուցանես զժառանգութիւն իմ յիս :  
Վիճակք ելին ինձ ընդ ընտիրս , և ժա-  
ռանգութիւն իմ հաճոյ եղեւ ինձ :  
Օրհնեցից զտէր՝ որ իմաստուն արար  
զիս , մինչ 'ի գիշերի եւս խրատեցին  
զիս երիկամունք իմ :

Յառաջագոյն տեսանէի զտէր առաջի  
իմ յամենայն ժամ . զի է ընդ աջմէ իմ :



մէ, զի մի սասանեցայց :

Վասն այսորիկ ուրախ եղեւ սիրտ իմ,  
և ցնծացաւ լեզու իմ, եւս և մարմին  
իմ բնակեցցի յուսով :

Զի ոչ թողցես զամօճն իմ 'ի դժոխս,  
և ոչ տացես սրբոյ քում տեսանել զա-  
սականու թիւն :

Յուցեր ինձ զճանապարհս քո կենաց,  
լցուցեր զիս ուրախու թեամբ երեսաց  
քոյ 'ի քաղցրու թենէ վայելչու թեան  
աջոյ քոյ մինչ իսպառ :

Տունք ծա :

ՍՍ. ՂՄՈՍ Ժ 2.

Յղօթք. Սաղմոս դաւթի :

Լուր տէր արդարութեան, և նայեա  
'ի ինդրուածս իմ. ունկն դիր աղօթից  
իմոյ, զի ոչ շրթամբք նենգաւորօք =  
Յերեսաց քոյ իրաւունք ինձ ելցեն,  
և աչք իմ տեսցեն զուղղութիւն =  
Փորձեցեր զսիրտ իմ, և քննեցեր 'ի գի-  
շերի, փորձեցեր զիս՝ և ոչ գտաւ յիս  
անիրաւու թիւն :

Մի խօսեցցի բերան իմ զգործս որդւոց  
մարդկան . վասն բանից շրթանց քոց  
ես պահեցից զճանապարհս խիստս :  
Հաստատեա զչաւիղս իմ 'ի ճանապար-  
հի քում, զի մի գայթակղեցին գը-  
նացք իմ :

Ես առ քեզ տէր կարդացի՝ զի լուար  
ինձ աստուած . խոնարհեցո առ իս  
զունկն քո և լուր բանից իմոց :

Աքանչելի արարեր զողորմութիւնս  
քո . ո՛ր փրկես զայնոսիկ ոյք յուսաց-  
եալ են 'ի քեզ, յայնցանէ ոյք հակա-  
ռակ կան աջոյ քո :

Պահեա զիս որպէս բիր ական . ընդ  
հովանեալ թեւոց քոց ծածկեցես  
զիս յերեսաց ամբարշտաց, ոյք տա-  
ռապեցուցին զիս :

Թշնամիք զանձն իմ պաշարեցին, և  
'ի ճարպս իւրեանց արգելին . և բե-  
րանք նոցա խօսեցան զամբարտաւա-  
նութիւնս :

Մերժեցին զիս, և այժմ դարձեալ  
պատեցան զինեւ . ուշ եղին խոնար-

Հեցուցանել զիա յերկիր :

Համարեցան ինձ որպէս առիւծ զի  
պատրաստի յորս, և որպէս կորիւն  
առիւծու զի նստի դարանեալ :

Արիտէր՝ ժամանեանոցա և խափանեա  
զնոսա . փրկեա զանձն իմ յամբարըշ-  
տաց 'ի սրոյ՝ և 'ի ձեռաց թշնամւոյն :  
Տէր կորս զնոսա յերկրէ, բաժանեա  
և խափանեա զնոսա 'ի կեանս իւրեանց :  
Քաղանեօք քովք լցան որովայնք նո-  
ցա . յագեցան կերակրովք, և թողին  
զմնացուածս տղայոց իւրեանց :

Ես արդարու թեամբ երեւեցայց երե-  
սաց քոց, և յագեցայց յերեւիլ փա-  
ռաց քոց :

Տունք թե՛ Գորդայս լը՛

Ս Ս Ղ Մ Ո Ս Ժ Է .

Ի կատարած 'ի վերայ պատերազմող նահատակի ծա-  
ռայի տեառն Գաւթի . զոր խօսեցաւ ընդ տեառն զբանս  
օրհնութեան, յաւուր յորում փրկեաց զնա տէր 'ի ձեռաց  
ամենայն թշնամեաց, եւ 'ի ձեռաց սառուղայ . եւ ասէ :

Սիրեցից զքեզ՝ տէր զօրութիւն իմ,  
տէր հաստատիչ իմ, ապաւէն իմ և

փրկիչ իմ :

Աստուած օգնական իմ և ես յուսամ  
'ի նա . ապաւէն իմ , եղջիւր փրկու  
թեան իմոյ ընդունելի իմ է :

Օրհնելով կարգացից առ տէր , և 'ի  
թշնամեաց իմոյ ապրեցայց :

Շուրջ եղեն զինեւ երկունք մահու .  
և ուղիք անօրէնութեան խռովե  
ցուցին զիս :

Վիշտք դժոխոց պաշարեցին զիս . և  
ժամանեցին ինձ որոգայթք մահու :  
Ի նեղութեան իմում ես առ տէր կար  
գացի , և առ աստուած իմ աղաղակեցի :  
Լուաւ ինձ 'ի տաճարէ սրբոյ իւրմէ  
ձայնի աղօթից իմոյ , և աղաղակ իմ  
առաջի նորա , մտցէ յականջս նորա :  
Խռովեցաւ և դողաց երկիր , և հիմունք  
լերանց աստանեցան և խռովեցան , զի  
բարկացաւ 'ի վերայ նոցա աստուած :  
Եւ ծուխ 'ի բարկութենէ նորա , և  
հուր յերեսաց նոցա բորբոքեցաւ , և  
փայլատակունք հատան 'ի նմանէ :  
Խոնարհեցոյց զերկինս և էջ , և մէգ

Ի ներքոյ ռաից նորա ։

Եւ ՚ի քրովբէս և թռեալ . սլացաւ  
նա ՚ի թեւս հողմոց ։

Եղ զխաւար ՚ի ծածկոյթ իւր , և շուրջ  
զնովաւ են յարկք իւր , և խաւարային  
ջուրք մինչեւ յամպս օդոց ։

Ի փայլատակել նորա առաջի նոցա ,  
ամպք անցուցին զկարկուտ , և զկայ-  
ծակունա հուր ։

Որոտաց տէր յերկնից , և բարձրեալն  
եւ զձայն իւր ՚ի կարկուտ և ՚ի կայ-  
ծակունա հուր ։

Առաքեաց զնետս իւր և ցրուեաց զնա-  
սա . յաճախեաց զփայլատակունա իւր ,  
և խռովեցոյց զնոսա ։

Երեւեցան աղբերք ջուրց , և յայտ-  
նեցան հիմունք աշխարհի ։

Ի սասառէ քումմէ տէր , և ՚ի շնչել  
հողոյ բարկութեան քո ։

Առաքեաց ՚ի բարձանց և ընկալաւ զիս .  
ընկալաւ զիս ՚ի ջուրց բաղմաց ։

Փրկեացէ զիս տէր ՚ի թշնամեաց իմոց  
հզօրաց , և յատելեաց իմոց՝ զի հզօրք

Եղեն քան զիս :

Ժամանեցին ինձ աւուրք չարչարանաց  
խնոց . եղեւ տէր հոօրիչ իմ , և եհան  
զիս յանդորր . և փրկեաց զիս տէր՝  
զի կամեցաւ զիս :

Հասաւ սցէ ինձ տէր ըստ արդարու-  
թեան իմում . ըստ ամբժութեան ի-  
մում հասաւ սցէ ինձ :

Ես պահեցից զճանապարհս տեսուն , և  
ոչ ամբարչտեցայց յասաւծոց իմմէ :  
Ամենայն իրաւունք նորա առաջի իմ  
են . և զարդարութիւն իւր ոչ ՚ի բա-  
ցեայ արար յինէն :

Եղէց և ես ամբիժ ընդ նմա . և զգու-  
չացայց յանօրէնութենէ իմմէ :

Հասաւ սցէ ինձ տէր ըստ արդարու-  
թեան իմում , ըստ սրբութեան ձե-  
ռաց իմոց առաջի աչաց իմոց :

Ընդ սրբոյն սուրբ եղիցիս , ընդ առն  
ամբժի ամբիժ եղիցիս , ընդ ընարեալն  
ընարեալ եղիցիս , և զթիւրան կոր-  
ծանեցիս :

Դու զժողովուրդս խանարհս կեցու-

ցանկես . և զաչս ամբարտաւանից դու  
խոնարհեցուցանես :

Դու լուսաւոր առնես զձրագ իմ տէր ,  
աստուած իմ , լոյս արա ինձ 'ի խաւարի :  
Քեւ փրկեցայց 'ի փորձութեանէ . աս-  
տուծով իմով անցից ընդ պարիսպս :  
Աստուած իմ , ամբիժ են ճանապարհք  
քո . և բանք տեսան ընտրեալ են , և  
ապաւէն ամենեցուն որք յուսան 'ինաս :  
Վասն զի ո՞վ է աստուած բաց 'ի  
տեսանէ , կամ ո՞վ է աստուած բաց  
յաստուծոյ մերմէ :

Աստուած , որ զգեցուցեր ինձ զօրու-  
թիւն , և եղեր յամբժութեան զճա-  
նապարհս իմ :

Հաստատեցեր զոտս իմ որպէս զեղջե-  
րուի . և 'ի վերայ բարձանց կացու-  
ցեր զիս :

Ռեսուցեր զձեռս իմ 'ի օրատերապմ ,  
և արարեր զբազուկ իմ որպէս զա-  
ղեղն հաստ . և ետուր ինձ զպաշտ-  
պանութիւն փրկութեան քոյ :

Ա.Ղ քոյ ընկալաւ զիս , և խրատ քո

կանգեաց զիս իսպառ, և խրատ քո  
ուսուսցէ զիս :

Ընդարձակեցեր զգնացս իմ 'ի ստորէ  
իմմէ, և ոչ տկարացան շաւիղք իմ :

Հալածեցից զթշնամիս իմ և հասից  
նոցա, և ոչ դարձայց 'ինոցանէ՝ մինչ  
չեւ սպառեցից զնոսա :

Նեղեցից զնոսա, և այլ մի կարասցեն  
կեալ, և անկցին 'իներբոյ ոտից իմոց :

Զգեցուցեր ինձ զօրութիւն 'ի սպա-  
տերազմի, և զյարուցեալն 'ի վերայ  
իմ՝ ներբոյ իմ արարեր :

Զթշնամիս իմ հալածականս արարեր,  
և զատելիս իմ սատակեցեր :

Աղաղակեցին, և ոչ ոք էր որ փրկէր  
զնոսա, կարդացին առ տէր՝ և ոչ  
լուաւ նոցա :

Մանրեցից զնոսա որպէս փոշի առա-  
ջի հողմոյ, և որպէս կաւ գռեհաց  
կոխեցից զնոսա :

Փրկեցէ զիս տէր 'ի հակառակութե-  
նէ ժողովրդոց, և կացուսցէ զիս  
գլուխ հեթանոսաց :



Ժողովուրդ՝ զոր ոչ գիտէի, ծառայեաց ինձ, և ՚ի լուր ականջաց լուաւ ինձ: Որդիք օտարաց ստեցին ինձ. որդիք օտարաց մաշեցան, և կաղացան ՚ի շաւղաց իւրեանց:

Կենդանի է տէր և օրհնեալ է աստուած, և բարձր եղիցի աստուած փրկութեան իմոյ:

Աստուած է որ խնդրէ զվրէժ իմ, և հնազանդ առնէ զժողովուրդս ընդ ինեւ: Փրկիչ իմ ՚ի թշնամեաց իմոց բարկացողաց, յայնցանէ որք յարուցեալ են ՚ի վերայ իմ՝ բարձր արարեր զիս, և յառնէ անիրաւէ փրկեցեր զիս:

Վասն այսորիկ խոստովան եղէց քեզ ՚ի հեթանոսս, և անուան քում սաղմոս ասացից:

Մեծ արարեր զփրկութիւն թագաւորի նորա, առնել ողորմութիւն ընդ օծելոյ նորա դաւթի, և ընդ զաւակի նորա ազգէ մինչեւ յազգ:

Տունք ծ:

Կանոնս Փորդայս է: Սաղմոս Ժէ:

Տունք մլք:

ՅԵՐԵՄԻԱՍՅԱՆ ՄՈՎՍԷՍԻ ԵՒ ՈՐԴԻՈՅՆ ԻՍՐԱՅԷԼԻ

ԵԼԻԿ ԺԵ :

Օրհնեսցուք զտէր , զի փառօք է փառաւորեալ :

Ջհեծեալս և զերիվարս ընկէց 'ի ծով .  
•գնական ընդունելի իմ տէր , և եղեւ  
ինձ 'ի փրկութիւն :

Սա է իմ աստուած , և փառաւոր աստուծոս .  
աստուած հօր իմոց , և բարձր  
արարից զսա :

Տէր խորտակէ զպատերազմունս , և  
տէր է անուն նորա :

Ջընտիրս արանց և զընտիրս սպառազինաց ,  
զկառս և զերիվարս և զամենայն զօրութիւնս  
փարաւոնի ընկէց 'ի ծով :

Ծով ծածկեաց զնոսա . ընկլան յանդունդս  
խորոց իբրեւ զվէմս :

Աջ քո տէր՝ փառաւորեալ է զօրութեամբ  
իւրով , և աջ քո տէր՝ խորտակեաց  
զթշնամիս քո :

Եւ մեծութեամբ փառաց քոց ման-  
րեցեր զհակառակորդս քո, առաքե-  
ցեր զբարկութիւն սրտմտութեան  
քոց, և եկեր զնոսա որպէս զեղէզն =  
Հողում զօրութեան սրտմտութեան  
քո պատառեցան ջուրք, դիզան՝ կային  
որպէս պարիսպ քարեայ ջուրք ծո-  
վուն, և պաղեցան դիզան ալիք ջուրցն  
ի մէջ ծովուն =

Ասաց թշնամին, ասէ, հալածեցից՝  
հասից՝ հարից, բաժանեցից զաւարն,  
եւ լցուցից ՚ի նոցանէ զանձն իմ =

Ի սուր իմ արկից զնոսա, տիրեսցէ և  
բարձրասցի ՚ի վերայ նոցա աջ իմ =

Առաքեցեր զհողմն քո, և ծածկեաց  
զնոսա ծով, ընկղմեցան, և իջին որ-  
պէս կապար ՚ի ջուրս սաստիկս =

Ո՞ նմանի քեզ յաստուածս տէր, կամ  
ով նմանիցի քեզ՝ փառաւորեալք ՚ի  
սուրբս =

Աքանչելի փառաւորեալ՝ որ առնես  
զնշանս և զարուեստս, ձգեցեր զձեռն  
քո, և եկուլ զնոսա երկիր =

Առաջնորդեցեր արդարու թեամբ ժողովրդեան քո սյամ, զոր և փրկեցեր :  
Մխիթարեցեր զնոսա զօրու թեամբ քով  
'ի բանակեաղ սրբու թեան քո, լուան  
աղգք և բարկացան, և երկունք կա-  
լան զբնակիչսն փղշտացւոց :

Յայնժամ փութացան դատաւորք ե-  
ղովմայ և իշխանք մովաբացւոց :

Կալաւ զնոսա դողումն, հալեցան ա-  
մենայն բնակիչք քանանացւոց :

Անկցի 'ի վերայ նոցա ահ և դողումն,  
և 'ի զօրութենէ բաղկի քո քարասցին :

Մինչեւ անցցէ ժողովուրդ քո տէր,  
մինչեւ անցցէ ժողովուրդ քո սյս՝ զոր  
ստացար :

Տարեալ տնկեսցես զնոսա 'ի լերին ժա-  
ռանդութեան քոյ, 'ի սպարաստու-  
թիւն բնակութեան ժառանգու-  
թեան քոյ :

Զոր ստացար 'ի սկզբանէ տէր, ստա-  
ցար սրբութեամբ՝ զոր սպարաստե-  
ցին ձեռք քո, տէր թագաւոր յաւի-  
տեանս յաւիտենից, և եւս :

Զի եմուտ փարաւոնն կառօք և երի-  
վարօք և ընտիր սպառազինօք 'ի մէջ  
ծովուն ։

Եւ էաժ 'ի վերայ նոցա տէր զջուրս  
ծովուն . եւ որդիքն խարայելի գնացին  
ընդ ցամաք 'ի մէջ ծովուն ։  
Փառք հօր և որդւոյ և ։



ՄԱՂԹԱՆՔ

Քրիստոս է իմ աստուած , և փառա-  
ւոր առնեմ զսա , աստուած հօր ի-  
մոյ , և բարձր արարից զսա ։

Մարդասէր տէր , վասն սրբուհւոյ ա-  
նարատի մօր քոյ և կուսի , և վասն  
խաչի քո սպառուականի , տէր ընկալ  
զաղաչանա մեր , և կեցո զմեզ ։

Քարոզ եւ աղօթք Երանու և Իբրեւ կանոնացն .

Վասն 'ի վերուստ խաղաղութեան և  
փրկութեան անձանց մերոց զտէր ա-  
ղաչեսցուք ։ Տէր ողորմեա ։

Վասն լսելի լինելոյ տեառն աստու-

Ծոյ ճայնի աղաչանաց մերոց , զտէր աշ  
Վասն քաւիչ և ներող լինելոյ աստու  
ծոյ 'ի վերայ մեզաց մերոց , զտէր աշ  
Վասն թողլոյ մեզ զամենայն յանցանա  
մեր զկամայ և զանկամայ , զտէր աշ  
Վասն զի մի ընդ խոտանան գտանի  
ցիմք յաւուրն պատասխանատուու  
թեան , զտէր աղաչեսցուք :

Վասն հոգւոցն հանգուցելոց՝ որք ճըշ  
մարիտ և ուղիղ հաւատով 'ի քրիստոս  
ննջեցին , զտէր աղաչեսցուք :

Եւ եւս՝ միաբան վասն ճշմարիտ և  
սուրբ հաւատոյս մերոյ , զտէր աղաշ  
Ջանձինս մեր և զմիմեանս տեառն աս  
տու ծոյ ամենակալին յանձն արասցուք :  
Ողորմեաց մեզ տէր աստուած մեր  
ըստ մեծի ողորմու թեան քում , ասաս  
ցուք ամենեքեան միաբանու թեամբ :  
Տէր ողորմեա , տէր ողորմեա , տէր  
ողորմեա :

ԱՂՕԹԻՔ

Տէր տունջեան՝ և դոյացուցիչ գիշերոյ ,

որ արարեր զտիւ 'ի զբօսանա բարե-  
գործութեան 'ի փրկութիւնն անձանց  
մերոց, և զգիշեր 'ի հանգիստ քնոյ  
տկարացեալ բնութեան մերոյ: Իսկ  
այժմ զարթուցեալ բացեր զբերանս  
մեր յօրհնաբանութիւն՝ ահաւոր և  
փառաւորեալ անուանոյ քում սրբոյ:  
Ընկալ և այժմ զաղաչանս մեր, և յա-  
ջողեա մեզ ուղիղ հաւատով և առա-  
քինասէր վարուք 'ի նոյն սլաշտօն քո  
կանխել միշտ, և նովին կանոնիւս ան-  
դադար փառաւորել զհայր և զորդի  
և զսուրբ հոգիդ այժմ և միշտ և յա-  
տեանս յաւիտենից, ամէն:

Խաղաղութիւն ամենեցուն,  
• Աստուծոյ երկիրսպագեսցուք:

Զքեզ, որ յամենայնի գլխած և մար-  
դասէր տէրդ ես, սղաչեմք հանա-  
սլաղ, զի զօրացուցես զմեզ օր ըստ  
օրէ կալ 'ի կարգի կրօնաւորութեան  
մերում: Թեթեւացս տէր՝ զքաղցր  
լուծ քո՝ զոր եղեր 'ի վերայ մեր, զի

Կարասցուք կալ 'ի պատուիրանի քում,  
և զհաճոյսն առնել առաջի քո յամե-  
նայն ժամ 'ի տուէ և 'ի գիշերի: Հրեշ-  
տակային երգակցութեամբ զքեզ  
օրհնել, զքեզ գովել, և քեզ գոհու-  
թիւն և փառս մատուցանել ամենա-  
զօր տէրութեանդ այժմ և միշտ և  
յաւիտեանա յաւիտենից, ամէն:

ՄԱՂԹԱՆՔ


Սաղմոսիւք և օրհնութեամբ և եր-  
գօք հոգեւորօք անդադար փառաւո-  
րեմբ զհայր և զորդի և զսուրբ հոգիդ  
այժմ և միշտ և յաւիտեանա յաւի-  
տենից, ամէն:

Օրհնեալ տէր մեր յիսուս քրիստոս,  
ամէն:

Հայր մեր որ յերկինա:











ՄԱՂՄՈՍ ԺԸ.

Ի կատարած . Սաղմոս դաւթի :

**Ե**րկի՛նֆ պատմեն զփառս աստու-  
ծոյ, և զարարածս ձեռաց նորա  
պատմէ հաստատութիւն :

Օր աւուր բղխէ զբան, և գիշեր գի-  
շերի ցուցանէ զգիտութիւն :

Ոչ են բանք և ոչ են խօսք, որոց ոչ  
լին ձայնք նոցա :

Ընդ ամենայն երկիր ել բարբառ նո-  
ցա, և մինչեւ 'ի ծագս աշխարհի են  
խօսք նոցա :

Յարեւու եհար զխորանիւր, և ինքն  
որպէս փեսայ՝ զի ելանէ յառագաս-  
տէ իւրմէ, և ցնծայ նա որպէս հսկայ  
յրնթանալ զճանապարհս իւր :

Ի ծագաց երկնից են ելք նորա, և

Հանգիստ նորա մինչեւ 'ի ծագս նորուն, և ոչ ոք իցէ, որ թագիցէ 'ի տասպոյ նորա :

Օրէնք տեառն ամբիժ են, և դարձուցանեն զհոգիս, վկայութիւն տեառն հաւատարիմ է, և իմաստուն առնէ զտղայս :

Արդարութիւն տեառն ուղիղ է, և ուրախ առնէ զսիրտս, պատուիրանք տեառն լոյս են, և լոյս տան աչաց, երկիւղ տեառն սուրբ է, և մնայ յաւիտեան :

Դատաստան տեառն ճշմարիտ է, և արդար է 'ի նոյն :

Յանկալի է նա քան զոսկի և քան զահանա պատուականս բազումս, քաղցր է նա քան զմեղու խորիսիս :

Քանզի ծառայ քո պահեսցէ զայս, 'ի պահել նմա զհատուցումն բազում :

Զյանցուածս իւր ո՞վ կարէ առնուլ 'ի միտ, 'ի գաղտնեաց իմոց սուրբ արազիս տէր, և յօտարէն պահեսա զծառասա քո :

Ապա թէ ոչ տիրեսցեն ինձ , յայնժամ  
ամբիժ եղէց , և սուրբ եղէց 'ի մե-  
ղաց մեծաց :

Եղիցին քեզ հաճոյ բանք բերանոյ ի-  
մոյ , և խորհուրդք սրտի իմոյ առաջի  
քո յամենայն ժամ . տէր օգնական  
իմ և փրկիչ իմ :

Տունք ժդ :

Ս Ա Ղ Մ Ո Ս Ժ Թ .

Ի կատարած . Սաղմոս դաւթի :

Լուիցէ քեզ տէր յաւուր անձկու-  
թեան . օգնական եղիցի քեզ անուան  
աստուծոյ յակոբոյ :

Առաքեսցէ քեզ տէր օգնութիւն 'ի  
սրբութենէ իւրմէ , և 'ի սիօնէ ըն-  
կալցի դքեզ :

Յիշեսցէ տէր զամենայն պատարագս  
քո , և զուխտս քո ընդունելի արասցէ :  
Տացէ քեզ տէր ըստ սրտի քում , և զա-  
մենայն խորհուրդս քոնա կատարեսցէ :  
Յնծասցուք մեք 'ի փրկութեան քում .  
յանուն աստուծոյ մերոյ մեք մեծք ե-  
ղիցուք :

Լցուսցէ տէր զամենայն խնդրուածս  
քո . այժմ ծանեաք , զի կեցոյց տէր  
զօժեալ իւր :

Լուաւ սմա յերկնից 'ի սրբութենէ  
իւրմէ . 'ի զօրութիւնն փրկութեանն ա  
ջոյ իւրոյ :

Սոքա կառօք և սոքա երխաբար . այլ  
մէք զանուն տեառնն աստուծոյ մերոյ  
կարգասցուք :

Սոքա խափանեցան և անկան . մէք  
յարեաք և ուղիղք եղաք :

Տէր կեցո զթագաւորն , և լուր մեզ  
յաւուր յորում կարգասցուք առ քեզ :

Տունք ժ .

ՍՍ. ՂՄՈՍ Ի .

Ի կատարած . Մաղմոս զաւթի :

Տէր 'ի զօրութեանն քում ուրախ եղի  
ցի թագաւորն . 'ի փրկութեանն քում  
ցնծասցէ յոյժ :

Զցանկութիւնն սրտի նորա ետուր նմա ,  
և զկամս շրթանց նորա ոչ արգելեր  
'ի նմանէ :

Ժաման արարեր զնա յօրհնութիւն  
քաղցրութեան քոյ, և եղեր 'ի գլուխ  
նորա սլասկ 'ի քարէ սլատուականէ :  
Կեանա խնդրեաց 'ի քէն, և ետուր  
նմա ընդ երկայն աւուրս՝ յաւիտեանս  
յաւիտենից :

Մեծ են փառք նորա 'ի փրկութեան  
քում, զփառս մեծ վայելչութեան քո  
զիցես 'ի վերայ նորա :

Տացես զնա յօրհնութիւն յաւիտեանս  
յաւիտենից, և ուրախ արասցես զնա  
յուրախութեան երեսաց քոյ :

Թագաւոր յուսացաւ 'ի տէր, յողորմ  
ութենէ բարձրելոյն նամիսասանեսցի :  
Քտցի ձեռն քո 'ի վերայ թշնամեաց  
քոյ, և աջ քո գտցէ զամենայն աւ  
տելիս քո :

Ղիցես զնոսա որպէս հնոց 'ի հուր՝ 'ի  
ժամանակի երեսաց քոյ :

Տէր բարկութեամբ իւրով խռովե  
ցուցէ զնոսա, և հուր կերիցէ զնոսա :

Պտուղ նոցա յերկրէ կորիցէ, և զա  
ւակ նոցա յորդուց 'ի մարդկանէ :

Թոտորեցան 'ի քէն չարութեամբ, խոր-  
հեցան զխորհուրդ, զոր ոչ կարաս-  
ցեն հաստասել:

Արասցես զնոսա հալածեալս, 'ի մնա-  
ցումս քո պատրաստեցես զերեսս  
նոցա:

Բարձր լեր տէր 'ի զօրութեան քում,  
օրհնեսցուք, և սաղմոս ասացուք 'ի  
զօրութեան քում:

Տունք ժդ, Գորգայս Ը՛:

ՍՍ. ՂՄ ՈՍ ԻՍ.

Ի կատարած վասն առաւօտին օգնականութեանց.  
Սաղմոս դաւթի:

Աստուած աստուած իմ՝ նայեաց առ  
իս, ընդէք թողեր զիս, հեռի եղեր  
'ի փրկութենէ իմմէ վասն բանից յան-  
ցանաց իմոց:

Աստուած իմ, 'ի տուէ կարգացի առ  
քեզ, և ինձ ոչ լուար, 'ի գիշերի, և  
ինձ ոչ անասցեր:

Դու 'ի սուրբս բնակեալ ես, և գով-  
եալք իսրաւելի:



Ի. քեզ յուսացան հարբն մեր, յուսացան 'ի քեզ, և փրկեցեր զնոսա :

Առ քեզ աղաղակեցին և կեցին, 'ի քեզ յուսացան, և ոչ ամաչեցին :

Այլ ես որդն եմ, և ոչ եմ մարդ, նախատինք մարդկան, և արհամարհանք ժողովրդոց :

Ամենեքեան որք տեսանէին զիս, արհամարհէին զինեւ, խօսէին շրթամբք, և շարժէին զգլուխս իւրեանց :

Յուսացաւ 'ի տէր, և փրկեսցէ զնա, կեցուցէ զնա, զի կամի զնա :

Դու ես՝ որ հաներ զիս յարգանդէ, յոյս իմ 'ի ստեանց մօր իմոյ :

Ի. քեզ անկայ ես յարգանդէ, յորովայն մօր իմոյ դու ես աստուած իմ :

Մի 'ի բացեայ առնիր յինէն՝ զի նեղութիւնք մերձեալ են, և ոչ ոք է՝ որ օգնէ ինձ :

Շուրջ եղեն զինեւ զուարակք բազումք, և ցուլք գէրք պաշարեցին զիս : Բացին 'ի վերայ իմ զբերանս իւրեանց, որպէս առիւծ՝ զի մռնչէ և յախշաակէ :

Ես որպէս զջուր հեղայ, և ցրուեցան  
ամենայն ոսկերք իմ, և եղեւ սիրտ իմ  
որպէս մոմ հալեալ 'ի մէջ որովայնի իմոյ:  
Չորացաւ որպէս խեցի զօրութիւն  
իմ, լեզու իմ 'ի քիմս իմ կցեցաւ, և  
'ի հող մահու իջուցին զիս:

Շուրջ եղեն զինեւ շունք բազումք, և  
ժողովք չարաց պաշարեցին զիս:

Ծակեցին զձեռս իմ և զոտս իմ, և  
թուեցին զամենայն ոսկերս իմ, նոքա  
հայեցան և տեսին զիս:

Բաժանեցին զհանդերձս իմ 'ի մէջ իւ-  
րեանց, և 'ի վերայ պատմութեանի իմոյ  
վիճակս արկանէին:

Իու տէր մի հեռի առներ զօգնու-  
թիւն քո յինէն, և տէր յօգնել ինձ  
նայեաց:

Փրկեա 'ի սրոյ զանձն իմ, և 'ի ձեռաց  
չանց զմիամօրութիւն իմ:

Փրկեա զիս 'ի բերանոյ առիւծու, յեղ-  
ջերէ միեղջերու ի զխոնարհութիւն իմ:  
Պատմեցից զանուն քո եղբարց իմոց,  
և 'ի մէջ եկեղեցւոյ օրհնեցից զքեզ:

Երկիւղածք տեսաւն օրհնեցէք զտէր,  
և ամենայն զաւակն յակօբեան փառաւոր  
արասցեն զնա :

Երկիցէ 'ի տեսաւնէ ամենայն զաւակն  
խորայելի, զի ոչ արհամարհեաց և ոչ  
անարգեաց տէր զաղօթս աղքատի, և  
ոչ դարձոյց զերեսս իւր յինէն. այլ 'ի  
կարգալ խնում առ նա՝ լուաւ ինձ :  
Ի քէն է գովութիւն իմ տէր յեկեղեցիս  
մեծս օրհնեցից զքեզ :

Զուխտս իմ կատարեցից առաջի ամե-  
նայն երկիւղածաց նորա :

Կերիցեն տնանկք և յագեսցին. օրհ-  
նեսցեն զտէր՝ ոյք խնդրեն զնա :  
Կեցցեն սիրտք նոցա յաւիտեանս յա-  
ւիտենից, յիշեսցեն, և դարձցին առ  
տէր ամենայն ծագք երկրի :

Երկիրսպագցեն նմա ամենայն տոհմք ա-  
զանց, զի տեսաւն է արքայութիւն, և  
նա տիրէ 'ի վերայ ամենայն հեթա-  
նոսաց :

Կերին և երկիրսպագին նմա ամենայն  
սպարարտք երկրի. առաջի նորա անկ-

ցին ամենեքեան՝ որք իջանեն ՚ի հող :  
Անձն իմ նովաւ կեայ, և զաւակ իմ  
ծառայեսցէ նմա :

Պատմեսցի տեսուն ազգ՝ որ գալոցն է .  
պատմեսցեն զարդարութիւն նորա ժո-  
ղովրդեան, որ ծնանելոցն է՝ զոր ա-  
բար տէր :

Տունք ԼԲ .

ՍՍ. ՂՄ ՈՍ ԻԲ .

Ի կատարած . Սաղմոս դաւթի .

Տէր հովուեսցէ զիս, և ինձ ինչ ոչ  
պակասեսցի :

Ի վայրի դալարւոջ՝ անդ բնակեցոյց զիս,  
և առ ջուրս հանգստեան անոյց զիս :  
Գարձոյց զանձն իմ առիս, և առաջ  
նորդեաց ինձ ՚ի ճանապարհս արդա-  
թեան վասն անուան իւրոյ :

Թէպէտ և գնացից ես ՚ի մէջ ստուե-  
րաց մահու, ոչ երկեացց ՚ի չարէ, զի  
դու տէր ընդ իս ես :

Յուպ քո և զաւաղան՝ նորա մխիթա-  
րեսցեն զիս :

Պատրաստ արարեր առաջի իմ զսեղան՝  
ակն յանդիման նեղչաց իմոց :  
Օծեր իւզով զգլուխ իմ. բաժակ քո  
որպէս անասակ արբեցոյց զիս :  
Ողորմութիւն քո տէր զհետ իմ եկես,  
ցէ զամենայն աւուրս կենաց իմոց,  
բնակիլ ինձ 'ի տան տեառն ընդ եր-  
կայն աւուրս :

Տունք Ը :

ՍԱՂՄՈՍ ԻԳ .


Սաղմոս դաւթի . միաշարաթուն :

Տեառն է երկիր լրիւ իւրով . աշխարհ  
և ամենայն բնակիչք նորա :  
Նա ինքն 'ի վերայ ծովու հիմունա է  
արկ նմա , 'ի վերայ գետոց սպարաս-  
տեաց զնա :  
Ո՞վ ելցէ 'ի լեառն տեառն , կամ ո՞վ  
կացցէ 'ի տեղւոջ սրբութեան նորա :  
Որ սուրբ է ձեռքք և ամբիժ սրտիւ ,  
որ ոչ էառ զնանրութիւն յանձն իւր ,  
և ոչ երդուաւ ընդ ընկերի իւրում  
նենգութեամբ :

Սա առցէ զօգնու թիւն 'ի տեսանէ, զո-  
 ղորմու թիւն յաստու ծոյ փրկչէ իւրմէ :  
 Այս ազգ է՝ որ խնդրէ զտէր, խնդրէ  
 տեսանել զերեսս յաստու ծոյ յակօբայ :  
 Համբարձէք իշխանք զգրունս ձեր 'ի  
 վեր, համբարձցին գրունք յաւիտե-  
 նից, և մտցէ թագաւոր փառաց :  
 Ո՛վ է սա թագաւոր փառաց, տէր  
 հզօր զօրու թեամբ իւրով, տէր հզօր  
 'ի պատերազմի :

Համբարձէք իշխանք զգրունս ձեր 'ի  
 վեր, համբարձցին գրունք յաւիտե-  
 նից, և մտցէ թագաւոր փառաց :  
 Ո՛վ է սա թագաւոր փառաց, տէր զօ-  
 յու թեանց, սա ինքն է թագաւոր  
 փառաց :

Տունք ժ. Գորղայս ծ :



ՍՍ. ՂՄ ՈՍ ԻԴ.

Ի կատարած. Սաղմոս դաւթի :

Առ քեզ տէր համբարձի զանձն իմ,  
 աստուած իմ 'ի քեզ յուսացայ, մի ա-

մաշեցից . և մի ծիծաղեսցին զինեւ  
թշնամիք իմ :

Ամենեքեան որք համբերեն քեզ , մի  
ամաշեսցեն . այլ ամաշեսցեն անօրէնք  
յունայու թեան իւրեանց :

Զճանապարհս քո տէր ցոյց ինձ , և  
զչաւիղս քո ուսո ինձ :

Առաջնորդեա ինձ 'ի ճշմարտութեան  
քում և ուսո զիս , զի դու ես աստ  
ուած փրկիչ իմ , և ես քեզ համբերի  
զօրհանապաղ :

Յիշեա տէր զգթութիւնս քո և զո  
ղորմութիւնս քո , որք են յաւիտենից :  
Զմեղս մանկութեան իմոյ և զանգի  
տութեան իմոյ մի յիշեր . այլ յիշեա  
զիս տէր ըստ ողորմութեան քում վասն  
քաղցրութեան քոյ , զի քաղցր և  
ուղիղ ես :

Վասն այսորիկ օրէնագէտ առնես զմե  
ղաւորս 'ի ճանապարհի , առաջնորդեա  
հեզոց 'ի դատաստանի , և ուսուցանես  
հեզոց զճանապարհս քո :

Ամենայն ճանապարհք տեառն ողոր

մու թեամբ և ճշմարտութեամբ են  
այնոցիկ, ոյք խնդրեն զուխտ և զվկա-  
յութիւն նորա ։

Վասն անուան քոյ տէր քաւեա զմեղս  
իմ, զի բազում եղեն, ոմ է մարդ որ  
երկնչի 'ի տեառնէ, օրէնագէտ առնէ  
զնա 'ի ճանապարհի՝ յոր և հաճեցաւ ։

Անձն նորա 'ի բարութեան հանգիցէ,  
և զաւակ նորա ժառանգեսցէ զերկիր ։

Զօրութիւնէ տէր երկիւղածաց իւրոց,  
և զկտակարանա իւր ուսուցանէ նոցա ։

Աչք իմ յամենայն ժամ առ տէր են,  
և նա հանէ յորոգայթէ զոտս իմ ։

Նայեա առ իս և ողորմեա ինձ, զի  
միամօր և աղքատ եմ ես ։

Նեղութիւնք սրտի իմոյ բազում եղեն  
յոյժ, և 'ի վշտաց իմոց հան զիս ։

Տես զխոնարհութիւն իմ և զվաստակ  
իմ, և թող ինձ զամենայն զմեղս իմ ։

Տես զթշնամիսն իմ, զի բազում ե-  
ղեն, ատելութեամբ՝ ոչք 'ի նանիր  
ատեցին զիս ։

Պահեա զանձն իմ և փրկեա զիս, և մի



յամօթ եղէց, զի յուսացայ 'ի քեզ :  
Ամբիձք և ուղիղք կցորդք եղեն ինձ,  
և ես քեզ համբերի . փրկեա աստուած  
զիարայէլ յամենայննեղութեանց նորա :  
Տունք ժը :

ՄԱՂՄՈՍ ԻԵ .

Ի կատարած . Սաղմոս դաւթի :

Դատ արա ինձ տէր՝ զի ես յամբը-  
ծութեան խնում գնացի, 'ի տէր յու-  
սացայ՝ զի մի եղէց հիւանդ :  
Փորձեա զիս տէր և քննեա զիս, փոր-  
ձեա զերիկամունս իմ և զսիրտ իմ :  
Ողորմութիւն քո տէր առաջի աչաց  
խնոց, և հաճոյ եղէց ճշմարտութեան  
քում :  
Ոչ նատայց ես յաթուս նանրաց, և  
ընդ անօրէնս ես ոչ մտից :  
Ատեցի ես զժողովս չարաց, և ընդ  
ամբարիշտս ես ոչ նատայց :  
Լուացից սրբութեամբ զձեռս իմ, և  
չուրջ եղէց զսեղանով քով տէր :  
Լսել ինձ զձայն օրհնութեանս քո և

պատմել զամենայն սքանչելիս քո :  
Տէր սիրեցի զվայելչու թիւն տան քո ,  
և զտեղի յարկի փառաց քոց :  
Մի կորուսաներ ընդ ամբարիշտս զանձն  
իմ , և մի ընդ արս արիւնահեղս ըզ  
կեանս իմ :  
Որոց ձեռք իւրեանց յանօրէնու թեան  
են , և աջ նոցա լի է կաշառօք :  
Ես յամբծութեան իմում գնացի .  
փրկեա զիս տէր և ողորմեա ինձ :  
Ոան իմ կացցէ յուղղութեան , յեկե  
ղեցիս մեծս օրհնեցից զքեզ :

Տունք ժբ .

ՍՍ.ՂՄՈՍ ԻԶ .

Սաղմոս դաւթի . մինչչեւ օծեալ էր .

Տէր լոյս իմ և կեանք իմ՝ ես յուճմէ՞  
երկեայց . տէր ապաւէն կենաց իմոց՝  
ես յուճմէ՞՞ գողացայց :  
Ի մերձենալ առ իս չարաց ուտել զմար  
մին իմ , նեղիչք իմ և թշնամիք իմ՝  
նոքա տկարացան և անկան :  
Թէ պատրաստիցի 'ի վերայ իմ պատե

բազմ, ոչ երկիցէ սիրտ իմ, և թէ յարկիցէ 'ի վերայ իմ ճակատամարտ, սակայն և այսուիկ 'ի քեզ տէր յուսացայ: Զմի խնդրեցի 'ի տեառնէ՝ և զսոյն ազաչեմ, բնակիլ ինձ 'ի տան տեառն զամենայն աւուրս կենաց իմոց: Տեսանել ինձ զվայելչու թիւն տեառն, և հրաման տալ 'ի տաճարի նորա: Ծածկեաց զիս՝ 'ի խորանի իւրում յաւուր չարի, ընդ յարկաւ արար զիս 'ի ծածկոյթ խորանի իւրում: Ի վիմէ բարձր արարեր զիս, և այժմ բարձր արա զգլուխ իմ 'ի վերայ թըշնամեաց իմոց: Եւրջ եղէց՝ և մատուցից 'ի խորանի նորա պատարագ օրհնութեան, օրհնեցից և սաղմոս ասացից տեառն: Լուր տէր ձայնի իմում, զի կարդացի առ քեզ, ողորմեա ինձ և լուր ինձ, զի քեզ ասաց սիրտ իմ, և խնդրեցին երեսք իմ, զերեսս քո տէր խնդրեցին: Մի դարձուցաներ զերեսս քո յինէն, և մի խոտորիք բարկութեամբ 'ի ծա

ուայել քու մմէ :

Օգնական իմ լեր տէր , մի՛ անարգեր  
զիս , և մի՛ թողուր զիս աստուած  
փրկիչ իմ :

Հայր իմ և մայր իմ թողին զիս , և  
տէր իմ ընկալաւ զիս :

Օրէնագէտ արա զիս տէր 'ի ճանա-  
պարհի քում , և առաջնորդեա ինձ 'ի  
չաւիղս քո ուղիղս :

Վասն թշնամեաց իմոց , մի՛ մատներ  
զիս 'ի ձեռս նեղչաց իմոց :

Յարեան 'ի վերայ իմ վկայք մեղաց , և  
ստեցին ինձ յանօրէնութեան իւր-  
եանց :

Հաւատացի տեսանել զբարութիւն  
տեսառն յերկրին կենդանեաց . համբեր  
տեսառն և քաջալեցեաց , զօրացի սիրտք  
քո և համբեր տեսառն :

Տունք ժդ , Գորղայս [սզ ,



ՍՍ. ՂՄ ՈՍ Ի է .

Սաղմոս դաւթի :

Առ քեզ տէր կարգացի աստուած իմ ,

մի լուեր յինէն, մի երբէք լուիցես յինէն, նմանիցիմ այնոցիկ՝ ոյք իջանեն ՚ի գուբ ։

Լուր տէր ձայնի խնդրուածաց իմոց յաղաչել ինձ առ քեզ, ՚ի համբառնալ ձեռաց իմոց ՚ի տաճար սուրբ քո ։

Մի համարիր ընդ ամբարիշտս զանձն իմ, և մի ընդ այնոսիկ՝ ոյք գործեն զանօրէնութիւն, կորուսաներ զիս ։  
Ոյք խօսին զխաղաղութիւն ընդ ընկերս իւրեանց, և չարութիւն է ՚ի սիրտս նոցա ։

Տուր նոցա տէր ըստ գործոց նոցա, և ըստ անօրէնութեան գնացից նոցա հատո նոցա ։

Ըստ գործոց ձեռաց նոցա հատո նոցա՝ զհատուցումն նոցա նոցին ։

Ոչ իմացան նոքա զգործս տեառն, և ոչ ՚ի գործս ձեռաց նորա հայեցան, կործանեացես զնոսա, և այլ մի շինեսցին ։

Օրհնեալ է տէր՝ զի լուաւ ձայնի ազօթից իմոց, տէր օգնական իմ և պաշտպան իմ ։

Ինչո՞ւ յուսացաւ սիրտ իմ, օգտեցաւ  
և զուարճացաւ մարմին իմ, և ես կա-  
մօք խնովք խոստովան եղէց նմա :  
Տէր զօրութիւն ժողովրդեան իւրոյ,  
ապաւէն փրկութեան օժեւոյ իւրոյ :  
Փրկեա զժողովուրդս քո, և օրհնեա  
զժառանգութիւնս քո, հովուեա և  
բարձրացո զնոսա մինչեւ յաւիտեան :  
Տունք ժա .

Ս Ս Ղ Մ Ո Ս Ի Ը .

Մաղմոս դաւթի . օրհնութեանց նաւակատեաց  
տաճարին ,

Մատուցէք տեառն որդիք աստուծոյ,  
մատուցէք տեառն զորդիս խոյոց :  
Մատուցէք տեառն զփառս և զպա-  
տիւ, մատուցէք տեառն զփառս ան-  
ուան նորա, և երկիրպատէք տեառն  
ի սրահ սրբութեան նորա :  
Չայն տեառն ՚ի վերայ ջուրց՝ և աստ-  
ուած փառաց որոտաց, և տէր ինքն  
ի վերայ ջուրց բաղմաց :  
Չայն տեառն զօրութեանց, և ձայն  
տեառն մեծվայելչութեանց :

Չայն տեառն փշրէ զմայրս, և մանրէ  
տէր զմայրսն լիբանանու :

Մանրեսցէ զնոսա որպէս զմատաղա-  
տունկն լիբանանու, որ սիրելին է  
որպէս զորդիս միեղջերուի :

Չայն տեառն հատանէ զբոց 'ի հրոյ,  
ձայն տեառն շարժէ զանապատն, և  
խռովեցուցանէ տէր զանապատն կա-  
ղէս :

Չայն տեառն հաստատէ զեղջերուս, և  
յայտնի առնէ զանտառս :

Ի տաճարի նորա ամենեքեան առա-  
ցեն զփառս նորա :

Տէր զջրհեղեղս նստուցանէ և ցածու-  
ցանէ, թագաւորեսցէ տէր յաւիտեան :

Տէր զօրութիւն ժողովրդեան իւրոյ  
տացէ, և օրհնեսցէ զժողովուրդ իւր  
'ի խաղաղութիւն :

Տունք ժա :

Մ Ս Ղ Մ Ո Ս Ի Թ .

Սաղմոս դաւթի . 'ի նոյն :

Բարձր առնեմ զքեզ տէր, զի բնկա-  
լար զիս, և ոչ ուրախ արարեր զթըշ-

Նամին իմ յիս :

Տէր աստուած իմ՝ կարգացի առ քեզ ,  
և բժշկեցեր զիս . սէր հաներ 'ի գժո-  
խոց զանձն իմ , և փրկեցեր զիս յայն-  
ցանէ՝ որք իջանեն 'ի գուբ :

Սաղմոս ասացէք տեառն սուրբք նո-  
րա , և խոստովան եղերուք յիշատա-  
կի սրբութեան նորա :

Սրտմտութիւն է 'ի բարկութեան նո-  
րա , և կեանք են 'ի կամաց նորա :

Ընդ երեկոյս հանգիցեն լալիք , առա-  
ւօտու եղիցի ուրախութիւն :

Ես ասացի 'ի բարեկենդանութեան ի-  
մում , թէ ոչ սասանեցայց յաւիտեան :

Տէր 'ի կամս քո ետուր գեղոյ իմոյ զօ-  
րութիւն . դարձուցեր զերեսս քո յի-  
նէն , և ես եղէ խռովեալ :

Առ քեզ սէր կարգացի , և առ աստ-  
ուած իմ աղաղակեցի . զի՞նչ օգուտ  
է քեզ յարենէ իմմէ , թէ իջանեմ ես  
յապականութիւն :

Միթէ հող խոստովա՞ն առնիցի առ  
քեզ , կամ սպասմեացէ՞ գճմարտու-



Թիւնա .քո :

Լուաւ ինձ տէր և ողորմեցաւ , և տէր  
եղել և ինձ օգնական :

Գարձոյց զսուգ իմ յուրախութիւն ,  
էզերծ յինէն զքուրձ , և ինձ զգե-  
ցոյց զուրախութիւն :

Որպէս սաղմոս ասասցեն .քեզ փառք իմ ,  
և այլ մի ևս զղջացայց , տէր աստուած  
իմ յաւիտեան խոստովան եղէց .քեզ :

Տունք ժբ . Գորղայս ԼԳ :



ՍՍ. ԴՄՈՍ Լ .

Ի կատարած . նահատակութիւն գովութեան .  
Սաղմոս դաւթի :

Ի .քեզ տէր յուսացայ , մի տմաչեցից  
յաւիտեան , յարդարութեան քում  
փրկեա և ասրեցոյց զիս :

Խոնարհեցոյ առ իս զունկն .քո , վաղ-  
վաղեա կեցուցանել զիս :

Լեր իմ աստուած պաշտպան և տուն  
ապաւինի ասրեցուցանել զիս , զի  
հզօրիչ իմ և ապաւէն իմ դու ես :

Վասն անուան .քո տէր առաջնորդե-

ցեր ինձ, և սնուցեր զիս, և հանցես  
զիս յորոգայթէ յայսմանէ՝ որ թա-  
գուցաւ ինձ ։

Դու ես սլաշտպան իմ տէր, և 'ի ձեռս  
քո յանձն առնեմ զհոգի իմ ։

Փրկեցեր զիս տէր աստուած ճշմար-  
տութեամբ քով, ատեցեր զայնոսիկ՝  
ոյք սլահէն զերկիւղ 'ի սնոտիս ։

Ես 'ի տէր յուսացայ, ցնծացայց և ու-  
րախ եղէց 'ի փրկութեան քում ։

Զի հայեցար 'ի խոնարհութիւն իմ, և  
փրկեցեր 'ի վշտաց զանձն իմ, և ոչ  
մատնեցեր զիս 'ի ձեռս նեղչաց իմոց,  
և կացուցեր յանդորրու զոտս իմ ։

Ողորմեա ինձ տէր, զի նեղեալ եմ  
ես, խռովեցաւ 'ի սրտմտութենէ ակն  
իմ, անձն իմ և փոր իմ ։

Պակասեցան 'ի ցաւոց կեանք իմ, և  
ամբ իմ յոգւոց ելանելոյ ։

Աղքատացաւ 'ի տկարութենէ զօրու-  
թիւն իմ, և ոսկերք իմ խռովեցան ։  
Քան զամենայն թշնամիս իմ եղէ ես  
նախատ գրացեաց իմոց, յոյժ ահ և

Երկիւղ ծանօթից իմոց :

Ամենէքեան ոյք տեսանէին զիս , արտաքս փախչէին յինէն :

Մուացեալ եղէ ես որպէս մեռեալ 'ի սրաէ . և եղէ ես որպէս զանօթ կորուսեալ :

Զի լուայ ես զբամբասանս բաղմաց՝ որք շուրջ էին զինեւ . 'ի ժողովիլ նուցա՝ 'ի միասին առնուլ զանձն իմ խորհեցան . այլ ես 'ի քեզ տէր յուսացայ :

Ասացի՝ դու ես աստուած իմ , և 'ի ձեռս քո է ժառանգութիւն իմ :

Փրկեա զիս 'ի ձեռաց թշնամեաց իմոց , և 'ի հալածչաց իմոց :

Երեւեցս զերեսս քո 'ի ծառայս քո , ասրեցս զիս տէր ըստ ողորմութեան քում . տէր՝ մի՛ յամօթ եղէց , զի կարգացի առ քեզ :

Ամաչեացեն ամբարիշտք , և իջեն 'ի գոթիս . համբ եղիցին շրթունք նենգաւորք՝ ոյք խօսէին զարդարոյ զանիրաւութիւն , յամբարտաւանիլ և յանգոսնել իւրեանց :

Որպէս զի բազում է ողորմութիւն  
քաղցրութեան քոյ տէր, զոր պահե-  
ցեր երկիւղածաց քոց :

Արարեր դու այնոցիկ՝ ոյք յուսացեալ  
են 'ի քեզ, առաջի որդւոց մարդկան :  
Ամբացուցեր զնոսա 'ի ծածկոյթ երե-  
սաց քոց, 'ի խռովութենէ մարդկան :  
Ծածկեցեր զնոսա 'ի խորանի քում, 'ի  
հակառակութենէ լեզուաց :

Օրհնեալ է տէր, զի սքանչելիս արար  
ողորմութիւն իւր 'ի քաղաք ամուր :  
Ես ասացի 'ի զարմանալ իմում, թէ ըն-  
կեցայ ուրեմն յերեսաց աչաց քոց :  
Վասն այսորիկ լուար ձայնի աղօթից  
իմոց, յաղաղակել իմում առ քեզ :

Միրեցէք զտէր ամենայն սուրբք նո-  
րա, զի ստուգութիւն խնդրէ տէր,  
և հասուցանէ այնոցիկ՝ որք առա-  
ւել առնեն զամբարտաւանութիւն :  
Քաջալերացարուք և զորասցին սիրաք  
ձեր, ամենեքեան՝ ոյք յուսացեալ  
էք 'ի տէր :

ՍՍՂՄ ՈՍ ԼԱ.

Իմաստութիւն . Սաղմոս դաւթի :

Երանի , ում թողութիւն եղեւ մեղաց ,  
և ծածկեցան ամենայն յանցանք նորա :  
Երանի առն՝ որում ոչ համարի տէր  
զմեղս նորա , և ոչ գոյ նենգութիւն  
ի բերան նորա :

Լռեցի ես՝ և մաշեցան ամենայն ոս-  
կերք իմ , առ աղաղակել ինձ առ տէր  
զօրհանապազ ՚ի տուէ և ՚ի գիշերի :  
Ծանրացաւ ձեռն քո ՚ի վերայ իմ , դար-  
ձայ ՚ի թշուառութիւն՝ զի հարան  
յիս փուշք :

Զմեղս իմ ցուցից քեզ , և զանօրէնա-  
թիւնս իմ ոչ ծածկեցից ՚ի քէն :

Ասացի՝ թէ պատմեցից ինձէն զմեղս  
իմ , և դու թողցես զամենայն ամ-  
բարչտութիւնս մեղաց իմաց :

Վասն այսորիկ յաղօթս կացցեն առ քեզ  
ամենայն սուրբք ՚ի ժամ ընդունելի :  
Բայց միայն ՚ի ջուրցն հեղեղաց բազ-  
մաց , որք առ նոսա ինչ ոչ մերձեցին :

Գու ես ապաւէն իմ 'ի ներդու թե նէ  
յայսմանէ , որ շուրջ եղեն զինեւ :  
Յնծութիւն իմ փրկեա զիս յայնցա  
նէ՛ ոյք պաշարեցին զիս :

Իմաստուն արարից զքեզ և խելարուտ  
'ի ճանապարհ՝ յոր և գնացես , և  
հաստատեցից 'ի վերայ քո զաչս իմ :  
Մի լինիք որպէս զձիս և զՋորիս , զի  
ոչ գոյ 'ինոսա իմաստութիւն , 'ի սանձս  
և 'ի դանդանաւանդս ճմլեացես զկզակս  
նոցա՝ որք առ քեզ ինչ ոչ մերձեացին :  
Բազում տանջանք են մեղաւորաց ,  
բայց ոյք յուսան 'ի տէր , ողորմու  
թիւն տեսուն շուրջ եղիցի զնոքօք :  
Ուրախ եղերուք և ցնծացէք արդարք .  
'ի տէր պարծեցարուք ամենեքեան՝  
ոյք ուղիղ էք սրաիւք :

Տունք ժոյ . Կորդայս խոյ :

ՍՍ.ՂՄՈՍ ԼԲ .

Սաղմոս դաւթի :

Յնծացէք արդարք 'ի տէր , ուղղոց  
վայելէ օրհնութիւն , խոստովան եւ

դերուք տեառն օրհնութեամբ, տասն  
նաղեաւ սաղմոսարանաւ սաղմոս ա-  
սացէք նմա :

Օրհնեցէք զտէր յօրհնութիւն նոր՝  
զի բարի է, սաղմոս ասացէք նմա  
օրհնութեամբ :

Ուղիղ են սրտագամբ տեառն, և ամենայն  
գործք նորա հաւատովք են, և սիրէ զողորմութիւն և զիրաւունատէր :  
Ողորմութեամբ տեառն լի եղեւ երկիր,  
և բանիւ տեառն երկինք հաստատեցան,  
և հոգւով բերանոյ նորա ամենայն  
զօրութիւնք նոցա :

Ժողովեաց որպէս ՚ի տիկ զջուրս ծովու,  
և դնէ ՚ի խորս զգանձս իւր :  
Երկիցէ ՚ի տեառնէ ամենայն երկիր,  
և ՚ի նմանէ գողասցին ամենայն բնակիչք  
աշխարհի :

Զի նա՛ ասաց՝ և եղեն, ինքն հրամայեաց՝  
և հաստատեցան :

Տէր ցրուէ զխորհուրդս հեթանոսաց,  
անարգէ տէր զխորհուրդս ժողովրդոց,  
և արհամարհէ տէր զխորհուրդս

Իշխանաց :

Խորհուրդ տեսառն յաւիտեան մնայ, և  
խորհուրդ սրտինորա ազգէ մինչև յազգ :  
Երանի ազգի՝ որոյ տէր աստուած օգ-  
նական է նմա . ժողովուրդ զոր ընա-  
րեաց 'ի ժառանգութիւն իւր :

Յերկնից նայեցաւ տէր յամենայն որ-  
դիս մարդկան, 'ի սպասրաստ բնակու-  
թենէ իւրմէ հայեցաւ յամենայն բնա-  
կիչս աշխարհի :

Ո ստեղծ առանձին զսիրտս նոցա, 'ի  
միտ առնու զամենայն գործս նոցա :  
Ոչ թէ 'ի բազում զօրս իւր ասպրեցի  
թագաւոր, և ոչ հսկայ 'ի բազում  
զօրութեան իւրում :

Սուտ է ձի 'ի փրկութեան իւրում .  
'ի բազում զօրութեան իւրում ոչ ասպ-  
րեցուցանէ զհեծեալն :

Աչք տեսառն 'ի վերայ երկիւղածաց իւ-  
րոց, և ոչք յուսան յողորմութիւննորա :  
Փրկել 'ի մահուանէ զանձինս նոցա,  
և կերակրել զնոսա 'ի սովու :

Անձինք մեր համբերեցեն տեսառն,



զի օգնականն և պաշտպան մեր է :  
Ի նա ուրախ եղիցին սիրաբ մեր , և  
յանուն սուրբ նորա յուսացուք :  
Եղիցի ողորմութիւնքս տէր 'ի վերայ  
մեր , որպէս յուսացաք 'ի քեզ :  
Տունք ժթ :

ՍՍ. ՂՄ ՈՍ ԼԳ .

Սաղմոս դաւթի . 'ի ժամանակի զի այլազունեաց զերևաս  
իւր առաջի արիմնելքայ , եւ սպա արձակեաց զնա ,  
և զնաց :

Օրհնեցից զտէր յամենայն ժամ , յա  
մենայն ժամ օրհնութիւնն նորա 'ի բե  
րան իմ :

Ի տէր պարծեսցի անձն իմ , լուիցեն  
հեզք , և ուրախ եղիցին :

Մեծ արարէք զտէր ինեւ , և բարձր  
արասցուք զանունն նորա 'ի միասին :

Խնդրեցի 'ի տեսունէ և լուաւ ինձ , յա  
մենայն նեղութենէ իմմէ փրկեաց զիս :

Մատիք առ տէր՝ և առէք զլոյս , և  
երեսք ձեր մի՛ ամաչեսցեն :

Այս աղբատ կարդաց առ տէր , և  
տէր լուաւ տմա , յամենայն նեղու

Թե՛նէ սորա փրկեաց զսա :

Քանակք հրեշտակաց տեսառն շուրջ  
են զերկիւղածովք իւրովք, և սլա-  
հեն զնոսա :

Ճաշակեցէք և տեսէք՝ զի քաղցր է  
տէր, երանեալ է այր՝ որ յուսայ ՚ի նա :  
Երկերուք ՚ի տեսառնէ ամենայն սուրբք  
նորա . զի ոչինչ է պակասութիւն  
երկիւղածաց նորա :

Մեծամեծք աղքատացան և քաղցեան .  
բայց ոչք խնդրեն զտէր՝ մի՛ պակա-  
սեսցի ՚ի նոցանէ ամենայն բարութիւն :  
Եկայք օրդեակք իմ լուարուք ինձ,  
և զերկիւղ տեսառն ուսուցից ձեզ :  
Ո՛վ է մարդ՝ որ կամի զկեանա, սիրէ  
զաւուրս իւր տեսանել ՚ի բարութեան :  
Լռեցո զլեզու քո ՚ի չարութեանէ, և  
չրթունքքո մի՛ խօսեսցի զնենդութիւն :  
Խոտորեա ՚ի չարէ և արա զբարի,  
խնդրեա զխաղաղութիւն և երթ  
զհետ նորա :

Աչք տեսառն ՚ի վերայ արդարոց, և ա-  
կանջք նորա ՚ի վերայ աղօթից նոցա :

Երեսք տեառն 'ի վերայ չարագործաց,  
սատակել յերկրէ զյիշատակս նոցա =  
Կարգացին արդարքն առ տէր, և տէր  
լուաւ նոցա, յամենայն նեղութենէ  
նոցա փրկեաց զնոսա =

Մերձ է տէր առ այնոսիկ՝ որք մաշ-  
եալ են սրտիւք, և զխոնարհս հոգւով  
կեցուցանէ =

Բազում նեղութիւնք են արդարոց.  
յամենայնէ փրկէ զնոսա տէր, և սլա-  
հէ զամենայն ոսկերս նոցա և մի 'ի նա-  
ցանէ մի փշրեսցի =

Մահ մեղաւորին չար է, բայց որ ա-  
տէ զարդարն, զղջացի =

Փրկէ տէր զանձինս ծառայից իւրոց,  
մի զղջացին ամենեքեան ոչք յուսա-  
ցեալ են 'ի նա =

Տունք իա : Գորղայս իս :

ՍՍ. ՂՄՈՍ ԼԴ.

Ի կառարամ . Սաղմոս դաւթի :

Ղատեա տէր զայնոսիկ՝ ոչք գատեն  
զիս, մարտիր ընդ այնոսիկ՝ որք մար-

տընչին ընդ իս :

Առ զդէն և զասպար քո , և արի յօգնել ինձ . հան զսուր քո ընդդէմ հալածչաց իմոց , արգել զնոսա . և սաս գու ցանձն իմ՝ թէ փրկութիւն քո ես եմ :

Ամաչեացեն և յամօթ լիցին՝ ոյք խընդրէին զանձն իմ . դարձցին յետս և ամաչեացեն , ոյք խորհէին ինձ չար : Եղիցին նոքա որպէս փաշի առաջի հողմոց , և հրեշտակ տեառննեղեցէ զնոսա : Եղիցին ճանասպարհք նոցա ՚ի խաւար և ՚ի գայթակղութիւն , և հրեշտակ աստուծոյ հալածեցէ զնոսա :

Ի նանիր թագուցին ինձ որոգայթ յապականութեան իւրեանց , և ՚ի նանիր նախատեցին զանձն իմ :

Հասցէ ՚ի վերայ նոցա որոգայթ՝ զոր ոչ գիտացին , և որսն՝ զոր թագուցին , առցէ զոսա նոցա , և յորոգայթ ՚ի նոյն անկցին :

Այլ անձն իմ ցնծացէ ՚ի տէր , ուրախ եղիցի ՚ի փրկութեան նորա . և

ամենայն ոսկերք իմ ասասցեն , տէր՝ ո՞  
նման է քեզ :

Զի փրկեաց զաղքատն 'ի ձեռաց հզօ-  
րի , զաղքատն և զտնանկն յայնցանէ՝  
որք յափշտակեն զնա :

Յարեան 'ի վերայ իմ վկայք չարաց ,  
և զոր ինչ ոչ գիտէի՝ հարցանէին ցիս :  
Հատուցին ինձ չար փոխանակ ընդ-  
բարւոյ , անժառանգել զանձն իմ խոր-  
հեցան յորդւոց 'ի մարդկանէ :

Ես 'ի նեղել նոցա քուրձ զգե՛նուի ,  
խոնարհ առնէի պահօք զանձն իմ , և  
աղօթք իմ 'ի ծոց իմ դարձցին :

Որպէս զեղբայր և զընկեր՝ այսպէս  
հաճոյ լինէի , որպէս զսգաւոր և ըզ-  
տրտում , այնպէս խոնարհ առնէի :

Ի վերայ իմ ուրախ եղեն՝ և ժողովե-  
ցան , ժողովեցան յիս տանջանք , և ես  
ոչ ծանեաց , ցրուեցան , և ոչ զղջացան :  
Փորձեցին զիս՝ և արհամարհեցին ար-  
համարհանօք , կրճտեցին 'ի վերայ իմ զա-  
տամու՛նս իւրեանց , տէր երբ տեսցես :  
Իբաց արա զանձն իմ 'ի խորամանկու-

Թե՛նէ նոցա, և յառիւծուց զմիա,  
մօրու թիւն իմ:

Խոստովան եղէց քեզ տէր՝ յեկեղեցիս  
մեծս, և ՚ի ժողովս բազմաց օրհնեցից  
դքեղ:

Մի ուրախ եղիցին յիս թշնամիք իմ, ոյք  
ատէին զիս ՚ի տարապարտուց ակն  
արկի առնէին յիս աչօք իւրեանց:

Ընդ իս զխաղաղութիւն խօսէին, և  
ինքեանք բարկութեամբ զնենգու  
թիւն խորհէին:

Բացին ՚ի վերայ իմ զբերանս իւրեանց,  
և ասացին՝ այո՛ այո՛ տեսին աչք մեր:  
Տեսեր տէր՝ և մի՛ լուեր, տէր՝ մի՛ ՚ի  
բացեաց առնիր յինէն:

Զարթիր և հայեաց տէր՝ յիրաւունս իմ,  
աստուած իմ և տէր իմ ՚ի դատաստանս  
իմ, և իրաւ արա ինձ ըստ արդարու  
թեանս քում, տէր աստուած իմ:

Մի ուրախ եղիցին յիս թշնամիք իմ,  
և մի՛ ասացեն ՚ի սիրտս իւրեանց՝ թե՛  
վաշ վաշ անձանց մերոց, զի ընկլուզաք  
զնա:

Ամաչեսցեն և յամօթ լիցին՝ ոյք խնդան  
ընդ չար իմ. զգեցցին զամօթ և զա-  
նարգանս՝ ոյք մեծաբանեն՝ ՚ի վերայ իմ:  
Ցնծասցեն և ուրախ լիցին ՚ի քեզ ա-  
մենեքեան, ոյք կամին ընդ արդա-  
բութիւն իմ:

Ասասցեն յամենայն ժամ, մեծ է աստ-  
ուած. և ոյք կամին զխաղաղութիւն  
ծառայի քո:

Լեզու իմ խօսեսցի զարդարութիւնս  
քո, զօրհանապաղ զգովութիւնս քո:  
Տունք ի է,

ՍՍ. ՂՄ ՈՍ ԼԵ.

Ի կատարած, ծառայի տեառն. Սաղմոս դաւթի:

Ասէ անօրէնն ՚ի մեղանչել ընդ միտս  
իւր, թէ չիք երկիւղ աստուծոյ ա-  
ռաջի աչաց նորա:

Նենգեաց առաջի նորա, գտանել զա-  
նօրէնութիւն, և ատել զնա:

Բանք բերանոյ նորա անօրէնութիւն  
և նենգութիւն են:

Ո չ կամեցաւ նա իմանալ զբարի. զա-

նօրէնու թիւն խորհեցաւ յանկողնի  
իւրում :

Եկաց նա յամենայն ճանապարհ , որ ոչ է  
բարի՝ և ՚ի չարէ նա ոչ ճանձրացաւ :

Տէր՝ յերկինս է ողորմութիւն քո ,  
ճշմարտութիւն քո մինչեւ յամպս :

Արդարութիւն քո որպէս լերինք աստ-  
ուած . իրաւունք քո որպէս խորք բա-  
զումք . զմարդիկ և զանասուն կեցու-  
ցանես դու տէր :

Որպէս զի բազում արարեր զողորմու-  
թիւն քո աստուած , այլ որդիք մարդ-  
կան ՚ի հովանի թեւոց քոց յուսասցին :

Արբեսցին նոքա ՚ի պարարտութենէ  
տան քո , և զուղիս փափկութեան

քո տացես ըմպել նոցա :

Ի քէն է տէր ազբիւր կենաց , և լու-  
սով երեսաց քոց տեսանեմք զլոյս :

Ծագեսա զողորմութիւնս քո՝ ոյք ճա-  
նաչեն զքեզ , զարդարութիւնս քո՝

ոյք ուղիղ են սրտիւք :

Մի եկեսցեն ՚ի վերայ մեր ոտք ամ-  
բարտաւանից , և ձեռք մեղաւորաց




մի գողացուցեն զմեզ :

Անդ անկցին ամենեքեան՝ ոյք գործեն զանօրէնութիւն . մերժեցին և այլ մի կարացեն հաստատիլ :

Տունք ժգ . Գորղայս խ :

Կանոնս Գորղայս է . Սաղմոս ժը . Տունք մզ :



ՕՐՀՆՈՒԹԻՒՆ ՄԵԾԻՆ ՄՈՎՍԷՍԻ ԱՍՏՈՒԱԾԱՏԵՍ  
ՄԱՐԳԱՐԷԻ :

Բ. Օրինաց լք :

Նայեցարուք երկինք և խօսեցայց .  
լուիցէ երկիր զպատգամս բերանոյ իմոց :  
Ընդունելի լիցի որպէս անձրեւ բարբառ  
իմ , և իջցեն որպէս ցօղ պատգամք իմ :  
Որպէս անձրեւ ՚ի վերայ սիզոյ , որպէս  
տարափ ՚ի վերայ խոտոյ . զի զանուն  
տեառն կարգացուք , և տուք օրհն  
նութիւն տեառն աստուծոյ մերոյ :

Աստուած՝ որոյ ճշմարտութեամբ են  
գործք նորա , և ամենայն ճանապարհք  
նորա իրաւամբք են :

Աստուած հաւատարիմ է , և ոչ գոյ

՚ի նմա անիրաւ ու թիւն, արդար և ճշմարիտ է տէր :

Մեղան՝ և ոչ նմա որդիքն արատոյ, ծնունդք խոտորեալք և թիւրեալք :

Ոչ այդ այն է՝ զոր տեառն հատուցանէիք դուք՝ ժողովուրդք յիմարք և ոչ իմաստունք :

Ոչ սա ինքն է հայր քո՝ որ ստացաւ զքեզ, արար զքեզ, և ստեղծ զքեզ : Յուշ լիցին քեզ աւուրքն յաւիտենից . իմացարուք զամս ազգաց մինչեւ յազգս : Հարցըիր դու ցհարս քո, և պատմեսցեն քեզ : ցծերս քո, և ասացեն քեզ : Ի ժամանակի՛ յորժամ բաժանեաց բարձրեալն զազգս ամենայն, որպէս սիռեաց նա զորդիսն ադամայ :

Կացոյց զսահմանս հեթանոսաց ըստ թուոյ հրեշտակաց աստուծոյ :

Եղեւ բաժին տեառն ժողովուրդ իւր յակոբ, և վիճակ ժառանգութեան իւրոյ իսրայէլ :

Բաւական եղեւ նմա յանապատի, ՚ի ծարաւ տօթոյ յանջրդւոջ պաշտպա-

Նեապ զնա :

Խրատեաց զնա , և պահեաց որպէս  
բիբ ահան . որպէս զարծուի 'ի թեւս  
իւր ընկալաւ զնա , և որպէս 'ի վերայ  
ձագուց իւրոց գթացաւ :

Տարածեաց զթեւս իւր , և ընկալաւ  
զնա . և բարձեալ բերէր զնա 'ի վե-  
րայ միջնողաց իւրոց :

Տէր միայն ածէր զնոսա , և ոչ գոյր  
ընդ նոսա աստուած օտար :

Էած եհան զնոսա 'ի զօրութիւնս երկ-  
րի , և կերակրեաց զնոսա արդեամբ  
անդաստանաց :

Պիեցոյց նոցա մեղր 'ի վիմէ , և իւղ  
յապառած վիմէ :

Իւղ կովուց և կաթն մաքրեաց , ճար-  
պով հանդերձ խոյոց որթուց՝ ցլուց  
և նոխաղաց :

Ջպարարտութիւն երիկամանց ցորե-  
նոց , և զարիւն խաղողոց էարբ գինի :  
Եկեր յակովբ և յագեցաւ , և ան-  
գուշեաց զսիրելին :

Պիրացաւ ստուարացաւ լայնացաւ , ե-

Թող զտէր աստուած զարարիչ իւր, և  
յէտա եկաց յաստուծոյ փրկչէ իւրմէ :  
Բարկացուցին զիս օտարօտիւք իւրեանց,  
և կռովք իւրեանց դառնացուցին զիս :  
Զոհեցին զիւաց՝ և ոչ աստուծոյ, զիցն՝  
զորս ոչ գիտէին, նորք և առժամայնք,  
զորս բնաւ ոչ ճանաչէին հարք նոցա :  
Թողին զտէր՝ որ ծնաւ զնոսա, մոռացան  
զաստուած՝ որ կերակրեաց զնոսա :  
Ետես տէր և նախանձեցաւ, և սրամը-  
տեցաւ ՚ի վերայ ուստերաց և գատե-  
րաց նոցա, և ասէ :

Դարձուցից զերեսս իմ ՚ի նոցանէ, և  
ցուցից նոցա զինչ լինելոց իցէ յասլայ  
ժամանակի :

Զի ազգ մի թիւր են նոքա՝ և սրդիք  
անհաւանք, նոքա նախանձեցուցին  
զիս ՚ի չաստուածս իւրեանց, և դառ-  
նացուցին զիս ՚ի կռուս իւրեանց :

Արդ և ես նախանձեցուցից զնոսա  
յազգ անպիտան, և անմիտ ազգաւ  
զկծեցուցից զնոսա :

Փառք հօր և սրդւոյ և :



ՄԱՂԹԱՆՔ

Տուք փառս աստուծոյ, տուք օրհնութիւն մարդասիրին թագաւորին յաւիտենից, որ փրկէ զժառայս իւր և կեցուցանէ :

Մարդասէր տէր, վասն սրբուհւոյ անարատի մօր քոյ և կուսի, և վասն խաչի քոյ պատուականի, ընկալ զազաչանս մեր և կեցո զմեզ :

Քարոզ ևւ աղօթք՝ երկն և երկր և Տէր աշխարհ  
կանոնացն :

Վասն 'ի գիշերի և 'ի տունջեան և յամենայն ժամու խօսիլ մեզ զբան տեառն զտէր աղաչեսցուք : Տէր ողորմես :

Վասն չանկաներոյ մեզ 'ի փորձութիւն, որում ոչ կարեմք հանդուրժել, զտէր աղաչեսցուք :

Վասն ամբիծ և անդատապարտ կալ մեզ առաջի ահեղ ատենին քրիստոսի, զտէր աղաչեսցուք :

Վասն առաջնորդերոյ մեզ 'ի նաւա

Հանգիստն կենաց անսխաճանից , զտէր  
աղաչեսցուք :

Վասն արժանի լինելոյ մեզ վերին կոչ-  
մանն և երկնից արքայութեանն , զտէր  
աղաչեսցուք :

Վասն Հոգւոցն Հան : Եւ եւս միա-  
բան : Զանձինս : Ողորմեաց :

ԱՂՕԹԻ

Ի գիշերի և 'ի տունջեան և յամենայն  
ժամու զքեզ աղաչեմք , և 'ի քէն խընդ-  
րեմք մարդասէր տէր : Լուր մեզ աստ-  
ուած փրկիչ մեր . խոնարհեսցի ունկն  
քո 'ի խնդրուածս մեր , զի մի ունայն  
լիցին վաստակք ծառայից քոց , այլ հա-  
մարեա զաշխատութիւնս մեր 'ի գործ  
արդարութեան և 'ի պտուղ աստուած-  
պաշտութեան : Ընկալ տէր՝ զաղօթս  
և զերկրպագութիւնս մեր , և հատու  
մեզ զողորմութիւն քո առատապէս .  
ծածկեա զմեզ ընդ հովանեաւ ամե-  
նազօր աջոյ քո . զօրացո զմեզ տէր՝  
զօրութեամբ սուրբ Հոգւոյդ , սկսեա

դմեղ որպէս բիբ ական։ Եւ արա առ  
մեղ նշան բարի՝ի գովեստ և ՚ի փառա-  
բանութիւն անուանող քում սրբոյ։  
Զի ՚ի քո փառս կատարի ամենայն ա-  
րարածոց մշտնջենաւոր փառաբանու-  
թիւն ՚ի բարձունս, հօր և որդւոյ և  
հոգւոյն սրբոյ, այժմ և միշտ և յաւի-  
տեանս յաւիտենից, ամէն։

Խաղաղութիւն ամենեցուն։

Աստուծոյ երկիրպագեսցուք։

Հովիւ քաջ՝ հովիւ բարի և յաւիտե-  
նական, նայեաց և այց արա բանաւոր  
հօտի քո, զոր ժողովեցեր առ քեզ գը-  
թութեամբ քով։ Զի քո առաջի կամք  
տէր, և առ ՚ի քէն ողորմութեանցդ  
և գթութեանցդ ակնունիմք։ Զամե-  
նեսեան օրհնեա, զամենեսեան իմաստ-  
նացո, զամենեսեան լուսաւորեա, և  
ամենեցուն պարգեւեա զերկնից ար-  
քայութիւնդ։ Ասան զի դու ես տէր  
կենաց և աստուած ողորմութեանց,  
և քեզ վայելէ փառք իշխանութիւն


և պատիւ , այժմ և միշտ և յաւիտեանս  
յաւիտենից . ամէն :

ՄԱՂԹԱՆԲ


Ի գիշերի և 'ի տունջեան և յամենայն  
ժամու անդադար փառաւորեմք զհայր  
և զորդի և զսուրբ հոգիդ , այժմ և  
միշտ և յաւիտեանս յաւիտենից . ա-  
մէն :

Օրհնեալ տէր մեր յիսուս քրիստոս .  
ամէն :

Հայր մեր որ յերկինս :











ՄՍ. ՂՄ ՈՍ 12.

Սաղմոս դաւթի:

**Մ**ի՛ նախանձիր ընդ չարս, և մի  
ընդ այնտսիկ՝ ոյք գործեն զանօ-  
րէնութիւն:

Զի որպէս խոտ վաղվաղակի ցամա-  
քեացին, որպէս զգալարի խոտոյ վաղ-  
վաղակի տնցցեն:

Յուսա՛ ՚ի տէր, և արա զքաղցրու-  
թիւն. բնակեա յերկրի, և հալուեա-  
ցիս ՚ի մեծութեան նորա:

Ժտեա՛ ՚ի տեառնէ, և նա տացէ քեզ  
զխնդրուածս սրտի քո. յայանեա ա-  
ռաջի տեառն զճանապարհս քո, և  
յուսա ՚ինա:

Նա արասցէ և հանցէ որպէս զլոյս  
զարդարութիւնս քո, և զիրաւունս

քո որպէս զօր հասարակ :

Հնազանդ լեր տեառն՝ և ծառայեա  
նմա, և մի՛ նախանձիր ընդ այնոսիկ՝ ու  
րոց առակեալ իցեն ճանապարհք իւր  
եանց ընդ մարդոյ՝ որ գործէ զանօրէ  
նութիւն :

Լռեա՛ ՚ի բարկութենէ, և հանգիր ՚ի  
սրտամտութենէ, և մի՛ նախանձիր ընդ  
չարս :

Ձի չարք վաղվաղակի սատակեսցին,  
բայց ոչք համբերեն տեառն, նոքա  
ժառանգեսցեն զերկիր :

Փոքր մի և այլ ոչ եւս իցէ ամբարիշտն,  
խնդրեսցես զտեղի նորա, և ոչ գըտ  
ցես :

Այլ որ հեզքն են՝ նոքա ժառանգես  
ցեն զերկիր, և փափկասցին ՚ի բազում  
խաղաղութեան իւրեանց :

Սպասէ մեղաւորն արդարոյ, և կրճը  
տէ ՚ի վերայ նորա զատամու՛նա իւր,  
այլ տէր ծիծաղեսցի զնովաւ :

Քանզի յառաջագոյն տեսանէ, զի հա  
սեալ է օր նորա :

Սուր Հանին մեղաւորք, և լարեցին  
զողեղունա իւրեանց՝ Հարկանել զաղ-  
քաան և զանանկն, տպանանել զայն՝  
որ խանարհն է սրտիւ :

Սուրք նոցա մտցեն 'ի սիրտս նոցա,  
և աղեղունք նոցա փշրեացին :

Լաւ է սակաւիկ ինչ արդարոյ, քան  
զբողում մեծութիւն մեղաւորաց. և  
բազուկք ամբարշտաց խորտակեցին :  
Հաստատէ տէր զարդարս, և ճանաչէ  
զաւուրս ամբժից, ժառանգութիւն  
նոցա յաւիտեան եղիցի :

Մի ամաչեցեն նորա 'ի ժամանակս չա-  
բութեան, այլ յաւուրս սովու յա-  
զեցին :

Ահա՛ մեղաւորք կորիցեն, այլ թշնա-  
միք տեառն 'ի փառաւորիլ և 'ի բարձ-  
րանալ իւրեանց սլակասեցին որսէս  
ծուխ՝ զի սլակասի :

Փոխ առնու մեղաւորն, և ոչ հատու-  
ցանէ, այլ որ արդարն է, ողորմի և տայ :  
Ոյք օրհնեն զտէր, ժառանգեցեն  
զերկիր. և ոյք անիծանեն, սատա-

կեցցին 'ի նմանէ :

Ի տեառնէ ուղղին գնացք առն . զճա-

նասարհս նորա նա կամի յոյժ :

Թէպէտ և գայթակղեցի , նա մի կոր-  
ծանեցի , զի տէր ձեռնկարու է նորա :

Մանուկ էի ես և ծերացայ , և ոչ տե-  
սի զարդարն արհամարհեալ , և ոչ զա-  
ւակ նորա՝ թէ մուրանայ հաց :

Զօրհանապազ ողորմի և տայ փոխ , զա-  
ւակ նորա օրհնեալ եղիցի յաւիտեանս :  
Խոտորեա 'իչարէ և արազբարի . և բնա-  
կեցցիս յաւիտեանս յաւիտենից 'ի նմա :  
Տէր սիրէ զիրաւունս , և ոչ ընդ վայր  
հարկանէ զսուրբս իւր . այլ յաւիտեանս պահէ զնոսա :

Անօրէնք հալածեցցին 'ի միասին , և  
զաւակք ամբարշտաց սատակեցցին :

Այլ արդարք ժառանգեցեն զերկիր ,  
և բնակեցցին յաւիտեանս յաւիտե-  
նից 'ի նմա :

Բերան արդարոյ խորհի զիմաստու-  
թիւն , և լեզու նորա խօսեցի զի-  
բուռ ունիս :

Օրէնք աստուծոյ իւրոյ են 'ի սրտի իւրում, և մի՛ գայթակղեսցին գնացք նորա :

Հայի մեղաւորն ընդ արդար, և խնդրէ սպանանել զնա, այլ տէր ոչ թողու զնա 'ի ձեռս նորա, և ոչ դատապարտէ զնա յորժամ դատէ զնա :

Համբէր տեառն և պահեա զճանապարհս նորա, և բարձր արասցէ ըզքեզ 'ի ժառանգել զերկիր, և զսատակումն մեղաւորաց տեսցես :

Տեսի զամբարիշտն վերացեալ և բարձրացեալ որսէս զմայրսն լիբանանու : Անցի և ահա ոչ էր. խնդրեցի, և ոչ գտաւ տեղի նորա :

Պահեա զամբծութիւն, և տես զուղղութիւն, զի գոն մնացուածք սուն խաղաղարարի :

Անօրէնք հալածեսցին 'ի միասին, և զաւակք ամբարշտաց կորիցեն :

Փրկութիւն արդարոց 'ի տեառնէ է. վերակացու է նոցա 'ի ժամանակս նեղութեան :

Օգնեսցէ նոցա տէր , և փրկեսցէ զնոս  
սա , սալրեցուսցէ 'ի մեղաւորաց , և  
կեցուսցէ զնոսա զի յուսացան 'ի նա :

Տունք 1Ը :

Ս Ս Ղ Մ Ո Ս Լ է .

Սաղմոս դաւթի . առ 'ի յիշատակ շաբաթու :

Տէր մի՛ սրտմտութեամբ քով յանդի-  
մաներ զիս , և մի՛ բարկութեամբ քով  
խրատեր զիս :

Զի՛ նեաք քո հարան յիս , և յիս հաս-  
տատեցաւ ձեռն քո :

Ոչ գոյ բժշկութիւն մարմնոյ իմոյ յե-  
րեսաց բարկութեան քոյ :

Ոչ է խաղաղութիւն ոսկերաց իմոյ  
յերեսաց մեղաց իմոց :

Անօրէնութիւնք իմ բարձրացան քան  
զգլուխ իմ , որպէս բեռն ծանր ծան-  
րացան 'ի վերայ իմ :

Նեխեցան և փաեցան վէբք իմ յե-  
րեսաց անողամութեան իմոյ :

Տառապեցայ և խոնարհ եղէ մինչեւ  
յոյժ , զօրհանասպաղ տրտում գնայի ,



զի անձն իմ լի եղեւ չարչարանօք, և  
ոչ գոյ բժշկութիւն մարմնոյ իմոյ =  
Չարչարեցայ և խոնարհ եղէ մինչեւ  
յոյժ, մունչէի առ հեծութեան սրտի  
իմոյ =

Տէր առաջի քո է ամենայն ցանկութիւն իմ, և հեծութիւն իմ 'ի քէն  
ոչ ծածկեցաւ =

Սիրտ իմ խռովեցաւ յիս, և եթող  
զիս զօրութիւն իմ, լոյս աչաց իմոց,  
և այս ոչ եղեւ ընդ իս =

Բարեկամք իմ և մերձաւորք իմ առաջի իմ մերձեցան և կացին, և մերձաւորք իմ հեռի եղեն յինէն =

Բռնադատէին զիս և խնդրէին զանձն իմ՝ ոյք խորհէին չար 'ի վերայ իմ, խորհեցան զանօրէնութիւն, և զնենդութիւն զօրհանասպազ խորհեցան =

Այլ ես որպէս խուլ՝ զի ոչ լսէ, որպէս համբ՝ որ ոչ բանայ զբերան իւր =

Եղէ ես որպէս մարդ՝ որ ոչ լսէ, և  
ոչ գոն խօսք 'ի բերան նորա =

Ես 'ի քեզ տէր յուսացայ, և դու

լուիցես ինձ տէր աստուած իմ :  
Ասացի՛ թէ մի ուրախ եղիցին յիս  
թշնամիք իմ . 'ի սասանիլ ոտից իմոց՝  
'ի վերայ իմ մեծամեծս խօսեցան :  
Ես 'ի տանջանս պատրաստ եմ , և ցաւք  
իմ առաջի իմ են յամենայն ժամ :  
Զանօրէնութիւնս իմ պատմեցից , և  
Հոգացայց վասն մեղաց իմոց :  
Իսկ արդ թշնամիք իմ կենդանի են , և  
զօրացեալք են քան զիս . և բազումք  
էին՝ ոչք ատէին զիս 'ի տարապարտուց :  
Ոյք հատուցին ինձ չար փոխանակ ընդ  
բարւոյ . չարախօսէին զինէն , զի ես  
երթայի զհետ արդարութեան :  
Մի թողուր զիս տէր աստուած իմ ,  
և մի՛ 'ի բացեայ առնիր յինէն . հայեաց  
յօգնել ինձ՝ տէր փրկութեան իմոյ :  
Տունք իս :

ՍՍՂՄ ՈՍ ԼԸ .

Ի կատարած . յիդիթովմայ օրհնութիւն .  
Սաղմոս զաւթի :

Ասացի՛ թէ պահեցից զճանապարհս  
իմ , զի մի՛ մեղայց լեզուաւ իմով :

Եզի պահանջան բերանոյ իմոյ՝ 'ի հա-  
կառակիլ մեղաւորին առաջի իմ :  
Լուռ եղէ և խոնարհեցայ . լռեցի 'ի  
բարութենէ , և ցաւք իմ նորոգե-  
ցան յիս :

Ջեռաւ սիրտ իմ 'ի փորի իմում , և 'ի  
խորհուրդս իմ վառեցաւ հուր :

Խօսեցայ լեզուաւ իմով և ասացի . ցոյց  
ինձ տէր զկատարած իմ , և զթիւ ա-  
ւուրց իմոյ՝ քանի՞օն է , զի գիտացից  
թէ որչափ ինչ պակասեալ է յինէն :

Ահա չափով եզեր զաւուրս իմ , և  
կար զօրութեան իմոյ որպէս ոչինչ է  
առաջի իմ . սակայն ամենեւին ընդու-  
նայն է ամենայն մարդ մսեղի :

Ապաքէն որպէս 'ի պատկերի շրջի  
մարդ , սակայն 'ի զուր խռովի . գան-  
ձէ՛ և ոչ գիտէ ո՛ւմ ժողովէ :

Իսկ արդ ո՞վ է համբերութիւն իմ ,  
թէ ոչ գու տէր . կամ կար զօրու-  
թեան իմոյ , թէ ոչ 'ի քէն :

Յամենայն անօրէնութենէ իմմէ փր-  
կեցեր զիս , և նախատինա անողամայ

արարեր զիս :

Լուռ եղէ և ոչ բացի զբերան իմ,  
զի դու արարեր :

Իբաց արա յինէն զտանջանա իմ, զի 'ի  
զօրութենէ ձեռին քո ես պակասեցայ :  
Աշտամբութեամբ վասն մեղաց խրա-  
տեցեր զմարդ, մաշեցեր որպէս սար-  
գիոստայն զանձն նորա, սակայն ըն-  
դունայն է ամենայն մարդ :

Լուր տէր աղօթից իմոց, ունկն դիր  
խնդրուածաց իմոց, արտասուաց իմոց  
մի լուեր :

Պանդուխտ եմ ես առաջի քո, նժդեհ  
և անցաւ որ որպէս ամենայն հարբ իմ :  
Թող արա ինձ զի հանգեայց մինչչեւ  
երթեալ իցեմ, և այլ ոչ և ս գտանիցիմ :

Տունք յի :

ՍԱՂՄՈՍ ԼԹ.

Ի կատարած. Մաղմոս դաւթի :

Համբերելով համբերի տեսուն, և նա-  
յեցաւ առիս, և լուաւ աղօթից իմոց :  
Եհան զիս 'ի գբոյ աառապանաց, 'ի

կաւոյ և 'ի տղմոյ :

Հաստատեաց 'ի վերայ վիմի զոտս իմ,  
և ուղղեաց զգնացս իմ :

Էարկ 'ի բերան իմ օրհնութիւն նոր,  
զօրհնութիւն տեառն աստուծոյ մերոյ :  
Տեսցեն բազումք և երկիցեն, և յու-  
սասցին 'ի տէր, երանեալ է այր՝ որոյ  
անուն տեառն յոյս է նորա :

Ոչ հայեցաւ նա 'ի նանրութիւն, և  
ոչ 'ի մոլութիւն սուտ :

Բազում արարեր դու տէր աստուած  
իմ զսքանչելիս քո, և խորհրդոց քոց՝  
ոչ որ է որ նմանիցի քեզ :

Պատմեցի և խօսեցայ, և բազումք  
եղեն քան զթիւս, ընդ զոհս և ընդ  
պատարադս ոչ հաճեցար, լսելիս հաս-  
տատեցեր ինձ, զողջակէզս և զվասն  
մեղացն ոչ խնդրեցեր :

Յայնժամ ասացի՝ թէ ահաւասիկ գամ  
ես, 'ի գլուխս գրոց գրեալ է վասն իմ :

Առնել զկտմս քո աստուած իմ կամե-  
ցայ, և զօրէնս քո 'ի մէջ որովայնի իմոյ :  
Աւետարանեցից զարդարութիւնս քո

յեկեղեցիս մեծս . ահա զշրթունս իմ  
ոչ արգելից 'ի .քէն :  
Տէր դու գիտացեր՝ զի զարդարութիւնս  
քո ոչ ծածկեցի 'ի սրտի իմում, զճըշ-  
մարտութիւնս քո և զփրկութիւնս քո :  
Ասացի և ոչ թագուցի զողորմու-  
թիւնս քո, և զճշմարտութիւնս քո  
'ի ժողովրդէնէ մեծէ :

Այլ դու տէր մի՛ հեռի առներ զգը-  
թութիւնս քո յինէն . զի ողորմու-  
թիւն քո և ճշմարտութիւն քո յա-  
մենայն ժամ ընկալցի զիս :  
Շուրջ եղեն զինեւ չարք՝ որոց ոչ գոյր  
թիւ . հասին ինձ անօրէնութիւնք իմ,  
և ես ոչ կարացի տեսանել :

Յազում եղեն քան զհեր գլխոյ իմոյ,  
և սիրտ իմ եթող զիս :  
Կամեաց տէր՝ փրկել զիս, և տէր  
յօգնել ինձ նայեաց :

Ամաչեսցեն և յամօթ լիցին՝ ոյք խընդ-  
բէին զանձն իմ բառնալ զսա . դարձցին  
յետս և ամաչեսցեն՝ ոյք խորհէին  
ինձ չար :

Յազում եղեն քան զհեր գլխոյ իմոյ,  
և սիրտ իմ եթող զիս :  
Կամեաց տէր՝ փրկել զիս, և տէր  
յօգնել ինձ նայեաց :

Ամաչեսցեն և յամօթ լիցին՝ ոյք խընդ-  
բէին զանձն իմ բառնալ զսա . դարձցին  
յետս և ամաչեսցեն՝ ոյք խորհէին  
ինձ չար :

Ամաչեսցեն և յամօթ լիցին՝ ոյք խընդ-  
բէին զանձն իմ բառնալ զսա . դարձցին  
յետս և ամաչեսցեն՝ ոյք խորհէին  
ինձ չար :

Արեւոյն զամօթ առ ժամայն վաղվա-  
ղակի, ոյք ասէին ինձ վաչ վաչ :  
Ցնծասցեն և ուրախ լիցին 'ի քեզ ամե-  
նէքեան, ոյք խնդրեն զքեզ տէր :  
Ասասցեն յամենայն ժամ՝ մեծ է աստ-  
ուած, և ոյք սիրեն զփրկու թիւնս քո :  
Ես աղքատ և տնանկ եմ, աստուած  
խորհեա զիս, օգնական և սլաշտպան  
իմ ես, և դու աստուած իմ մի յա-  
մենար :

Տունք իբ, Գորղայս ծը :

ՍՍ. ՂՄՈՍ Խ .

Ի կատարած . Սաղմոս դաւթի :

Երանի որ խորհի զաղքատն և զտնանկն .  
յաւուր չարի փրկէ զնա տէր :  
Տէր փրկէ զնա և կեցուցանէ, երանելի  
առնէ զնա 'ի վերայ երկրի, և ոչ մատ-  
նէ զնա 'ի ձեռս թշնամեաց իւրոց :  
Տէր օգնական է նմա 'ի մահիձս ցաւոց  
իւրոց, զամենայն անկողինս նորա դար-  
ձուցանէ 'ի հիւանդութենէ նորա :

Ես ասացի տէր ողորմեա ինձ , բժշկեա  
զանձն իմ , ես մեղայ քեզ :

Թշնամիք իմ ասացին ինձ չար . երբ իցէ  
զի մեռցի , և կորիցէ անուն նորա :

Մտանէր տեսանել զնանրութիւն ,  
խօսէր 'ի սրտի իւրում , և ժողովէր  
զանօրէնութիւն յանձն իւր :

Արտաքս ելանէր և զնոյն խօսէր , զի  
նէն շշնջէին ամենայն թշնամիք իմ :

Խորհեցան չար 'ի վերայ իմ , բան ա  
նօրէնութեան եզին 'ի վերայ իմ :

Միժէ որ ննջիցէ , այլ ո՞չ եւս յաւելցի  
յառնել . քանզի և այրն խաղաղու  
թեան իմոյ , յոր և եսն յուսացայ :

Որ ուտէր զհաց իմ , յաճախեաց առ  
նել ինձ խաբէութիւն :

Այլ դու տէր ողորմեա ինձ և կանգ  
նեա զիս , և ես հասուցից նոցա :

Յայսմ ծանեայ՝ թէ հաճեցար ընդիս ,  
զի մի ուրախ եղիցին յիս թշնամիք իմ :

Այլ զիս յամբժութեան իմում ընկա  
լար , և հաստատեցեր զիս առաջիքս  
յաւխտեան :



Օրհնեալ տէր աստուած խորայելի յաւ  
ւիտեանս յաւիտենից, եղիցի եղիցի ։

Տունք ժդ ։

Ս Ս Ղ Մ Ո Ս Խ Ո ։

Ի կատարած . իմաստութիւն որդւոցն կորխայ .  
Սաղմոս դաւթի ։

Որպէս փափագի եղջերու յաղբերս  
ջուրց , այնպէս փափագի անձն իմ  
առ քեզ աստուած ։

Ծարաւի է անձն իմ առ քեզ աստ  
ուած , հղօր և կենդանի . երբ եկից  
երեւեցայց երեսացդ աստուծոյ ։

Եղեն ինձ արտասուք իմ կերակուր 'ի  
տուէ և 'ի գիշերի , և այն զի ասէին ցիս  
զօրհանապաղ՝ թէ ո՞ւր է աստուած քո ։  
Զայս որպէս յիշէի , տառապէր յիս անձն  
իմ . քաջալերէի , զի մտից ընդ յարկաւ  
սքանչելեաց տանն աստուծոյ ։

Ի ձայն ցնծութեան խոստովանութեան  
և 'ի ձայն բարեկենդանութեան ։

Արդ ընդէ՞ր տրտում ես անձն իմ ,  
կամ ընդէ՞ր խռովես զիս . յուսա առ  
աստուած , խոստովանեա 'նմա՝ փրկիչ

Երեսաց խնոց աստուած է :

Անձն իմ յոյժ խռովեցաւ , վասն այ-  
սորիկ յիշեցի զքեզ յերկրէն յորդա-  
նանու , 'ի հերմոնէ լեռնէ փոքուէ :  
Խորք խորոց կարդացին առ քեզ , 'ի  
ձայն սահանաց քոց :

Ամենայն զբօսանիք քո , և ալիք քո ան-  
ցին 'ի վերայ իմ :

Ի տուէ պատուիրեսաց տէր զողորմու-  
թիւն իւր , 'ի գիշերի զօրհնութիւն  
նոր . և աղօթք իմ առ աստուած վասն  
կենաց խնոց :

Ասացի աստուծոյ՝ ընդունող իմ ես .  
ընդէ՞ր մերժեցեր զիս , ընդէ՞ր տրտում  
գնամ ես 'ի նեղել թշնամւոյ խնոց :

Ի փշրիլ ոսկերաց խնոց նախատեցին  
զիս թշնամիք իմ , յասել ցիս զօրհա-  
նասպաղ թէ ո՞ւր է աստուած քո :

Արդ ընդէ՞ր տրտում ես անձն իմ ,  
կամ ընդէ՞ր խռովես զիս , յաւսա առ  
աստուած , խոստովանեա նմա՝ փրկիչ  
Երեսաց խնոց աստուած է :

ՍՍ. ՂՄ ՈՍ ԽԲ.

Սաղմոս դաւթի.

Դատ արա ինձ աստուած, և իրաւ  
արա ինձ ՚ի դատաստանի իմում:

Յազգէ որ ոչ է սուրբ, ՚ի մարդոյ մե-  
ղաւորէ նե՛նգաւորէ փրկեա զիս:

Դու աստուած հզօրիչ իմ ես, ընդէ՞ր  
մոռացար զիս, ընդէ՞ր տրտում գնամ  
ես ՚ի նեղել թշնամւոյ իմոյ:

Առաքեա աէ՛ր զլոյս քո և զճշմարտու-  
թիւն քո, զի առաջնորդեացին ինձ և  
հանցեն զիս ՚ի լեառն սուրբ և ՚ի  
յարկս քո:

Մտից առաջի սեղանոյ աստուծոյ առ  
աստուած, որ ուրախառնէ զմանկու-  
թիւն իմ:

Խոստովան եղէց քեզ օրհնութեամբ  
աստուած աստուած իմ:

Արդ ընդէ՞ր տրտում ես անձն իմ,  
կամ ընդէ՞ր խռովես զիս, յուսա առ  
աստուած, խոստովանեա նմա՝ փրկիչ  
երեսաց իմոց աստուած է:

Տունք է: Գորդայս լղ:

ՍՍ. ՂՄ ՈՍ Խ Գ .

Ի կատարած . իմաստութեան որդւոցն կորխայ .  
Սաղմոս դաւթի .

Աստուած՝ ականջօք մերովք լուաք ,  
զոր հարբն մեր պատմեցին մեզ :  
Զգործն զոր գործեցեր յաւուրս նո-  
ցա , յաւուրսն առաջինա :

Զեռն քո խլեաց զհեթանոսս՝ և զնո-  
սա տնկեցեր . չարչարեցեր զժողո-  
վուրդս քո , և հաներ զնոսա :

Զի ոչ թէ սրով իւրեանց ժառանգե-  
ցին զերկիր , և ոչ բազուկ նոցա փր-  
կեաց զնոսա :

Այլ աջ քո և բազուկ քո և լոյս երե-  
սաց քոց , զի հաճեցար դու ընդ նոսա :  
Դու ինքն ես՝ թագաւոր իմ և աստ-  
ուած իմ , որ հրամայեցեր զփրկու-  
թիւնսն յակոբայ :

Քեւ զթշնամիս մեր հարցուք , և ան-  
ուամբ քով արհամարհեցուք զյա-  
րուցեալսն ՚ի վերայ մեր :

Ոչ թէ յաղեղն իմ յուսացեալ եմ , և  
ոչ սուր իմ կեցուցանէ զիս :

Այլ դու փրկեցեր զմեզ 'ի թշնամեաց  
մերոց և զստելիս մեր յամօթ սրարեր :  
Աստուծով պարծեսցուք զօրհանա-  
պազ, և անուան նորա խոստովան ե-  
ղիցուք յաւիտեան :

Յայց սրդ մերժեցեր և անարդեցեր  
զմեզ, և ոչ ելեր աստուած ընդ զօրս մեր :  
Գարձուցեր զմեզ յետսքան զթշնամիս  
մեր, և ատելիք մեր յափշտակեցին  
զմեզ :

Ետուր զմեզ որպէս զոչխար 'ի զենու մն,  
և ընդ հեթանոսս ցրուեցեր զմեզ :  
Վաճառեցեր զժողովուրդս քո առանց  
գնոց, և ոչ գոյ թիւ աղաղակի մերոց :  
Արարեր զմեզ նախատինս գրացեաց  
մերոց. ծաղր և սցսն կատականաց  
այնոցիկ՝ որք շուրջ էին զմեզք :

Արարեր զմեզ յառակս հեթանոսաց  
'ի շարժիլ զգլուխս ժողովրդոց :  
Զօր ամենայն նախատինք իմ առաջի  
իմ են, և ամօթ երեսաց իմոց ծած-  
կեաց զիս :

Ի ձայնէ նախատորդին և շարախօսի,

յերեսաց թշնամւոյն և հալածչի :  
Այս ամենայն եկն 'ի վերայ մեր , և  
մէք դքեզ ոչ մոռացաք , և ոչ ստե-  
ցաք ուխտի քում , և ոչ դարձաք յետս  
սրտիւք մերովք :

Դարձուցեր զչաւիղս մեր 'ի ճանա-  
պարհաց քոց , խոնարհ արարեր զմեզ  
'ի տեղի չարչարանաց , և ծածկեցին  
զմեզ ստուերք մահու :

Թէ մոռացեալ իցէ մեր զանունն աս-  
տուծոյ մերոյ , կամ ձգեալ իցէ զձեռս  
մեր յաստուածս օտարս :

Սակայն աստուած խնդրէ զայս . զի  
նա քննէ զգաղանիս սրտից մերոց :  
Վասնքոմեռանիմք զօրհանապաղ , հա-  
մարեցաք որպէս զօչխար 'ի զենումն :  
Զարթիր ընդէ՞ր ննջես տէր . արի և  
մի մերժեր զմեզ իսպառ :

Զմէ՞ դարձուցանես զերեսս քո 'ի մէնջ ,  
մոռանաս զաղքատու թիւն և զնեղու-  
թիւնս մեր :

Խոնարհ եղեն մինչեւ 'ի հող անձինք  
մեր , և յերկիր կցեցան մէջք մեր :

Արի տէր օգնեա մեզ, և փրկեա ըզ  
մեզ վասն անուան քո :

Տունք ի է :

ՍՍ. ՂՄՈՍ ԽԳ.

Ի կատարած . զառանցելոց ժամանակաց , որդւոցն  
կորխայ իմաստութեան . Սաղմոս օրհնութեան  
վասն սիրելւոյն :

Բղխեսցէ սիրտ իմ զսլառգամս քո բա  
րի, և ասացից զգործս իմ թագաւորի :  
Լեզու իմ որպէս գրիչ արագագիր  
դպրի, գեղեցիկ տեղեամբ քան զա  
մենայն որդիս մարդկան :

Սփռեցան շնորհք 'ի շրթանց քոց .  
վասն այսորիկ օրհնեաց զքեզ ասա  
ուած յաւիտեան :

Աժ զսուր ընդ մէջ քո հզօր, վայել  
չութեան և գեղոյ քոյ :

Լարեա ուղղեա և թագաւորեա վասն  
ճշմարտութեան հեղութեան և ար  
դարութեան, և առաջնորդեսցէ քեզ  
սքանչելապէս աջ քո :

Նեաք քո սրեալ են հզօր, և ժողո  
վուրդք 'ի ներքոյ քո անկցին, 'ի սիրտս

Թշնամեաց թագաւորի :

Աթոռ քո աստուած յաւիտեանս յաւիտենից , գաւազանն ուղղութեան գաւազանն արքայութեան քո :

Միրեցեր զարդարութիւն , և ատեցեր զանօրէնութիւն :

Վասն սցսորիկ էօժ զքեզ աստուած աստուած քո իւզով ուրախութեան , առաւել քան զընկերս քո :

Զմուռս և ստաշխն և կասիաց 'ի ըզգեստէ քումմէ , 'ի տաճարաց փղոսկրէից , ուստի ուրախ արարին զքեզ դստերք թագաւորաց 'ի պատիւ :

Կացցէ դշխոյ ընդ աջմէ քումմէ , 'ի հանդերձս ոսկեհուռս զարդարեալ և պաճուճեալ :

Լուր դուսար և տես , խոնարհեցս զունկն քո , մուռս զժողովուրդ քո և զտուն հօր քո , զի ցանկացաւ թագաւոր զեղոյ քո :

Սա ինքն է տէր քո՝ երկիրպագցեսամա , և դուսար ծուրայ երկիրպագցէամա , և պատարագօք զերեսս սորա



պաշտեսցեն մեծամեծք 'ի ժողովրդոց :  
Ամենայն փառք դատեր թագաւորի  
'իներքոյ , 'ի վերջաւորս ոսկեհուն  
զարդարեալ և պաճուճեալ :

Տարցին թագաւորի կուսանք զհետ  
նորա , և զընկերս նորա տարցին նմա :  
Ածցեն ցնծութեամբ և ուրախու-  
թեամբ , և տարցին 'ի տաճար թագա-  
ւորի , և փոխանակ հարց քոյ եղիցին  
որդիք քո :

Կացուսցես զնոսա իշխանա ընդ ամե-  
նայն երկիր , և յիշեսցի անուն քո  
ընդ ամենայն ազգս ազգաց :

Վասն այսորիկ ժողովուրդք խոստովան  
եղիցին առ քեզ յաւիտեան , և յա-  
ւիտեանա յաւիտենից :

Տունք ժը :

Ս Ս Ղ Մ Ո Ս Ի Ե .

Ի կատարած . որդւոցն կորթայ 'ի վերայ զաղանեաց .  
Սազմոս դաւթի :

Աստուած մեր ասլաւէն և զօրու-  
թիւն , օգնական 'ի վերայ նեղու-  
թեանց , որք գտին զմեզ յոյժ :

Վասն սյտորիկ ոչ երկկիցուք մէք 'ի  
խռովիլ երկրի, 'ի փոփոխիլ լերանց 'ի  
սիրտս ծովու :

Գոչեցին և խռովեցան ջուրք նոցա,  
խռովեցան լերինք 'ի զօրութենէ նորա :  
Գնացք գետոց ուրախ առնեն զքա-  
ղաքն աստուծոյ, և սուրբ արար ըզ-  
յարկս իւր բարձրեալն :

Աստուած 'ի մէջ նոցա, և նորա մի սա-  
սանեսցին. օգնեսցէ նոցա աստուած  
'ի վաղորդենէ մինչեւ 'ի վաղորդեան :  
Խռովեցան հեթանոսք, և խոնարհեցան  
թագաւորութիւնք. ետ զձայն իւր  
բարձրեալն, և խռովեցաւ երկիր :  
Տէր զօրութեանց ընդ մեզ, ընդու-  
նելի է մեր աստուած յակոբայ :

Եկայք և տեսէք զգործս աստուծոյ,  
որ արար զնշանս և զարուեստս 'ի վե-  
րայ երկրի :

Եհար զպատերազմ 'ի ծագաց մինչեւ  
'ի ծագս երկրի, զաղեղունս փշրեաց,  
զղէնս խորտակեաց և զասպարս այ-  
րեաց հրով :

Կանխեցէք և ծաներուք, զի ես եմ  
աստուած. բարձր եղէց 'ի հեթանոսս,  
և բարձրացայց 'ի վերայ երկրի =  
Տէր զօրութեանց ընդ մեզ, ընդու-  
նելի է մեր աստուած յակոբայ =

Տունք ժա. Գորդայս ծղ.

Ս Ա Ղ Մ Ո Ս Խ Զ .

Ի կատարած. վասն որդւոցն կորխայ. Սաղմոս դաւթի.

Օափս հարէք ամենայն հեթանոսք,  
աղաղակեցէք առ աստուած 'ի ձայն  
ցնծութեան =

Տէր բարձրեալ և ահարկու, թագա-  
ւոր մեծ 'ի վերայ ամենայն երկրի =  
Հնազանդ արար զժողովուրդս մեզ, և  
զհեթանոսս 'ի ներքոյ ոտից մերոց =  
Ընտրեաց զմեզ իւր 'ի ժառանգու-  
թիւն, զգեղեցիութիւն յակոբայ՝ զոր  
և սիրեաց =

Համբարձաւ աստուած օրհնութեամբ,  
և տէր մեր ձայնիւ փողոյ =

Սաղմոս ասացէք աստուծոյ մերում,

սաղմոս ասացէք թագաւորին մերում,  
սաղմոս ասացէք :

Թագաւոր մեծ 'ի վերայ ամենայն երկ-  
քի աստուած է, սաղմոս ասացէք նմա  
իմաստութեամբ :

Թագաւորեաց աստուած 'ի վերայ հե-  
թանոսաց . աստուած նստաւ յաթոս  
սրբութեան իւրոյ :

Իշխանք ժողովրդոց ժողովեցան առ  
աստուած արբահամու, զի աստուծոց  
զօրութիւնք յերկրէ յոյժ համբարձան :  
Տունք թ :

ՍՍ. ՂՄԹՍ ԽԷ .

Սաղմոս օրհնութեան որդւոյն կորիսայ . երկրորդ  
չաբաթու .

Մեծ է տէր, և օրհնեալ է յոյժ 'ի քաղաք  
աստուծոց մերոյ, 'ի լեառնսուրբ նորա :  
Հաստարմատ ցնծացէ ցնծութեամբ  
ամենայն երկիր . լերինք սիօնի, կողմանք  
հիւսիսոյ՝ քաղաք թագաւորին մեծի :  
Աստուած 'ի տաճարի իւրում յայանի, 'ի  
ժամանակի որպէս օգնական լինէր նոցա :  
Ահաւասիկ թագաւորութիւնք երկ-

րի ժողովեցան, և անցին 'ի միասին :  
Ինքեանք տեսին այսպէս և զարմացան .  
խառվեցան սասանեցան, և դողումն  
կալաւ զնոսա :

Անդ երկունք որպէս 'ի ծննդեան, և  
հողմն սաստիկ փշրեցէ զնաւս 'ի  
Թարսիս :

Որպէս լուաք, սոյնպէս և տեսաք 'ի  
քաղաք տեսառն զօրութեանց՝ 'ի քա-  
ղաք աստուծոյ մերոյ :

Աստուած հիմունս էարկ նմա յաւ իտ-  
եան, ընկալաք աստուած զօղորմու-  
թիւն քո 'ի մէջ ժողովրդեան քոյ :

Ըստ անուան քում աստուած, սոյնպէս  
և օրհնութիւն քո ընդ ամենայն աի-  
եղերս, և արդարութեամբ լի է աջ քո :  
Ուրախ եղիցի լեառն սիօն, և ցնծաս-  
ցեն դասերք յուդոյ վասն իրաւանց  
քոց տէր :

Շրջեցարուք զսիօնիւ, պաշարեցէք ըղ-  
նա և պատեցէք զաշտարակս նորա :  
Ի՛նք զսիրտս ձեր 'ի վերայ զօրութեանց  
նորա, բաժանեցէք զամուրս նորա,

զի պատմել կարասջիք յազդ յայլ :  
Սա է աստուած, աստուած մեր յա-  
ւիտեանս յաւիտենից, և սա հովուես-  
ցէ զմեզ մինչեւ յաւիտեան :

Տունդ ժգ .

ՍՍ. ՂՄ ՈՍ ԽԸ .

Ի կատարած որդւոցն կորխայ . Սաղմոս օրհնութեան  
դաւթի .

Լուարուք զայս ամենայն ազգք , ուն-  
կընդիր լերուք ամենեքեան՝ ոյք բը-  
նակեալ էք յաշխարհի :

Ծնունդք երկրի և որդիք մարդկան ,  
ի միասին մեծամեծք և տնանկք :

Բերան իմ խօսեցցի զիմաստութիւն ,  
և խորհուրդ սրտի իմոյ զհանձար :

Խոնարհեցուցից յառակումն զունկն  
իմ , բացից առակաւ զբերան իմ , և  
խօսեցայց զառակս ՚ի սկզբանէ :

Ընդէր բնաւ երկնչիմ ես յաւուր չա-  
րի , զի անօրէնութիւնք գնացից իմոյ  
չուրջ եղեն զինեւ :

Յուսացեալք ՚ի զօրութիւն իւրեանց ,  
ի բազմութիւն մեծութեան իւրեանց

պարծեսցին :

Եղբայր ոչ փրկէ՝ և ոչ փրկէ մարդ ,  
և ոչ տայ աստուծոյ զփրկանս իւր , և  
ոչ զգինս փրկանաց անձին իւրոյ :  
Վաստակեալ յաւիտեան , և կեցցես մինչ  
իսպառ , և ոչ տեսցես զապականու  
թիւն :

Յորժամ տեսցես՝ թէ իմաստունք մե  
ռանին , 'ի միասին անզգամք և անմիտք  
կորիցեն , և թողցեն օտարաց զմե  
ծու թիւն իւրեանց :

Գերեզմանք նոցա տունք նոցա եղիցին  
յաւիտեան , և յարկք նոցա ազգէ մին  
չեւ յազգ , և կարդացցին անուանք  
նոցա 'ի հողս իւրեանց :

Մարդ 'ի պատուի էր և ոչ իմացաւ ,  
հաւասարեցաւ անասնոց անբանից և  
նմանեցաւ նոցա :

Այս ճանապարհ է գայթակղութեան  
նոցա նոցին , յետ այսորիկ բերանօք  
իւրեանց հաճեսցին :

Որպէս խաչն 'ի դժոխս մատնեսցին ,  
և մահ հովուեսցէ զնոսա , և տիրես

ցեն նոցա ուղիղք ընդ առաւօտս :  
Օգնութիւնք նոցա մաշեացին 'ի դը-  
ժոխս , և 'ի փառաց իւրեանց անկցին :  
Բայց սակայն աստուած փրկեացէ  
զանձն իմ 'ի ձեռաց դժոխոց , յորժամ  
ընդունին դիս :

Մի երկնչիւր յորժամ մեծանայ մարդ ,  
և յորժամ բազում լինին փառք տան  
նորա :

Զի ոչ թէ 'ի մեռանելն իւրում առցէ  
ընդ իւր զամենայն , և ոչ թէ իջցեն  
փառք տան նորա ընդ նմա :

Այլ անձն նորա 'ի կեանա իւրում  
օրհնեացի , և խոստովան եղիցի քեզ՝  
յորժամ բարի արասցես դու նմա :

Մտցէ նա մինչեւ յազգ հարց իւրոց .  
մինչեւ յաւիտեան զլոյս մի տեսցէ :

Մարդ 'ի պատուի էր և ոչ իմացաւ ,  
հաւասարեցաւ անասնոց անբանից և  
նմանեցաւ նոցա :

Տալք ի : Գորդայս խբ :



ՍՍ. ՂՄ ՈՍ ԽԹ .

Սաղմոս դաւթի .

Աստուած աստուածոց տէր խօսեցաւ ,  
և կոչեաց զերկիր յարեւելից մինչեւ  
’ի մուտս արեւու :

Ի սիօնէ մեծ վայելչութիւն փրկու-  
թեան գեղոյ նորա :

Աստուած մեր յայտնապէս եկեացէ ,  
և աստուած մեր մի գաղարեացէ :  
Հուր առաջի նորա բորբոքեացի , և  
չուրջ զնովաւ մրրիկ յոյժ :

Կոչեացէ զերկինս ’ի վերուստ՝ և զեր-  
կիր ’ի գատել զժողովուրդ իւր , ժո-  
ղովել առ ինքն զսուրբս իւր , և ոյք  
զնեն զպատարագս ուխտից ’ի վերայ  
սեզանոյ նորա :

Պատմեացեն երկինք զարդարութիւն  
նորա , զի աստուած դատաւոր է :  
Հուր ժողովուրդ իմ և խօսեցայց ընդ  
քեզ , և իսրայէլ՝ քեզ վկայեցից . զի  
աստուած աստուած քո ես եմ :

Ոչ թէ վասն պատարագաց քոց կըչ-

տամբեմ զքեզ, զի ողջակէզք քո առաջի իմ են յամենայն ժամ:

Ոչ ընդունիմ 'ի տանէ քումմէ զուարակս, և ոչ 'ի հօտից քոց նոխազս: իմ է ամենայն գազան անասուի, երէ լերանց և ամենայն անասուն:

Գիտեմ ես զամենայն թռչունս երկնից, զեղեցկութիւն վայրի ընդ իս է: Թէ քաղցեաց, քեզ ինչ ոչ ասացից. զի իմ է աշխարհ լրիւ իւրով:

Ոչ ուտեմ ես զմիս զուարակաց քոց, և ոչ զարիւն նոխազաց քոց ըմպեմ: Մատո՛ աստուծոյ պատարագ օրհնութեան, կատարեա բարձրելոյն զուխտս քո:

Կարդացեա առ իս յաւուր նեղութեան քո, ես փրկեցից զքեզ՝ և գուփառաւոր արացեա զիս:

Սակայն մեղաւորին ասէ աստուած. իսկ գու ընդէ՞ր բնաւ պատմեա զարգարութիւն իմ, կամ առնուս զուխտ իմ 'ի բերան քո:

Զի գու ատեցեր զխրատ իմ, մերժե՞

ցեր և յետս ընկեցեր զամենայն բանա  
բերանոյ իմոյ :

Թէ տեսանէիր զգողս՝ ընթանայիր  
ընդ նոսա , և ընդ շունս դնէիր զբա-  
ժինս քո :

Բերան քո յաճախէր զչարու թիւն , և  
լեզու քո նիւ թէր զնենգու թիւն :  
Նստեալ զեղբօրէ քումսէ չարախօ-  
սէիր , և 'ի վերայ որդւոյ մօր քո դնէիր  
զգայ թակղու թիւն :

Զայս ամենայն արարեր , և լուցի  
քեզ , կարծեցեր անօրէնոյ 'ի մտի քում ,  
թէ և ես քեզ նմանիցեմ :

Արդ յանդիմանեցից և կացուցից զայս  
ամենայն առաջի քո , իմոցարուք ամե-  
նեքեան՝ որոց մոռացեալ իցէ զաստ-  
ուած :

Գուցէ երբէք յափշտակիցիք , և ոչ  
ոք իցէ՝ որ փրկիցէ :

Պատարագ օրհնութեան փառաւոր  
արասցէ զիս , և անդ է ճանապարհ՝ ուր  
ցուցից նմա զփրկու թիւն աստուծոյ :

ՍՍՂՄՈՍ Ծ.

Ի կատարած . Սաղմոս դաւթի . 'ի ժաճանակի զի եկն  
առ նա նաթան մարգարէ , իրբու զի մահալ էր նա  
առ բերսարէէ :

Ողորմեա ինձ աստուած ըստ մեծի ու  
ղորմութեան քում . ըստ բազում գը  
թութեան քում քաւեա զանօրէնու  
թիւնս իմ :

Առաւել լուս զիս յանօրէնութենէ  
իմմէ , և 'ի մեղաց իմոց սուրբ արա զիս :  
Զանօրէնութիւնս իմ ես ինձէն գի  
տեմ , և մեղք իմ առաջի իմ են յա  
մենայն ժամ :

Քեզ միայն մեղաց տէր , և չար առա  
ջի քո արարի :

Որպէս արդար եղիցիս 'ի բանս քո , և  
յաղթող 'ի դատել զաս :

Անօրէնութեամբ յղացաւ , և 'ի մեղս  
ճնաւ զիս մայր իմ :

Դառ տէր զճճմարտութիւն սիրեցեր ,  
զանյայտս և զծածկեալս իմաստու  
թեամբ քով յայանեցեր ինձ :

Յօղեա յիս մշտկաւ , և սուրբ եղէց .

լուս և քան զձիւն սպիտակ եղէց :  
Լսելի արա ինձ զցնծութիւն և զու-  
րախութիւն, և ցնծասցեն ոսկերք  
իմ տառապեալք :

Դարձս զերեսս քո 'ի մեղաց իմոց, և  
զամենայն անօրէնութիւնս իմ քաւեա  
յինէն :

Սիրտսուրբ հաստատեա յիս աստուած,  
և հոգի ուղիղ նորոգեա 'ի փորի իմում :  
Մի ընկենուր զիս տէր յերեսաց քոց,  
և զհոգի քո սուրբ մի՛ հաներ յինէն :  
Տուր ինձ ցնծութիւն փրկութեան  
քոյ, և հոգւով պետութեան քոյ հաս-  
տատեա զիս :

Ուսուցից անօրինաց զձանապարհս քո,  
և ամբարիշտք առ քեզ դարձցին :  
Փրկեա զիս յարենէ աստուած աստ-  
ուած փրկութեան իմոյ, ցնծասցէ  
լեզու իմ յարդարութեան քում :  
Տէր եթէ զշրթունս իմ բանաս, բե-  
րան իմ երգեսցէ զօրհնութիւնս քո :  
Թէ կամեցեալ էիր, սրտարագս մա-  
տուցանէաք, բայց դու ընդ ողջակէզս

խոկ ոչ հաճեցար :

Պատարագ աստուծոյ հոգի խոնարհ ,  
զտիրա սուրբ և զհոգի խոնարհ աստ-  
ուած ոչ արհամարհէ :

Բարի արա տէր կամօք քովք սիօնի , և  
շինեցին պարիսաքն երուսաղէմի :  
Յայնժամ հաճեցիս ընդ պատարագս  
արդարութեան , յորժամ ուխտից պա-  
տարագս հանցեն 'ի սեղան քո զուա-  
րակս :

Տունք ի ,

ՍԱՂՄ ՈՍ ԾԱ .

Ի կատարած իմաստութեան . Մաղմոս դաւթի . 'ի ժա-  
մանակի զի եկն դովէկ եդովմայ , պատմեաց սաւու-  
ղայ , թէ ահաւատիկ դաւիթ 'ի տանն աքիմելեքայ է :

Ձի՞ պարծի 'ի չարութեան հզօր զա-  
նօրէնութիւն , զօրհանապազ զանի-  
րաւութիւն խորհեցաւ 'ի լեզուի իւ-  
րում :

Որպէս զածելի սուր՝ սրեաց զնեն-  
դութիւն , սիրեաց զչարութիւն քան  
զբարութիւն , զանօրէնութիւն քան

դխօսս արդարութեան :

Սիրեաց նա զամենայն խօսս կործանման , և զլեզուս նենգաւորս :

Վասն այսորիկ աստուած կործանեացէ զնա խապառ , խլեացէ և հանցէ զնա յարկաց իւրոց , և զարմատս նորա յերկրէն կենդանեաց :

Տեսցեն արդարք և երկիցեն , զնովաւ ծիծաղեսցին և ասասցեն :

Այս այրէ , որ ոչ արար զաստուած իւր օգնական . այլ յուսացաւ սա 'ի բազում մեծութիւն իւր , և զօրացաւ 'ինանբութեան իւրում :

Այլ ես որպէս ձիթենի ստղալից 'ի տան աստուծոյ . յուսացայ յողորմութիւն աստուծոյ յաւիտեան՝ և յաւիտեանս յաւիտենից :

Խոստովան եղէց քեզ տէր յաւիտեան , զի արարեր . և համբերից անուանքում , զի քաղցր ես առաջի սրբոցքոց :

Տունք Ը : Գորղայս ծը :



ՍՍ.ՂՄ ՈՍ Ծ Բ .

Ի կատարած . վասն մազաղեթայ . իմաստութիւն գաւթի :

**Ասաց անդգամն** 'ի սրտի իւրում թէ  
ոչ գոյ աստուած . ապականեցան և  
պղծեցան յանօրէնութեան իւրեանց ,  
և ոչ ոք է որ առնէ գբաղցրութիւն :

**Աստուած յերկնից նայեցաւ** յամենայն  
որդիս մարդկան , տեսանել թէ իցէ՞ որ  
իմաստուն՝ որ խնդրիցէ զաստուած :

**Ամենեքեան խոտորեցան** 'ի միասին ,  
և անպիտանացան :

**Ոչ ոք է որ առնէ զբարի** , և չէ որ  
մինչեւ 'ի մի :

**Որպէս ոչ ծանիցեն ամենեքեան** , ոյք  
գործեն զանօրէնութիւն :

**Ոյք ուտէին զժողովուրդ իմ** որպէս  
կերակուր հացի , և առ աստուած  
ոչ կարգացին :

**Անդ երկիցեն զերկիւղ՝ ուր ոչ իցէ**  
երկիւղ , զի աստուած ցրուեացէ զոս .  
կերս մարդահաճոյից :

**Ամաչեսցեն և յամօթ լիցին** , զի աստուած



ուած անարգեաց զնոսա :

Ո՞ տացէ 'ի սիօնէ զփրկու թիւն իսրա-  
յէլի , 'ի դարձուցանել տեառն զգե-  
րութիւն ժողովրդեան իւրոյ , ցնծաս-  
ցէ յակոբ , և ուրախ եղիցի իսրայէլ :  
Տունք թ :

Ս Ս Ղ Մ Ո Ս Ծ Գ .

Ի կատարած . ընդ օրհնութիւնս իմաստութիւն դաւթի .  
'ի ժամանակի զի եկին զսիւսիքն , և ասեն ցաւուղ ,  
ահաւասիկ զաւիթ թագուցեալ նստի առ մեզ :

Աստուած յանուան քում կեցո զիս ,  
և 'ի զօրութեան քում իրաւ արաինձ :

Աստուած լուր աղօթից իմոց , ունկն  
դիր բանից բերանոյ իմոյ :

Օտարք յարեան 'ի վերայ իմ , և հզօրք  
խնդրեցին զանձն իմ , և ոչ համարե-  
ցան զքեզ աստուած առաջի իւրեանց :

Ահա աստուած օգնական իմ , և տէր  
ընդունող հոգւոյ իմոյ :

Ի դարձուցանել զչարն 'ի թշնամիս  
իմ , ճշմարտութեամբ քով սատակեա  
զնոսա :

Ես կամօք իմովք սկատարագս մատու-

ցից քեզ . և խոստովան եղէց անուան  
քում տէր , զի բարի է :  
Յամենայն նեղութենէ իմմէ փրկեցեր  
զիս , և 'ի թշնամիս իմ ետես ակն իմ :  
Տունք է :

Ս Ս Ղ Մ Ո Ս Ծ Դ .

Ի կատարած . ընդ օրհնութիւնս իմաստութեան .  
Սաղմոս դաւթի :

Ունկն դիր աստուած աղօթից իմոց , և  
մի անտես առներ զխնդրուածս իմ :  
Նայեաառիս և լուր ինձ . զի տրամեցայ  
ես 'ի ձանձրանալ իմում , և խռովեցայ :  
Ի ձայնէ թշնամւոյն և 'ի նեղել մեղաւո-  
րին խոտորեցան յիս անիրաւութեամբ ,  
բարկութեամբ ոիսս պահէին ինձ :  
Սիրտ իմ խռովեցաւ յիս , և երկիւղ  
մահու անկաւ 'ի վերայ իմ :  
Ահ և դողումն եկն 'ի վերայ իմ , և  
ծածկեաց զիս խաւար :  
Ասացի տայր քո ինձ զթեւս որպէս  
զազաւնւոյ . զի թռչէի վերանայի , և  
հեռացեալ դադարէի յանապատի :  
Ակն ունէի աստուծոյ՝ որ փրկէր զիս

՚ի կարճատու թե՛նէ, ՚ի զոյրանալոյ, և  
մրրկեալ նեղարտու թե՛նէ :

Ընկրտ տէր և բաժանեա զլեզուս նոցա,  
զի տեսի զանօրէ՛նու թիւն և զհակա  
ռակու թիւն ՚ի քաղաքի :

Իտուէ և ՚ի գիշերի շուրջ եղեն զպարս  
պօք նորա անօրէ՛նու թիւնք . չարիք և  
մեղք են ՚ի մէջ նոցա, և ոչ պակասեաց  
՚ի հրապարակաց նոցա վաշխ և նեն  
գու թիւն :

Ձի թէ թշնամւոյն նախատեալ էր,  
համբերէի արդեօք, կամ ատելւոյն  
մեծաբանեալ էր ՚ի վերայ իմ, թագ  
չէի արդեօք ՚ի նմանէ :

Իսկ դու մարդ հաւասար իմ, առաջ  
նորդ իմ և ծանօթ իմ :

Ապաքէն ՚ի նոյն քաղցրացուցեր ինձ  
և քեզ կերակուր, զի գնայաք միաբա  
նու թեամբ ՚ի տան աստուծոյ :

Եկեցէ մահ ՚ի վերայ նոցա, և կեն  
դանւոյն իջցեն ՚ի դժոխս . զի չարու  
թիւն է ՚ի բնակութեան նոցա և ՚ի  
մէջ նոցա :

Ես առ աստուած կարգացի, և նա  
լուաւ ինձ յերեկոյս, 'ի վաղորդայն և  
'ի հասարակ աւուր:

Պատմեցի և ասացի, և լուիցէ ձայնի  
իմում. փրկեսցէ խաղաղութեամբ  
զանձն իմ 'ի մերձաւորաց իմոց, զի  
կարեօք հասին 'ի վերայ իմ:

Լուիցէ աստուած և խոնարհ արասցէ  
զնոսա, որ յառաջն է քան զյաւիտեանս:

Ձի ոչ գոյր նոցա փոխանակ, և ոչ  
երկեան յաստուծոյ:

Ձգեաց զձեռն իւր 'ի հաստուցանել  
նոցա, և նորա սղծեցին զօրէնս նորա:  
Բաժանեցան 'ի սրտմտութենէ երե-  
սաց նորա, և եհաս 'ի սիրտս նոցա:  
Կակուղ էին բանք նոցա քան զձէթ,  
և ինքեանք որպէս սլաք:

Ընկեա 'ի տէր զհոգս քո, և նա կե-  
րակրէ զքեզ, և ոչ տայ յաւիտեան  
սասանութիւն արդարոյ:

Գու աստուած իջուսցես զնոսա 'ի  
գուր ասպականութեան, արք արիւ-

նահեղք և նենգաւորք մի հասարակեացն զաւուրս իւրեանց . այլ ես 'ի քեզ տէր յուսացայ :

Տունք իբ. Գորղայս լբ :

Կանոնս Գորղայս է : Սաղմոս ժԺ : Տունք յի :



ՕՐՀՆՈՒԹԻՒՆ ՄԵԾԻՆ ՄՈՎՍԷՍԻ ԱՍՏՈՒԱԾԱՏԵՍ  
ՄԱՐԳԱՐԷԻ

Բ. Օրինաց լբ :

Ձի հուր բորբոքեցաւ 'ի բարկու թե նէ իմնէ . այրեսցէ և իջցէ մինչ 'ի գժոխս ներքինս :

Կերիցէ զերկիր և զամենայն բոյս երկրի նոցա . վառեսցին հրով , և բորբոքեսցին հիմունք լերանց նոցա :

Կուտեցից զչարիս ամենայն 'ի վերայնոցս , և նետիւք իմովք սպառեսցից զնոսա :

Մաշեալք և հիւծեալք 'ի սովոյ , գազանաբեկ գէշ անկեալ ամենայն թըռչնոց երկնից :

Լարս առանց բժշկու թեան տրձակեցից 'ի վերայ նոցա՝ զգազանս անսպասի , որք այսր և անոր քարշեսցեն :

զնոսա ընդ երկիր ։

Արտաքուստ մանկակոտորս արասցէ  
զնոսա սուր , և ՚ի ներքուստ շտեմա-  
բանաց նոցա անտի արհաւիրք ահից ։  
Ձերիտասարդս նոցա կուսանօք հան-  
դերձ , և զաղայս հաստատելովք ծե-  
րովք հանդերձ ։

Ասացի թէ ցրեցից զնոսա , և զաղա-  
րեցուցից զյիշատակս նոցա յազգաց ։  
Թէ ոչ վասն բարկութեան սրտմտու-  
թեան թշնամւոյն , զի մի երկայնա-  
կեացք եղիցին , և մի բարձրացին  
հպարտացեալ թշնամիքն , և ասացեն ։  
Թէ ձեռն մեր բարձր է , և բազուկ  
մեր հզօր , և ոչ տէր աստուած արար  
զայս ամենայն ։

Ձի ազգ մի խորհրդակորոյսք են նո-  
քս , և ոչ գոյ ՚ի նոսա իմաստութիւն ,  
և ոչ խորհեցան ՚ի միտ առնուլ զայս  
ամենայն . և արդ ընկալցին զամօթ  
յանձինս իւրեանց ։

Չարմանք մի մեծ սցս են . զխարդ մին  
զհաղարս հալածեացէ , կամ երկուք

զբիւրս շարժեցեն ։

Թէ ոչ տեառն աստուծոյ մատնեալ  
էր զնոսա , և տուեալ իցէ զնոսա 'ի  
ձեռս Թշնամեաց նոցա ։

Զի ոչ են դիք նոցա որպէս զաստուած  
մեր . այլ Թշնամիք մեր վատախոր  
հուրդք ։

Յայգւոյն սողոմայ էր որթ նոցա , և  
տունկ նոցա 'ի գոմորայ ։

Խաղող նոցա խաղող դառնութեան ,  
և ողկոյզ նոցա 'ի դառնութեան լեղւոյ ։  
Սրամտութիւն բարկութեան վիշա  
պաց գինի նոցա , սրամտութիւն իժից  
անհնարին առանց բժշկութեան ։

Ոչ այս ամենայն ժողովեալ է առ իս ,  
և կնքեալ պահի 'ի գանձի իմում ։

Յաւուր վրիժուց հատուցման հա  
տուցից նոցա , 'ի ժամանակի յորում  
հարցի զքարի ոսն նոցա ։

Մերձ է օր կորստեան նոցա . հասեալ է  
պատրաստութեամբ տէր 'ի վերայնոցա ։  
Դատէ տէր զժողովուրդ իւր , և 'ի  
ժառայս իւր մխիթարի ։

Ձի ետես զնոսա լքեալս, լուծեալս  
և մատնեալս 'ի գերութիւնս :

Եւ ասիցէ տէր, ո՞ւր են դիքն ձեր՝  
յորս յուսացեալ էիք դուք 'ի նոսա,  
զորոց զճարպս սպանդիցն ուտէիք, և  
ըմպէիք զգինի զոհիցն :

Արդ յարիցեն օգնեսցեն, և եղիցին  
ձեզ թիկունք :

ՆՈՐԻՆ ՄՈՎՍԷՍԻ

Ծաներուք և տեսէք՝ զի ես եմ, և  
ոչ գոյ այլ աստուած բաց յինէն :

Ես սպանանեմ, և ես կեցուցանեմ.  
Հարկանեմ, և ես բժշկեմ. և ոչ ոք իցէ՝  
որ հանիցէ զձեզ 'ի ձեռաց իմոց :

Համբարձի յերկինս զձեռս իմ. երդու  
ուսց աջով իմով և ասացի՝ թէ կեն  
դանի եմ ես յաւիտեան :

Սրեցից որպէս փայլակն զսուսեր իմ, և  
'ի խնդիր վրիժուց արձակեցից զաջ իմ :  
Հատուցից զհատուցումն թշնամեաց  
իմոց, և ատելեաց իմոց հատուցից  
զհատուցումն նոցա նոցին :

Արբեցուցից զնեաս իմ յարենէ նոցա,



և սուր իմ կերիցէ միա յարենէ վի-  
րաւորելոց գերելոց գլխոց իշխանաց՝  
Թշնամեաց նոցա :

Ուրախ եղիցին երկինք նովաւ , և եր-  
կիրսպագցեն նմա ամենայն որդիք աս-  
տուծոյ :

Ուրախ եղերուք հեթանոսք ընդ ժո-  
ղովրդեան նորա , և զօրացուցեն զնա  
ամենայն հրեշտակք աստուծոյ :

Խնդրելով խնդրեցաւ վրէժ արեան  
որդւոց նոցա , և հատուցումն Թշնամ-  
եաց նոցա հատուցաւ նոցա :

Հատուցումն ատելեաց նոցա հատու-  
ցաւ նոցա , և սրբեցէ տէր զերկիր  
ժողովրդեան իւրոյ :

Փառք հօր և որդւոյ և :

ՄԱՂԹԱՆՔ

Դու ես տէր մեր , դու ես քրիստոս  
փրկիչ մեր , զքեզ օրհնեն անձինք մեք :  
Մարդասէր տէր , վասն սրբուհւոյ ա-  
նարատի մօր քոյ և կուսի , և վասն  
խաչի քո պատուահանի տէր ընկալ  
զաղաչանա մեր , և կեցո զմեզ :

Քարոզ եւ աղօթք՝ Մի նշանն էր եւ Խոստովան կանոնացն :

Վասն ուղղելոյ զգնացս մեր 'ի ճա-  
նապարհս խաղաղութեան, զտէր ա-  
ղաչեսցուք : Տէր ողորմեա :

Վասն ցրելոյ 'ի մէնջ զամենայն խոր-  
հուրդս չարին, զտէր աղաչեսցուք :

Վասն պարգեւելոյ մեզ առողջ խոր-  
հուրդս եւ առաքինի վարս, զտէր աղա :

Վասն պահելոյ զմեզ ընդ հավանեաւ  
ամենազօր աջոյն իւրոյ, զտէր աղաչես :

Վասն խորտակելոյ զհակառակորդն  
վաղվաղակի ընդ ստիւք մերովք, զտէր ա :

Վասն հոգւոցն հանգուցելոց՝ որք ճըշ-  
մարիտ եւ ուղիղ հաւատով 'ի բրիստոս  
ննջեցին, զտէր աղաչեսցուք :

Եւ ես միաբան վասն ճշմարիտ ե :

Չանձինս մեր : Ողորմեաց :

ԱՂԹԻՔ

Տէր երկնի եւ երկրի՝ արարիչ ամենայն  
արարածոց երեւելեաց եւ աներեւու-  
թից : Առ քեզ կարդամք յամենայն

ժամ. զի ընդ ամենայն տեղիս է տէրու-  
թիւն քո, և արքայու թիւն քո ամենե-  
ցուն տիրէ : Ենորհեա մեզ երկիւղիւ  
'ի պաշտօն քո կանխել հանապազ, սիրել  
զքեզ 'ի բոլոր սրտէ և 'ի բովանդակ  
մտաց, և յամենայն զօրու թեանէ մերմէ-  
պահել զպատուիրանս քո : Համբառ-  
նալ առ քեզ զձեռս մեր 'ի սրբու թիւն  
առանց բարկու թեան և երկմտու-  
թեան, և գտանել 'ի քէն զչնորհս և  
զողորմու թիւն, և զառաքինասէր գոր-  
ծոցն յաջողու թիւն : Ասան զի դու ես  
տէր կենաց և աստուած ողորմու-  
թեանց, և քեզ վայելէ փառք իշխա-  
նու թիւն և սլատիւ, այժմ և միշտ և  
յաւիտեանս յաւիտենից, 'ամէն :

Խաղաղութիւն ամենեցուն :

Աստուծոյ երկիրպագեսցուք :

Քու՛մ ամենազօր և յաղթող տէրու-  
թեանդ կրկնի ամենայն ծունր յերկր-  
պագու թիւն, և փառաւորի յամենե-  
ցունց թագաւորութիւն քո : Նայեա


յերկրագագութիւնս մեր, և ուսո՞ մեզ  
տունել զարդարութիւն ճշմարտու-  
թեան : Ասան զի դու ես աստուած  
խաղաղութեան, որ բարձեր զթշնա-  
մութիւն 'ի միջոյ, և արարեր զխա-  
ղաղութիւն յերկինս և յերկրի. հե-  
ռաւորաց և մերձաւորաց աւետարա-  
նեցեր զնոր պարգևս քոյին բարեացդ :  
Որում և զմեզ մեծի շնորհացդ ար-  
ժանաւորս արասցես՝ դասելով ընդ  
ճշմարիտ երկրագագուս քո, աստուած  
մեր և տէր մեր և փրկիչ Յիսուս քրիս-  
տոս : Որ ես օրհնեալ ընդ հօր և ընդ  
սուրբ հոգւոյդ, այժմ և միշտ և յա-  
ւիտեանս յաւիտենից, ամէն :


ՄԱՂԹԱՆՔ

Յերգս օրհնութեան և 'ի ձայն սաղ-  
մոսաց անդադար փառաւորեմք զհայր  
և զորդի և զսուրբ հոգիդ, այժմ և  
միշտ և յաւիտեանս յաւիտենից, ամէն :

Օրհնեալ տէր մեր :

Հայր մեր որ յերկինս :







ՍՍ. ՂՄՈՍ ԾԵ .

Ի կատարած . վասն ժողովրդեանն , որ 'ի սրբոյն հե-  
ռացեալ էին . 'ի ժամանակի զի կալան զնա այլազգիքն  
'ի գէթ : Յարձանագիր . Սաղմոս դաւթի :

**Ո**ՂՈՐՄԵԱ, ինձ աստուած, զի կոխ-  
եաց զիս մարդ . զօրհանապաղ սպա-  
տերազմունք նեղեցին զիս :

Կոխեցին զիս թշնամիք իմ զօրհանա-  
պաղ . բազումք էին՝ ոյք մարանչէին  
ընդիս 'ի բարձանց :

Ի տուէ ես ոչ երկեացց , զի 'ի տէր  
յուսացայ . աստուծով գովեցից զբանս  
իմ՝ յաստուած յուսացայ՝ և ոչ եր-  
կեացց . զի՞ արասցէ ինձ մարդ :

Զօրհանապաղ զբանս իմ անարգեցին .  
զինէն էին խորհուրդք նոցա 'ի չա-  
րութեան :

Պանդուխտք եղիցին , և թաքթաքուրք  
չրջեցին . նոքա գարչասլարի իմում

սպասեցեն, որպէս և սպասէին ան-  
ձին իմոյ :

Որպէս առ ոչնչէ մերժեցես զնոսա ,  
բարկու թեամբ զժողովուրդս Հնազան-  
դեցուցես :

Աստուած զկեանս իմ պատմեցից քեզ .  
եղից զարտասուս իմ առաջի քո , որ-  
պէս խոստացար դու ինձ :

Դարձցին թշնամիք իմ յետս իւրեանց ,  
յաւուր յորում կարգացից առ քեզ :

Ահա ծանեա զի աստուած իմ ես դու .  
զաստուած օրհնեցից 'ի բանս իմ , և  
զտէր գովեցից 'ի խօսս իմ , յաստուած  
յուսացայ և ոչ երկեաց , զի՞ արասցէ  
ինձ մարդ :

Յինէն են ուխտք իմ , զոր տաց քեզ  
օրհնութեամբ աստուած աստուած իմ :  
Փրկեցեր զանձն իմ 'ի մահուանէ , զաչս  
իմ յարտասուաց , և զոտս իմ 'ի գայ-  
թակղութենէ . հաճոյ եղէց առաջի  
տեառն յերկրին կենդանեաց :



ՍՍ. ՂՄ ՈՍ Ծ Զ .

Ի կատարած մի ապականեր . Սաղմոս դաւթի յարձա-  
նագիր , 'ի ժամանակի զի փախուցեալ եւ թաղուցեալ  
էր նա յերեսաց սաւուղայ յայրի անդ :

Ողորմեա ինձ աստուած՝ ողորմեա ինձ ,  
զի 'ի քեզ յուսացաւ անձն իմ :

Ի հովանի թեւոց քոց յուսացայց ,  
մինչեւ անցցէ անօրէնութիւն :

Աղաղակեցի առ աստուած բարձրեալ ,  
առ աստուած բարերար իմ :

Առաքեաց յերկնից և կեցոյց զիս .  
եղ 'ի նախատինա , որք կօխէին զիս :

Առաքեաց աստուած զողորմութիւն  
և զճշմարտութիւն իւր , և փրկեաց  
զանձն իմ 'ի միջոյ գազանաց , զիննջէի  
ես խռովեալ :

Որդւոց մարդկան ատամունք իւրեանց  
զէն և նետք են , և լեզուք նոցա որ  
սկէս զսուր սուսերի :

Բարձեալ ես դու յերկինս աստուած ,  
և ամենայն երկրի են փառք քո :

Որոգայթ պատրաստեցին ոտից իմոց ,  
խոնարհ արարին զանձն իմ , փորեցին

առաջի իմ խորխորատ , և անկան ինք-  
եանք 'ի նոյն :

Պատրաստ է սիրտ իմ աստուած ,  
պատրաստ է սիրտ իմ օրհնել և սաղ-  
մոս ասել .քեզ փառօք իմովք :

Ջարթիք փառք իմ , զարթիք սաղմո-  
սիւք և օրհնութեամբ , և ես զար-  
թեայց առաւօտուց :

Խոստովան եղէց .քեզ 'ի ժողովուրդս  
տէր , և սաղմոս ասացից .քեզ յազինա :  
Մեծ եղեւ մինչեւ յերկինս ողորմու-  
թիւն .քո , մինչեւ յամպս ճշմարտու-  
թիւն .քո :

Բարձրեալ ես դու յերկինս աստուած ,  
և յամենայն երկրի ե՛ն փառք .քո :  
Տունք ժգ :

ՄԱՂՄՈՍ Ե՛՛՛ :

Ի կատարած . մի ազականեր . յարձանազիր .  
Սաղմոս դաւթի :

Թէ արդարեւ զարդարու թիւն խօսէ-  
լիք , և ուղիղս դատէլիք որդիք մարդկան :  
Քանզի և արդ իսկ 'ի սրտի ձերում  
զանօրէնու թիւն գործէք յերկրի . զա-

Նիկրառու թիւն ձեռք ձեր նիւ թե՛ն է  
Պատր եղեն մեղաւորք 'ի մօրէ . խա-  
բեցան յարգանդէ , և խօսեցան սուտ  
Սրամտութիւն նոցա ըստ նմանու-  
թեան օձի . որպէս իժի և քարբի ,  
զի խցեալ է զականջս իւր :

Զի մի լուիցէ նա զձայն թովչի ճար-  
տարի , և մի առցէ զդեղ 'ի գեղատուէ  
խմասնոց :

Աստուած փշրեացէ զատամունս նոցա  
'ի բերանս իւրեանց , և զժանիս առ-  
ուիւծուց խորտակեաց տէր :

Անարգ եղիցին նորա որպէս ջուր՝ զի  
հեղանի , 'ի լարել աղեղան նորա տկա-  
րասցին որպէս մոմ զի հալի , և սպա-  
ռեցցին :

Անկաւ հուր՝ և ոչ տեսին զարեւ ,  
մինչչեւ 'ի միտ առեալ էր զփուշս իւր-  
եանց . որպէս զժնիկ բարկութեամբ  
կենդանւոյն կիզցէ զնոսա :

Ուրախ եղիցի արգարն՝ յորժամ տես-  
ցէ զհաստուցումն . և զձեռս իւր լուսա-  
ցէ յարեան մեղաւորի :

Եւ ասացէ մարդ, թէ արդարեւ  
գուցէ պառուղ արդարոյ, և է աստ  
ուած որ դատի զնոսա յերկրի :

Տունք ժ : Գորդայս լգ :

ՍՍ. ՂՄՈՍ ԾԸ.

Ի կատարած . մի ապականեր . յարձանագիր . Սաղմոս  
դաւթի . 'ի ժամանակի զի առաքեաց սաւուղ, և  
պաշարեաց զտուն նորա, զի սպանցէ զնա :

Փրկեա զիս 'ի թշնամեաց իմաց աստ  
ուած, յայնցանէ ոյք յարուցեալ են  
'ի վերայ իմ, ապրեցո զիս :

Փրկեա զիս յայնցանէ, ոյք գործեն  
զանօրէնու թիւն . յարանց արիւնա  
հեղաց ապրեցո զիս :

Որսալ զանձն իմ կամեցան, և հասին  
'ի վերայ իմ հօրք :

Ոչ մեղք իմ և ոչ յանցանք . առանց  
մեղաց ընթացայ և ուղիղ եղէ :

Զարթիր ընդ առաջ իմ և տես, դու  
տէր զօրութեանց աստուած իսրայէլի :

Նայեաց և այց արա ամենայն հե  
թանոսաց, մի ողորմիր ամենեցուն,

ոյք գործեն զանօրէնութիւն :  
Գարձցին ընդ երեկոյս , սովեսցին որ  
պէս շունք , և շրջեսցին զքաղաքաւ :  
Նոքա զօղանջեսցեն բերանօք իւրեանց ,  
և սուր է 'ի շրթունս նոցա :  
Իսկ արդ ո՞վ լուաւ զայս , զի դու տէր  
ծիծաղեսցիս զնոքօք , և արհամար-  
հեսցես զամենայն հեթանոսս :  
Զգորութիւն իմ առ քեզ պահեսցից .  
զի աստուած օգնական իմ է :  
Աստուած իմ , ողորմութիւն նորա  
կանխեսցէ առիս , և աստուած իմ  
ցուցցէ ինձ 'ի թշնամիս իմ :  
Մի սպանաներ զնոսս , զի մի մոռաս-  
ցին զժողովուրդս քո :  
Տրուեա զնոսս զօրութեամբ քով , և  
ընկճեա զնոսս , զի դու ես պաշտ-  
պան իմ տէր :  
Մեղք բերանոյ նոցա և բանք շրթանց  
նոցա , ընկլցին նոքա յամբարտաւա-  
նութեան իւրեանց :  
Յանէծս և 'ի ստութիւնս մատնեսցին ,  
'ի կատարածի բարկութեան սպառեա-

ցին, և մի գացին:

Գիտասցեն՝ զի աստուած տիրէ յա-  
կոբայ և ամենայն ծագաց երկրի:  
Գարձցին ընդ երեկոյս, սովեսցին որ-  
պէս շունք, և շրջեսցին դքսադաքսաւ:  
Նորս սփռեսցին յաւտել, ասպա թէ  
ոչ յագեսցին, տրանջեսցեն:

Ես օրհնեցից զօրհնութիւնս տեսուն,  
և ցնծացայց առաւօտուց յողորմու-  
թեան քում:

Զի եղեր իմ սլաշտպան և տուն ա-  
պաւինի, յաւուր նեղութեան իմոց  
օգնական իմ:

Քեզ սաղմոս ասացից՝ աստուած տալա-  
ւէն իմ, աստուած ողորմութեան իմոց:  
Տունք իս:

ՍՍՂՍՈՍ ԾԹ.

Սաղմոս դաւթի. արձանագիր. ՚ի կատարած. զառան-  
ցելոց ժամանակաց առ ուսմանէ. ՚ի ժամանակի զի  
հնձիգ արար նա զմիջագէտս ևւ զասորեստանն սովո-  
ղայ, և ՚ի դարձին հարկանէր յովար զձօրն աղաից  
յերկոտասան հազարս:

Աստուած մերթեցեր և աւերեցեր  
զմեզ, բարկացար, և գթացիս ՚ի մեզ

Շարժեցեր ղերկիր, և խռովեցուցեր  
զա, բժշկեա զհարուածս սորա, զի  
սասանեցաւ ։

Յուցեր ժողովրդեան քում խատու-  
թիւն, և ետուր ըմպել մեզ գինի յի-  
մարութեան ։

Ետուր երկիւղածաց քոյ նշան, զի  
ասրեսցին յերեսաց աղեղան ։

Որպէս փրկեցան սիրելիք քո, կեցո  
աջով քով, և լուր մեզ ։

Աստուած խօսեցաւ ՚ի սրբութենէ  
իւրմէ, ցնծացայց՝ բարձր եղէց, բա-  
ժանեցից զսիւքէմ, և զհովիտան յար-  
կաց չափեցից ։

Իմ է գաղայադ, և իմ է մանասէ,  
եփրեմ հզօրիչ գլխոյ իմոյ ։

Յուդա թագաւոր իմ, մովաբ աւա-  
զան յուսոյ իմոյ ։

Յեդովմէ ուղղեցից զգնացս իմ, և ինձ  
այլազգիք հնազանդ եղեն ։

Ո՞ տացէ զիս ՚ի քաղաք ամուր, կամ  
ով առաջնորդեացէ ինձ մինչեւ ցեղոմ ։  
Եթէ ոչ դու աստուած, որ մերժեցեր

զմեզ, և ոչ ելեր աստուած ընդ զօրս մեր:   
Տուր մեզ օգնութիւն 'ի նեղութեան,   
զի ընդունայն է փրկութիւն մարդոյ:   
Աստուծով արասցուք զօրութիւն, և   
նա արհամարհեսցէ զայնոսիկ՝ ոյք   
նեղեն զմեզ:

Տունք ժգ:

ՍՍՂՄՈՍ Կ.

Ի կատարած. ընդ օրհնութիւն. Սաղմոս դաւթի:

Լուր աստուած աղօթից իմոց, և նա   
յեա տէր յաղօթս իմ:

Ի ծագաց երկրի կարգացի առ քեզ,   
մինչ 'ի վաստակիլ սրտի իմոյ:

Ի վիմէ բարձր արարեր զիս. առաջ   
նորդեցեր ինձ, և իմ եղեր յոյս, և   
աշտարակ հզօր եղեն ինձ յերեսաց   
թշնամւոյն:

Բնակեցայց ես 'ի յարկաքոյաւ իտեան,   
և ծածկեցայց ընդ հովանեաւ թեւոց   
քոց:

Դու աստուած լուար աղօթից իմոց.   
ետու ժառանգութիւն, ոյք երկնչին   
յանուանէ քումնէ:



Աւուրս յաւուրս յաւելեր թագաւորի  
ամաց նորա, աւուրս ազգաց մինչեւ  
յազգս :

Կայ և մնայ յաւիտեան առաջի աստու-  
ծոյ ողորմութիւն և ճշմարտութիւն,  
ոյք խնդրեն 'ի նմանէ :

Այսպէս սաղմոս ասացից անուան քում  
յաւիտեանս յաւիտենից, և տաց քեզ  
զաղօթս իմ օր ըստ օրէ :

Տունք Ը, Գորդայս խբ :

ՍՍ. ՂՄՈՍ ԿՍ.

Ի կատարած. 'ի վերայ իդիթովմայ. Սաղմոս դաւթի :

Բայց միայն աստուծոյ հնազանդ լեր  
անձն իմ, զի 'ի նմանէ է ինձ փրկութիւնս  
Նաէ աստուած իմ և փրկիչ իմ, ապա-  
ւէն իմ՝ զի մի սասանեցայց առաւել :  
Մինչեւ յերբ յառնէք 'ի վերայ մարդոյ՝  
սպանանել ամենեքեան, որպէս յորմոյ  
թիւրեւոյ և 'ի ցանկոյ մերժելոյ :

Բայց միայն զպատիւ իմ խորհեցան  
մերժել յինէն, և ընթացան 'ի ծարաւս  
իւրեանց :

Յերանօք իւրեանց օրհնէին, և սրաիւք  
անիծանէին :

Բայց սակայն աստուծոյ հնազանդ լեր  
անձն իմ, զի 'ի նմանէ է ինձ համբե-  
րութիւն :

Նա է աստուած իմ և փրկիչ իմ, ա-  
պաւէն իմ. զի մի սասանեցայց :

Յաստուծոյ է զօրութիւն իմ և փառք  
իմ. աստուած օգնութեան իմոյ, յոյս  
իմ առ աստուած է :

Յուսացարուք 'ի նա ամենայն ժողովք  
ժողովրդոց, սփռեցէք առաջի նորա  
զսիրտս ձեր, զի աստուած օգնական  
է մեր յաւիտեանս ժամանակաց :

Սակայն ընդունայն են որդիք մարդ-  
կան, սուտ են որդիք մարդկան, 'ի  
կշիռս իւրեանց մեղանչեն, և ինքեանք  
յունայնութեան են 'ի միասին :

Մի յուսայք յանիրաւութիւն, յա-  
փրշտակութեան մի ցանկայք, և մե-  
ծութիւն թէ առուիւ գայցէ, մի  
յօժարեցին սիրտք ձեր :

Միանգամ խօսեցաւ աստուած, և

Երկուս զայս լուար :

Յատու ծոյ է զօրութիւն, և քո աէր  
ողորմութիւն, և դու հատուցանես  
իւրաքանչիւր ըստ գործոց նոցա :

Տունք թգ :

ՍՍ. ՂՄ ՈՍ ԿԲ.

Սաղմոս դաւթի. մինչդեռ նստէր նա յանապատի  
անդ հրէաստանի :

Ստուած աստուած իմ, ես առ քեզ  
առաւօտ առնեմ, ծարաւեաց առ  
քեզ հոգի իմ, քանի՞պատիկ եւս և  
մարմին իմ :

Որպէս երկիր անապատ և անջուր,  
ուր ոչ գոյ 'ի նմա ճանապարհ :

Այսպէս 'ի սուրբս երեւեցայց քեզ,  
տեսանել ինձ զզօրութիւն քո և ըզ-  
փառս քո :

Վասն զի լու է ինձ ողորմութիւն  
քո քան զկեանս իմ, և շրթունք իմ  
գոյլեացեն զքեզ :

Այսպէս օրհնեցից զքեզ 'ի կեանս իմ,  
և յանուն քո համբարձից զձեռս իմ :  
Որպէս 'ի ճարպոյ պարարտութենէ

լցցի անձն իմ, շրթամբք ցնծութեան  
օրհնեսցէ զքեզ բերան իմ :

Ձի թէ յիշէի զքեզ յանկողնի իմում,  
ընդ առաւօտս կանխեալ խօսէի ընդ  
քեզ :

Ձի եղեր իմ օգնական, 'ի հովանի  
թեւոց քոց ցնծացայց :

Եկն զկնի քո անձն իմ, և զիս ընկա-  
լու աջ քո . և նորա 'ի նանիր խնդրե-  
ցին զանձն իմ :

Մտցեն 'ի ներքոյ անդնդոց երկրի .  
մատնեսցին 'ի ձեռս սրոյ, և բաժինք  
աղուխուց եղիցին :

Թագաւոր յուսացաւ 'ի տէր, գովես-  
ցին ամենեքեան՝ ոյք երդնուն նո-  
վաւ . խցցին բերանք այնոցիկ՝ ոյք  
խօսէին զանիրաւութիւն :

Տունք ժա :

ՍՍ. ՂՄՈՍ ԿԳ .

Ի կատարած . Սաղմոս զաւթի :

Լուր աստուած աղօթից իմոց յա-  
զաչել ինձ առ քեզ . յերկիւղէ թըշ-  
նամւոյն փրկեա զանձն իմ :

Ծածկեցցես զիս 'ի ժողովոց չարաց , 'ի  
բազմութենէ՝ ոյք գործեն զանօրէ-  
նութիւն :

Ոյք սրեցին որպէս սուսեր դլեզուս  
իւրեանց , լարեցին զաղեղունա իւրեանց  
յիրս դառնութեան :

Զգել 'ի գաղտնիս այնոցիկ՝ ոյք ուղիղ  
են սրտիւք . յանկարծակի ձգեցցեն  
'ի նոսա , և մի երկիցեն :

Ոյք զօրացուցին յանձինս իւրեանց  
զբանա չարութեան , խորհեցան թա-  
գուցանել ինձ որոգայթ , և ասացին  
ոչ տեսանէ զայս տէր :

Քննեցին զանօրէնութիւն , պատրաս-  
տեցան 'ի քննել զքննութիւն :

Մտտիցէ այր 'ի խորութիւն սրտի իւ-  
րոյ , և բարձր եղիցի աստուած :

Նեաք տղայոց եղեն վէրքնոցա , տկա-  
րացան 'ի նոսա լեզուք նոցա , և խռո-  
վեցան ամենեքեան՝ ոյք հայէին ընդ  
նոսա :

Երկեաւ ամենայն մարդ 'ի պատմել  
զգործս աստուծոյ , և զարարածս նա-

բա 'ի միտ առին :  
Ուրախ եղիցի արդար 'ի տէր , և յու-

տասցի 'ի նա . նովաւ գովեսցին ամե-  
նէքեան , ոյք ուղիղ են սրտիւք :

Տունք ժ . Գորղայս լդ :



Ս Ո Ղ Մ Ո Ս Կ Գ .

Ի կատարած . Սաղմոս դաւթի . օրհնութիւն երեմիայի'  
եղեկիէլի եւ ժողովրդեանն , յորժամ 'ի պանդխտու-  
թենէն կամէին ելանել :

Քեզ վայելէ օրհնութիւն տառուած  
'ի սիօն , և քեզ տացին աղօթք յերու-  
րուսաղէմ :

Լուր աղօթից իմոց , զի առ քեզ ա-  
մենայն մարմին եկեսցէ :

Բանք անօրինաց զօրացան 'ի վերայ  
մեր , և զամբարշտութիւնս մեր դու-  
քաւեսցես :

Երանի զոր ընտրեցեր և ընկալար , և  
բնակեսցին 'ի գաւիթս քո :

Լցցուք մէք 'ի բարութենէ տան քո ,  
սուրբ է տաճար քո սքանչելի արդա-  
րութեամբ :

Լուր մեզ աստուած փրկիչ մեր, յոյս  
ամենայն ծագաց երկրի, և որ 'ի ծով  
Հեռի :

Ո պատրաստէ զլերինա զօրութեամբ  
իւրով, և զգեցեալ է զօրութիւն :

Ո խռովեցուցանէ զմեծութիւն ծովու,  
և զձայն ալեաց նորա ցածուցանէ :  
Խռովեսցին Հեթանոսք, և երկիցեն  
բնակիչք երկրի 'ինչանաց քոյ :

Յերա առաւօտու և ընդ երեկոյս զուար-  
ճասցին . հայեցար յերկիր՝ արբեցու-  
ցեր զնա, և բազում արարեր զմե-  
ծութիւն նորա :

Քեան աստուծոյ լի եղեւ ջուրք .  
պատրաստ արարեր զկերակուր նորա,  
զի պտպէս է պարարտութիւն :

Զակօս նորա արբեցուցեր, և բազում  
արարեր զարմտիս նորա :

Ի ցօղել նորա զուարթ եղիցի բոյս նո-  
րա, որ հնեսցի պտակ տարւոյ քաղց-  
րութեան քոյ :

Դաշտք քո լոցին պարարտութեամբ,  
պարարտասցին գեղեցկութիւնք ա-

Նասպատի :

Բլուբք զցնծու թիւն զգեցցին , և ըզգեցցին խոյք մաքեաց :

Հովիտք բազում արասցեն զցորեան , աղաղակեսցեն և օրհնեսցեն :

Տունք ժղ :

ՍՍՂՄՈՍ ԿԵ .

Ի կատարած . Սաղմոս դաւթի . յարութեան :

Աղաղակեցէք առ աստուած ամենայն երկիր . սաղմոս ասացէք անուանն նորա , և տուք զփառս օրհնութեաննորա :

Ասացէք աստուծոյ , որպէս զի ահեղ են գործքքո . 'ի բազում զօրութեանքում ստեցին քեզ թշնամիք քո :

Ամենայն երկիր երկիրպագցեն քեզ , սաղմոս ասացեն քեզ , և սաղմոս ասացեն անուան քում :

Եկայք և տեսէք զգործս աստուծոյ , որպէս զի ահեղ են խորհրդով քան զամենայն որդւոց մարդկան :

Ո գարձոյց զծովն 'ի ցամաք , և ընդ գետս անցին ոտանաւորք :

Անդ ուրախ եղիցուք մեք 'ի նա , որ ափ-



ընն զօրու թեամբ իւրով յաւիտենից ։  
Աչք նորա 'ի հեթանոսս հային , որք  
դառնացուցին զնա , մի՛ բարձրացին  
յանձինա իւրեանց ։

Օրհնեցէք հեթանոսք զաստուած մեր ,  
լսելիարարէք զձայն օրհնութեաննորա ։  
Այն որ ետ զանձն իմ 'ի կեանա , և  
ոչ ետ գողութիւնն օտից իմոց ։

Փորձեցեր զմեզ աստուած և քննե-  
ցեր , որպէս և քննի արծաթ ։

Իջուցեր զմեզ յորոգայթ , եղեր զնե-  
ղութիւնն 'ի թիկունա մեր , և անցու-

ցեր զմարդիկ 'ի վերայ գլխոց մերոց ։  
Անցաք մեք ընդ հուր և ընդ ջուր ,  
և հաներ զմեզ 'ի հանգիստ ։

Մտից 'ի տունն քոյ սլատարագօք , տաց  
քեզ զուխտ իմ , զոր խոստացան քեզ  
չրթունք իմ , զոր բերան իմ խօսեցաւ  
'ի նեղութեանն ։

Զողջակէզս ուղղալիցս մատուցից քեզ  
խոյովք և խնկովք , և քեզ մատուցից  
զուարակս և նոխազս ։

Եկայք լուարուք ինձ՝ և սլատմեցից

ձեզ ամենեքեան՝ ոյք երկնչիք յաստուծոյ, զոր ինչ արար անձին իմոյ :  
Առ նա բերանով իմով կարդացի, և  
բարձր արարի զնա լեզուաւ իմով :  
Զմեզս թէ տեսանէի 'ի սրտի իմում,  
միթէ լսէ՞ր ինձ տէր :

Վասն այսորիկ լուաւ ինձ աստուած,  
և նայեցաւ 'ի ձայն ինդրուածոց իմոց :  
Օրհնեալ է աստուած՝ որ ոչ 'ի բաց  
եսայ արար զաղօթս իմ, և ոչ զողորմ  
ութիւն իւր յինէն :

Տունք թի :

ՍՍ. ՂՄՈՍ ԿԶ.

Ի կատարած . ընդ օրհնութիւնս . Սաղմոս երգոց :

Աստուած ողորմեա մեզ և օրհնեա  
զմեզ, երեւեցո զերեսս քո 'ի մեզ, և  
ողորմեա մեզ :

Ճանաչել յերկրի զճանապարհս քո,  
յազինա ամենայն զփրկութիւնս քո :  
Խոստովան եղիցին առ քեզ ժողո  
վուրդք աստուած, խոստովան եղիցին  
առ քեզ ժողովուրդք ամենայն :

Ուրախ եղիցին և ցնծասցեն ազինք,

զի դու գատեա զժողովուրդս ուղղու-  
թեամբ, և ազգաց երկրի դու ա-  
ռաջնորդես :

Խոստովան եղիցին առ քեզ ժողո-  
վուրդք աստուած, գոհասցին զքէն  
ժողովուրդք ամենայն :

Երկիր ետ զպտուղ իւր, և օրհնեաց  
զմեզ աստուած աստուած մեր :

Աստուած մեր օրհնեսցէ զմեզ, և ՚ինը-  
մանէ երկիցեն ամենայն ծագք երկրի :

Տունք է: Գորդայս խք:

---

ՍՍ.ՂՄՈՍ ԿԷ.

Ի կատարած. Սաղմոս դաւթի:

Յարիցէ աստուած՝ և ցրուեսցին ա-  
մենայն թշնամիք նորա, փախիցեն ա-  
տելիք նորա յերեսաց նորա :

Որպէս պակասի ծուխ՝ պակասեսցին,  
որպէս հալի մոմ առաջի հրոյ, այնպէս  
կորիցեն մեզաւ որք յերեսաց աստուծոյ :

Արդարք ուրախ եղիցին՝ և ցնծասցեն  
առաջի նորա, և զուարճասցին յուրա-

խուժեան իւրեանց ։

Օրհնեցէք զաստուած մեր և սաղմոս  
ասացէք անուան նորա . ճանապարհ աւ-  
րարէք այնմիկ՝ որ նստի ընդ արեւ-  
մուտս , և տէր է անուն նորա ։

Յնծասցեն առաջի նորա , և խռովես-  
ցին յերեսաց նորա ։

Որհայրն է որբոց և դատաւոր այրեաց ,  
աստուած՝ ի տեղւոյ սրբու թեան իւրոյ ։

Աստուած բնակեցուցանէ զմիակրօնա  
՚ի տան , և հանէ զկապեալս քաջու-  
թեամբ իւրով , սոյնպէս և զգառնա-  
ցողս՝ որք բնակեալ են ՚ի գերեզմանս ։

Աստուած ընդ ելանելն քո առաջի ժո-  
ղովրդեան քո , ընդ անցանելն քո ընդ  
անապատ՝ երկիր շարժեցաւ ։

Քանզի և երկինք ցողեսցին յերեսաց  
աստուծոյ ՚ի սինայէ առաջի աստուծոյ  
խրայէլի ։

Անձրեւ կամաց սլատրատեցեր աստ-  
ուած ժառանգու թեան քում , թէ-  
պէտ և հիւանդացաւ , սակայն դու  
հաստատեցեր դնա , և գաղանք քո բը-

Նաակեացին 'ի նմա :

Պատրաստ արարեր քաղցրու թեամբ  
քով աղքատի տատուած , տէր տացե  
ղբան , ոյք աւետարանեն զօրու թեամբ  
բաղմաւ :

Թագաւոր զօրու թեանց սիրելւոյ , գե  
ղեցկու թիւն տան քո բաժանեալ յա  
ւարի , թէսկէտ և ննջեսջիք 'ի մէջ  
վիճակաց :

Թեւք աղաւնոյ արծաթապատ , և  
թիկնամէջ նորա 'ի գոյն ոսկւոյ :

Ի գումարել երկնաւորին զթագաւորս  
'ի վերայ նորա , ճիւնասցին 'ի սաղմոն :  
Լեառն աստուծոյ լեառն սպարաթ ,  
լեառն մածեալ՝ լեառն սպարաթ , և  
դի'նչ կարծէք լերինք հպարտացեալք :  
Լեառն , ընդ որ հաճեցաւ աստուած  
բնակել 'ի նմա , քանզի և տէր իսկ բը  
նակեացի 'ի նմա իսպառ :

Կառք աստուծոյ բիւրապատիկք , հա  
ղարք ուղղիչք , և տէր 'ի նոսա 'ի սինէ  
սրբու թեան իւրոյ :

Եւ 'ի բարձունա և գերեաց զգերու

Թիւն . էառ աւար՝ բաշխեաց սլար-  
դեւս և ետ որդւոց մարդկան . քանդի  
Թերահաւատից ևս բնակեալ եղիցին  
ի նմա :

Տէր աստուած օրհնեալ՝ օրհնեալ տէր  
զօրհանապաղ , առաջնորդեսցէ մեզ  
աստուած փրկիչ մեր :

Աստուած մեր աստուած կենարար ,  
և ՚ի տեառնէ են ելք մահու :

Բայց սակայն աստուած փշրեսցէ զգը-  
լուխս Թշնամեաց մերոց , և զհերն  
կարճնովին , ոյք գնան յանօրէնու-  
Թեան իւրեանց :

Ասաց տէր՝ ՚ի խորոց անդնդոց դար-  
ձուցից , և ՚ի միջոյ ժանեաց զայն ՚ի  
գուրս կորզեցից :

Որպէս Թացցի ոտն քո յարեան , և լե-  
զուք շանց քոց յարենէ Թշնամեաց քոց :  
Երեւեցան գնացք քո աստուած , գը-  
նացք աստուծոյ Թագաւորին մերոյ  
սրբոյ :

Պանխեցին իշխանք հանել զօրհնու-  
Թիւն ՚ի մէջ կուսանաց և գովչաց :

Յեկեղեցիս օրհնեցէք զաստուած , և  
զտէր յաղբերացն իսրայելի :

Անդ բենիամին 'ի տղայութեան զար-  
մանալի , իշխանք յուղայ առաջնորդք  
նորա իշխանք զաբուղոնի , և իշխանք  
նեփթաղիմայ :

Հրամայեա աստուած զօրութեամբ  
քով . զօրացո զայս , զոր հաստատեցեր  
'ի մեզ :

Ի տաճարէ քու մմէ յերուսաղեմէ քեզ  
մատուցեն թագաւորք զսլատարագս :

Սաստեա 'ի դազան եղեգան , 'ի ժողովս  
զուարակաց և 'ի դասս երնջոց :

Խոտեսցին այնոքիկ՝ ոյք ընտրեալ են  
արծաթով , ցրուեա զհեթանոսս , ոյք  
կամին ընդ սլատերաղմ :

Եկեսցեն հրեշտակք յեգիսլատսէ , հըն-  
դիկք յառաջագոյն ձեռնտու լիցին առ  
աստուած :

Թագաւորութիւնք երկրի օրհնեցէք  
զաստուած , և սողմոս ասացէք տեառն :  
Ճանապարհ արարէք այնմիկ , որ նաօի  
յերկինա երկնից ընդ արեւելս :

Ահա տացէ զձայն իւր 'ի ձայն զօրու-  
թեան, և տուր զփառս աստուծոյ :  
Ի վերայ խորայէլի մեծվայելչութիւն  
նորա, և զօրութիւն նորա մինչեւ  
յամպս երկնից :

Աքանչելի է աստուած 'ի վերայ սրբոց  
իւրոց, աստուած խորայէլի :

Նա տացէ զօրութիւն հաստատու-  
թեան ժողովրդեան իւրոյ, օրհնեալ  
է աստուած :

Տունք Լ :

Ս Ս Ղ Մ Ո Ս Կ Ը .

Ի կատարած . Սաղմոս դաւթի . վասն զառանցելոցն :

Կեցո զիս աստուած, զի հասին ջուրք  
յանձն իմ, ընկլայ ես 'ի խորս անդրն-  
դոց, ուր ոչ գոյ ինձ հանգիստ :

Եկի ես 'ի խորս ծովու, և շրջանք  
ընկղմեցին զիս :

Վաստակեցայ ես առ աղաղակել, և  
կերկերեցաւ կոկորդ իմ :

Նուաղեցան աչք իմ առ յուսալ ինձ  
առ տէր աստուած իմ :



Բազումք եղեն քան զհեր գլխոյ իմոյ,  
ոյք ատէին զիս 'ի տարապարտուց ։  
Զօրացան յիս թշնամիք իմ և ատելիք  
իմ 'ի նանիր, ինչ զոր ոչ յափշտակեալ  
էի, տուժէի նոցա ։

Աստուած դու ծանեար զանողամու-  
թիւն իմ, և յանցանք իմ 'ի քէն ոչ  
ծածկեցան ։

Մի ամաչեսցեն վասն իմ, ոյք համբե-  
րեն քեզ տէր տէր զօրութեանց, մի  
պատկառեսցին վասն իմ, ոյք խնդրեն  
զքեզ աստուած իսրայէլի ։

Վասն քո համբերի նախատանաց, և  
ծածկեաց ամօթ զերեսս իմ ։

Օտար եղէ ես յեղբարց իմոց, և հիւր  
որդւոց մօր իմոյ ։

Նախանձ տան քո եկեր զիս, և նա-  
խատինք նախատչաց քոց անկան 'ի վե-  
րայ իմ ։

Խոնարհեցուցի պահօք զանձն իմ, և  
եղեն ինձ այս նախատինք, արարի զհան-  
դերձս իմ քուրձ, և եղէ յառակ նոցա ։  
Զինէն խորհէին, ոյք նատէին առ ըզ

դրունա . զիս այսին առնէին , ոյք ըմ-  
պէին զգինի :

Ես յաղօթս կայի առ քեզ տէր 'ի ժա-  
մանակ ընդունելի :

Աստուած 'ի բազում ողորմութեան  
քում լուր ինձ , 'ի ճշմարտութիւն  
փրկութեան քո :

Ապրեցո զիս 'ի կաւոյ , զի մի՛ ընկլայց .  
ասպրեցայց ես յատելեաց իմոց , և 'ի  
խորոց ջուրց բազմաց :

Մի՛ ընկլցեն զիս պտոյտք ջուրց , և մի՛  
ընկղմեացեն զիս անդունք խորոց . և  
Ջրհոր մի՛ կաբուսցէ զբերան իւր 'ի  
վերայ իմ :

Լուր ինձ տէր , զի քաղցր է ողորմու-  
թիւն քո . ըստ բազում գթութեան  
քում հայեա յիս , և մի՛ դարձուցա-  
նէր զերեսս քո 'ի ծառայէ քումմէ . զի  
նեղեալ եմ ես , վաղվաղակի լուր ինձ :  
Հայեա յանձն իմ և փրկեա զիս , և  
վասն թշնամեաց իմոց ասպրեցո զիս :  
Ձի գու զիտես զնախատաինա իմ , զա-  
մօթ իմ և զսրասկստանա իմ :

Առաջի քո են ամենայն նեղիչք ան-  
ձին իմոյ . նախատանաց համբեր սիրա  
իմ և թշուառութեան :

Ակն ունէի՝ թէ որ տրտմեսցի ընդիս ,  
և ոչ որ էր , և միսիթարիչ ինձ ոչ որ  
գտաւ :

Ետուն 'ի կերակուր ինձ լեղի , և 'ի  
ծարաւ իմ արբուցին ինձ քացախ :  
Եղիցին սեղանք նոցա առաջի նոցա  
յորոգայթ , 'ի հատուցումն և 'ի գայ-  
թակղութիւն :

Խաւարեսցին աչք նոցա , զի մի տես-  
ցեն , և զթիկունս նոցա հանապազ  
կորացո :

Արկցես 'ի վերայ նոցա զբարկութիւն  
քո , և սրտմտութիւն բարկութեան  
քոյ հասցէ 'ի վերայ նոցա :

Եղիցին բնակութիւնք նոցա աւերակ ,  
և 'ի հարկս նոցա մի որ իցէ՝ որ բնակիցէ :  
Զի զոր դու հարեր՝ հալածեցին , և  
'ի վերս ցաւոց իմոց յաւելին :

Դիր զմեզս 'ի վերայ մեղաց նոցա , զի  
մի մտցեն յարգարութիւն քո :

Չնջեացին նորա 'ի գպրու թե՛նէ քու միլէ  
կենաց, և ընդ արդարս քո մի գրեացին ։  
Աղքատ և ցաւած եմ ես, փրկու  
թիւն քո աստուած ընկալցի զիս ։  
Օրհնեցից զանուն աստուծոյ իմոյ օրհ  
նու թեամբ, և բարձր արարից զնա  
գովու թեամբ ։

Հաճոյ եղիցի աստուծոյ քան զորթ մա  
տաղ, որ բերէ զեղջիւրս և զկճղակս ։  
Տեացեն աղքատք և ուրախ եղիցին,  
խնդրեցէք զաստուած, և կեցցեն  
անձինք ձեր ։

Զի լուաւ տէր անանկաց, և զկապ  
եարս իւր ոչ արհամարհեաց ։

Օրհնեացեն զնա երկինք և երկիր,  
ծովք և ամենայն որ զեռայ 'ի նոսա ։

Աստուած փրկէ զսիօն, և շինեացին  
քաղաքք հրէաստանի, շինեացեն բնա  
կեացեն՝ և ժառանգեացեն 'ի նմա ։

Զաւակ ծառայից քոց հաստատեցի  
անդ, և ոյք սիրեն զանուն քո, բնա  
կեացեն 'ի նմա ։

ՍՍ. ՂՄ ՈՍ ԿԹ.

Ի կատարած. Սաղմոս դաւթի՝ առ 'ի յիշատակ փրկելոյ  
զնա տեառն:

Աստուած յօգնել ինձ նայեաց, և տէր  
յրնկերել ինձ փութայ:

Ամաչեցեն և յամօթ լիցին՝ ոյք խընդ-  
րէին զանձն իմ. դարձցին յետս և ա-  
մաչեցեն՝ ոյք խորհէին ինձ չար:

Գարձցին առ ժամայն ամաչեցեալք,  
ոյք ասէին ինձ վաչ վաչ:

Ցնծասցեն և ուրախ լիցին՝ 'ի քեզ ա-  
մենեքեան, ոյք խնդրեն դքեզ տէր:

Ասասցեն յամենայն ժամ մեծ է աստ-  
ուած, և ոյք սիրեն զփրկութիւնս քո:

Ես աղքատ և տնանկ եմ, աստուած  
օգնեա ինձ, օգնական և փրկիչ իմ ես,

և դու տէր իմ՝ մի՛ յամենար:

Տունք զ. Գորգայս խդ.

ՍՍ. ՂՄ ՈՍ Հ.

Ի կատարած. որդւոցն յովնադարայ, յետ առաջնոյ  
գերութեանն. Սաղմոս դաւթի:

Ի քեզ տէր յուսացայ, մի՛ ամաչեցից  
յաւխտեան, յարդարութեան քում

փրկեաւ և ապրեցո զիս :

Խոնարհեցո առ իս զունկն քո , և կե-  
ցո զիս :

Լեր իմ աստուած ապաւէն , և տեղի  
ամուր կեցուցանել զիս . զի հաստա-  
տու թիւն իմ և ապաւէն իմ դու ես :

Աստուած իմ , փրկեաւ զիս 'ի ձեռաց մե-  
ղաւորի , 'ի ձեռաց անօրինի և անիրաւի :  
Գու ես համբերու թիւն իմ տէր տէր ,  
յոյս իմ 'ի մանկու թե՛նէ իմմէ :

Ի քեզ հաստատեցայ ես յարգանդէ .  
յորովայն մօր իմոյ դու ես ապաւէն իմ ,  
և առ 'ի քէն է օգնութիւն իմ յամե-  
նայն ժամ :

Որպէս զի նշաւակ եղէ ես բազմաց .  
և դու օգնական իմ և հզօրիչ իմ :

Լցցի բերան իմ գովութեամբ . որպէս  
օրհնեցից զփառս քո , զօրհանապաղ  
զմեծ վայելչութիւնս քո :

Մի ընկենուր զիս տէր 'ի ժամանակս  
ծերութեան . 'ի պակասիլ զօրութեան  
իմոյ մի թողուր զիս :

Ասացին թշնամիք իմ ինձ , և որք պա-

չարեցին զանձն իմ, խորհեցան 'ի միա-  
սին և ասացին :

Աստուած եթող զնա, հալածեսցուք և  
հասցուք նմա, զի ոչ ոք է որ փրկէ զնա :

Աստուած իմ, մի հեռի առնիր յինէն,  
և աստուած յօգնել ինձ նայեաց :

Ամաչեսցեն և պակասեսցին՝ ոյք չարա-  
խօսկային զանձնէ իմմէ, զգեցցին զամօթ  
և զպատկառանս՝ ոյք խնդրէին ինձ չարք  
Ես յամենայն ժամ յուսացայց, և յա-  
ւելից յօրհնութիւնս քո :

Բերան իմ պատմեսցէ զարդարութիւնս  
քո, զօրհանապազ զգովութիւնս քո :  
Որպէս ոչ թէ խարդախութիւն ինչ  
գիտէի դարբութեան, այլ մտից 'ի զօ-  
րութիւնս տեառն, և տէր յիշեցի  
զարդարութիւնս քո միայն :

Աստուած իմ ուսուցեր զիս 'ի ման-  
կութենէ իմմէ, և ցարդ եւս պատ-  
մեցից զարդարութիւնս քո :

Մինչեւ յալեւորիլ և 'ի ծերանալ,  
աստուած իմ մի թողուր զիս :

Մինչեւ պատմեսցի բազուկ քո ազգի

ամենայնի որ գալոցն է :

Զզօրութիւնս քո և զարդարութիւնս  
քո մինչեւ 'ի բարձունս, զոր արարեր  
մեծամեծս, աստուած ո՞ նման է քեզ :  
Որչափ ցուցեր ինձ նեղութիւն բա-  
ղում և չարչարանս, դարձեալ մխի-  
թարեցեր զիս, և 'ի խորոց անդնդոց  
երկրի հաներ զիս :

Յաճախեցեր զզօրութիւնս քո, դար-  
ձար և մխիթարեցեր զիս, և 'ի խորոց  
երկրի միւսանդամ հաներ զիս :

Արդ և ես խոստովան եղէց քեզ 'ի  
պատրաստութիւն սաղմոսաց ճշմա-  
րիտդ աստուած, սաղմոս ասացից քեզ  
օրհնութեամբ սուրբդ իսրայէլի :

Յնժասցեն շրթունք իմ յորժամ սաղմոս  
ասիցեմ քեզ, և անձն իմ զոր փրկեցեր :  
Եւս և լեզու իմ՝ զօրհանապաղ խօսես-  
ցի զարդարութիւնս քո :

Ի ժամանակի որպէս յամօթ լիցին և  
ամաչեսցեն, ոյք խնդրէին ինձ չար :



Ս Ա Ղ Մ Ո Ս Հ Ա .

Ի սողմանն սաղմոս :

Աստուած զիրաւունաքո արքայի տուր,  
և զարդարու թիւնս քո որդւոյ թա-  
գաւորի :

Դատել զժողովուրդս քո արդարու-  
թեամբ, և զաղքատս քո իրաւամբք :  
Առցեն լերինք յխաղաղութիւն ժողո-  
վըրդեան, և բլուրք զարդարութիւն :  
Իրաւ արասցէ աղքատաց ժողովրդեան,  
և կեցուսցէ զորդիս անանկաց, և խո-  
նարհեցուսցէ զամբարտաւանս :

Կացցէ և մնասցէ ընդ արեւու յառաջ  
քան զլուսինն ազգէ մինչեւ յազգ :

Իջցէ որպէս զանձրեւ 'ի վերայ գեղ-  
ման, որպէս ցօղ զի ցօղէ յերկիր :

Ծագեսցի յաւուրս նորա արդարու-  
թիւն, բազում խաղաղութիւն՝ մինչև  
կատարեսցի լուսինն :

Տիրեսցէ նա 'ի ծովէ մինչեւ 'ի ծով,  
'ի գետաց մինչեւ 'ի ծագս աշխարհի :

Առաջի նորա նախ հնդիկք անկցին,

և թշնամիք նորա հող կերիցեն ։  
Թագաւորք թարսսի և կղզեաց պատա-  
րագս մատուցեն նմա , թագաւորք ա-  
րաբաց և սաբա պատարասագս բերցեն  
նմա ։

Երկիրսպագցեն նմա ամենայն թագա-  
ւորք երկրի , և ամենայն աղգք ծա-  
ռայեսցեն նմա ։

Ձի փրկեաց զաղքատն 'ի ձեռաց հզո-  
րի , զաղքատն և զտնանկն , որոյ ոչ է  
իւր օգնական ։

Անխայեսցէ նա յաղքատն և 'ի տնանկն ,  
և զանձինս տնանկաց կեցուցէ , 'ի վաշ-  
խից չարաց փրկեսցէ զանձինս նոցա ։  
Պատուական է անուն նորա առաջի  
նոցա , կեցցէ , և տացի նմա յոսկւոյն  
արաբացւոց ։

Յաղօթս կացցեն առ նա յամենայն ժամ ,  
և զօրհանապաղ օրհնեսցեն զնա ։  
Եղիցի հաստատու թիւն ընդ ամենայն  
երկիր , և 'ի վերայ գլխոց լերանց ։  
Բարձրացի քան զլիբանան պտուղ  
նորա , և ծաղկեսցի 'ի քաղաքի տեսուն

որպէս խոտ երկրի :

Եղիցի անուն տեառն օրհնեալ յաւ-  
ւիտեան . զի յառաջ քան զարեւ է  
անուն նորա :

Ինա օրհնեսցին ամենայն ազգք երկրի ,  
և ամենայն ազինք երանիցեն նմա :

Օրհնեալ տէր աստուած իսրայէլի որ  
առնէ սքանչելիս միայն . և օրհնեալ է  
անուն սուրբ փառաց նորա յաւիտ-  
եան . լցցի փառօք նորա ամենայն եր-  
կիր . եղիցի եղիցի :

Տունք ի : Գորղայս խզ :

Կանոնս Գորղայս է : Սաղմոս Ժէ : Տունք մՅ :



ԱՂՕԹԻ ԱՆՆԱՅԻ ՄՕՐՆ ՍԱՄՈՒԷԼԻ

Ա . Թագ . Բ :

Հաստատեցաւ սիրտ իմ ՚ի տէր , և բարձ-  
րացաւ եղջիւր իմ յաստուած փրկիչ իմ :  
Ընդարձակեցաւ բերան իմ ՚ի վերայ  
թշնամեաց իմոց . ուրախ եղէց ՚ի  
փրկութեան քում :

Զի ոչ գոյ սուրբ որպէս զտէր , և ոչ  
արդար որպէս զաստուած մեր , և չիք

սուրբ բաց յաստուծոյ մերմէ :  
Մի պարծիք և մի խօսիք զամբարտա-  
ւանս , և մի ելցէ ընդ բերանս ձեր  
բան հպարտ մեծաբանութեան :  
Աստուած գիտութեանց՝ տէր աստ-  
ուած պատրաստէ իւրով իմաստու-  
թեամբ զգիտութիւն յարարածս իւր :  
Հօրաց հաստ աղեղունք թուլացան ,  
և տկարք վառեցան զօրութեամբ :  
Յագք և լիք հացիւ նուաղեցան . և  
քաղցեալք լցին զերկիր :  
Ամուլն ծնաւ եօթն , և բազմածինն  
նուաղեցաւ ՚ի ծննդոց :  
Տէր մեռուցանէ և տէր կեցուցանէ ,  
իջուցանէ ՚ի դժոխս և հանէ :  
Տէր աղքատացուցանէ և տէր մեծա-  
ցուցանէ . խոնարհ առնէ զամբարտա-  
ւանս մինչեւ յերկիր , և բարձր տու-  
նէ զտառապետալս յաղբեւաց :  
Նստուցանէ զնոսա իշխանս ընդ իշ-  
խանս ժողովրդեան , և զաթոռ փա-  
ռաց ժառանգեցուցանէ նոցա :  
Կատարէ զուխտս սխտաւորաց , և

օրհնեաց զամս արդարոց:

Ձի ոչ թէ իւրով զօրութեամբ զօրանայ հզօր, այլ տէր տկար առնէ զհակառակորդս իւր, տէր սուրբ է:

Մի՛ պարծեսցի խորհրդականն ՚ի խորհուրդս իւր, և մի՛ պարծեսցի հզօրն ՚ի զօրութիւն իւր, և մի՛ պարծեսցի մեծն ՚ի մեծութեան իւրում:

Այլ որ պարծին՝ ՚ի տէր պարծեսցի, ՚ի խորհուրդս գիտութեան զտէր ճանաչել:

Առնել զիրաւունս և գործել զարդարութիւն ՚ի վերայ երեսաց երկրի: Տէր ել յերկինս և որոտաց, և ինքն գատէ առանց բարբառելոյ:

Տայ զօրութիւն թագաւորաց մերոց, և բարձր առնէ զեղջիւր օծելոյ իւրոյ: Փառք հօր և որդւոյ և:



ՄԱՂԹԱՆԲ

Բարկացաւ եղջիւր իմ յաստուած փրկիչ իմ, հաստատեցաւ սիրտ իմ՚ի:

տէր տէրամբ և հաւատով:

Մարդասէր տէր վասն սրբուհւոյ ա-  
նարատի մօր քոյ և կուսի, և վասն  
խաչի քո պատուականի տէր ընկալ  
զաղաչանս մեր և կեցո զմեզ:

Քարոզ եւ աղօթք՝ Ողորձեալ եւ Ինչո՞ւնքն կանոնացն:

Վասն գտանելոյ մեզ զչնորհս և զո-  
ղորմութիւնն ՚ի բարերար տեառնէ  
մերմէ, զտէր աղաչեսցուք:

Տէր ողորմեա:

Վասն փրկելոյ զմեզ ՚ի զրպարտութե-  
նէ մարդկան և յորոգայթից սատա-  
նայի, զտէր աղա:

Վասն ամենայն անձանց քրիստոնէից  
և տանց հաւատացելոց, զտէր աղա:

Վասն որք ՚ի լերինս յայրս և ՚ի փա-  
պարս բնակեալ են սուրբ հարքն մեր,  
զտէր աղա:

Վասն որք սողմոսիւք և օրհնութեամբ  
կատարեն զամենայն ժամանակս կե-  
նաց իւրեանց, զտէր աղա:

Վասն հոգւոցն հանգուցելոց՝ որք

ճշմարիտ և ուղիղ հաւատով 'ի քրիս-  
տոս ննջեցին, զտէր աղա-  
ՅԷ ԵԼԱ՝ միաբան վասն: Զանձինս:  
Ողորմեաց:

ԱՂ, 0ԹՔ

Գոհանամք զքէն տէր աստուած մեր,  
որ զարթուցեր զմեզ 'ի հանգստենէ  
քնոյ շնորհիւ ողորմութեան քո: Զար-  
թո զմիտս մեր արդարութեամբ առ  
քեզ տէր աստուած մեր, զի տեսցեն  
աչք մեր զվրկութիւն քո: Եկեսցէ և  
բնակեսցէ առ մեզ աստուածութիւն  
քո, և ողորմութիւն քո հովանի և  
պահապան լիցի 'ի վերայ պաշտօնէից  
քոց: Եւ զմեզ զծառայքս քո արժանի  
արա 'ի տուէ և 'ի գիշերի և յամենայն  
ժամու միշտ խորհիլ 'ի սէր պատուի-  
րանաց քոց: Եւ գոհանալով փառա-  
ւորել զհայր և զորդի և զսուրբ հո-  
գիղ այժմ և միշտ և յաւիտեանս յա-  
ւիտենից, ամէն:

Խաղաղութիւն ամենեցուն :  
Աստուծոյ երկիրպագեսցուք :


Կենդանարար զօրութիւն և աղբիւր  
անմահութեան, դու ես քրիստոս  
աստուած փրկիչ մեր : Ար շնորհեցեր  
մեզ 'ի մէջ գիշերի յառնել և խոստո-  
վան լինիլ առ քեզ վասն իրաւանց և  
արգարութեան քո : Եւ այժմ աղա-  
չեմք զքեզ տէր աստուած մեր, արա  
զմեզ արթունս և պատրաստս 'ի ժամ  
առաւօտու ընդ սուրբս քո : Եւ ընդ-  
նոսին գոհանալով փառաւորել զքեզ  
ընդ հօր և ընդ հոգւոյդ սրբոյ այժմ և  
միշտ և յաւիտեանս յաւիտենից ամէն :


ՄԱՂԹԱՆՔ

Գոհութեամբ և ճշմարիտ խոստո-  
վանութեամբ անդադար փառաւո-  
րեմք զհայր և զօրդի և զսուրբ հո-  
գիդ այժմ և միշտ և յաւիտեանս յա-  
ւիտենից. ամէն :

Օրհնեալ տէր մեր :  
Հայր մեր որ յերկինս :









ՍՍ. ՂՄ ՈՍ ՀԲ.

Սաղմոս յաստի . օրհնութեան :

**Ի**բրեւ զի բարի է իտրայէլի աստուած, և ոչք ուղիղ են սրտիւք : Բայց զի իմ փոքր մի եւս սասանեալ էին ոտք . սակաւիկ մի և գայթակղեալ էին գնացք իմ :

Նախանձեցայ ես ընդ անօրէնս , զխաղաղութիւն մեղաւորաց որպէս տեսանէի , զի ոչ գոյր վրէպ մահու նոցա : Հատատուն են տանջանք նոցա , 'ի վատտակս մարդկան չեն նօքա , և ըստ մարդկան ոչ տանջեցին :

Վասն այնորիկ կալաւ զնոսա ամբարտաւանութիւն . արկին զիւրեամբք զամբարշտութիւն և զանիրաւութիւն իւրեանց :

Ելցէ որպէս 'ի ճարպոյ անիրաւութիւնն  
նոցա . զի գնացին նոքա ըստ խորհր-  
դոց սրտից իւրեանց :

Խորհեցան և խօսեցան չարութեամբ ,  
և զապիրատութիւնն 'ի բարձունս խոր-  
հեցան :

Եդին յերկինս զբերանս իւրեանց , և  
զլեզուս իւրեանց ածէին զերկրաւ :  
Վասն այսորիկ ժողովուրդ իմ դարձ-  
ցի այսրէն , և աւուրք իմ լի կատար-  
եալ գտցին 'ի նոսա :

Ասացին՝ զիա՞րդ գիտաց աստուած .  
կամ գուցէ՞ արդեօք գիտութիւնն առ  
'ի բարձրելոյն :

Ահա մեղաւորք են և յաջողեալ է  
նոցա . կան և ունին զմեծութիւնն աշ-  
խարհի :

Ասացի՝ 'ի դուր ուրեմն արդարացու-  
ցի զսիրտ իմ , լուացից սրբութեամբ  
զձեռս իմ , և եղէ ես խոշտանկեալ  
զօրհանապաղ , և կշտամբանք իմ ընդ

ԱՌԱՄԼՈՒՍԱ :

Թէպէտ և ասէի՝ թէ այսպէս պատ .

մեցից՝ ահաւասիկ յազգ որդւոց քոց  
որոց և ուխտեցից ։

Ի մտի եդի, թէ սակայն և այս ջանէ  
առաջի իմ, մինչեւ մտից՝ ի սրբու թիւնն  
աստուծոյ և ՚ի միտ առից զկատարած  
նոցա ։

Սակայն վասն նեկու թեան նոցա տա-  
րազիր արասցես զնոսա, և կործանես-  
ցես զնոսա յամբարտաւանու թեան  
իւրեանց ։

Իսկ զիա՞րդ եղեն յաւեր յանկարծա-  
կի, սատակեցան պակասեցան կորեան  
վասն անօրէնու թեան իւրեանց, և ե-  
ղեն որպէս երազք զարթուցելոց ։

Տէր ՚ի քաղաքի քում զսլասկերս նոցա  
անարգեսցես, զի հուր բորբոքեցաւ  
՚ի սրտի իմում, և երիկամունք իմ աչ-  
լագունեցան ։

Ես արհամարհեալ եդէ, և ոչ զիտա-  
ցի, որպէս զանասուն համարեցայ ա-  
ռաջի քո, և ես յամենայն ժամ ընդ  
քեզ եմ ։

Կալար զաջոյ ձեռանէ իմմէ, ՚ի խոր-

Հուրդս քո առաջնորդեցեր ինձ, և  
փառօք ընկալար զիս :

Զի՞նչ կայ իմ բնաւ յերկինս, կամ 'ի  
.քէն զի՞նչ եւս խնդրեցից յերկրի :

Նուաղեցաւ սիրտ իմ և մարմին իմ.  
աստուած սրտի իմոյ, բաժին իմ աստ-  
ուած յաւիտեան :

Ահաւասիկ ոյք հեռի արարին զան-  
ձինս իւրեանց 'ի.քէն՝ կորիցեն. սա-  
տակեացես զամենեւեան՝ ոյք սպասամք  
եղեն 'ի.քէն :

Ինձ մերձենալ առ աստուած բարի  
է, և դնել առ տէր զյոյս իմ :

Պատմել զամենայն օրհնու թիւնս քո,  
'ի դրունս դասեր սիօնի :

Տունք իդ :

ՍՍ.ՂՄՈՍ ՀԳ.

Իմաստութիւն յաստի :

Ընդէր մերժեցեր աստուած իսպառ,  
բարկացաւ սրամտութիւն քո 'ի վերայ  
խաշին արօտի քո :

Յիշեա զժողովուրդ քո՝ զոր ստացար

ի սկզբանէ, փրկեցեր զվիճակ ժա-  
ռանգու թեան՝ քո :

Լեառն սիօն այս՝ ուր բնակեցար դու  
ի սմա, համբարձ զձեռն քո ՚ի վերայ  
ամբարտաւանութեան նոցա իսպառ :

Որ ինչ անիրաւեցաւ թշնամին ՚ի սրբ-  
բութեան քում, պարծեցան ասելիք քո  
ի մէջ բարեկենդանութեան իւրեանց :

Եդին զնշանս իւրեանց ՚ի նշանս, և ինք-  
եանք ոչ ծանեան զերս ՚ի վերուստ :

Որպէս յանտառի փայտատօք կոտորե-  
ցին զդրունս նորա, ՚ի միասին փայ-  
տատօք և մրձօք կործանեցին զնա :

Այրեցին ՚ի հուր զսրբութիւն քո յերկ-  
րի, պղծեցին զխօրան անուան քո :

Ասացին ՚ի սիրտս իւրեանց սղգք նո-  
ցա ՚ի միասին, եկայք լռեցուսցուք  
զամենայն տօնս աստուծոյ յերկրէ :

Նշանս մեք ինչ ոչ տեսաք, և ոչ եւս  
գուցէ մարգարէ, և զմեզ ինչ ոք ոչ

ճանաչիցէ :

Մինչեւ յերբ աստուած՝ նախատէ  
թշնամին, բարկացուցանէ հակառա-

կորդն զանուն սուրբ քո :

Ընդէր գարձուցանես զձեռն քո, և  
զաջ քո 'ի միջոյ ծոցոյ քումմէ խապառ :  
Աստուած թագաւոր մեր յառաջ քան  
զյաւխտեանս, որ արարեր զփրկու-  
թիւն 'ի մէջ երկրի :

Գու հաստատեցեր զօրութեամբ քով  
զծով. դու խորտակեցեր զգլուխ վի-  
շապին 'ի վերայ ջուրց :

Գու փշրեցեր զգլուխ վիշապին, և  
ետուր զնա կերակուր զօրացն հընդ-  
կաց :

Գու բղխեցուցեր զաղբիւրս և զվը-  
տակս. դու ցամաքեցուցեր զգետս  
սաստիկս :

Քո է տիւ և քո է գիշեր. զլոյս և  
զարեւ դու արարեր. և դու հաստա-  
տեցեր զամենայն սահմանս երկրի.  
զգարուն և զամառն դու ստեղծեր :

Այս յուշ լիցի քեզ՝ զի թշնամին նա-  
խատեաց զտէրզ. ժողովուրդ անզգամ  
բարկացոյց զանուն սուրբ քո :

Մի մատներ գազանաց զանձն՝ որ խոս-



տովան առնի առ քեզ, և զանձինս տը-  
նանկաց քոց մի մոռանար խսրսո :  
Հայեաց յուխտ քո, զի լցան տունք  
ապշեւոց յերկրի անիրաւութեամբ :  
Մի դարձցի տնանկն ամաչեցեալ, այլ  
աղքատք և տնանկք օրհնեսցեն զա-  
նուն սուրբ քո :

Արի աստուած և դատեա զդատաս-  
տանս քո. յիշեա զնախատինս՝ որ յա-  
նրդգամէն զօրհանասպաղ :

Մի մոռանար զձայն սլաշտօնէից քոց,  
ամբարտաւանութիւն ատելեաց քոց  
վերասցի հանասպաղ :

Տունք իբ : Գորդայս խզ :

ՍՍ. ՂՄՈՍ ՀԴ .

Ի կատարած . մի ապականեր . ընդ օրհնութիւնս :  
Սաղմոս յասաի . երգ առ ասորեստանեայս :

Խոստովան եղիցուք առ քեզ աստ-  
ուած, խոստովան եղիցուք և կար-  
դասցուք զանուն սուրբ քո :  
Պատմեցից զամենայն սքանչելիս քո .

յորժամ ժամ առից, ես ուղիղ դա-  
տեցից:

Մաշեցաւ երկիր և ամենայն բնակիչք  
նորա, ես հաստատեցի զսիւնս նորա:  
Ասացի անօրինաց, թէ մի անօրինիք,  
և մեղաւորաց, թէ մի բարձրացու-  
ցանէք զեղջիւրս ձեր:

Մի համբառնայք ՚ի բարձունս զեղ-  
ջիւրս ձեր, և մի խօսիք զաստուծոյ  
անիրաւութիւնս:

Ձի ոչ յարեւելից և ոչ յարեւմտից և  
ոչ յանապատէ լերանց, այլ աստուած  
դատաւոր է:

Ձայս խոնարհ առնէ, և զսոյն բարձ-  
րացուցանէ, բաժակ ՚ի ձեռին տեառն  
գինի լի անապակ արկեալ, և խոնար-  
հեցուցանէ յայսմանէ յայս:

Սակայն մրուր նորա ոչ սպառեցի,  
և արբցեն զնա ամենայն մեղաւորք  
երկրի:

Ես ցնծացայց յաւիտեանս, սաղմոս ա-  
սացից տասուծոյ յակօբայ:

Ձամենայն եղջիւրս մեղաւորաց փրչ-

ընացես, և բարձր եղիցի եղջիւր ար-  
դարոյ :  
Տունք ժ :

ՍՍՂՄՈՍ ՀԵ .

Ի կատարած, ընդ օրհնութիւնս . մի ազականեր :  
Սաղմոս յաստի . երգ առ ասորեստանեայս :

Յայտնի է 'ի հրէաստանի աստուած,  
և յիսրայէլ մեծ է անուննորա :

Եղեւ 'ի խաղաղութեան տեղի նորա,  
և բնակութիւն նորա 'ի սիօն :

Անդ խորտակեաց տէր զզօրութիւն  
աղեղան, զզէն զսուր և զճակատամարտ :

Լուսատու ես դու սքանչելապէս լե-  
րանցն յաւիտենից . խռովեցցին ամե-

նեքեան որք անմիտք են սրտիւք, ննջե-  
ցին զքունս իւրեանց և ինչ ոչ գտին :

Ամենայն արք 'ի մեծութեան ձեռաց  
իւրեանց . 'ի սաստէ քումմէ աստուած

յակորբայ ննջեցին, և ոյք հեծեալ  
էին 'ի ձիս :

Գու ահաւոր ես, և ո՞վ կարէ կալ ա-  
ռաջի քո . որպէս երեւեցար դու յերկ-

նից, յայտնի եղեւ բարկութիւն քո :

Երկիր երկեաւ և սարսեցաւ ընդ յառ-  
նեւն աստուծոյ 'ի դատաստան . ընդ  
ապրեցուցանել զամենայն հեզս երկրի :  
Խորհուրդ մարդկան խոստովան առ-  
նին առ քեզ , և ծածկեալք իմաստու-

թեամբ օրհնեցեն զքեզ :

Ուխտս դիք և կատարեցէք տեառն  
աստուծոյ մերոյ , ամենեքեան որք  
չուրջ էք զնովաւ :

Մատուցէք սլատարագս ահաւորին . ո՛ր  
քողէ զհոգիս իշխանաց , ահաւոր է  
նա քան զամենայն թագաւորս երկրի :

Տունք Ժ .

ՍՍ. ՂՄ ԵՍ ՀԶ .

Ի կատարած . վասն Իդիգովմայ . Սաղմոս յաստի :

Չայնիւ իմով ես առ տէր կարգացի ,  
ձայնիւ իմով առ աստուած , և նա-  
յեցաւ առ իս :

Յաւուր նեղու թեան իմոյ զաստուած  
խնդրեցի ձեռօք իմովք , և 'ի գիշերի  
առաջի նորա ոչ խաբեցայ :

Ոչ կամէր մխիթարել անձն իմ , յիշեցի

զատուած՝ և ուրախ եղէ . հոգայի ,  
և նուազիւր յիս հոգի իմ :

Ժամանեցին սրահուց աչք իմ , խռովեցայ և ոչ խօսեցայ . խորհեցայ զաւուրսն զառաջինս , և զամսն յաւիտենից յիշեցի :

Խօսեցայ ՚ի գիշերի ընդ սրտի իմում . հոգայի՛ և տառապէր յիս հոգի իմ : Մի՛թէ յաւիտենից մերժեսցէ՞ զիս տէր , և ո՞չ եւս յաւելցի ՚ի հաճիլ և եւս : Կամ իստառ արգելցէ՞ զողորմութիւն իւր յինէն , կամ կատարեաց զբան իւր ազգէ մինչեւ յազգ :

Կամ մոռացի՞ զթալ աստուած իմ և եւս , կամ արգելցէ՞ զգթութիւն իւր բարկութեամբ իւրով :

Ասացի՛ թէ այժմ սկսայ . այս է նորոգումն աջոյ բարձրելոյն :

Յիշեցի զգործս տեառն ՚ի սկզբանէ , յիշեցի զսքանչելիս նորս :

Խորհեցայ յամենայն գործս քո , և ՚ի ձեռագործս քո խորհեցայ :

Աստուած՝ ՚ի սրբութեան Էն ճանաչ

պարհք քո, ո՞վ է աստուած մեծ՝ որ  
պէս զաստուած մեր, դու ես աստ-  
ուած, որ առնես զսքանչելիս :  
Յուցեր ժողովրդեանքում զգորու թիւն  
քո, փրկեցեր բազկաւ քով զժողո-  
վուրդս քո, զորդիան յակօբայ և յով-  
սեփու :

Տեսին զքեզ ջուրք աստուած, տեսին  
զքեզ ջուրք և երկեան, և խորք խռո-  
վեցան 'ի ձայնէ ջուրց բազմաց :

Չայն ետուն ամսք, քանդի և նետք քո  
գնան 'ի ձայնէ որոտարց քո անուի :  
Երեւեցան փայլատակունք քո տիեզե-  
րաց, խռովեցաւ և դողաց երկիր :  
Ի ծովու են ճանապարհք քո, և շա-  
ւիղք քո 'ի ջուրս բազումս, և հետք  
քո ոչ երեւին :

Առաջնորդեցեր որպէս խաչին ժողո-  
վրդեան քո, 'ի ձեռն մովսէսի և ա-  
հարօնի :

Տունք ժբ, Գորդայս ԼԸ :



ՍՍ. ՂՄ ՈՍ ՀԷ.

Իմաստութիւնն յաստփ:

Նայեցարուք ժողովուրդք յօրէնս իմ,  
խոնարհեցուցէք զունկն ձեր 'ի բանս  
բերանոյ իմոյ :

Բացից առական զբերան իմ, և խօսե-  
ցայց զառակս 'ի սկզբանէ :

Որպէս լուաք և ծանեաք զայս, և  
հարբն մեր պատմեցին մեզ :

Ոչինչ ծածկեցաւ յօրդւոց նոցա յազգ-  
այլ, պատմել զօրհնութիւնս տեսուն,  
զզօրութիւն և զքանչելիս իւր զոր  
արար :

Հաստատեաց զվկայութիւն իւր առ  
յակօբ, և օրէնս եղ 'ի վերայ իսրայէլի :  
Որինչ միանգամ պատուիրեաց հարցն  
մերոց, ցուցանել զայս օրդւոց իւր-  
եանց, զի ծանիցեն յազգ յայլ :

Որդիք օրք ճնանին՝ յարիցեն և պատ-  
մեսցեն զայս օրդւոց իւրեանց, զի  
զիցեն առ աստուած զյոյսս իւրեանց  
և մի մուսացին զզօրծս աստուծոյ :

Զպատուիրանս նորա խնդրելով խընդ-  
րեսցեն, և մի եղիցին որպէս և հարքն  
իւրեանց :

Ազգ չար և դառնացող, ազգ որ ոչ  
ուզղեաց զսիրտ իւր, և ոչ հաստա-  
տեաց առ աստուած զհոգի իւր :

Որդիք եփրեմի լիաձիգք և սնդա-  
ձիգք, յաւուր պատերազմի կասպարձս  
գարձուցին :

Ոչ կացին նոքա յուխտի տեառն, և  
ըստ իրաւանց նորա ոչ կամեցան գնալ :  
Մոռացան զերախտիս նորա, և զսքան-  
չելիսն՝ զոր եցոյց նոցա :

Առաջի հարց նոցա զոր արար զսքան-  
չելիս իւր, յերկրին եգիպտացւոց և ՚ի  
դաշտին տայանու :

Էհերձ զծովն և անցոյց գնտա, և  
կացոյց զջուրսն որպէս ՚ի արկա :

Առաջնորդեաց նոցա ամպով ՚ի տուէ,  
և զամենայն գիշեր ՚ի լոյս հրոյ :

Էհերձ զվէ՛վն յանապատին, և ետ ըմ-  
պել նոցա որպէս ՚ի խորոյ մեծէ :

Եհան զջուրսն ՚ի վիմէն, և հոսեաց



որպէս զգետս զՅուրան:

Սակայն յաւելին 'ի մեղանչել, և եւս  
բարկացուցին զբարձրեալն յանջրդի:  
Փորձեցին զսասուած 'ի սիրտս իւր-  
եանց, 'ի խնդրել զկերակուր անձանց  
իւրեանց:

Տրանջեցին զաստուծոյ և ասացին, մի-  
թէ կարող իցէ աստուած սլատրաս-  
տել սեղան յանապատի:

Քանզի հարկանէր զվէմն՝ և հօսէին  
ջուրք, և վտակք խաղային 'ի նմանէ:  
Աղէ՛ հայց եւս կարացէ տալ նա մեզ,  
կամ պատրաստեցէ՞ սեղան ժողովրդ-  
դեան իւրոյ:

Վասն այսորիկ լուաւ զայս տէր և  
յապաղեաց, հուր բորբոքեցաւ 'ի յա-  
կովք, և բարկութիւն ել 'ի վերայ  
խորայելի:

Զի ոչ հաւատացին յաստուած, և ոչ  
յուսացան 'ի փրկութիւննորա:

Հրաման ետ ամպոց 'ի վերուստ, և  
զգրունս երկնից եբաց, և տեղեաց  
'ի նոսա զմանեանայ 'ի կերակուր:

Ջհաց երկնից ետ նոցա, զհաց հրեշ-  
տակաց կերան մարդիկ, և իջոյց 'ի նա-  
սա կերակուր 'ի լիութիւն:

Եհան զհողմն հարաւոյ, և էամ զօ-  
րութեամբ իւրով զհիւսիսիւ:

Տեղեաց 'ի նոսա միս որպէս զհող, որ-  
պէս զաւազ ծովու զթռչունա թե-  
ւաւորս:

Էարկ 'ի մէջ բանակի նոցա, և շուրջ  
զվրանօք նոցա:

Կերան և յագեցան յոյժ, և զցանկու-  
թիւն նոցա ետ նոցա, և ոչինչ կարօտ  
եղեն 'ի ցանկութենէ իւրեանց:

Մինչդեռ կերակուրք 'ի բերանա իւր-  
եանց էին, բարկութիւն յաստուծոյ  
ել 'ի վերայ նոցա:

Սպան զբազումս 'ի նոցանէ, և զըն-  
տիր ընտիրս իորայելի սատակեաց:  
Յայսմ ամենայնի մեղան և եւս, և ոչ  
հաւատացին սքանչելեաց նորա:

Պակասեցան յունայնութեան աւուրք  
նոցա, և ամք նոցա փութապէս անցին:  
Յորժամ սպանանէր զնոսա՝ խնդրէին

զնա, դառնային և առաւօտ առնէին  
առ աստուած ։

Յիշեցին՝ զի աստուած օգնական էր  
նոցա, աստուած բարձրեալ փրկիչ էր  
նոցա ։

Միբեցին զնա բերանօք իւրեանց, և  
լեզուօք իւրեանց ստեցին նմա, և  
սիրտք նոցա ոչ էին ուղիղք ընդ նմա,  
և ոչ հաւատացին ուխտի նորա ։

Այլ նա ինքն գթած էր, քաւէր ըզ  
մեղս նոցա, և ոչ ապականէր ։

Յաճախէր դարձուցանել զբարկու  
թիւն իւր, և ոչ բորբոքէր զամենայն  
սրամտութիւն իւր ։

Յիշեաց՝ թէ մարմին են նոքա, հոգի  
որ ելանէ, այլ ոչ եւս դառնայ ։

Քանիցս անգամ դառնացուցին զնա  
յանապատի, և բարկացուցին զբարձ  
րեալն յանջրդի ։

Դարձան և փորձեցին զաստուած, և  
զսուրբն իսրայէլի զայրացուցին ։

Ոչ յիշեցին զձեռն նորա, յաւուր յու  
րում փրկեաց զնոսա ՚ի ձեռաց նեղ

չաց նոցա :

Որպէս արար զնշանս և զարուեստս  
իւր յերկրին եգիպտացոց, և ՚ի դաշ-  
տին տայանու :

Գարձոց յարիւն զգեսս նոցա, և  
զանձրեւս նոցա՝ զի մի՛ արբցեն :

Առաքեաց ՚ի նոսա շանաճանձ և եկեր  
զնոսա, և գորտիւ ապականեաց զնոսա :  
Ետ ժանկոց զպտուղս նոցա, և զլաս-  
տակս նոցա մարախոյ :

Եհար կարկտիւ զայգիս նոցա, և ըզ  
թզենիս նոցա եղեմամբ :

Մատնեաց ՚ի կարկուտ զանասունս  
նոցա, և զտացուածս նոցա հրով  
դատեաց :

Առաքեաց ՚ի նոսա զսրամտութիւն  
բարկութեան իւրոց, զսրամտութիւն  
զբարկութիւն և զնեղութիւն :

Առաքեաց ՚ի նոսա տանջանս ՚ի ձեռն  
հրեշտակի չարի, և զիսեցոց ՚ի նոսա  
զսրամտութիւն բարկութեան իւրոց :  
Ոչ անխայեաց ՚ի մահուանէ զանձինս  
նոցա, և զանասունս նոցա ՚ի մահ

մատնեաց :

Եհար զամենայն անդրանիկս եգիպտացւոց, զսկիզբն ամենայն վաստակոց նոցա 'ի յարկս քամայ :

Հորդան ետ որպէս խաշին ժողովրդեան իւրոյ, և եհան զնոսա որպէս զհօտ յանապատ :

Առաջնորդեաց նոցա յուսով, և ոչ երկեան, և զթշնամիս նոցա ծով ծածկեաց :

Եհան զնոսա 'ի լեառն սրբութեան իւրոյ, 'ի լեառն այն՝ զոր ստացաւ աջ նորա :

Մերժեաց յերեսաց նոցա զհեթանոսս և վիճակեցոյց 'ի նոսա զվիճակ ժառանգութեան իւրոյ, և բնակեցոյց 'ի յարկս նոցա զազգն խորայելի :

Փորձեցին դառնացուցին զաստուած բարձրեալն, և զվկայութիւն նորա ոչ պահեցին :

Գարձան խոտորեցան որպէս և հարբն իւրեանց, գարձան և եղեն որպէս զաղեղն թիւր :

Գարձեալ բարկացուցին զնա 'ի բագինս  
իւրեանց, և գրօշելովք իւրեանց նա  
խանձ արկին նմա :

Լուաւ աստուած, և արհամարհեաց  
զնոսա, և անարգեաց յոյժ զխարայել :  
Մերժեաց յիւրմէ զխորանն 'ի սելով,  
զխորանն զոր բնակեցոյց 'ի մէջ մարդ-  
կան :

Մասնեաց 'ի գերութիւն զզօրութիւնս  
նոցա, և զգեղս նոցա 'ի ձեռս թշնա-  
մեաց նոցա :

Արգել 'ի սուր զժողովուրդ իւր, և  
զժառանգութիւն իւր անտես արար :  
Ջերիտասարդս նոցա եկեր հուր, և  
վասն կուսանաց նոցա ոչ ոք սգացաւ :  
Քահանայք նոցա անկան 'ի սուր, և  
զայրիս նոցա ոչ ոք էր որ լայր :

Ջարթեաւ որպէս 'ի քնոյ տէր, որպէս  
հօր զի թափէ զգինի :

Եհար յետս զթշնամիս իւր, և նա  
խատինս յաւիտենից արար զնոսա :  
Մերժեաց նա զխորանն յովսեփու, և  
զազգն եփրեմի նա ոչ ընտրեաց :

Այլ ընտրեաց նա զազգն յուզայ • ըզ  
լեառն սիօն զոր և սիրեաց :

Շինեաց որպէս միեղջերուի զսրբու  
թիւնն նորա , յերկրի հաստատեաց զնա  
յաւիտեան :

Ընտրեաց զգաւիթ ծառայ իւր , և  
ընկալաւ զնա 'ի հօտէ խաչանց , 'ի վեր  
ջին ծնեւոյն ընկալաւ զնա :

Հովուել զյակոբ ծառայ իւր , և զիս  
րայել ժառանգութիւնն իւր :

Արածէր զնոսա իմաստութեամբ սրտի  
իւրոյ , յանմեղութիւնն ձեռաց իւրոց  
առաջնորդէր նոցա :

Տունք հգ :

---

ՍՍ.ՂՄՈՍ ՀԸ.

Սաղմոս յաստի :

Ատուած մտին հեթանոսք 'ի ժա  
ռանգութիւնն քո . պղծեցին զտաճար  
սուրբ քո :

Արարին զերուսաղէմ որպէս զհիւզս  
մրգապահաց , արկին զգիակունս ծա

ուայից քոց գէշ թուչնոց երկնից , և ըզ  
մարմինս սրբոց քոց գազանաց երկրի :  
Հեղին զարիւննոցա որպէս ջուր շուրջ  
զերուսաղէմաւ , և ոչ ոք էր որ թա  
ղէր զնոսա :

Եղաք մեք նախատինք դրացեաց մե  
րոց . ծաղր և այսին կատականաց այ  
նոցիկ , որք շուրջ էին զմեօք :

Մինչեւ յերբ տէր՝ բարկանաս դու  
խսպառ , բորբոքեսցի որպէս հուրնա  
խանձ քո :

Հեղ զբարկու թիւնքո՛ի վերայ ազգաց՝  
որք զքեզ ոչ ճանաչեցին , ՚ի վերայ  
թագաւորաց՝ որք զանուն քո ոչ կար  
գացին . զի կերին զյակօբ և զտեղի  
նորա աւերեցին :

Մի յիշեր զմեզս մեր զառաջինս . վաղ  
վաղ եկեսցէ առ մեզ ողորմութիւն  
քո տէր , զի աղքատացաք յոյժ :

Օգնեա մեզ աստուած փրկիչ մեր , վասն  
փառաց անուան քո :

Տէր փրկեա՛ զմեզ և քաւեա զմեզս  
մեր վասն անուան քոյ :



Մի երբէք ասացեն 'ի հեթանոսս ,  
Թէ ո՛ւր է աստուած նոցա :

Այլ յայտնի ինչ լիցի 'ի վերայ հեթա-  
նոսաց առաջի աչաց մերոց , առ 'ի  
խնդրել զվրէժ արեան ծառայից քոց՝  
որ և հեղաւ :

Մտցէ առաջի քո հեծու թիւն կապե-  
լոց . ըստ մեծութեան բազկի քո շա-  
հեա դու զորդիս սպանելոց :

Հատո դրացեաց մերոց եօթնպատիկ  
'ի ծոց նոցա , զնախատինս իւրեանց  
զոր նախատեցին զքեզ տէր :

Մէք ժողովուրդք և խաչն արօտի քոյ՝  
խոստովան եղիցուք առ քեզ յաւի-  
տեան , ազգէ յազգ պատմեսցուք  
զօրհնութիւնս քո :

Տունք ժդ ,

Ս Ս Ղ Մ Ո Ս    Հ Թ .

Ի կատարած . 'ի վերայ զառանցելոցն վկայութիւնս ,  
Սաղմոս աստիայ . 'ի վերայ եթովպացւոցն :

Որ հովուեսդ իսրայելի՝ նայեաց , որ  
առաջնորդես որպէս խաչին յովսեփու :  
Որ նատիս 'ի քրովբէս՝ յայտնեաց առա-

Ջի եփրեմի, բենիամինի և մանասէի :  
Զարթո զգորութիւնս քո, և եկ 'ի կե-  
ցուցանել զմեզ :

Աստուած զօրութեանց դարձո զմեզ,  
երեւեցո զերեսս քո 'ի մեզ, և կեցցուք :

Տէր աստուած զօրութեանց, մինչեւ  
յերբ բարկանաս յաղօթս ծառայից քոց :  
Զամբեցեր մեզ հաց արտասուաց, և  
արբուցեր մեզ արտասուս չափով :

Արարեր զմեզ նախատինա դրացեաց  
մերոց, այսին կատականաց թշնամ-  
եաց մերոց :

Աստուած զօրութեանց դարձո զմեզ,  
երեւեցո զերեսս քո 'ի մեզ և կեցցուք :

Այգի յեզիպտոսէ փոխեցեր, հաներ  
զհեթանոսս՝ և զնոսս տնկեցեր, և  
առաջնորդեցեր նմա :

Հաստատեցեր զարմատս նորա՝ և ե-  
լից զերկիր. ծածկեաց զլերինս հո-  
մա՛ր նորա, և բարունակ նորա զմայրս  
աստուծոյ :

Զգեաց զորթ իւր մինչեւ 'ի ծով, մին-  
չեւ 'ի գետս են շառաւիղք նորա :

Ղնդէր քակեցեր զչանկ նորա, և կը-  
թեն զնա անցաւորք ճանապարհի:  
Աստուանեաց զնա խող անտառի, և  
երէվայրի արածեցաւ 'ի նմա:

Աստուած զօրութեանց դարձ հայ-  
եաց յերկնից և տես. այց արա այգ-  
ւոյս այսմիկ, և դարման տար սմա՝  
զոր տնկեաց աջ քո:

Ի վերայ որդւոյ մարդոյ՝ զոր զօրացու-  
ցեր զնա 'ի քեզ, այրեցեալ 'ի հուր և  
աւերեալ, 'ի սաստէ քու միտէ կորիցէ:  
Եղիցի ձեռն քո 'ի վերայ առն, աջ  
քո 'ի վերայ որդւոյ մարդոյ, զոր զօ-  
րացուցեր զնա 'ի քեզ:

Ոչ եւս 'ի բացեայ եղիցուք մեք 'ի քէն.  
կեցուսցես դու զմեզ, և զանուն քո  
տէր կարդասցուք:

Աստուած զօրութեանց դարձո զմեզ,  
երեւեցս զերեսս քո 'ի մեզ և կեցցուք:

Տունք ժբ:

ՍՍ. ՂՄ ՈՍ 2.

Ի կատարած . վասն հնձանաց : Սաղմոս յառաջ .  
հինգերորդ շաբաթուց :

Յնձացէք առ աստուած , օգնական է  
մեր , աղաղակեցէք առ աստուած յա-  
կոբայ :

Առէք սաղմոս և տուք օրհնութիւն ,  
սաղմոս ասացէք նմա 'ի ձայն քաղց-  
րութեան :

Փող հարէք 'ի գլուխս ամսոց , յաւուր  
նշանաւորի տարեկանաց մերոց :  
Հրաման է այս իսրայէլի , և իրաւունք  
են աստուծոյ յակոբայ :

Վկայութիւն յովսեփու՝ զօրեղ ընդ  
նմա . որպէս ելանէր նա յերկրէն եգիպ-  
տացւոց , լեզու զօր ոչ գիտէր՝ լուաւ :  
Իբաց արար 'ի բեռանց զթիկունանո-  
րա , և զձեռս նորա յորթ և 'ի թի-  
ծառայելոց :

Ինեղութեան կարգացեր առ իս՝ և  
փրկեցի զքեզ . լուսայ քեզ 'ի գաղտ-  
նութենէ մրրկին , և փորձեցի զքեզ  
'ի վերայ ջուրցն հակառակութեան :

Լուր ժողովուրդ իմ՝ և վկայեմքեզ,  
և խորայել՝ թէ լուիցես ինձ :

Մի եւս եղիցինքեզ աստուածք աս-  
ժամայնք, և մի երկիրպագանիցես դու  
աստուծոյ օտարի :

Ես եմ տէր աստուածքո՛ որ հանի  
դքեզ յերկրէն եգիպտացւոց, բաց  
գբերանքո՛ և լցից զդա :

Ժողովուրդ իմ ոչ լուաւ ձայնի իմում,  
և խորայել յիս ինչ ոչ նայեցաւ :

Բարձի թողի զնոսա երթալ զհետ կա-  
մաց սրտից իւրեանց, զի գնացին նո-  
քա ըստ կամս անձանց իւրեանց :

Զի թէ ժողովրդեան իմոյ լուեալ էր  
ինձ, կամ խորայելի զձանապահս իմ  
գնացեալ էր :

Որպէս զոչինչ խոնարհ արարեալ էր  
իմ զթշնամիս նորա, և ՚ի վերայ նեղ-  
չաց նորա արկեալ էր զձեռն իմ :

Թշնամիք տեառն ստեցին նմա, և ե-  
ղիցին ժամանակք նոցա յաշխահի :

Կերակրեաց զնոսա ՚ի պարարտութենէ  
ցորենոյ, և ՚ի վիժմէ մեղր յագեցոյց նոցա :

ՍՍ. ՂՄ ՈՍ ԶՄ.

Սաղմոս յասափ :

Աստուած եկաց 'ի ժողովս աստուծոց ,

և 'ի միջի նոցա դատէր զնոսա :

Մինչեւ յերբ դատէք անիրաւու  
թեամբ , և ակն առնուք մեղաւորաց :

Գատ արարէք որբոյն և այրւոյ . իրա  
ւունս արարէք տնանկին և խոնարհի :

Ապրեցուցէք զաղքաան և զանանկն , 'ի  
ձեռաց մեղաւորի փրկեցէք զնոսա :

Ոչ իմացան և ոչ 'ի միտ առին , 'ի խա  
ւարի գնացին , և շարժեցան ամենայն

հիմունք երկրի :

Ես ասացի՝ թէ աստուածք իցէք , կամ  
որդիք բարձրելոյն ամենեքեան :

Գուք ահաւաղիկ որպէս զմարդիկ մե  
ռանիք , և որպէս զմի յիշխանաց ան

կանիք :

Արի աստուած , և դատեա զերկիր , զի  
դու ժառանգեսցես զամենայն հեթա

նոսա :

ՍՍ. ՂՄ ՈՍ ԶԲ.

Օրհնութիւն . Սաղմոս յասափ :

Աստուած ո՞ք եղ նմանիցի . մի՛ լուեր  
և մի՛ դադարիր աստուած :

Զի ահա թշնամիք քո գոչեցին , և ա-  
տելիք քո համբարձին զգլուխսիւրեանց :  
Ի վերայ ժողովրդեան քո խորամանկե-  
ցին զգիտութիւն , խորհեցան 'ի վե-  
րայ սրբոց քոց և ասացին :

Եկայք սատակեսցուք զնոսա յազգաց ,  
և մի՛ յիշեսցի անուն իսրայէլի և եւս :  
Խորհեցան միաբանութեամբ 'ի միա-  
սին , և վասն քո ուխտ արարին :

Բանակք եդովմայեցւոց և իամայելա-  
ցիք , մովսբ և հագարացիք :

Գերաղ՝ ամօն՝ ամաղէկ , և այլազգիքն  
ամենայն բնակչօքն հանդերձ ծուրայ :  
Նա և ասուր եկեալ էր ընդ նոսա .  
ամենեքեան սոքա զօրավիգն էին որդ-  
ւոցն զովտայ :

Արա զնոսա որպէս զմադիամ , որպէս  
զսիսարայ , և որպէս զաբին 'ի ծոր-

Ծորան կիսօնի :

Սատակեցան նոքա յականա դովրայ,  
և եղեն որպէս զաղբ երկրի :

Արա զիշխանս նոցա որպէս զօրէքն,  
զէքն, զզէքէէ, և զսաղմանս և զսփնայն  
իշխանս նոցա :

Ոյք ասացին՝ Ժառանգեսցուք ՚ի մեզ  
զարբութիւն աստուծոյ :

Աստուած իմ՝ արա զնոսա որպէս զանիւ,  
և որպէս զեղէգն առաջի հողմոյ :

Որպէս հուր՝ զի այրէ զանտառս, որպէս  
բոց՝ զի կիզու զլերինս :

Այսպէս հալածեսցես զնոսա մրրկաւ  
քով, և բարկութեամբ քով խռովեցուցես  
զնոսա :

Լից զերեսս նոցա անարգանօք, և  
խնդրեսցեն զանուէն քո տէր :

Ամաչեսցեն և խռովեսցին յաւիտեանս  
յաւիտենից, և ամօթալից կորիցեն :

Ծանիցեն զի անուէն քո տէր է, և դու  
միայն բարձեալ ես ՚ի վերայ ամենայն  
երկրի :



ՍՍ. ՂՄ ՈՍ 29.

Ի կատարած . վասն հնձանացն . որդւոցն կորխայ .  
Սաղմոս դաւթի :

Ո՛րպէս սիրելիք են յարկք քո տէր  
զօրութեանց , ցանկայ և փափաքի  
անձն իմ 'ի գաւիթս քո :

Սիրտ իմ և մարմին իմ ցնծացեն առ  
աստուած կենդանի :

Քանզի ճնճղուկ եգիտ իւր առն , և  
տատրակ զբոյն՝ ուր գիցէ զձագս իւր :

Սեղան քո տէր զօրութեանց , թա-  
գաւոր իմ և աստուած իմ :

Երանի ամենեցուն՝ որ բնակեալ են  
'ի տան տեառն , յաւիտեանս յաւի-  
տենից օրհնեսցեն զքեզ :

Երանեալ է այր՝ որոյ օգնութիւն իւր  
'ի քէն է . ելս եզ 'ի մտի իւրում 'ի հով-  
տէս տրտմութեան 'ի տեղւոջ յորում  
ուխտեաց :

Զօրհնութիւն ստասցի՝ որ զօրէնս դնէ ,  
գնացէ նա 'ի զօրութենէ 'ի զօրու-  
թիւն , և երեւեսցի աստուած հրեշ-  
տակաց 'ի սիօն :

Ողորմութիւն և ճշմարտութիւն պատահեցին , արգարութիւն և խաղաղութիւն համբուրեցին :

Ճշմարտութիւն յերկրէ բուսաւ , արգարութիւն յերկնից երեւեցաւ :

Տէր տացէ զքաղցրութիւն , և երկիր մեր տացէ զպտուղ իւր . արգարութիւն առաջի նորա գնացէ , զիցէ 'ի ճանապարհի զգնացս իւր :

Տունք ժբ : Գորղայս խգ :

ՍՍ.ՂՄՈՍ ԶԵ .

Սաղմոս գաւթի . աղօթք երեկոյի :

Խոնարհեցո տէր զունկն քո և լուրինձ . զի աղքատ և տնանկ եմ ես :

Պահեա զանձն իմ սուրբ տէր , և փրկկեա զծառայս քս սատուած իմ , որ 'ի քեզ յուսացայ :

Ողորմեա ինձ տէր , զի առ քեզ աղաղակեցի զօրհանազ . ուրախ արա զանձն ծառայի քս , զի առ քեզ տէր համբարձի զանձն իմ :

Զի դու տէր քաղցր և ուղիղ ես .

բազումսորսմ առ ամենեւեան, որք  
կարդան առ քեզ :

Ունկնդիր տէր աղօթից խնոց, և նա-  
յեա 'ի ձայն խնդրուածաց խնոց :

Յաւուր ներդաժեան իմոց կարդացի  
առ քեզ, և լուար ինձ :

Ոչ որ է նման քեզ յաստուածս տէր,  
և ոչ որ է որպէս զգործս քո :

Չամենայն ազգոս զոր արարեր՝ եկեա-  
ցեն և երկիր սրագցեն առաջի քո, և  
փառաւոր արասցեն զանուն քո յա-  
ւիտեան :

Մեծ ես դու տէր, և առնես սքանչե-  
լիս, և դու միայն ես աստուած :

Առաջնորդեա ինձ 'ի ճանապարհի  
քում, և գնացից 'ի ճշմարտութեան  
քում, և ուրախ եղիցի սիրտ իմ յեր-  
կրնչիլ յանուանէ քումմէ :

Խոստովան եղէց առ քեզ տէր աստ-  
ուած իմ բողոքով սրտիւ իմով, փա-  
ռաւոր արարից զանուն քո յա-  
ւիտեան :

Մեծ եղեւ 'ի վերայ իմ ողորմութիւն

.քո տէր, և փրկեցեր զանձն իմ 'ի  
դժոխոց ներքնոց :

Աստուած՝ անօրէնք յարեան 'ի վերայ  
իմ, և ժողովք հզօրաց խնդրեցին զանձն  
իմ, և ոչ համարեցան զքեզ աստուած  
առաջի իւրեանց :

Այլ դու տէր աստուած իմ՝ գթած  
ես և ողորմած, երկայնամիտ բազում  
ողորմ և ճշմարիտ, նայեա առիս և  
ողորմեա ինձ :

Տուր զօրութիւն ծառայի .քո, կեցո  
ղորդի ազախնոյ .քո, և արա առիս նշան  
բարութեան :

Տեսցեն ատելիք իմ և ամաչեսցեն, զի դու  
տէր օգնեցեր ինձ և մխիթարեցեր զիս :

Տունք ժգ.

ՍՍ. ՂՄ ՈՍ 22.

Սաղմոս օրհնութեան . օրդւոցն կորխայ :

Հիմունք նորա 'ի լեառն սուրբ նորա .  
սիրէ տէր զգրունա սիօնի առաւել  
քան զամենայն յարկան յակոբոց :  
Փառաս որեալն խօսեցաւ վասն .քո, ա-

Հաւադիկ քաղաքդ աստուծոյ շ  
 Յիշեցի զուահաբ և զբաբելոն՝ ոյք ճանա-  
 շեն զիս. ահա այլազգիք և ծուր և ժողո-  
 վուրդք հնդկաց, ոսքա եղեն անդ շ  
 Սիօնի ասի մայր, և մարդ ծնաւ ՚ի նմա. և  
 ինքն հիմունս էարկ ՚ի նմա բարձրեալն շ  
 Տէր պատմեացէ գրովք ժողովրդեան,  
 իշխանացս այսոցիկ՝ ոյք եղեն անդ շ  
 Որպէս զի ուրախ լիցին ՚ի քեզ ամե-  
 նեքեան. որոց բնակու թիւն ՚ի քէն է շ

Տունք Դ՝

Ս Ս Ղ Մ Ո Ս 2 է .

Ի կատարած . վասն մաղաղեթայ խնաստութիւն . զի եւս  
 պատասխանի եման խնաստութեամբ խորայելի :

Տէր աստուած փրկու թեան իմոյ, ՚ի  
 տուէ կարգացի և իգիշերի առաջի քո շ  
 Մտցեն աղօթք իմ առաջի քո տէր, խո-  
 նարհեացի ունկն քո ՚ի խնդրուածս իմ շ  
 Զիլցաւ չարչարանօք անձն իմ, և կեանք  
 իմ ՚ի դժոխս մերձեցաւ, և համարե-  
 ցայ ես ընդ այնոսիկ, որք իջանեն ՚ի դուք շ  
 Եղէ ես որպէ մարդ առանց օգնականի,  
 և ՚ի մեռեալս աղատ շ

Որպէս զվիրաւորս, որք ննջեն 'ի գե-  
րեզմանս :

Զորս դու ոչ յիշեցեր, նորա 'ի ձեռանէ-  
քումմէ մերժեցան :

Եդին զիս 'ի գբի ներքնումն՝ 'ի խաւա-  
րի և 'ի ստուերս մահու :

Յիս հաստատեցաւ սրտմտութիւն քո,  
զամենայն դբօսանս քո ամեր 'ի վերայիմ :  
Հեռի արարեր յինէն զձանօթս իմ,  
և եդին զիս նշաւակ իւրեանց :

Մասնեցայ և ոչ ելանէի, աչք իմ  
տկարացան յաղքատութենէ :

Աղաղակեցի առ տէր զօրհանասպազ,  
և համբարձի առ քեզ զձեռս իմ :

Միժէ մեռելոց առնիցեն զսքանչելիս  
քո, կամ բժիշկք յարուցեալ՝ խոստո-  
վան առնիցին առ քեզ :

Միժէ պատմեսցէ՞ որ երբէք 'ի գե-  
րեզմանի զողորմութիւնս քո, կամ  
զճշմարտութիւնս քո 'ի կորստեան :

Միժէ ճանաչիցին 'ի խաւարի սքան-  
չելիք քո, կամ արդարութիւն քո յեր-  
կիր մոռացեալ :

Ես առ քեզ տէր ազադակեցի, առ աւօ-  
տու ազօթք իմ ժամանեացեն առ քեզ  
Ընդէր տէր մերժես զանձն իմ, կամ  
դարձուցանես զերեսս քո յինէն ։  
Տնանկ և փաստակաւոր եմ ես 'ի ման-  
կութենէ իմմէ . 'ի բարձրութենէ խո-  
նարհեցայ և ապշեցայ ։

Յիս հաստատեցաւ բարկութիւն քո,  
արհաւիրք քո խռովեցուցին զիս ։  
Շրջեցան զինեւ որպէս ջուր, զօր ա-  
մենայն պաշարեցին զիս 'ի միասին ։  
Հեռի արարեր յինեն զբարեկամս իմ  
և զձանօթս իմ վասն թշուառութեան  
իմոյ ։

Տունք ի . Գորգայս խր .

ՍՍՂՄՈՍ ԶԸ .

Իմաստութիւն եմանայ յեզրայեղացւոց .

Չողորմութիւնս քո տէր յաւիտեան  
օրհնեցից, ազգէ յազգ պատմեցից ըզ-  
ճշմարտութիւնս քո բերանով իմով ։  
Ասացեր՝ թէ աշխարհս ողորմութեամբ  
շինեացի, յերկինս պատրաստ եղիցի

Ճշմարտութիւնն քո :

Եղի ուխտ ընտրելոց իմոց, երդուայ  
դաւթի ծառայի իմոյ :

Յաւիտեան հաստատեցից զզաւակ քո,  
և շինեցից ազգէ յազգ զաթոռ քո :  
Խոստովան եղիցին երկինք սքանչելեսց  
քոց տէր, և ճշմարտութիւնն քո յեկե-  
ղեցիս սրբոց :

Ո՞վ է յամպս որ հաւասարի քեզ, կամ  
ո՞վ նմանիցի տեառն յորդիս աստուծոյ :

Աստուած փառաւորեալ է 'ի խոր-  
հուրդս սրբոց իւրոց, մեծ և ահաւոր  
'ի վերայ այնոցիք որք շուրջ են զնովաւ :  
Տէր աստուած զօրութեանց, ո՞ նմանի  
քեզ. հզօր ես դու տէր, և ճշմար-  
տութիւնն քո շուրջ է զքեւ :

Դու տիրես զօրութեանց ծովու, և  
զխառովութիւնն ալեաց նորա դու ցա-  
ծուցանես :

Դու խոնարհեցուցանես որպէս վիրա-  
ւորս զամբարտաւանս, 'ի զօրութիւն  
բազկի քո ցրուեցեր զթշնամիս քո :  
Քո են երկինք և քո է երկիր, զաշ-



խարհս լրիւ իւրով դու հաստատեցեր, զհիւսիս և զհարաւ դու արարեր, թափօր, և հերմօն յանուն քո ցընծասցեն ։

Քո է բազուկ և քո է զօրութիւն, զօրասցի աջ քո, և բարձր եղիցի ձեռն քո ։ Յարդարութիւն և յիրաւունս հաստատեալ է աթոռ քո, ողորմութիւն և ճշմարտութիւն գնասցեն առաջի երեսաց քոց ։

Երանի ժողովրդեան, որ գիտեն զօրհնութիւնս քո տէր . 'ի լոյս երեսաց քոց գնասցեն, և յանուն քո ցնծասցեն զօրհանասպազ, և յարդարութեան քում բարձր եղիցին ։

Պարծանք զօրութեանց մերոց դու ես տէր, և 'ի կամս քո բարձր եղիցի եղջիւր մեր ։

Ի տեսանէ է օգնութիւն սրբոյն իսրայէլի՝ թագաւորին մերոյ ։

Յայնժամ խօսեցար տեսլեամբ ընդ որդիս քո և ասացեր . եղից զօգնութիւն իմ 'ի վերայ հզօրին, և բարձր արա-

բից զքնարեալն 'ի ժողովրդէնէ իմնէ :  
Գտի զգաւիթ ծառայ իմ, և իւղով  
սրբով օծի զնա :

Չեռն իմ ընկալցի զնա, և բազուկ իմ  
զօրացուսցէ զնա :

Մի մեղիցէ նմա թշնամի, և որդի աւ  
նօրէնու թեան մի չարչարեացէ զնա :  
Հարից առաջի նորա զթշնամիս նորա,  
և զատելիս նորա 'ի սարսու թիւն  
մատնեցից :

Ճշմարտութիւն իմ և ողորմութիւն  
իմ ընդ նմա, և յանուն իմ բարձր եւ  
զիցի եղջիւր նորա :

Եդից 'ի ծովու զձեռն նորա, և 'ի վե  
րայ գետոց զաջ նորա :

Նա կարդացէ առ իս՝ հայր իմ ես դու,  
աստուած ընդունող փրկութեան իմոց :

Ես անդրանիկ արարից զնա, և բարձր  
քան զամենայն թագաւորս երկրի :

Յաւիտեան սա հեցից նմա զողորմու  
թիւն իմ, և ուխտ իմ հաւատարիմ  
ընդ նմա :

Հաստատեցից յաւիտեանս յաւիտենից

զղաւակ նորա, և զաթոռ նորա որ-  
պէս զաւուրս երկնից ։

Թէ թողցեն որդիք նոցա զօրէնս իմ,  
և յիրաւունս իմ ոչ կամեացին գնալ ։  
Թէ զարդարութիւնս իմ անարգե-  
ցեն, և զպատուիրանս իմ ոչ պա-  
հեցեն ։

Հարից գաւաղանաւ զանօրէնու թիւնս  
նոցա, եւ տանջանօք զանիրաւու-  
թիւնս նոցա ։

Բայց ողորմութիւն իմ ոչ արգելից 'ի  
նոցանէ, և ոչ նենգեցից ճշմարտու-  
թեան իմում, և ոչ անարգեցից զուխտ  
իմ, և ինչ որ ելանէ ընդ շրթունս  
իմ՝ զայն ոչ արհամարհեցից ։

Միանգամ երգուայ 'ի սրբութիւն իմ,  
թէ գաւթի ես ոչ ստեցից ։

Զաւակ նորա յաւիտեան կացցէ, և  
աթոռ նորա որպէս զարեգակն առա-  
ջի իմ, և որպէս զլուսին զի հաստա-  
եալ է յաւիտեան վկայ հաւատարիմ  
յերկինս ։

Իսկ արդ դու մերթեցեր և անարգե-

ցեր, և ընդ վայր հարեր զօժեսարս քո:  
Գարձուցեր զուխտ 'ի ծառայէ քում  
մէ, պղծեցեր յերկրի զսրբութիւն  
նորա:

Քակեցեր զամենայն պարիսպս նորա,  
և եղեր զամուրս նորա 'ի դողումն:  
Յափշտակեցին զնա անցաւորք ճանա-  
պարհի, և եղել նա նախատ դրաց-  
եաց իւրոց:

Բարձր արարեր զաջ նեղչաց նորա, և  
ուրախ արարեր զամենայն թշնամիս  
նորա:

Գարձուցեր զօգնութիւն 'ի սրոյ նո-  
րա, և ոչ ընկալար զնա 'ի պատերազմի:  
Անարգեցեր զսրբութիւն նորա, և  
զաթոռ նորա յերկիր կործանեցեր:  
Նուաղ արարեր զաւուրս ժամանա-  
կաց նորա, և հեղեր զնախաւ զամօթ:  
Մինչեւ յերբ դարձուցանես զերեսս  
քո իսպառ, բարբոքեսցի որպէս հուր  
բարկութիւն քո:

Իսկ արդ յիշես և տես՝ թէ ով է իմ  
հանդիստ, միթէ 'ի զուր ինչ ստեղ-

Ժեր զամենայն որդիս մարդկան :  
Ո՞վ է մարդ՝ որ կեցցէ և ոչ տեսցէ  
զմահ , կամ փրկեսցէ զանձն իւր 'ի  
'ի ձեռաց դժոխաց :

Ո՞ւր են ողորմութիւնք քո տէր ա-  
ռաջինք , զոր երդուար դաւթի ճըշ-  
մարտութեամբ քով :

Յիշեա զնախատինս ծառայի քոյ , զոր  
ընկալայ 'ի ծոց իմ յազգաց բազմաց :

Զոր նախատեցին թշնամիք քո տէր ,  
նախատեցին փոխանակ օժելոյ քոյ :

Օրհնեալ տէր աստուած յաւիտեանս  
յաւիտենից . եղիցի եղիցի :

Տունք խը :

Կանոնս Գորգայս է : Սաղմոս թղ : Տունք յխը :



ՕՐՀՆՈՒԹԻՒՆ ԵՍԱՅԵԱՅ ՈՐԴԻՈՅՆ ԱՄՈՎՍԱՅ

Եսայեա իգ :

Ի գիշերաց կանխէ հոգի իմ առաւօտ  
առնել առ քեզ աստուած :

Վասն զի լոյս են հրամանք քո 'ի վե-  
րայ երկրի . ուսարուք զարդարութիւն

բնակիչք երկրի ։

Կարկեսցի ամբարիշտն , և այլ ոչ եւս  
ուսցի առնել յերկրի զարգարութիւն  
ճշմարտութեան ։

Բարձցի ամբարիշտն յերկրէ , և մի  
տեսցէ զփառս աստուծոյ ։

Տէր բարձր ես և բազուկ քո հզօր ,  
և նոքա ոչ գիտացին ։

Ծանիցեն՝ ամաչեսցեն , և նախանձ  
անկցի անխրատ ժողովրդեան , և արդ  
հուր զթշնամիս քո կերիցէ ։

Տէր աստուած մեր՝ աուր մեզ զխա-  
ղաղութիւն քո , զի ըստ ամենայն գոր-  
ծոց մերոց հասուցաւ մեզ ։

Տէր աստուած մեր՝ ստացիր զմեզ , զի  
բաց ՚ի քէն զայլ ոք ոչ գիտեմք , և զա-  
նուն քո անուանեմք զօրհանապազ ։  
Իսկ արդ մեռեալք զկենդանութիւն  
այլ ոչ տեսանիցեն , և ոչ բժիշկք յա-  
րուցանիցեն ։

Վասն այսօրիկ ամեր հարեր աստա-  
կեցեր և ջնջեցեր զամենայն արու մա-  
նուկ նոցա ։

Յաւել տէր զչար 'ի վերայ չարի նոցա, և աժ զչար 'ի վերայ անօրինաց երկրի ։

Տէր 'ի նեղութեան յիշեցաք զքեզ . զի փոքր մի նեղութիւն է խրատ քո 'ի վերայ մեր ։

Որպէս երկունք յլլոյ՝ զի հասեալ իցէ ժամանակ ծննդեան , և առ ցաւս իւր ճշիցէ ։

Այնպէս եղաք սիրելւոյ քում տէր , յահ և յերկիւղ քո յլացեալ երկնեցաք , և ծնաք զհոգի փրկութեան քո ։

Ոչ եւս կործանեսցուք մեք , այլ կործանեսցին անօրէնք երկրի ։

Յարիցեն մեռեալք և կենդանասցին ամենեքեան , որք եղեալ են 'ի գերեզմանս ։

Զարթիցեն ցնծասցեն , և ուրախ եղիցին դադարեալք յերկրի ։

Վասն զի ցօղդ որ ցօղէ 'ի քէն , այդ բժշկութիւն է նոցա . բայց երկիրն ամբարշտեալ սասակեսցի ։

Խոյս տուր ժողովուրդ իմ , գնամաւս


'ի շտեմարանա քո , և փակեա զդրունա  
քո առաջի երեսաց քոց :  
Փախիր և թագիր առ ժամանակ մի ,  
մինչեւ անցցէ բարկութիւն տեառն :  
Փառք հօր և որդւոյ և :


ՄԱՂԹԱՆՔ

Խաղաղութեանց տուող քրիստոս , ըզ  
խաղաղութիւն և զերկնային ողորմու  
թիւն քո պարգեւեա յարարածս քո :  
Մարդասէր տէր , վասն սրբուհւոյն  
անարատի մօր քոյ և կուսի , և վասն  
խաչի քոյ պատուականի , տէր , ընկալ  
զաղաչանս մեր , և կեցո զմեզ :

զՔարողն և զաղօթս 'ի վերջն Երանելու կանոնին  
գացես 'ի ՀԱ երեսն :









ՍՍ. ԴՄ ՈՍ 2Թ .

Աղօթք Մոխէսի ան Սասունոյ :

**Տ**է՛ր տպաւէն եղեր մեր ազգէ մինչեւ յազգ . մինչչեւ լերինք հաստատեալ էին , և մինչչեւ ստեղծեալ էիր զերկիր և դամե՛նայն տիեղերս : Յաւիտենից մինչեւ յաւիտեանս գուեսս . մի դարձուցաներ զմարդ ՚ի տառապանս . և առայեր , դարձարուք տա իս որպէք մարդկան :

Հազար ամ յաչս տեսուն որպէս օր երեկի՛ դի էանց . որպէս պահ մի գիշերոյ , և անք՛նացս անարգութեամբ եղիցին :

Ընդ առաւօտս որպէս դալարի բուսցին . ընդ առաւօտս որպէս դալարի դարձացին և ծաղկեսցին , ընդ երեկոյս

Թարչամեցին՝ չորացին և անկցին :  
Նուաղեցաք մեք՝ ի բարկու թենէ քում  
մէ , և ի սրամտու թենէ քումմէ խը  
ուովեցաք :

Եդեր զմեզս մեր առաջի քո , և զկեանս  
մեր ի լոյս երեսաց քոց :

Ամենայն աւուրք մեր նաւաղեցան , և  
ի բարկու թենէ քումմէ խուովեցաք :  
Ժամանակ ամաց մերոց անդադար որ  
պէս սարդի , և թիւ աւուրց ամաց մե  
րոց ի նոսա՝ եօթանասուն ամ :

Ապա թէ առաւել եւս՝ ու թսուն ամ .  
և որ ինչ աւելի է քան զայն , ցաւօք  
և հեծու թեամբ :

Եկն ի վերայ մեր հեծու թիւն , և խրա  
տեցաք . իսկ արդ ո՞ գիտացէ զզօրու  
թիւն բարկու թեան քո , և կամ յահէ  
քումմէ զսրամտու թիւն քո համարեցի :

Այսպէս ցոյց ինձ զաչ քո . և որ խանարհ  
են սրախք զխնդատու թիւնս քո :

Գարձ աւեր՝ մինչեւ յերբ . միսի թար  
եաց ի ծառայս քո :

Լցաք առաւօտու ողորմու թեամբ քով :

ցնծացաք և ուրախ եղաք զամենայն  
աւուրս կենաց մերոց :

Ուրախ եղաք փոխանակ աւուրցն՝ յորս  
խոնարհ արարեր զմեզ, և ամացն՝ յորս  
տեսաք զչարչարանս :

Հայեա տէր 'ի ծառայս քո և 'ի գործս  
ձեռաց քոց, և առաջնորդեա որդւոց  
նոցա, եղիցի ըյս տեառն աստուծոյ  
'ի վերայ մեր :

Զգործս ձեռաց մերոց ուղիղ արա 'ի  
մեզ տէր, և զգործս ձեռաց մերոց  
յաջողեա մեզ :

Տունք ժղ :

ՍՍ. ՂՄ ՈՍ Ղ.

Օրհնութիւն գովութեան դաւթի :

Որ բնակեալն է յօգնութիւն բարձ-  
րելոյն, ընդ հովանեաւ աստուծոյ յեր-  
կինս հանգիցէ :

Ասացէ տեառն՝ ընդունող իմ ես, ա-  
պաւէն իմ աստուած, և ես յուսամ  
'ի նա :

Նա վրկեսցէ զիս յորոգայթէ որսողին,

և 'ի բանիցն 'ի խռովութենէ :  
Ի թիկնամէջս իւր ընկալցի զքեզ , 'ի  
հովանի թեւոց նորա յուսասցիս :  
Որպէս զէն շուրջ եղիցի զքեւ ճշմար  
տութիւնն նորա :

Ոչ երկիցես դու յերկիւզէ գիշերի , և  
ոչ 'ի նեատ՝ որ թռչի 'ի տուէ :  
Յիրէ որ շրջի 'ի խաւարի , 'ի գայթակ  
ղութենէ դիւին 'ի հասարակ աւուր :  
Անկցին 'ի կողմանէ քումմէ հազարք ,  
և բիւրք ընդ աջմէ քումմէ , և սո  
քեզ ինչ ոչ մերձեացին :

Բայց միայն աչօք քովք հայեսցիս դու ,  
և զհատուցումն մեղաւորաց տեսցես ,  
զի դու տէր յոյս իմ ես :

Զբարձրեալն արարեր քեզ ապաւէն ,  
զի ոչ հասցեն սո քեզ չարք , և տան  
ջանք մի՛ մերձեացին 'ի յարկս քո :  
Հրեշտակաց իւրոց սլաաուիրեալ է  
վասն քո , 'ի սլահել զքեզ յամենայն ճա  
նապարհս քո :

Ի բազուկս իւրեանց ընկալցին զքեզ ,  
զի մի՛ երբէք հարցես զքարի զտան քո :

Ի վերայ ի թից և քարբից զնասցես դու,  
և առ ոտն կոխեսցես զառիւծն և զվի-  
շասկն ։

Քանզի յիս յուսացաւ, և փրկեցից  
զնա . հովանի եղէց նմա, զի ծանեաւ  
զանուն իմ ։

Կարգասցէ առ իս, եւ ես լուսյց նմա .  
և առ նմա եղէց 'ի նեղութեան ։

Փրկեցից եւ փառաւոր արարից զնա,  
երկայն աւուրք լցուցից, և ցուցից  
նմա զփրկութիւն իմ ։

Տունք ժող

Ս Ս . Ղ Մ Ո Ս Ղ Ս .

Սաղմոս օրհնութեան աւուր շարաթուց 'ի դաւիթ ։

Բարի է խոստովան լինիլ տեառն և սաղ-  
մոս ասել անուան քում բարձրեալ ։

Պատմել աւաւօտու զողորմութիւնս  
քո, և զճմարտութիւնս քո 'ի գիշերի ։  
Տասնադեաւ սաղմոսարանաւ, 'ի ձայն  
օրհնութեան գովել ։

Ուրախ արարեր զիս տէր յարարածս  
քո, և 'ի գործս ձեռաց քո ցնծացայց ։

Ո՞րպէս զի մեծ են գործք քո տէր ,  
եւ յոյժ խոր են խորհուրդք քո ։

Այր անզգամ զայս ոչ ծանիցէ , եւ ան-  
միտն զայս ոչ առնու 'ի միտ ։

Ի բուսանիլ մեղաւորաց որպէս խոտ ,  
'ի ծաղկիլ այնոցիկ՝ ոչք գործեն զանօ-  
րէնու թիւն ։

Սատակեսցին յաւիտեանս յաւիտենից ,  
եւ դու բարձրեալ ես յաւիտեանս տէր ։

Զի ահա թշնամիք քո տէր , զի ահա  
թշնամիք քո կորիցեն . ցրուեսցին ա-  
մենեքեան՝ ոչք գործեն զանօրէնու-  
թիւն ։

Բարձր եղիցի որպէս միեղջերուի եղ-  
ջիւր իմ , եւ ծերութիւն իմ 'ի ձէթ  
պարարտութեան ։

Ետես ակն իմ 'ի թշնամիս իմ՝ ոչք յա-  
րուցեալ են 'ի վերայ իմ չարութեամբ ,  
'ի նոսա լուիցէ ունկն իմ ։

Արդարքն որպէս զարմաւենիս ծաղ-  
կեսցին . որպէս զմայրան լիբանանու  
բայումք եղիցին ։

Տնկեալք եղիցին 'ի տան տեառն , եւ 'ի



գաւիթս առաու ծոյ մերոյ ծաղկեցին :  
Եւս և բազումք եղիցին 'ի ծերութիւն  
պարարտութեան , գիրգք և փափուկք  
եղիցին 'ի պատմել , ուղիղ է տէր ասա-  
ուած մեր , և ոչ գոյ 'ի նմա անիրա-  
ւութիւն :

Տունք ժգ , Գորգայս խգ :

Ս Ա Ղ Մ Ո Ս Ղ Բ .

Յաւուրն առաջին շարաթու , յոր հաստատեցաւ երկիր-  
օրհնութիւն գովութեան դաւթի :

Տէր թագաւորեաց վայելչութիւն  
զգեցաւ , զգեցաւ տէր զօրութիւն ընդ  
մէջ իւր էած :

Հաստատեաց զաշխարհ՝ զի մի սասա-  
նեցի . պատրաստ է աթոռ քո , 'ի  
սկզբունէ յաւիտեանս դու ես :

Ամբարձան գետք տէր , և ամբարձին  
գետք զձայնս իւրեանց , և յարիցեն  
գետք 'ի գնացս իւրեանց :

Ի ձայնէ ջուրց բազմաց , սքանչելի ե-  
ղեն զբօսանք ծովու :

Սքանչելի ես դու տէր 'ի բարձունս ,

վկայութեանց քոց մեք յոյժ հաւա-  
տացաք :

Տան քում վայելէ սբբութիւն տէր ընդ  
երկայն աւուրս :

Տունք 4 .

ՍՍ. ԴՈՍ ԴԳ .

Սաղմոս դաւթի . չորեքշաբաթու :

Աստուած վրէժխնդիր , տէր աստուած  
վրէժխնդիր յայանեցար :

Բարձր լեր որ դատես զերկիր , հաստ  
զհասողցումն ամբարտաւանից :

Մինչեւ յերբ մեղաւորք տէր , մինչեւ  
յերբ մեղաւորք պարծեսցին :

Բարբառեալ խօսէին զանիրաւութիւն ,  
խօսեսցին ամենեքեան՝ ոյք գործեն  
զանօրէնութիւն :

Զժողովուրդս քո տէր խոնարհ արա-  
րին , և զժառանգութիւն քո շարչա-  
րեցին :

Զայրին և զպանդուխտն սպանին ,  
զորքան կրատրեցին , և ասացին՝ ոչ տե-  
սանէ զայս տէր , եւ սչ 'ի միտ առնաւ

աստուած յակորայ :

Իմացարուք անզգամք ժողովրդոց , և  
անմիտք մինչեւ յերբ ոչ առնուք 'ի միտ :  
Որպէս զի թէ որ տնկեաց զունկն՝ ինքն  
ոչ լուիցէ , կամ որ ստեղծ զակն՝ ինքն  
ոչ տեսանիցէ :

Որ խրատէ զազինա , որպէս թէ ոչ յան-  
դիմանեացէ . որ ուսուցանէ մարդոց  
զգիտութիւն . տէր ճանաչէ զխոր-  
հուրդս մարդկան , զի են ընդունայնք :  
Երանի մարդոց՝ զոր խրատես դու տէր ,  
և յօրինաց քոց ուսուցանես դու նմա :  
Յաճուցանես դու նմա զաւուրս չա-  
րութեան , մինչեւ փորեցի խորխո-  
րատ մեղաւորի :

Ոչ մերժէ տէր զժողովուրդ իւր , և  
զժառանգութիւն իւր ոչ առնէ անտես :  
Մինչեւ դարձցին իրաւունք յարդա-  
րութիւն . ընկալցին զնա ամենեքեան  
ոյք ուղիղ են սրտիւք :

Ո՞վ յարիցէ ընդ իս 'ի վերայ չարաց ,  
կամ ո՞վ հաւասարեցի ինձ 'ի վերայ  
այնոցիկ՝ ոյք գործեն զանօրէնութիւն :

Եթէ ոչ տեառն օգնեալ էր ինձ, փոքր  
մի եւս բնակեալ էր անձն իմ ՚ի դժոխս  
Թէ տաէի՝ թէ ահա սասանեցան ոտք  
իմ, ողորմութիւն քո տէր օգնէր ինձ :  
Ըստ բազում ցաւոց սրտի իմոյ՝ մխիթա-  
յութիւն քո ուրախ առնէր զանձն իմ :  
Մի հաւասարեցի քեզ աթոռ անօրէ-  
նութեան, ո՛ր պատճառէ զվաստակա  
բնդդէմ հրամանի :

Որսացին զանձն արդարոյ, և զարիւն  
ամբիժ պարտաւոր առնէին :

Եղեւ տէր ապաւէն իմ, աստուած օգ-  
նական յուսոյ իմոյ :

Հասուցէ նոցա տէր ըստ անօրէնու-  
թեանց նոցա, և ըստ չարութեան նոցա  
կործանեցէ զնոսա տէր աստուած մեր :

Տունք իս :

ՍՍ. ՂՄ ԱԾ ՂԴ.

Օրհնութիւն գովութեան դաւթի :

Եկայք ցնծացուք ՚ի տէր, աղաղակեա-  
լոք առ աստուած փրկիչ մեր :

Կանխեցուք առաջի նորա խոստովա-

նու թեամբ , և սաղմոսիւք աղաղակես-  
ցուք առ նա :

Աստուած մեծ է , տէր թագաւոր մեծ  
ի վերայ ամենայն երկրի :

Ի ձեռս նորա են ամենայն տիեզերք  
երկրի , և բարձրութիւնք լերանց նո-  
րա են :

Նորա է ծով՝ և նա արար զնա , և  
զցամաք ձեռք նորա ստեղծին :

Եկայք երկիրսպագցուք նմա , անկցուք  
և լացցուք առաջի տեսուն արարչին  
մերոյ :

Նա ինքն է տէր աստուած մեր , մեք  
ժողովուրդք ձեռին նորա , և խաչն  
արօտի նորա :

Այսօր եթէ ձայնի նորա լսիցէք , մի  
խատացուցանէք զսիրտս ձեր որպէս ՚ի  
դառնութեան :

Յաւուրն փորձութեան յանասլատին՝  
ուր փորձեցին զիս հարքն ձեր , քննե-  
ցին զիս , և տեսին զգործս իմ զբա-  
ռասունս ամ :

Չանացի ընդ ազգին ընդ այնմիկ և

ասացի՝ միշտ մտորեալ են սրտիւք . և  
նորա ոչ ծանեան զճանապարհս իմ :  
Որպէս երգուայ 'ի բարկութեան իւ  
մում, թէ մտցեն 'ի հանգիստ իմ :

Տունք ժա . Գորգայս ԼԸ՝

ՍՍ. ՂՄ ՈՍ ՂԵ .

Սաղմոս դաւթի . 'ի ժամանակի զի տաճարն շինեցաւ :

Օրհնեցէք զտէր յօրհնութիւն նոր ,  
օրհնեցէք զտէր ամենայն երկիր :

Օրհնեցէք զտէր և օրհնեցէք զանուն  
նորա , աւետարանեցէք օր ըստ օրէ  
զփրկութիւն նորա :

Պատմեցէք 'ի հեթանոսս զփառս նորա ,  
յամենայն ժողովուրդս զքանչելիս  
նորա :

Մեծ է տէր և օրհնեալ է յոյժ , ա-  
հարկու է նա 'ի վերայ ամենայն կռոց :  
Ամենայն կուռք հեթանոսաց դեւք  
են , այլ տէր զերկինս արար :

Խոստովանութիւն և վայելչութիւն է  
առաջի նորա , սրբութիւն և մեծ վա-

յելչու թիւնն 'ի սրբու թեանն նորա :  
Մատուցէք տեառն տոհմք ազանց , մա-  
տուցէք տեառն զփառս և զպատիւ , մա-  
տուցէք տեառն զփառս անուանն նորա :  
Առէք պատարագս և մտէք 'ի սրահս  
նորա , երկիրս պագէք տեառն 'ի գա-  
ւիթս սրբու թեանն նորա , և խռովեսցի

յերեսաց նորա ամենայն երկիր :  
Ասացէք 'ի հեթանոսս՝ թէ տէր թա-  
գաւորեաց , հաստատեաց զաշխարհ  
զի մի սասանեսցի , և դատէ զժողո-  
վուրդս իւր ուղղութեամբ :

Ուրախ եղիցին երկինք՝ և ցնծացէ  
երկիր , զուարճացի ծով լրիւ իւրով .  
ցնծացեն դաշտք , և ամենայն որ է  
'ի նոսա :

Յայնժամ ցնծացեն ամենայն ծառք  
անտառի յերեսաց տեառն՝ զի գայ ,  
և գայ նա 'ի դատել զերկիր :

Դատէ զտիեզերս իրաւամբք , և զժո-  
ղովուրդս ամենայն ճշմարտութեամբ  
իւրով :

ՍՍ. ՂՄ ՈՍ ԴԶ.

Սաղմոս դաւթի. 'ի ժամանակի զի երկիրն  
հաստատեցաւ :

Տէր թագաւորեաց՝ ցնծացէ երկիր ,  
ուրախ եղիցին կղզիք բազումք :  
Ամսլ և մէգ շուրջ են զնովաւ , յի-  
րաւունս և յարդարութիւն ուղղեալ  
է ամթոռ նորա :

Հուր առաջի նորա գնացէ , և այ-  
րեացէ շուրջ զթշնամիս նորա :  
Երեւեցան փայլատակունք նորա տիե-  
զերաց , ետես և սասանեցաւ երկիր :  
Լերինք որպէս մոմ հալեացին յերեսաց  
տեսառն , յերեսաց տեսառն ամենայն  
երկիր :

Պատմեցեն երկինք զարդարութիւն  
նորա , և տեսցեն ամենայն ժողովուրդք  
զփառս նորա :

Ամսչեացեն ամենեքեան ոյք երկիր-  
սլազանեն կռոյ , և ոյք աշարժին 'ի  
դրօշեալս իւրեանց :

Երկիրսլազցեն նմա ամենայն հրեշտակք .



Նորա , զի լուաւ և ուրախ եղեւ սիօն ,  
և ցնծասցեն դատերք յուզայ վասն ի-  
րաւանց քոց տէր :

Զի դու բարձրեալ ես 'ի վերայ ամե-  
նայն երկրի , յոյժ բարձրացար 'ի վերայ  
ամենայն կռոց :

Ոչք սիրէք զտէր , ատեցէք զչարու-  
թիւն . պահէ տէր զանձինս սրբոց իւրոց ,  
'ի ձեռաց մեղաւորի փրկեացէ զնոսա :  
Լոյս ծագեաց արդարոց , ուղղոց սրբ-  
տից եղեւ ուրախութիւն :

Ուրախ եղերուք արդարք 'ի տէր , և  
խոստովան եղերուք յիշատակի սրբու-  
թեան նորա :

Տունք ժբ .

ՍՍ. ՂՄՈՍ ՂԷ .

Սաղմոս դաւթի օրհնութեան .

Օրհնեցէք զտէր յօրհնութիւն նոր ,  
զի սքանչելիս արար :

Փրկեաց զնա աջ իւր , և բազուկ սուրբ  
իւր :

Եցոյց տէր զփրկութիւն իւր , առաջի

ազգաց յայտնեաց զորդարու թիւն իւր  
Յիշեաց ողորմու թեամբ իւրով զյակոբ ,  
ճշմարտու թեամբ իւրով զտունն իսրա-  
յէլի , և տեսին ամենայն ծագք երկրի  
զիրկու թիւն աստուծոյ մերոյ :

Աղաղակեցէք առ տէր ամենայն երկիր ,  
օրհնեցէք ցնծացէք և սաղմոս ասացէք :  
Սաղմոս ասացէք աստուծոյ մերոյ օրհ-  
նու թեամբ , օրհնու թեամբ և 'ի ձայն  
սաղմոսաց :

Ի ձայն օրհնու թեան կռածոյ փողոյ ,  
օրհնու թեամբ ցնծու թեամբ և 'ի ձայն  
եղջեր փողոյ . աղաղակեցէք առաջի  
թագաւորին տեառն :

Խռովեսցի ծով լրիւ իւրով , աիեզերք  
և ամենայն բնակիչք նորա , և գետք  
ծափա հարցեն 'ի միասին ձեռամբ :  
Լեբինք ցնծասցեն առաջի տեառն ,  
զի գոյ զի հասեալ է տէր 'ի գատել  
զերկիր :

Դատէ զաշխարհս արդարու թեամբ , և  
զժողովուրդս իւր ուղղու թեամբ :

ՄԱՂՄՈՍ ԴԸ.

Սաղմոս դաւթի :

Տէր թագաւորեաց, բարկացան ժողովուրդք. որ նատիա 'ի քրտվբէս, սասանեցաւ երկիր :

Տէր 'ի սիօն մեծ է, և բարձր է 'ի վերայ ամենայն ժողովրդոց :

Խոստովան եղիցուք անուան քում մեծի, զի տհաւոր և սուրբ է, և սլաաիւ թագաւորի զիրաւունա սիրէ :

Դու սլատրատեցեր զուղղութիւն, զիրաւունա և զարդարութիւն յալոբոց դու արարեր :

Բարձր արարէք զտէր աստուած մեր. երկիրսպագէք սլատուանդանի ոտից նորա զի սուրբ է :

Մովսէս և ահարօն երիցունք նորա. սամուէլ ընդ սյնոսիկ, ոյք կարդան զանուն նորա :

Կարդային առ տէր և նա ըտէր նոցա, և 'ի սիւն ամպոյ խօսէր ընդ նոսա :

Պահէին գլկայու թիւն նորա և զհը

բամանա զոր ետ նոցա :

Տէր աստուած մեր՝ դու լսէիր նոցա ,  
աստուած՝ դու քաւիչ լինէիր նոցա ,  
և վրէժխնդիր ՚ի վերայ ամենայն գոր-  
ծոց նոցա :

Բարձր արարէք զտէր աստուած մեր .  
երկիրագէք ՚ի լեառն սուրբ նորա ,  
զի սուրբ է տէր աստուած մեր :

Տունք ժ :

ՍՍ. ՂՄՈՍ ՂԹ .

Մաղմոս խոստովանութեան դաւթի :

Սղաղակեցէք առ տէր ամենայն եր-  
կիր , ծառայեցէք տեառն ուրախու-  
թեամբ :

Մտէք առաջի նորա ցնծութեամբ ,  
ծաներուք զինա է տէր աստուած մեր :  
Նա արար զմեզ , և ոչ մեք էաք . մեք  
ժողովուրդք և խաչն արօտի նորա :

Մտէք ընդ դրունս նորա խոստովա-  
նութեամբ , և օրհնութեամբ ՚ի յարկս  
նորա :

Խոստովանեղերուք տեառն , և օրհն-

Նեցէք զանուն նորա :

Քաղցր է տէր , յաւիտեան է ողորմու-  
թիւն նորա . ազգէ մինչեւ յազգ է ճըշ-  
մարտութիւն նորա :

Տունք զ .

Ս Ա Ղ Մ Ո Ս Ճ .

Սաղմոս զաւթի :

Յողորմութիւն և յիրաւունա օրհնեցից  
զքեզ տէր . սաղմոս ասացից և 'ի միտ  
առից :

Ճանապարհ ամբիժ մինչեւ եկեսցէ  
առիս . զի գնացի ես յամբժութեան  
սրտի իմոյ 'ի մէջ տան իմոյ :

Ոչ եդի առաջի աչաց իմոց զիրս անի-  
րաւութեան , ոյք առնէին զանօրէ-  
նութիւն , ատեցի :

Ոչ մերձեցաւ առիս որ թիւրնէր սրտիւ .  
խտտորեալ յինէն անզգամին , և ես ինչ  
ոչ փոյթ առնէի :

Որ խօսէր գաղտ զընկերէ իւրմէ , զնա  
բացէ 'ի բաց հալածէի :

Որ ամբարտաւան էր աչօք և ագահ

սրտիւ , ընդ նմա և հաց ոչ ուտէի :  
Աչք իմ 'ի հաւատացեալս երկրի , զի  
նստցին նոքա ընդ իս :

Որ գնայր 'ի ճանապարհ ամբիծ , նա  
պաշտէր զիս :

Ոչ բնակէր 'ի մէջ տան իմոյ՝ որ առնէր  
զամբարտաւանութիւն , որ խօսէր զա-  
խրաւութիւն , չէր յաջողեալ նմա ա-  
ռաջի աչաց իմոց :

Ընդ առաւօտս սպանանէի զամենայն  
մեղաւորս երկրի , զի սատակեցից 'ի  
քաղաքի տեառն զամենեւեան՝ ոյք  
գործեն զանօրէնութիւն :

Տունք ժ , Գորդայս իզ :

Ս Ս Ղ Մ Ո Ս Ճ Ա .

Աղօթք ուրկի . իրբեւ ճանճբացի՝ առաջի տեառն  
սիրուցէ զխնդրուածս իւր :

Տէր՝ լուր աղօթից իմոց , աղաղակ իմ  
առ քեզ եկեացէ , և մի՛ գարձուցաներ  
զերեսս քո յինէն :

Յաւուր նեղութեան իմոյ խոնարհեցո  
առ իս զառնկն քո , յորում աւուր կար-

դամ առ քեզ, վաղվաղակի լուր ինձ =  
Սպառեցան որպէս ծուխ աւուրք իմ,  
և ոսկերք իմ որպէս խռիւ չորացան =  
Հարայ ես որպէս խոտ՝ և ցամաքեցաւ  
սիրտ իմ. մտացայ ուտել զհաց իմ՝ ՚ի  
ձայնէ հեծութեան իմոյ =

Կցեցաւ ոսկր իմ՝ ՚ի մարմին իմ, նմա-  
նեցայ ես հաւտլասան անասպատի =  
Եղէ ես որպէս բու յաւերակի, տքնե-  
ցայ և եղէ ես որպէս ճնճղուկ միայն  
՚ի տանիս =

Նախատեցին զիս թշնամիք իմ զօրհա-  
նապաղ, և գովիչք իմ ինեւ երդնուին =  
Զմոխիր որպէս զհաց կերի, և զլմպե-  
լին իմ արտասուօք խառնեցի =

Յերեասայ բարկու թեան սրտմութեան  
քո, զի դու բարձրացուցեր և խո-  
նարհեցուցեր զիս =

Աւուրք իմ որպէս հովանի անցին, և  
ես որպէս խոտ ցամաքեցայ =

Դու տէր յաւիտեան կաս, և յիշա-  
տակ քո ազգէ մինչեւ յազգ =

Դու յարուցեալ գթասցիս ՚ի վերայ սի-

օնի, ժամանակ գթալոյ նորա հասեալ  
է ժամ :

Հաճեցան ծառայք քո ընդ քարինս նո-  
րա, և 'ի հողս նորա գթասցին :

Երկիցեն հեթանոսք յանուանէ քում-  
մէ, և տեկնայն թագաւորք երկրի 'ի  
փառաց քոց :

Շինէ տէր զսիօն, և երեւեսցի փառօք  
իւրովք 'ի նմա :

Հայեցաւ նա յաղօթս խոնարհաց, և  
ոչ արհամարհեաց զխնդրուածս նոցա :

Գրեսցի այս յազդ յայլ, ժողովուրդ զոր  
ստացեալ է, օրհնեսցէ զտէր :

Հայեցաւ նա 'ի բարձանց 'ի սրբու-  
թենէ իւրմէ, տէր յերկնից յերկիր  
հայեցաւ :

Լսել զհեծութիւն կապելոց, և ար-  
ձակել զորդիս մահասպարտաց :

Պատմել 'ի սիօն զանուն տեառն, և զօրհ-  
նութիւնս նորա յերուսաղէմ :

Ժողովիլ ժողովրդոց 'ի միասին, և թա-  
գաւորեաց ծառայել տեառն :

Պատասխանի ետ նմա 'ի ճանապարհի



զօրութեան իւրոյ . զնուազութիւն  
աւուրց իմոց ասա ինձ , և մի հաներ զիս  
ի կէս աւուրց իմոց . զի ազգէ յազգ  
են ամբ քո :

Ի սկզբանէ տէր զհիմունս երկրի հաս-  
տատեցեր , և գործք ձեռաց քոց եր-  
կինք են :

Նորա անցանեն , և դու կաս և մնաս  
յաւիտեան :

Ամենքեան որպէս զձորձս մաշեցին ,  
և որպէս զվերաշիւս փոխեցես զնո-  
սա , և փոխեցին :

Բայց նոյն ինքն ես , և ամբ քո ոչ ան-  
ցանեն . որպիք ծառայից քոց բնակեա-  
ցին ի նմա , և զաւակի նոցա յաւիտ-  
եան յաջողեցի :

Տունք իդ :

ՍՍ.ՂՄՈՍ ՃԲ.

Սաղմոս դաւթի :

Օրհնեա անձն իմ զտէր , և ամենայն  
ոսկերք ին զանուն սուրբ նորա :

Օրհնեա անձն իմ զտէր , և մի մտաւ

Նաք զամենայն տուրս նորա :

Ոքաւէ զմեզս քո, բժշկէ զամենայն  
հիւանդու թիւնս քո :

Ո փրկէ յապահանու թենէ զկեանս քո,  
պսակէ զքեզ ողորմու թեամբ և գթու  
թեաբմ :

Ո ընու ՚ի բարու թենէ զցանկու թիւն  
քո, նորագեսցի որպէս արժւոյ ման  
կու թիւն քո :

Առնէ աղորմու թիւնս տէր, և իրա  
ւունս ամենայն զրկելոց :

Եցոց տէր զճանապարհս իւր մովսէ  
սի, և որդւոցն իսրայէլի զկամս իւր :  
Գթամ՝ աղորմամ է տէր, երկայնամիտ  
և բազում ողորմ :

Ոչ իսպառ բարկանայ մեզ տէր, և ոչ  
յաւ իտեանս սրահէ ոխս :

Ոչ ըստ մեղաց մերոց արար մեզ տէր,  
և ոչ ըստ անօրէնու թեան մերում հա  
տոց մեզ :

Այլ որպէս բարձր են երկինք յերկրէ,  
այնպէս զօրացոց տէր զողորմու թիւն  
իւր ՚ի վերայ երկիւղածաց իւրոց :

Որչափ հեռի են արեւելք յարեւմտից ,  
այնչափ հեռի արար 'ի մէնջ զանօրէ-  
նութիւնս մեր :

Որպէս գթաց հայր 'ի վերայ որդւոց  
իւրոց , այնպէս գթասցի տէր յերկիւ-  
ղածս իւր :

Զի նա գիտաց զստեղծուածս մեր , և  
յիշեաց թէ հող եմք :

Մարդոց որպէս խոտոյ են աւուրք իւր .  
որպէս ծաղիկ վայրի այնպէս ծաղկի :  
Շնչէ 'ի նմա հողմ , և ոչ է՝ և ոչ ևս ե-  
րեւի տեղի նորա :

Բայց ողորմութիւն տեսուն մնայ յաւի-  
տեանս յաւիտենից 'ի վերայ երկիւղա-  
ծաց իւրոց , և արդարութիւն նորա  
յորդւոց մինչեւ յորդիս :

Ոյք սրահեն զուխտս նորա , յիշեն ըզ  
սրատուիրանս նորա և առնեն զնա :

Տէր յերկինս սրատրաստեաց զաթոռ  
իւր , արքայութիւն նորա ամենեցուն  
տիրէ :

Օրհնեցէք զտէր ամենայն հրեշտակք  
նորա՝ հզօրք զօրութեամբ ոյք առ-

Ինչք զբանն նորա ՚ի լսել ձայնի տառգա-  
մաց նորա :

Օրհնեցէք զտէր ամենայն զօրու թիւնք  
նորա, պաշտօնեայք և արարողք կա-  
մաց նորա :

Օրհնեցէք զտէր ամենայն գործք նո-  
րա, զի ընդ ամենայն տեղիս է տե-  
րու թիւնն նորա. օրհնեա անձն իմ զտէր :  
Տունք իւր Գորգոյս խը :

---

ՍՍ. ՂՄՈՍ ԺԳ.

Սաղմոս դաւթի . ՚ի վերայ աշխարհագործ արարածոց :

Օրհնեա անձն իմ զտէր, տէր սաս-  
ուած իմ մեծ եղեր յոյժ :

Խոստովանու թիւն և մեծ վայելչու-  
թիւն զդեցար, արկեալ զլոյս որպէս  
զօթոց, ձգեցեր գերկինս որպէս զխո-  
րան, և արկեր ՚ի վերայ ջուրց զվեր-  
նայարկս նորա :

Ողնէ յամօսս զգնացս իւր, և շրջի նա  
՚ի վերայ թեւոց հողմոց :

Ոարար զհրեշտակս իւր հօգիս, և ըզ

պաշտօնեայս իւր 'ի հօւր կիզելոյ :  
Հաստատեաց զերկիր 'ի վերայ հաս-  
տատութեան իւրոյ , զի մի սասանես-  
ցի յաւիտեան :

Խորք որպէս զգեստ վերարկու է նո-  
րա , 'ի վերայ լերանց կացցեն ջուրք :  
Ի սաստէ քու մմէ փախիցեն , և 'ի ձայ-  
նէ որոտալոյ քու մմէ սարսիցեն :

Ելանեն լեռնանան՝ և իջանեն դաշտա-  
նան , 'ի տեղի յոր հաստատեցեր զնոսա :  
Սահման եղեր՝ և ոչ անցանեն , և ոչ  
եւս դառնան 'ի ծածկել զերկիր :

Առաքեցեր զաղբիւրս ընդ ծործորս ,  
'ի միջոյ լերանց գնասցեն ջուրք :

Արբուցանել զամենայն գաղանա վայ-  
րի , յագեսցին ցիօք 'ի ծարաւս իւր-  
եանց :

Անդ թռչունք երկնից բոյնա գիցեն ,  
և 'ի միջոյ վիմաց տացեն զձայնա իւր-  
եանց :

Արբուցանէ զլերինա 'ի շտեմարանաց  
իւրոյ , 'ի պաղոյ գործոյ իւրոյ լցցի  
երկիր :

Բուսուցեր զխոտ 'ի լերինս , զդալարի  
'ի ծառայութիւն մարդկան :

Հանէր զհաց յերկրէ , գինի ուրախ առ  
նէ՝ իւղ զուարթ , և հաց հաստատէ  
զսիրտ մարդոյ :

Յագեսցին ծառքն անտառի , և մայրքն  
լիբանանու՝ զորս դու անկեցեր :

Անդ թռչունք երկնից ձագս հանցեն ,  
և բոյն արագլի ապաւէն է նոցա :

Լերինք բարձունք են եղջերուաց , և  
վէմք ապաւէնք նասրաստակաց :

Արարեր զլուսին վասն ժամանակի ,  
արեգակն ծանեաւ զժամ մտանելոյ  
իւրոյ :

Արարեր զխաւար՝ և եղեւ գիշեր . 'ի  
նմա գնան ամենայն գազանք անտառի :

Կորիւնք առ իւծուց մռնչեն և յափըշ  
տակեն , և խնդրեն յաստուծոյ զկերա  
կուրս իւրեանց :

Ի ծագել արեւու ժողովին , և 'ի մօրիս  
իւրեանց դադարին :

Ելանէ մարդ 'ի գործս իւր , և 'ի վաս  
տակս ձեռաց իւրոց մինչեւ յերեկոյ :

Ո՛րպէս զի մեծ են գործքք քո տէր .  
զամենայն ինչ իմաստու թեամբ արա-  
րեր , և լցաւ երկիր ստեղծուածովք  
քովք :

Այս ծով մեծ և անդորր . 'ի սմա են  
սողունք՝ որոց ոչ գոյ թիւ , գազանք  
մեծամեծք և մանունք . 'ի սմա և նաւք  
գնան . վիշապն զոր ստեղծեր խաղալ  
նովաւ :

Ամենեքեան քեզ սպասեն , և դու տաս  
զկերակուր նոցա 'ի ժամու :

Տաս դու նոցա՝ և կերակրին . բանաս  
զձեռն քո , և կերակրես զամենեւեան  
կամօք քովք :

Դարձուցանես զերեսս քո 'ի նոցանէ՝  
և խռովին , հանես զոգի 'ի նոցանէ ,  
պակասին և 'ի հող դառնան :

Առաքես զոգի քո և ստանաս զնոսա ,  
և նորոգես զերեսս երկրի :

Եղիցին փառք տեառն յաւիտեան , և  
տէր ուրախ եղիցի յարարածս իւր :

Ո հայի յերկիր , և տայ գողալ ամա .  
մերձեսցի 'ի լերինա , և ծխեսցին :

Օրհնեցից զտէր 'ի կեանս իմ, սաղմոս  
ասացից աստուծոյ իմոյ մինչեւ եմ ես :  
Քաղցր եղիցի նմա օրհնութիւն իմ,  
և ես ուրախ եղէց 'ի տէր :  
Պակասեցին մեղաւորք յերկրէ, և  
ամբարիշտք մի եւս գացին 'ի նմա . օրհն  
նեա անձն իմ զտէր :

Տունք ԼԴ .

ՍՍ. Գ. ՈՍ ՃԳ .

Աւելուիա .

Խոստովան եղերուք տեսուն և կար  
գացէք զանուն նորա, և պատմեցէք  
'ի հեթանոսս զգործս նորա :  
Օրհնեցէք և սաղմոս ասացէք նմա .  
պատմեցէք զամենայն սքանչելիս նորա,  
և գովեցարուք յանուն սուրբ նորա :  
Ուրախ եղիցին սիրտք այնոցիկ՝ ոյք  
խնդրեն զտէր . խնդրեցէք զտէր՝ և  
հզօրք եղերուք . խնդրեցէք զերեսս  
նորա յամենայն ժամ :  
Յիշեցէք զսքանչելիս նորա զորս արար,  
զարուեստս և զիրաւունս բերանոյ



Նորա :

Զաւակք արբաճամեան ծառայք նորա , որդիք յակորաց ընտրեալք նորա :  
Նա ինքն է տէր աստուած մեր , յամենայն երկրի են իրաւունք նորա :  
Յիշեաց յաւիտենից զուխտ իւր , և զբանն՝ զոր պատուիրեաց մինչ ՚ի հարարամ :

Զուխտն զոր եղ ընդ արբաճամու ,  
և զերդումն իւր ընդ սահակայ :  
Հաստատեաց առ յակոր զհրաման իւր ,  
և առ իարայէլ զուխտ իւր յաւիտենից :  
Ասէ՛ ձեզ տաց զերկիրն քանանու ,  
զվիճակ ժառանգութեան ձերոյ :  
Զի էին նորա թուով սակաւք նուազք  
և պանդուխտք ՚ի նմա :

Անցին նորա ազգէ յազգ , ՚ի թագաւորութենէ ՚ի ժողովուրդ յայլ :  
Ոչ եթող մարդկան մեղանչել նոցա , և կշտամբեաց զթագաւորս վասն նոցա :  
Մի մերձենայք ասէ՛ յօժեալս իմ , և ՚ի մարգարէս իմ մի մեղանչէք :  
Կոչեաց սով յերկիր նոցա , և զամե-

նայն զօրութիւն հացի եբեկ :

Առաքեաց առաջի նոցա այր , 'ի ծառայութիւն վաճառեցաւ յովսէփ :  
Խոնարհ արարին 'ի կապանա զօտս նորա ,  
և էանց ընդ երկաթ անձննորա :  
Մինչեւ եկեացէ բան նորա , և բան տեսուն փորձեաց զնա :

Առաքեաց թագաւորն և ելոյժ զնա ,  
իշխան ժողովրդեան եթող զնա :

Կացոյց զնա տէր տան իւրոյ , իշխան 'ի վերայ ամենայն ստացուածոց իւրոց :  
Խրատել զիշխանա նոցա որպէս զինքն և զծերս նոցա իմաստունս արացէ :  
Եմուտ իտրայէլ յեգիպտոս , և յակօբ պանդխտեցաւ յերկիր քամայ :

Աճեցոյց զժողովուրդ իւր յոյժ , և զօրացոյց զնոսա քան զթշնամիս իւր :

Գարձոյց զսիրտս նոցա ատել զժողովուրդ իւր , և 'ինենդել զճառայս իւր :  
Առաքեաց զմոլսէս ծառայ իւր , և զահարօն ընտրեալ իւր :

Ետ նոցա զբան նշանաց իւրոց , և զարուեստս իւր յերկիր քամայ :

Առաքեաց զխաւար և խաւարեցոյց  
զնոսա, զի դառնացուցին զբան նորա:  
Դարձոյց յարիւն զգետս նոցա, և ըս-  
պան զամենայն ձկու՛նս նոցա:

Եռաց յերկիր նոցա գորտ, և ՚ի շտե-  
մարանս թագաւորաց նոցա:

Ասաց՝ և եկն շանաճանձ և մթեխ ընդ-  
ամենայն սահմանս նոցա:

Դարձոյց զանձրեւս նոցա ՚ի կարկուտ,  
և հուր յերկիր նոցա բորբոքեցան:

Եհար զայգիս և զթղենիս նոցա, և  
փշրեաց զամենայն ծառս սահմանաց  
նոցա:

Ասաց՝ և եկն մարտիս, և խառնիճ՝ զի  
ոչ գոյր նոցա թիւ:

Եկեր զամենայն խոտ երկրի նոցա, և  
սպառեաց զամենայն ստուղ անդոյ  
նոցա:

Եհար զամենայն անդրանիկս եգիպ-  
տացւոց, զսկիզբն ամենայն վաստա-  
կոց նոցա:

Եհան զնոսա ոսկւով և արծաթով, և  
ոչ գոյր յազգի նոցա հիւանդ:

Ուրախ եղեւ եգիպտոս ընդ ելանել  
նոցա, զի անկաւ ահ տեսան 'ի վե-  
րայ նոցա :

Սփռեաց ամսյ՝ հովանի առնել նոցա 'ի  
տուէ, և հրով լոյս տայր նոցա 'ի գի-  
շերի :

Խնդրեցին՝ և եկն լորամարգի, և հա-  
ցիւ երկնից լցոյց զնոսա :

Եհար զվէմն՝ և բղխեցին ջուրք, և  
գնացին գետք ընդ անջրդիս :

Յիշեաց զբանիւր սուրբ, որ ընդ ար-  
բահամու ծառայի իւրայ :

Եհան զժողովուրդ իւր ցնծութեամբ,  
և զընտրեալս իւր ուրախութեամբ :

Ետ նոցա զգաւառս հեթանոսաց, 'ի  
վաստակս ժողովրդոց ժառանգեցոյց  
զնոսա :

Զի սրահեացեն զվկայու թիւնս նորա,  
և զօրէնս նորա խնդրեացեն :

Տունք իս դ, Գորդայս հը :

ՍՍ.ՂՄՈՍ ձե.

Ալէլուիա.

Խոստովան եղերուք տեառն՝ դիքաղ-  
ցըր է. դիյաւիտեան է ողորմութիւն  
նորա :

Ո՞խօսեսցի զզօրութիւնս տեառն. լը-  
սելի արասցէ զամենայն օրհնութիւնս  
նորա :

Երանի ոյք սլաճեն դիրաւունս, և առ-  
նեն զարդարութիւն յամենայն ժամ :  
Յիշեա զմեզ տէր ընդ հաճոյս ժողո-  
վըրդեան քոյ, և սյց արա մեզ ՚ի փըր-  
կութեան քում :

Տեսցուք մեք զքաղցրութիւն ընտրե-  
լոց քոց, ուրախ եղիցուք մեք յուրա-  
խութիւն ազգի քոյ, և գովեսցուք մեք  
ի ժառանգութեան քում :

Մեղաք մեք ընդ հարսն մեր, անօ-  
րինեցաք և յանցեաք :

Հարքն մեր յեզխատոս ոչ իմացան զըս-  
քանչելիս քո, և ոչ յիշեցին զբաղում  
ողորմութիւնս քո :

Բարկացուցին զքեզ յանցանելն իւրեանց ընդ ծով կարմիր, փրկեաց զնոսա վասն անուան իւրոյ, զի ծանիցեն զգորու թիւնս նորա :

Սաստեաց 'ի ծով կարմիր՝ և ցամաքեցաւ, առաջնորդեաց նոցա ընդ անդունդս որպէս ընդ անապատս :

Կեցոյց զնոսա 'ի ձեռաց ատելեաց նոցա, և փրկեաց զնոսա 'ի ձեռաց թըշնամեաց նոցա :

Ծածկեաց ծով զնեղիչս նոցա, և մի 'ի նոցանէ ոչ ապրեցաւ :

Հաւատացին բանինորա, և օրհնեցին զօրհնու թիւնս նորա :

Վաղլաղեցին և մոռացան զգործս նորա, և ոչ անասցին խորհրդոյ նորա :

Յանկացան զցանկու թիւն յանապատի, և փորձեցին զաստուած յանջրդիւեա նոցա զխնդրուածս նոցա, առաքեաց զլիու թիւն յանձինս նոցա :

Բարկացուցին զմովսէս 'ի բանակի, և զահարօն սուրբ տեառն :

Բացաւ երկիր և եկուլ զդադան, և

Ծածկեաց զբանական զաբիրօնի :  
Հուր վառեցաւ 'ի ժողովս նոցա , և  
բոց մաշեաց զմեղաւորս :

Արարին որթ 'ի քորեք , և երկիրսպ-  
գին պատկերի , և փոխեցին զփառս  
իւրեանց 'ի նմանութիւն որթու խո-  
տակերի :

Մռացան զաստուած կենարարն իւր-  
եանց , որ արար զմեծամեծս յեգիպ-  
տոս , և զսքանչելիս իւր յերկիր քամայ ,  
և զահ իւր 'ի վերայ կարմիր ծովուն :  
Ասաց սատակել զնոսա , եթէ ոչ մով-  
սէս ընտրեալն կայր առաջի նոցա :

Գարձաւ առ տէր և անցոյց զբարկու-  
թիւնն նորա , զի մի սատակեացին նոքա :  
Անարգեցին զերկիրն ցանկալի , և ոչ  
հաւատացին բանի նորա :

Տրանջեցին 'ի բանակս իւրեանց , և ոչ  
լուան ձայնի տեառն :

Համբարձ զձեռն իւր 'ի վերայ նոցա ,  
հարկանել զնոսա յանապատի :

Յրուեսցի զաւակ նոցա ընդ հեթա-  
նոսա , զրուեսցի զաւակ նոցա ընդ գա-

Լ Ա Ո Ւ Մ ՝

Պղծեցան նորա 'ի փելփեգովր , զի կե-  
րան զղոհեալ և զմեռելոտի :  
Բարկացուցին զնա 'ի գործս իւրեանց ,  
և յաճախեաց 'ի վերայ նոցա բեկումն :  
Ապա եկաց 'ի մէջ փենեհէս , քաւեաց  
և արգելաւ մահ . համարեցաւ նմա  
յարդարութիւն ազգէ յազգ մինչեւ  
յաւիտեան :

Բարկացուցին զնա 'ի վերայ ջուրցն հա-  
կառակութեան . չարչարեցաւ մովսէս  
վասն նոցա , զի դառնացուցին զոգի  
նորա :

Հրամայեաց շրթամբք իւրովք , և ոչ  
սատակեցին զազգսն՝ զոր ասաց նոցա  
տէր :

Խառնակեցան ընդ հեթանոսս , և ու-  
սան զգործս նոցա , ծառայեցին կռոց  
նոցա , և եղև նոցա 'ի գայթակղու-  
թիւն :

Ձոհեցին զուստերս և զգստերս իւր-  
եանց դիւաց , և հեղին զարիւն ամբիծ :  
Արիւն ուստերաց և գստերաց իւր-



Եանց՝ զոր զօհեցին կռոցն քանանու ։  
Շաղախեցաւ երկիր յարենէ նոցա , և  
պղծեցաւ ՚ի գործոց նոցա , զի պոռլն  
կեցան ՚ի գնացս իւրեանց ։

Բարկացաւ սրտմտու թեամբ տէր ՚ի վե-  
րայ ժողովրդեան իւրոյ , և գարշեցոյց  
զժառանգու թիւն իւր յոյժ ։

Մասնեաց զնոսա ՚ի ձեռս հեթանո-  
սաց . տիրեցին նոցա ատելիք իւր-  
եանց , և թշնամիք իւրեանց նեղեցին  
զնոսա . և խոնարհ եղեն ՚ի ներքոյ ձե-  
ռաց նոցա ։

Բազում անգամ փրկեաց զնոսա , և  
նորա գառնացուցին զնա ՚ի խորհուրդս  
իւրեանց , և կորացան յանօրէնու թեան  
իւրեանց ։

Հայեցաւ տէր ՚ի նեղու թիւնս նոցա , ՚ի  
լսել ձայնի աղօթից նոցա ։

Յիշեաց զուխտ իւր , և զղջացաւ ըստ  
բազում ողորմու թեան իւրում . և ետ  
զնոսա ՚ի գթու թիւնս առաջի ամենայն  
գերչաց նոցա ։

Փրկեա զմեզ տէր աստուած մեր , և

Ժողովեա զմեզ 'ի հեթանոսաց =  
Խոստովանեղիցուք անուանքումսրը-  
բոյ, և սլարժեսցուք յօրհնութիւնս  
քո =

Օրհնեալ տէր աստուած իսրայէլի, յա-  
ւ իտեանս յաւ իտենից =

Եւ ասացէ ամենայն ժողովուրդն, և  
ղիցի եղիցի =

Տունք խոյ :

Կանոնս Գորղայս է : Սաղմոս ժէ : Տունք յժդ :

ԱՂՕԹՔ ԵԶԵԿԻԱՅԻ ԱՐՔԱՅԻ ՀՐԷԱՍՏԱՆԻ, Ի ԺԱՄԱՆԱԿԻ  
ՅՈՐՈՒՄ ՀԻԻԱՆԴԱՅԱԻ, ԵՒ ՅԱՐԵԱԻ Ի ՀԻԻԱՆԴՈՒԹԵՆԷ  
ԻՐՄԷ,

Եսայեայ ԼԸ :

Ես ասացի 'ի վերանալ յինէն աւուրց  
խոց, թէ գնացի ես 'ի դրունս դը-  
ժոխոց =

Թողի զամենայն յեաին իմ, և ասացի՝  
Թէ այլ ոչ եւս տեսից զփրկութիւնս  
տեառն յերկրին կենդանեաց, և ոչ եւս

տեսից զմարդ բնակչօք իւրովք հան-  
դերձ ։

Պակասեցայ ես յազգաստոհմէ իմմէ .  
այսուհետեւ թողի լքի զամենայն ըզ-  
կեանս իմ ։

Եւ գնաց մեկնեցաւ յինէն հոգի իմ,  
որպէս զայն՝ որ քակէ զտալաւար . և  
եղէ ես որպէս զոստայն սատարաց մերձ  
’ի հատանիլ ։

Յաւուր յայնմիկ մատնեցայ ես յառա-  
ւօտէ որպէս ’ի ձեռս առ իւծու . այն-  
պէս խորտակեաց մանրեաց զոսկերս  
իմ, զի յառաւօտէ մինչ ’ի գիշեր մատ-  
նեցայ ։

Որպէս ծիծառն՝ այնպէս ձչեցի՝, որ-  
պէս զաղաւնի՝ այնպէս մնչեցի, զինը-  
ւաղեցան աչք իմ ’ի տեսանելոյ ։

Հայեցայ ’ի բարձունս առ տէր սաս-  
ուած իմ՝ որ փրկեաց զիս, և փարա-  
տեցոյց յինէն զցաւս անձին իմոյ ։

Տէր, վասն այսորիկ պատմեցաւ քեզ՝  
զարթուցեր զանձն իմ, զարձուցեր  
զհոգի իմ, մխիթարեցայ և կեցի ։

Ահա 'ի խաղաղութիւն դարձաւ դառն  
նաւ թիւն իմ, փրկեցեր զանձն իմ, զի  
մի կորեայց, և ընկեցեր յետոյ զամե  
նայն զմեզս իմ:

Զի ոչ թէ որք 'ի դժոխս են՝ խոստո  
վան առնին առ քեզ, և ոչ մեռեալք  
օրհնեացեն զքեզ, և ոչ յուսացին 'ի  
ճշմարտութիւնս քո ամենեքեան, որք  
իջանեն 'ի դժոխս:

Այլ կենդանիքս օրհնեացաւք զքեզ տէր,  
որովէս և ես այսուհետեւ մանկունս  
ծնայց, որք սլատմեացեն զարգարու  
թիւնս քո՝ տէր փրկութեան իմոյ:  
Ես ոչ եւս դադարեցայց օրհնել զքեզ  
յօրհնութիւն նոր զամենայն աւուրս  
կենաց իմոց յանդիման տաճարիդ սա  
տուծոյ:

Փառք հօր և որդւոյ և:





Մ Ա Ղ Թ Ա Ն Ք

Յոյս կենդանութեան, յոյս և ապա-  
ւէն փրկութեան տէր յիսուս փրկիչ,  
փրկեա և փարատեցո զցաւս անձին  
խնայ = Մարգատէր տէր, վասն սրբու-  
հւոյ անարատի մօր քոյ և կուսի, և  
վասն խաչի քոյ սլասուականի, տէր,  
ընկալ զաղաչանս մեր, և կեցո զմեզ =

զՔարոզն եւ զազօթս 'ի վերջն Երկն + Կարմն կանոնին  
դացես 'ի 89 երեսն ,



Աւաջնորդեաց նոցա 'ի ճանապարհ  
ուղիղ, զի երթիցեն 'ի քաղաք բնա-  
կու թեան իւրեանց :

Խոստովան եղիցին տեառն ողորմու-  
թեանց նորա, և սքանչելեաց նորա  
որդիք մարդկան :

Զի յագեցոյց զանձինս քաղցեալս, և  
զանձինս կարօտեալս լի արար բարու-  
թեամբ :

Ոյք նստէին 'ի խաւարի և 'ի ստուերս  
մահու, կապեալ էին յաղքատու-  
թեան որպէս յերկաթս :

Զի դառնացուցին զբանն աստուծոյ,  
և զխորհուրդս բարձրելոյն բարկա-  
ցուցին :

Խոնարհ եղեն 'ի ցաւոց սիրտք նոցա,  
տկարացան և ո՛չ ոք էր՝ որ օգնէր  
նոցա :

Աղաղակեցին առ տէր 'ի նեղութեան  
իւրեանց, 'ի վշտաց նոցա եհան զնա-  
սս :

Փրկեաց զնոսս 'ի խաւարէ և 'ի ստուե-  
րաց մահու, և խզեաց զկապանս նոցա :

Խոստովան եղիցին տեառն ողորմու-  
թեանց նորա, և սքանչելեաց նորա  
որդիք մարդկան :

Զի փշրեաց զգրունս պղնձիս, և զնիգու-  
երկաթիս խորտակեաց :

Օգնեաց նոցա ՚ի ճանապարհի անօրէ-  
նու թեան իւրեանց, զի վասն մեղաց  
իւրեանց խոնարհ եղեն յոյժ :

Յամենայն կերակրոց գարշէին սիրաք-  
նոցա, մերձեցան մինչև ՚ի գրունս  
մահու :

Աղաղակեցին առ տէր ՚ի նեղութեան  
իւրեանց, ՚ի վշտաց նոցա ապրեցոյց  
զնոսա :

Առաքեաց զբան իւր և բժշկեաց ըզ-  
նոսա, և փրկեաց զնոսա յապականու-  
թենէ իւրեանց :

Խոստովան եղիցին տեառն ողորմու-  
թեանց նորա, և սքանչելեաց նորա  
որդիք մարդկան :

Մատուցեն նմա պատարագ օրհնու-  
թեան, և պատմեցեն զգործս նորա  
ցնծու թեամբ :

Ոյք իջանէին 'ի ծով նաւուք, և առնէին զգործս 'ի ջուրս բազումս :  
Նորա տեսին զգործս տեսառն և զսքանչելիս նորա 'ի խորս անդնդոց :

Ասաց՝ և յարեաւ հողմ և մրրիկ, և բարձրացան ալիք նորա :

Ելանէին յերկինս և իջանէին յանդունդս, և անձինք նոցա յանձինս իւրեանց մտչեցան :

Խռովեցան սասանեցան որպէս արբեալք, և ամենայն իմաստութիւն նոցա ընկլաւ :

Աղաղակեցին առ տէր 'ի նեղութեան իւրեանց, 'ի վշտաց նոցա կեցոյց զնուսս :

Գարձոյց զմրրիկն յօդս՝ և դադարեցան ալիք նորա, ուրախ եղեն զի դադարեցան, և առաջնորդեաց նոցա 'ի նաւահանգիստ կամաց իւրեանց :

Խոստովան եղիցին տեսառն ողորմութեանց նորա, և սքանչելեաց նորա որդիք մարդկան :

Բարձր արասցեն զնա 'ի ժողովս ժո



դավրդոց , և յաթուռս ծերոց օրհնես ,  
ցենն զնա :

Զի դարձոյց զգեանն 'ի ցամաք , և ըզ  
զնացս ջուրց յերկիր ծարաւուա :

Արար զերկիրն պողաբեր յաղտաղ  
տուկս , վասն չարութեան բնակչաց  
նոցա :

Արար զանապատն 'ի ձահիձս ջուրց ,  
և զերկիրն ծարաւուա 'ի գնացս ջուրց :  
Բնակեցոյց 'ի նմա քաղցեալս , և շի  
նեցին քաղաք բնակութեան իւրեանց :

Վարեցին արտս և անկեցին սյգիս , և  
արարին պտուղ արմտեաց իւրեանց :

Օրհնեաց զնոսա՝ և բազմացան յոյժ ,  
և անասունք նոցա ոչ նուաղեցան :

Նուաղեցան նոքա և չարչարեցան , 'ի  
նեղութենէ չարեաց և 'ի վշտաց :

Եկն անարգութիւն 'ի վերայ իշխա  
նաց նոցա . մոլորեցոյց զնոսա յանա

պատի և ոչ 'ի ձանապարհի :

Օգնեաց անանկին յաղքատութեան ,  
և առաջնորդեաց որսէս խաշին աղգի

նոցա :

Տեսցեն ուղիղք և ուրախ եղիցին , և  
ամենայն անօրէն խցցէ զբերան իւր :  
Ո՞վ է իմաստուն՝ որ պահեսցէ զայս , և  
'ի միտ առցէ զողորմութիւնս տեառն :

Տունք խր :

ՍՍ. ՂՄ ՈՍ ՃԷ .

Օրհնութիւն Սաղմոսաց դաւթի :

Պատրաստ է սիրտ իմ աստուած ,  
պատրաստ է սիրտ իմ օրհնել և սաղ-  
մոս ասել քեզ փառօք իմովք :

Զարթիք փառք իմ , զարթիք սաղմո-  
սիւք և օրհնութեամբ , և ես զար-  
թեայց սուաւօտուց :

Խոստովան եղէց քեզ 'ի ժողովուրդս  
տէր , և սաղմոս ասացից քեզ յազինս :

Մեծ եղեւ մինչեւ յերկինս օղորմո-  
թիւն քո , մինչեւ յամպս է ճշմարտու-  
թիւն քո :

Բարձրեալ ես դու յերկինս աստուած ,  
և յամենայն երկրի են փառք քո :

Որպէս փրկեցան սիրելիք քո , կեցո  
աջով քով և լուր մեզ :

Աստուած խօսեցաւ 'ի սրբութենէ  
իւրմէ, բարձր եղէց՝ բաժանեցից  
զսիւքէմ, և զհովիտան յարկաց չափե-  
ցից :

Իմ է գաղայսադ և իմ է մանասէ, եփ-  
րեմ հզօրիչ գլխոյ իմոյ :

Յուդայ թագաւոր իմ, մովաբ աւա-  
ղան յուսոյ իմոյ :

Յեդովմէ ուղղեցից զգնացս իմ, և ինձ  
այլազգիք հնազանդ եղեն :

Ո՞տարցէ զիս 'ի քաղսք ամուր, կամ ո՞  
աւաջնորդեացէ ինձ մինչեւ յեդովմէ :  
Եթէ ոչ դու աստուած որ մերժեցեր  
զմեզ, և ոչ ելեր տատուած ընդ զօրս  
մեր :

Տուր մեզ օգնութիւն 'ի նեղութեանս,  
զի սուս է փրկութիւն մարդոյ :

Աստուծով արասցուք զօրութիւն, և  
նա յամօթ արասցէ զթշնամիս մեր :

ՍՍ. ՂՄ ՈՍ ՃԸ.

Ի կատարած . Սաղմոս դաւթի :

Ատոուած օրհնութեան իմոյ մի լուեր ,  
դի բերան մեղաւորի՝ բերան նենգաւ  
ւորի բացաւ 'ի վերայ իմ :

Խօսեցան զինէն լեզուաւ նենգաւու  
րաւ , և բանիւ ատելութեան սպաշա  
րեցին զիս :

Մարտեան ընդ իս 'ի տարասպարտուց ,  
փոխանակ սիրոյ իմոյ մատնէին զիս ,  
այլ ես յաղօթս կայի :

Հատուցին ինձ չար փոխանակ ընդ  
բարւոյ , ատելութիւն փոխանակ սի  
րոյ իմոյ :

Կացո 'ի վերայ նորա մեղաւոր , սա  
տանայ կացցէ ընդ աջմէ նորա :

Ի դատաստանէ իւրմէ ելցէ դատա  
պարտեալ , և աղօթք նորա 'ի մեղս  
դարձցին :

Եղիցին աւուրք նորա նուազ , և զայ  
ցելութիւն նորա զայն այլ տարցէ :

Եղիցին որդիք նորա որք , և կին նո

րա այրի, սահեացին փոփոխեացին,  
որդիք նորա մուրողք եղիցին, և ել-  
ցեն 'ի բնակու թենէ իւրեանց =  
Քննեացէ փոխատու զամենայն ինչս  
նորա, և յափշտակեացեն օտարք զվաս-  
տակս նորա =

Մի գացի օգնական նմա, և մի ոք ու-  
ղորմեացի 'ի վերայ որքոց նորա =

Եղիցին որդիք նորա 'ի սատակումն,  
և յազդէ ջնջեացի անուն նորա =

Յիշեացին մեզք հօր նորա առաջի  
տեառն, և մեզք մօր նորա մի ջնջեա-  
ցին, և եղիցին առաջի տեառն յա-  
մենայն ժամ =

Սատակեացի յերկրէ յիշատակ նորա,  
փոխանակ զի ոչ յիշեաց առնել զողոր-  
մութիւն =

Հարածեաց զայր աղքատ և զանանկ,  
սպանանել զայն՝ որ խոնարհ է սրտիւ =

Միրեաց զանէ՛ծս՝ և ելցէ նմա, ոչ  
կամեցաւ զօրհնութիւն, հեռի եղի-  
ցի 'ի նմանէ =

Զգեցաւ զանէ՛ծս որպէս հանդերձ .

մտցէ որպէս ջուր 'ի փոր նորա, և որպէս ձէթ ընդ ոսկերս նորա:

Եղիցի նմա որպէս հանդերձ՝ զի ագանի, որպէս գօտի՝ որ ածի հանապաղ ընդ մէջ:

Այս գործ է այնոցիկ՝ ոյք չարախօս կային զինէն առ տէր, և ոյք խօսէին չար զանձնէ իմմէ:

Այլ դու տէր տէր՝ արա ընդ իս ըստ անուան քում, զի քաղցր է ողորմութիւն քո, և փրկեա զիս զի աղքատ և տնանկ եմ ես:

Սիրտ իմ խռովեցաւ 'ի փորի իմում, և ես որպէս ստուեր 'ի խուսափել իմում սլակասեցայ, և թօթափեցայ որպէս մարախ:

Ծունկք իմ տկարացան 'ի սլահոց, և մարմին իմ այլազունեցաւ յիւզոյ:

Եղէ ես նախատնոցա, տեսին զիս՝ և շարժեցին զգլուխս իւրեանց:

Օգնեա ինձ տէր սատուած իմ, և փրկեա զիս ըստ ողորմութեան քում: Ծանիցեն զի ձեռն քո այս է, և դու

տէր արարեր զայս :

Նորա անիծանէն և դու օրհնեսցես .  
ոյք յարուցեալ են 'ի վերայ իմ՝ զամօթ  
կրեսցեն . այլ ծառայ քո ուրախ ե-  
ղիցի 'ի քեզ :

Ձգեցցին զամօթ ոյք չարախօս կային  
զանձնէ իմմէ , և արկցեն որպէս կրրկ-  
նոց զամօթ իւրեանց զիւրեամբք :

Այլ ես խոստովան եղէց առ տէր յոյժ  
բերանով իմով , և 'ի մէջ բազմաց օրհ-  
նեցից զքեզ :

Ձի եկաց նա ընդ աջմէ տնանկին ,  
'ի փրկել զիս յայնցանէ՝ ոյք հալածեն  
զանձն իմ :

Տունք իր :

Ս Ա Ղ Մ Ո Ս Ճ Թ .

Ի կատարած . Սաղմոս դաւթի :

Ասաց տէր ցտէր իմ , նիստ ընդ աջմէ  
իմմէ , մինչեւ եղից զթշնամիս քո  
պատուանդան ոտից քոց :

Գաւազան զօրութեան առաքեսցէ  
քեզ տէր 'ի սիօնէ , և տիրեսցես դու

’ի մէջ թշնամեաց քոց :


Ընդ քեզ է սկիզբն աւուր զօրու  
թեան . ’ի վայելչութիւն սրբոց քոց  
յարգանդէ յառաջ քան զարուսեակ  
ծնայ զքեզ :

Երդուաւ տէր և ոչ եւս զղջացի ,  
թէ դու ես քահանայ յաւիտեան ըսա  
կարգին մեկքիսեդեկի , և տէր ընդ  
աջմէ քումմէ :

Խորտակեսցէ յաւուր բարկութեան  
դթագաւորս . դատէ զհեթանոսս , և  
բազումառնէ զհարուածս , և խորտա  
կեսցէ զգլուխս բազմաց յերկրի :

Զուղիսս ’ի ճանապարհի արբուսցէ .  
վասն այսորիկ և բարձր արասցէ ըլ  
զլուխս :

Տունք զ Գորղայս խը :



Ս Ս Ղ Մ Ո Ս Ճ Ժ .

Ալեյուխ .

Խոստովան ևզէց քեզ տէր բոլորով  
որաիւ իմով , ’ի խորհուրդս ուղղոց ’ի



ժողովուրդս մեծ են գործք տեսան, և քննեալ են յամենայնի կամք նորա: Խոստովանութիւն և վայելչութիւն են գործք նորա, արդարութիւն նորա մնայ յաւիտեանս յաւիտենից: Յիշատակ արար սքանչելեաց իւրոց ուղղոց, ողորմած գթած է տէր, կերակուր տայ երկիւղածաց իւրոց: Յիշեաց յաւիտենից զուխտ իւր, զգորութիւն գործոց իւրոց պատուիրեաց ժողովրդեան իւրում:

Տալ նոցա զժառանգութիւն հեթանոսաց, և գործք ձեռաց նորա արդարութիւն և իրաւունք են:

Հաւատարիմ են յամենայնի պատուիրանք նորա, հաստատեալ են յաւիտեանս յաւիտենից, արարեալ են ճշմարտութեամբ և ուղղութեամբ:

Փրկութիւն առաքեաց տէր ժողովրդեան իւրում, պատուիրեաց յաւիտենից զուխտ իւր, սուրբ և ահեղ է անուն նորա:

Սկիզբն զգոնութեան երկիւղ տեսան,

Խմաստու թիւն բարի ամենեցուն՝ ոյք  
առնեն զնա, և օրհնութիւն նորա  
մնայ յաւիտեանս յաւիտենից :

Տունք Ը :

Մ Ա Ղ Մ Ո Ս Ճ Ժ Ա .

Ալէլուիա . 'ի վերայ ապաշխարութեան Անդեայ եւ  
Զաքարիայ :

Երանեալ է այր՝ որ երկնչի 'ի տեառնէ,  
զպատուիրանս նորա նա կամի յոյժ :  
Հզօր եղիցի յերկրի զաւակ նորա, և  
ազգ ուղղոց օրհնեսցի :

Փառք և մեծութիւն են 'ի տան նո-  
րա, արդարութիւն նորա մնայ յաւի-  
տեանս յաւիտենից :

Ծագեաց 'ի խաւարի լոյս ուղղոց, ու  
զորմած գթած և արդար է տէր :

Քաղցր այր ողորմի և տայ փոխ . յօ-  
րինէ զբան իւր 'ի դատաստանի, զի  
յաւիտեանս նա մի ստանեսցի :

Յիշատակ յաւիտենից եղիցի արդարն,  
'ի համբաւէ չարէ նա մի երկիցէ :

Պատրաստ է սիրտ նորա յուսալ առ  
աստուած :

Հաստատեալ է սիրտ նորա, և նա մի  
երկիցէ՝ մինչև տեսցէ ՚ի թշնամիս իւր ։  
Սփռեաց և ետ ազքատաց . արդա-  
րութիւն նորա մնայ յաւիտեանս յա-  
ւիտենից, և եղջիւր նորա բարձր ե-  
ղիցի փառօք ։

Մեղաւորն տեսցէ և բարկացի, զա-  
տամունս իւր կրճտեսցէ և հալեսցի,  
և ցանկութիւն մեղաւորաց կորիցէ ։

Տունք ժ .

ՍՍ. ՂՄ ՈՍ ՃԺԲ .

Աւելուիա .

Օրհնեցէք մանկունք զտէր, և օրհնե-  
ցէք զանուն տեառն ։

Եղիցի անուն տեառն օրհնեալ, յայսմ  
հետէ մինչեւ յաւիտեան ։

Յարեւելից մինչեւ ՚ի մուտս արեւու,  
օրհնեալ է անուն տեառն ։

Բարձր է ՚ի վերայ ամենայն ազգաց  
տէր, և յերկինս են փառք նորա .

Ո՛վ է որպէս տէր աստուած մեր ՚ի  
բարձունս բնակեալ, և զխոնարհս  
տեսանէ յերկինս և յերկրի ։

Յարուցանէ զաղքատս յերկրէ, և բարձրր առնէ զտառապետալս յաղբեւաց =  
Նստուցանէ զնոսա, իշխանս ընդ իշխանս ժողովրդեան իւրոյ =  
Բնակեցուցանէ զամուլն 'ի տան ուրախամիտ որպէս մայր որդւովք բերկրեալ =  
Տունք Ը՛

ՍՍ. ՂՄՈՍ ՃԺԳ.

Ալէլուիա:

Յելանելն իսրայելի յեգիպտոսէ, տանն յակովբայ 'ի ժողովրդենէ սլաւզգեաց =  
Եղեւ հրէաստան սրբութիւն նորա, և իսրայել իշխանութիւն նորա =  
Ծով ետես և փախեաւ, և յորդանան անդրէն դարձաւ =

Լերինք ցնծացեն որպէս խոյք, և բլլուբլբ որպէս գառինք մաքեաց =

Զի՞ է քեզ ծով, զո՞ տեսեր և փախեար, կամ դու յորդանան՝ զի՞ դարձար անդրէն =

Լերինք՝ ցնծացէք որպէս խոյք, և բլլուբլբ որպէս գառինք մաքեաց =

Յերեսաց տեառն սասանեցաւ երկիր ,  
յերեսաց աստուծոյ յակոբայ :

Ո՛ր դարձոյց զվէմն ՚ի վտակս ջուրց ,  
և զասպառաժն յաղբերակունս :

Մի՛ մեզ տէր՝ մի՛ մեզ , սյլ անուան  
քում տուր զփառս , վասն ողորմու  
թեան և ճշմարտութեան քոյ :

Մի՛ երբէք ասասցեն ՚ի հեթանոսս ,  
թէ ո՛ւր է աստուած նոցա :

Աստուած մեր յերկինս և յերկրի , զա  
մենայն զոր ինչ կամեցաւ՝ և արար :  
Կուռք հեթանոսաց ոսկի և արծաթ  
են , ձեռագործ են որդւոց մարդկան :  
Բերան ունին՝ և ոչ խօսին , աչս ու  
նին՝ և ոչ տեսանեն :

Ականջս ունին՝ և ոչ լսեն , ունչս ու  
նին՝ և ոչ հոտոտեն :

Ձեռս ունին՝ և ոչ շօշափեն , ոտս ու  
նին՝ և ոչ գնան , և ոչ գոյ բարբառ  
ի կոկորդս նոցա :

Նման նոցա եղիցին՝ ոյք արարին ըզ  
նոսս , ամենեքեան ոյք յուսացեալ են  
ի նոսս :

Տու՛նն իսրայէլի յուսացաւ 'ի տէր, օգնական և ընդունող է նոցա :

Տու՛նն ահարօնի յուսացաւ 'ի տէր, օգնական և ընկերող է նոցա :

Երկիւղածք տեսառն յուսացան 'ի տէր, օգնական և փրկիչ է նոցա :

Յիշեաց զմեզ տէր և օրհնեաց զմեզ . օրհնեաց տէր զտունն իսրայէլի . օրհնեաց տէր զտունն ահարօնի :

Օրհնեաց տէր զերկիւղածս իւր, ըզփոքրկունս և զմեծամեծս :

Յաւելցէ 'ի ձեզ տէր, 'ի ձեզ և յորդիս ձեր :

Օրհնեալ էք դուք 'ի տեսառնէ, որ արար զերկինս և զերկիր :

Երկինք երկնից տեսառն են, և զերկիրս ետ որդւոց մարդկան :

Ոչ թէ մեռեալք օրհնեսցեն զքեզ տէր, և ոչ ամենեքեան՝ ոյք իջանեն 'ի դժոխս :

Այլ կենդանիքս օրհնեսցուք զքեզ տէր, յայտմ հետէ մինչեւ յաւիտեան :

ՍՍ. ԴՄՍ ՃԺԴ.

Աւելուիա :

Սիրեցի զի լուիցէ տէր զձայն աղօ-  
թից իմոց . զի խոնարհեցոյց զունկն  
իւր առ իս , և ես յաւուրս իմ կար-  
գացի առ նա :

Շրջեցան զինեւ երկունք մահու , և  
վիշաք դժոխոց գտին զիս :

Ջնեղութիւն և զանձկութիւն գտի ,  
և զանուն տեառն կարգացի :

Ո՞ տէր փրկեա զանձն իմ . ողորմած  
աստուած մեր , ողորմի և պահէ զար-  
դայս տէր :

Ես խոնարհ եղէ՛ և տէր կեցոյց զիս .  
դարձ անձն իմ ՚ի հանգիստ քո , զի  
տէր օգնեաց քեզ :

Փրկեաց զանձն իմ ՚ի մահուանէ , զաչս  
իմ յարտասուաց , և զոտս իմ ՚ի գայ-  
թակղութենէ , հաճոյ եղէ՛ց առաջի  
տեառն յերկրին կենդանեաց :

ՅՍ. ՂՄ ՈՍ ՃԺԵ.

Սլէկո՛խա

Հաւատացի զոր և խօսեցայ, և ես խո-  
նարհ եղէ յոյժ :

Ես ասացի 'ի զարմանալ իմում, թէ ա-  
մենայն մարդ սուտ է :

Չի՞նչ տաց տրիտուր տեառն, ընդ ա-  
մենայնի զոր և ես ինձ :

Չբաժակ փրկութեան ընկալայց, և  
զանուէն տեառն կարդացից :

Չաղօթս իմ տեառն տաց առաջի ա-  
մենայն ժողովրդեան նորա :

Պատուական է առաջի տեառն մահ  
արբոց իւրոց . ո՞ տէր ես ծառայ քո եմ,  
ծառայ և որդի աղախնոյ քո :

Հատեր զկասպանս իմ, քեզ մատուցից  
պատարագ օրհնութեան և զանուէն  
տեառն կարդացից :

Չաղօթս իմ տեառն տաց առաջի ա-  
մենայն ժողովրդեան նորա, 'ի գաւիթս  
տան տեառն և 'ի մէջ քո երուսաղէմ :



ՍՍ. ՂՄ ՈՍ ՃԺԶ.

Ալէլուիա:

Օրհնեցէք զտէր ամենայն ազինք . գո-  
վեցէք զնա ամենայն ժողովուրդք :  
Զօրասցի ողորմութիւն նորա 'ի վերայ  
մեր, և ճշմարտութիւն տեառն մը-  
նասցէ յաւիտեան :

Տունք Բ :

ՍՍ. ՂՄ ՈՍ ՃԺԷ.

Ալէլուիա:

Խոստովան եղերուք տեառն, զի բա-  
րի է, զի յաւիտեան է ողորմութիւն  
նորա :

Ասասցէ տունն իսրայէլի՝ զի յաւիտ-  
եան է ողորմութիւն նորա :

Ասասցէ տունն ահարօնի՝ զի յաւիտ-  
եան է ողորմութիւն նորա :

Ասասցեն երկիւզածք տեառն՝ զի յա-  
ւիտեան է ողորմութիւն նորա :

Ինեղութեան իմում ես առ տէր կար-  
գացի, և լուաւ ինձ յանդորդ :

Տէր է իմ օգնական, և ես ոչ երկեայց, զի՞ արասցէ ինձ մարդ :

Տէր է իմ օգնական, և ես տեսից 'ի թշնամիս իմ :

Բարի է յուսալ 'ի տէր քան յուսալ 'ի մարդիկ. բարի է յուսալ 'ի տէր՝ քան յուսալ յիշխանս :

Ամենայն ազիւք շրջեցան զինեւ, և անուամբ տեառն յաղթեցի նոցա :

Շրջելով շրջեցան զինեւ, և պաշարեցին զիս 'ի միասին, և անուամբ տեառն վանեցի զնսսա :

Շուրջ եղեն զինեւ որպէս մեղուք, վառեցան բորբոքեցան որպէս փուշք 'ի հուր, և անուամբ տեառն մերժեցի զնսսա :

Ի մերժելն դրդուեցայ, և եղէ մերձ 'ի զլորիլ, և տէր ընկալաւ զիս :

Զօրութիւն իմ և օգնութիւն իմ տէր, և եղեւ ինձ 'ի փրկութիւն :

Զայն ցնծութեան փրկութեան 'ի յարկս արդարոց :

Աջ տեառն արար զօրութիւն, աջ

տեառն բարձր արար զիս, և աջ  
տեառն արար զօրութիւնս :

Ոչ մեռայց, այլ կեցից և սլատմեցից  
զգործս տեառն :

Խրատելով խրատեաց զիս տէր, և 'ի  
մահ՛ ոչ մատնեաց :

Բացէք ինձ զգրունս արդարութեան,  
զի մտից ընդ այն, և խոստովանեղէց  
տեառն :

Այս դուռն տեառն է, և արդարք  
մտանեն ընդ սա :

Խոստովանեղէց քեզ տէր, զի լուար  
ինձ, և եղեր ինձ 'ի փրկութիւնս :

Վէմն զոր անարդեցին շինողքն, նա  
եղեւ զլուխ անկեանս :

Ի տեառնէ եղեւ այս, և է սքանչելի  
առաջի աչաց մերոց :

Այսօր է զոր արար տէր, եկայք ցըն-  
ծասցուք և ուրախ եղիցուք 'ի սմա :


Ո՞ տէր փրկեա, ս՞ տէր առաջնորդեա,  
օրհնեալ որ գալոց ես յանուն տեառն,  
և օրհնեցաք զքեզ 'ի տանէ տեառն :

Տէս աստուած մեր երեւեցար մեզ,

արարէք տօնա ուրախութեան կան-  
խաւ , մինչեւ յանկիւնս սեղանոյ :  
Աստուած իմ ես դու՝ և խոստովան  
եղէց քեզ , աստուած իմ ես դու՝ և  
բարձր արարից զքեզ :

Խոստովան եղէց քեզ տէր՝ զի լուար  
ինձ , և եղեր ինձ ՚ի փրկութիւն :  
Խոստովան եղերուք տեսուն , զի բա-  
րի է , զի յաւիտեան է ողորմութիւն  
նորա :

Տունք իւր , Գորգայս խգ :



Ս Ա Ղ Մ Ո Ս Ճ Ժ Ը .

Աւելուիա :

Երանեալ են ամբիժք ՚ի ճանապարհի ,  
և ոյք գնան յօրէնս տեսուն :

Երանի ոյք քննեն զվկայութիւնս նո-  
րա , բողբոլ սրտիւ իւրեանց խնդրես-  
ցեն զնա :

Ոչ թէ ոյք գործեն զանօրէնութիւն ,  
ի ճանապարհս նորա զնասցեն :

Դու պատուիրեցեր զպատուիրանս

քո 'ի պահել ինձ յոյժ :

Երանի թէ յաջողեալ էին ինձ ճանապարհք իմ, 'ի պահել ինձ զարդարու-

թիւնս քո :

Յայնժամ ես ոչ ամաչէի 'ի զգուշանալ ինձ 'ի պատուիրանս քո :

Խոստովան եղէց քեզ տէր յուղղութիւն սրտի իմոյ, որպէս ուսայց զիրաւունս արդարութեան քո :

Զիրաւունս քո պահեցի, մի՛ թողուր զիս մինչ իսպառ :

Ի՛նչ ուղղեսցէ երիտասարդ զճանապարհս իւր, այլ 'ի պահել զբանս քո : Բողորով սրտիւ իմով խնդրեցի զքեզ, մի՛ մերժեր զիս 'ի պատուիրանաց քոց : Ի սրտի իմում թագուցի զբանս քո, որպէս զի մի՛ մեղայց քեզ :

Օրհնեալ ես դու տէր, ուսո ինձ զարդարութիւնս քո :

Նրթամքք իմովք պատմեցից զամենայն իրաւունս բերանոյ քո :

Ի ճանապարհս վկայութեանց քոց զուարճացայ, որպէս յամենայն 'ի մե-

Ծուլթեան :

Ի սպատուիրանս քո հոգացայ, և զգուշացայ 'ի ճանապարհս քո :

Զիրաւունս քո խօսեցայ, և ոչ մոռացայ զբանս քո :

Հատու ծառայի քում, զի կեցից և պահեցից զբանս քո :

Զարթո զաչս իմ, և նայեցայց 'ի սքանչելիս օրինաց քոց :

Պանդուխտ եմ ես յերկրի, մի թագուցաներ յինէն զսպատուիրանս քո :

Փափագեաց անձն իմ, 'ի ցանկալ ինձ յիրաւունս քո յամենայն ժամ :

Սաստեցեր ամբարտաւանից, անիծեալ՝ ոյք խոտորեցան 'ի սպատուիրանաց քոց :

Իբաց արա յինէն զնախատինս և զարհամարհանս, զի զվկայու թիւնս քո խնդրեցի :

Քանզի նստան իշխանք և չարախօսէին զինէն, այլ ծառայ քո խորհէր յիրաւունս քո :

Զի վկայու թիւնք քո խօսք իմ էին, և

խորհուրդք իմ արդարութիւնս քո :  
Մերձեցաւ անձն իմ 'ի հող , տէր կե-  
ցո զիս ըստ բանի քում :

Զձանապարհս իմ պատմեցի քեզ և  
լուար ինձ , ուստ ինձ զարդարութիւնս  
քո :

Ի ձանապարհս արդարութեանց քոց  
խնայուեալս արա զիս , և քննեցից զըս-  
քանչեղիս քո :

Տքնեցաւ անձն իմ առ 'ի ձանձրանալ ,  
հաստատեա զիս 'ի բանս քո :

Զձանապարհս մեղաց 'ի բաց արա  
յինէն , և յօրէնս քո ողորմեա ինձ :

Զձանապարհս ճշմարտութեան քո  
ընտրեցի , և զիրաւունս քո ես ոչ մո-  
ռացայ :

Մերձեցայ ես 'ի վկայութիւնս քո ,  
տէր մի յամօթ առներ զիս :

Ի ձանապարհս պատուիրանաց քոց  
ընթացայ , զի անդորր արարեր սրտի  
իմոյ :

Օրէնադէտ արա զիս տէր 'ի ձանա-  
պարհս իրաւանց քոց , և խնդրեցից

զնա յամենայն ժամ :

Իմաստուն արա զիս , և քննեցից զօրէնս քո , և պահեցից զնա բոլորով սրտիւ իմով :

Առաջնորդեա ինձ 'ի շաւիղս պատուիրանաց քոց , զի ընդ նոսա հաճեցայ : Խոնարհեցո զսիրտ իմ 'ի վկայութիւնս քո , և մի յագահութիւնս :

Գարձո զաչս իմ , զի մի տեսից զնանբութիւն , 'ի ճանապարհս քո կեցո զիս : Հաստատեա ծառայի քում ՝ զբան քո յերկիւղ քո :

Հան յինէն զնախատինա , զոր և կարծեցի , զի դատաստանք քո քաղցր են :

Ահա ցանկացոյ պատուիրանաց քոց յարդարութեան քում կեցո զիս :

Եկեսցէ 'ի վերայ իմ ողորմութիւն քո տէր , և փրկութիւն քո ըսա բանի քում :

Տայ պատասխանի ոյք նախատեն զիս բանիւք , զի ես 'ի բանս քո յուսացայ : Մի 'ի բացեայ առներ 'ի բերանոյ իմմէ զբան ճշմարտութեան մինչեւ յոյժ ,



զի յիրաւունս քո յուսացայ :

Պահեցի զօրէնս քո յամենայն ժամ,  
յաւիտեան և յաւիտեանս յաւիտենից :  
Գնայի ես յանդորրու, զի զպատուի-  
րա քո խնդրեցի :

Խօսէի զվկայու թիւնս քո առաջի թա-  
գաւորաց, և ոչ ամաչէի :

Խորհէի 'ի պատուիրանս քո զոր սի-  
րեցի :

Համբարձի զձեռս իմ 'ի պատուիրանս  
քո զոր սիրեցի, և խորհէի յարդա-  
րութեանս քում :

Յիշեա զբան ծառայի քո, յոր և յու-  
սացուցեր զիս :

Սա մխիթարեցէ զիս 'ի խոնարհու-  
թեան իմում, զի բան քո կեցոյց զիս :

Ամբարտաւանք անիրաւեցան յիս յոյժ,  
այլ յօրինաց քոց ես ոչ խօստորեցայ :

Յիշեցի զիրաւունս քո յաւիտենից տէր,  
և մխիթարեցայ :

Տրամու թիւն կալաւ զիս 'ի մեղաւո-  
րաց, և այք թողին զօրէնս քո :

Գովելի են ինձ իրաւունք քո, 'ի տեղս

Լոջ պանդխտութեան խմոյ :  
Յիշեցի 'ի գիշերի զանուն քո տէր , և  
պահեցի զօրէնս քո :  
Սա եղեւ ինձ ճանապարհ 'ի կեանս ,  
զի զարդարութիւնս քո խնդրեցի :  
Տունք ծղ :

Ալեկուխա

Քաժին իմ ես դու տէր , ասացի պահել ինձ զօրէնս քո :  
Աղաչեցի զերեսս քո բոլորով սրտիւ իմով , ողորմեա ինձ ըստ բանի քում :  
Խորհեցայ 'ի ճանապարհս իմ , և դարձուցի զոտս իմ 'ի վկայութիւնս քո :  
Պատրաստեցայ և ոչ խռովեցայ , զի պահեցի զպատուիրանս քո :  
Տուունք մեղաց պատեցան զինեւ , այլ զօրէնս քո ես ոչ մոռացայ :  
Ի մէջ գիշերի յառնէի խոստովան լինիլ առ քեզ վասն իրաւանց և արդարութեան քո :  
Հաղորդ էի ես ամենայն երկիւղածաց քոց , որոց պահեալ էին զպատուիր

բանա քո :

Ողորմութեամբ տեառն լի եղեւ երկիր , զարդարութիւնս քո ուստ ինձ : Քաղցրութիւն արարեր ընդ ծառայի քում տէր ըստ բանի քում :

Ձքաղցրութիւն , զխրատ և զգիտութիւն ուստ ինձ , զի 'ի սպասուիրանս քո ես հաւատացի :

Մինչչեւ խոնարհեալ էի ես՝ մեղայ , վասն այսորիկ զբանս քո սպահեցի յոյժ : Քաղցր ես դու տէր , և քաղցրութեամբ քով ուստ ինձ զարդարութիւնս քո :

Բազմացան յիս անիրաւութիւնք ամբարտաւանից , այլ ես բոլորով սրտիւ իմով քննեցի զսպասուիրանս քո :

Մածան որպէս կաթն սիրտք նոցա , այլ ես զօրէնս քո խօսեցայ :

Բարի է ինձ զի խոնարհ արարեր զիս , որպէս ուսայց զարդարութիւնս քո :

Բարի են ինձ օրէնք բերանոյ քո , քան զհաղարս ոսկւոյ և արծաթոյ :

Չեռք քո արարին և ստեղծին զիս ,

Իմաստուն արա զիս, և ուսայց ըզ-  
պատուրանս քո :

Երկիւղածք քո տեսցեն զիս և ուրախ  
եղիցին, զի ես 'ի բանս քո յուսացայ :  
Ծանեայ տէր զի արդարութեամբ են  
դատաստանք քո, յիրաւի խոնարհե-  
ցուցեր զիս :

Եղիցի ողորմութիւն քո 'ի մխիթարել  
զիս, ըստ բանի քում զծառայս քո :  
Եկեսցեն յիս գթութիւնք քո՝ և կե-  
ցից, զի օրէնք քո խօսք իմ էին :

Ամաչեսցեն ամբարտաւանք՝ որք 'ի  
տարապարտուց անիրաւեցան յիս, այլ  
ես հոգացայ 'ի պատուիրանս քո :

Խրատեսցեն զիս երկիւղածք քո, և  
ոյք ճանաչեն զվկայութիւնս քո :

Եղիցի սիրտ իմ ամբիժ յարդարու-  
թեան քում, զի մի՛ ամաչեցից :

Կարօտացաւ անձն իմ 'ի փրկութիւնս  
քո, զի ես 'ի բանս քո յուսացայ :

Սպասեցին աչք իմ բանի քում, ասա-  
ցի՝ երբ մխիթարեսցէ զիս :

Եղէ ես որպէս տիկ 'ի պարզի, զի

զարդարու թիւնս քո ես ոչ մտացայ :  
Քանի՞ ինչ են աւուրք ծառայի քո .  
երբ արասցես ինձ իրաւունս 'ի հա-  
լածչաց իմոց :

Պատմեցին ինձ անօրէնք զխորհուրդս ,  
այլ ոչ որսէս զօրէնս քո :

Ամենայն պատուիրանք քո ճշմարիտ  
են , 'ի նանիր հալածեցին զիս , օգնեա  
ինձ :

Փոքր մի եւս և կորուսանէին զիս  
յերկրի , այլ ես ոչ թողի զպատուի-  
րանս քո :

Ըստ ողորմութեան քում կեցո՞ զիս , և  
պահեցից զլկայութիւնս բերանոյ քոյ :  
Յաւիտեան տէր բան քոյ կայ յեր-  
կինս , ազգէ մինչեւ յազգ է ճշմար-  
տութիւն քո :

Հաստատեցեր զերկիր՝ և կայ :

Հրամանի քում մնայ տիւ , զի ամե-  
նեքեան ծառայք քո են :

Եթէ ոչ օրէնք քո խօսք իմ էին , կան-  
խաւ եւս արդեօք կորուսեալ էի 'ի  
խոնարհութեան իմում :

Յաւիտեան ոչ մոռացայց զարդարու-  
թիւնս քո, զի նոքօք կեցուցեր զիս :  
Քո եմ ես և կեցո զիս, զի զարդա-  
րութիւնս քո խնդրեցի :

Ինձ սպասեցին մեղաւորք 'ի կորուսա-  
նել, զի զվկայութիւնս քո ես 'ի միա-  
առի :

Յամենայն կատարածի տեսի զվախ-  
ճան, յոյժ անդորր էին ինձ պատուի-  
րանք քո :

Որպէս սիրեցի զօրէնս քո, զօրհանա-  
պաղ խօսք իմ էին :

Քան զթշնամիս իմ իմաստուն արարեր  
զիս 'ի պատուիրանս քո, զի յաւիտեան  
իմ էին :

Քան զամենայն ուսուցիչս իմ իմաս-  
տուն եղէ, զի վկայութիւնք քո խօսք  
իմ էին :

Քան զծերսն իմաստուն եղէ, զի ըզ  
պատուիրանս քո քննեցի :

Յամենայն ճանապարհաց շարաց ար-  
գելի զոտս իմ, որպէս զի պահեցից  
զբանս քո :

Յիրաւանց քոյ ես ոչ խոտորեցայ, զի  
դու օրէնագէտ արարեր զիս :  
Որպէս զի քաղցր են 'ի քիմս իմ բանք  
քո՝ քան զմեզր բերանոյ իմոյ :  
Ի սատու իրանաց քոյ իմացեալ ատեցի,  
զամենայն ճանապարհս շարաց, զի  
դու օրէնագէտ արարեր զիս :  
Ճրագ են բանք քո ոտից իմոց, և լոյս  
տան շաւղաց իմոց :  
Երդուայ և հաստատեցի, զի սլահեցից  
զամենայն իրաւունս արդարու  
թեան քո :  
Խոնարհ եղէ մինչեւ յոյժ, տէր կեցս  
զիս ըստ բանի քում :  
Ընդ կամս բերանոյ իմոյ հաճեա տէր,  
և զիրաւունս քո ուստ ինձ :  
Անձն իմ 'ի ձեռս քո է յամենայն ժամ,  
և զօրէնս քո ես ոչ մոռացայ :  
Եղին ինձ մեղաւորք որոգայթ, 'ի  
սատու իրանաց քոյ ես ոչ մոլորեցայ :  
Ժառանգեցի զվկայութիւնս քո յա  
ւիտեան, զի ցնծութիւն է սրտի իմոյ :  
Խոնարհեցուցի զսիրտ իմ առնել զար-

դարու թիւնս քո յաւիտեան, վասն  
Հատուցման :

Չանօրէնս ատեցի, և զօրէնս քո սի-  
րեցի :

Օգնական և փրկիչ իմ ես դու, և ես  
'ի բանս քո յուսացայ :

Ի բաց եղերուք յինէն չարք, և քննե-  
ցից զպատուիրանս աստուծոյ իմոյ :

Օգնեա ինձ ըստ բանի քում և կեցո  
զիս, և մի յամօթ առներ զիս 'ի յու-  
սոյ իմմէ :

Օգնեա ինձ և ապրեցո զիս, և խոր-  
հեցայց յիրաւունս քո յամենայն ժամ :

Անարգեցեր զամենեւեան՝ որք ապրս-  
տամքք եղեն յարդարութեանց քոց,  
զի անիրաւութեամբ էին խորհուրդք  
նոցա :

Յանցաւորս Համարեցայ զամենայն  
մեղաւորս երկրի, վասն այսորիկ սի-  
րեցի զպատուիրանս քո :

Բեւեռեա ընդ երկիւղ քո զմարմին իմ,  
զի 'ի դատաստանաց քոց երկեսայց յոյժ :



Աւելութիւն :

Արարի իրաւուննա և արդարութիւնն ,  
մի մատնեք զիս 'ի ձեռս նեղչաց իմոց :  
Ընկալ զծառայս քո 'ի բարի , զի մի  
ամբարտաւանք զղուեցցեն զիս :

Սպասեցին աչք իմ փրկութեան քում  
տէր , և բանից արդարութեան քո :

Արա ընդ ծառայի քում տէր ըստ ու  
ղորմութեան քում , զարդարութիւնս  
քո ուստ ինձ :

Ծառայ քո եմ ես , իմաստուն արա  
զիս , և ծանեայց զվկայութիւնս քո :  
Փամ է սլաշտել զտէր , խափանեցին  
զօրէնս քո :

Վասն այսորիկ սիրեցի զպատուիրանս  
քո քան զամենայն ոսկի և զտպաղիօն :

Ամենայն պատուիրանք քո յաջողեցան  
ինձ , զի ատեցի ես զճանապարհս չա  
րաց :

Աքանջելի են վկայութիւնք քո , վասն  
այսորիկ սիրեաց զնոսա անձն իմ :  
Յայտնութիւն բանից քոց լուսաւոր

և իմաստուն առնէ զտղայս :  
Զբերան իմ բացի և առի զհոգի , 'ի  
սլատուիրանս քո փափայքեաց անձն իմ :  
Նայեա առ իս և ողորմեա ինձ , ըստ  
իրաւունս սիրողաց անուան քո :  
Զճանապարհս իմ ուղիղ արա ինձ ըստ  
բանի քում , և մի տիրեացէն ինձ աւ  
մենայն մեղք :

Փրկեա զիս 'ի զբարատութենէ մարդ  
կան , և սաճեցից զսլատուիրանս քո :  
Երեւեցո զերեսս քո 'ի ծառայս քո ,  
և ուստ ինձ զարդարութիւնս քո :  
Վտակք ջուրց իջին յաչաց իմոց , զի  
ոչ սաճեցին զօրէնս քո :

Արդար ես դու տէր , և ուղիղ են  
դատատանք քո :

Պատուիրեցեր զարդարութիւնս փկա  
յու թեանց քոց , և ճշմարիտ են յոյժ :  
Մաշեաց զիս նախանձ քո , զի մոռա  
ցան զբանս քո թշնամիք իմ :

Ընարեալ է բան քո յոյժ , և ծառայ  
քո սիրեաց զսա :

Մանուկ եմ ես և արհամարհեալ , և

զարդարու թիւնս քո ես ոչ մոռացայ :  
Արդարու թիւն քո արդարու թիւն յա-  
ւիտենից , և օրէնք քո ճշմարիտ են :  
Նեղու թիւնք և վիշտք գտին զիս , և  
պատուիրանք քո խօսք իմ էին :  
Արդարու թեամբ են վկայու թիւնք  
քո յաւիտեան , իմաստուն արա և կե-  
ցո զիս :

Կարդացի առ քեզ բոլորով սրտիւ ի-  
մով , լուր ինձ տէր , զի զարդարու-  
թիւնս քո խնդրեցի :

Աղաղակեցի առ քեզ՝ և փրկեա զիս ,  
և սաՀեցից զվկայու թիւնս քո :  
Կանխեցի տարածամու՝ աղաղակեցի ,  
և ես 'ի բանս քո յուսացայ :

Կանխեցին աչք իմ առաւօտու , 'ի խօ-  
սիլ ինձ զբանս քո :

Չայնի իմում լուր տէր ըստ ողորմու-  
թեան քում , և յիրաւունս քո կեցո  
զիս :

Մերձեցուցին յիս հալածիչք իմ զա-  
նօրէնու թիւն , զի յօրինաց քոց հեռ-  
եղեն :

Մերձ ես դու տէր, և ամենայն պատուիրանք քո ճշմարիտ են :  
Ի սկզբանէ ծանկեայ 'ի վկայութեանց  
քոց, զի յաւիտեան հաստատեցեր  
զնոսա :

Տես զխոնարհութիւն իմ և փրկեա  
զիս, զի զօրէնս քո ես ոչ մոռացայ :  
Դատեա զդատաստանս իմ և փրկեա  
զիս, և ըստ բանի քում կեցո զիս :  
Հեռի է 'ի մեղաւորաց փրկութիւն,  
զի զիրաւունս քո ոչ պահեցի :  
Գթութիւնք քո բազում են տէր, և  
ըստ իրաւանց քոց կեցո զիս :  
Բազում են որք հալածեն և նեղեն  
զիս, 'ի վկայութեանց քոց ես ոչ խո-  
տորեցայ :

Հայէի յանագորոյնս և մաշէի, զի ըզ  
պատուիրանս քո ոչ պահեցին :  
Տես՝ զի զպատուիրանս քո սիրեցի,  
տէր՝ ողորմութեամբ քո կեցո զիս :  
Սկիզբն բանից քոց ճշմարտութիւն է,  
յաւիտեան են ամենայն իրաւունք  
արդարութեան քո :

Իշխանք հալածեցին զիս 'ի նանիր, և  
'ի բանից քոց երկեալ սիրտ իմ:  
Յնծացայ ես 'ի բանա քո, որպէս այն  
որ գտանէ աւար բազում:

Զմեղս ատեցի և անարգեցի, և զօ-  
րէնա քո սիրեցի:

Եօթն անգամ յաւուր օրհնեցից զքեզ,  
վասն իրաւանց և արդարութեան քո:  
Խաղաղութիւն բազում է այնոցիկ՝ ոյք  
սիրեն զօրէնա քո, և ոչ գոյ 'ի նոսա  
գայթակղութիւն:

Սպասեցի փրկութեան քում տէր, և  
զպատուիրանա քո սիրեցի:

Պահեաց անձն իմ զվկայութիւնա քո,  
և սիրեաց վնոսա յոյժ:

Պահեցից զպատուիրանա և զվկայու-  
թիւնա քո, զի ամենայն ճանապարհք  
իմ առաջի քո են:

Մերձեցցին խնդրուածք իմ առաջի  
քո տէր, ըստ բանի քում իմաստուն  
արա զիս:

Մտցեն աղօթք իմ առաջի քո տէր,  
և բանիւ քո փրկեալ զիս:

Բղխեացեն շրթունք իմ զօրհնութիւնս  
.քո, յորժամ ուսուցես ինձ զարդա-  
րութիւնս .քո :

Խօսեսցի լեզու իմ զբանս .քո, զի ա-  
մենայն սպասուիրանք .քո արդարու-  
թեամբ են :

Եղիցի ձեռն .քո 'ի կեցուցանել զիս,  
զի զպատուիրանս .քո ընտրեցի :


Յանկացայ փրկութեան .քում տէր, և  
օրէնք .քո խօսք իմ էին :

Կեցցէ անձն իմ, օրհնեսցէ զքեզ, և  
իրաւունք .քո օգնեսցեն ինձ :

Մոլորեցայ ես օրպէս զոչխար կորուս-  
եալ, խնդրեա զծառայս .քո՝ զի զպատու-  
իրանս .քո ես ոչ մոռացայ :

Տունք ծղ :

Կանոնս Գորղայս է : Մազմոս ծղ : Տունք յիւր :



ՕՐՀՆՈՒԹԻՒՆ ԵՍԱՅԵԱՅ ԿԱՏՄԱԿՆԱՄԱՔՈՒԻ ՍՈՒՐԲ  
ՄԱՐԳԱՐԷԻՆ

Եսայակոյ խր :

Օրհնեսցէք զաստուած յօրհնութիւն  
նոր, զի իշխանութիւն նորա 'ի բար-

Ճու՛նա փառաւորի՛ :

Եւ անու՛ն նորա փառաւորեալ է՛ ՚ի ծա-  
գաց մինչեւ ՚ի ծագս երկրի՛ :

ՈՂՔ իջանէին՛ ՚ի ծով նաւուք , կղզիք  
և ամենայն բնակիչք նոցա ընդ նոսա :  
Ուրախ եղիցի անասրսան և ամենայն  
բնակիչք իւր , ուրախ եղիցին բանակք  
կեդարու , և ուրախ եղիցին և բակք  
բնակիչք վիժին :

Ի գլխոց լերանց գոչեացեն , աացեն  
զփառս ասաուծոց , և դքաջութիւն  
նորա կղզիք պատմեացեն :

Տէր ասաուած զօրութեանց զիմեալ  
գոց զարթուցանել զպատերազմ , յա-  
րուցանել զնախանձ , փող հարկանել  
և գոչել ՚ի վերայ թշնամեաց իւրոց  
զօրութեամբ բազմա :

Ուրախ եղիցին երկինք ՚ի վերուստ , և  
ամպք ցօղեացեն զարդարութիւն :  
Բոխեացէ երկիր զողորմութիւն և զար-  
դարութիւն՝ սա հաստակ բոխեացէ :

Ի նեղութեան իմում ես առ տէր  
կարգացի, և լուաւ աստուած յանդրն,  
դոց դժոխաց աղաղակի իմում:

Լուր տէր ձայնի իմում, զի ընկեցեր  
զիս 'ի խորս ծովու, և շրջանք գետոց  
պաշարեցին զիս:

Ամենայն զբօսանք քո և ալիք քո ան-  
ցին 'ի վերայ իմ, և ասացի թէ մեր-  
ժեցայ ուրեմն յերեսաց աչաց քոց:

Արդ՝ իցէ՞ թէ յաւելից հայիլ 'ի աս-  
ձար սուրբ քո, զի հեզան զինեւ ջուրք  
մինչեւ յանձն իմ, և անդունդք ան-  
հարինք պաշարեցին զիս:

Եմուտ գլուխ իմ ընդ փապարս լերանց,  
իջի ես 'ի խորս երկրի, և տեսի զնիգս  
նորս, զի եին սրպէս աղիք յաւիտե-  
նից, և ելցեն յապականութենէ  
կեանք իմ:


Առ քեզ տէր աստուած իմ 'ի նուա-  
զիլ անձին իմոց կարգացի, և գքեզ  
տէր յիշեցի, և մտցեն աղօթք իմ 'ի  
տաճար սուրբ քո:



Ձի ոյք սրահէին զուհայնու թիւն և  
զստու թիւն , յողորմու թենէ իւրեանց  
մեր թեցան :

Այլ ես 'ի ձայն օրհնութեան խոստու  
վան եղէց քեզ , մատուցից սրատա  
րագս տեառն , և կատարեցից զուխտ  
իմ 'ի փրկութեան :

Փառք հօր և որդւոյ և :



ՄԱՂԹԱՆԲ

Եկեացեն տղօթք մեր 'ի տաճար սուրբ  
քո , խոնարհեցի ունկն քո 'ի խընդ  
րուածս մեր :

Մարդասէր տէր , վասն սրբուհւոյ  
անարատի մօր քո և կուսի , և վասն  
խաչի քո սրտուականի , տէր ընկալ  
զաղաչանս մեր , և կեցո զմեզ :

ԳՔարոզն և զաղօթս 'ի վերջն Մէշ-ի-Յէշ  
կանոնին գացես 'ի ԱՅԷ երեսն .



Մ Ս Ղ Մ Ո Ս Ճ Ժ Թ .

Օրհնութիւնք աստիճանաց :

**Ի** նեղութեան իմում ես ուռ տէր  
կարգացի , և լուռ ինձ , տէր  
փրկեաց զանձն իմ 'ի շրթանց նեն-  
գաւորաց և 'ի լեզուէ չարէ :  
Զի՞ տացի քեզ՝ կամ զի՞նչ յաւելցի ,  
լեզու նենգաւոր :  
Որպէս նետք հզօրի , զի մխտալ են  
կայծակամբք կաղնոց :  
Վայ ինձ զի ընդ երկար եղև սրան-  
դ ըխտութիւն իմ , և բնակեցայ ես 'ի  
վրանս կեդարու :  
Բաղում անգամ բնակեցաւ անձն իմ  
ընդ այնասիկ , ոյք ատէին զողջոյն :  
Ես էի խաղաղարար , յորժամ խօսէի ,  
մարանչէին ընդ իս :

Ս Ա Ղ Մ Ո Ս Ճ Ի .

Օրհնութիւնք աստիճանաց :

Համբարձի զաչս իմ 'ի լերինա , ուստի  
եկեացէ ինձ օգնութիւն :

Օգնութիւն ինձ 'ի տեառնէ եկեացէ ,  
որ արար զերկինա և զերկիր :

Մի տար 'ի սասանութիւն զոսն քո ,  
և մի ննջեացէ պահասպան քո :

Որպէս ոչ ննջէ և ոչ 'ի քուն երթայ  
պահասպանն իսրայելի :

Տէր պահեացէ զքեզ , և տէր ընկալ  
ցի աջոյ ձեռամբն իւրով :

Արեգակն 'ի տուէ քեզ մի մեղիցէ ,  
և մի լուսին 'ի գիշերի :

Տէր պահեացէ զքեզ յամենայն շարէ ,  
պահեացէ տէր զանձն քո :

Տէր պահեացէ զմուտ և զել քո՝ յայամ  
հետէ մինչեւ յաւիտեան :

Տունք Ը :

Ս Ա Ղ Մ Ո Ս Ճ Ի Ա .

Օրհնութիւնք աստիճանաց :

Ուրախ եղէ ես՝ ոյք ասէին ցիս , 'ի  
տուն տեառն երթիցուք մեք :

Հասեալ կային ոտք մեր առ դրունս  
քո երուսաղէմ :

Ջերուսաղէմ շինեալ որպէս քաղաք ,  
և բնակութիւն իւր շուրջ զնովաւ :  
Անդ ելանէին ազգք ազգք տեառն ,  
ի վկայութիւն իսրայէլի խոստովան  
լինիլ անուան տեառն :

Անդ արկեալ են ամբողջ դատաստա  
նի , ամբողջ արկեալ են 'ի տան դաւ  
թի :

Հարցէք զողջունէ երուսաղէմի , և  
զշինութենէ՝ ոյք սիրէք զտէր :  
Եղիցի խաղաղութիւն 'ի զօրութեան  
քում , և շինութիւն յաշտարակս յա  
մուրս քո :

Վասն եղբարց և ընկերաց իմոց խօ  
սեցայ զխաղաղութիւն , վասն քո և  
վասն տան տեառն աստուծոյ մերոյ  
խնդրեցաք զբարութիւն 'ի քէն :

Տունք Ը՛

ՍՍ. ՂՄ ՈՍ ՃԻԲ .

Օրհնութիւնք աստիճանաց ,

Առ քեզ տէր Համբարձի դաշս իմ ,

որ բնակեալդ ես 'ի յերկինս :

Որպէս աչք ծառայի 'ի ձեռն տեսուն  
իւրոյ , և որպէս աչք աղախնոյ 'ի ձեռն  
տիկնոջ իւրոյ :

Այնպէս են աչք մեր առ քեզ տէր  
աստուած մեր , մինչեւ ողորմեսցիս  
'ի վերայ մեր :

Ողորմեա մեզ տէր ողորմեա մեզ , զի  
բազում լցաք արհամարհանօք :

Եւս առաւել լցան անձինք մեր նա-  
խատանօք , ոյք նախատէին զմեզ ար-  
համարհանօք ամբարտաւանից :

Տունք Ե .

Ս Ա Ղ Մ Ո Ս Ճ Ի Գ .

Յրհնութիւնք աստիճանաց .

Եթէ ոչ տէր էր առ մեզ , ասացէ  
խրայէլ , եթէ ոչ տէր էր առ մեզ :

Ընդ յառնել մարդկան 'ի վերայ մեր ,  
կենդանւոյն կամեցան կլանել զմեզ :

Ի բարկանալ սրտատու թեամբ նոցա  
'ի վերայ մեր , ապա և ջուրք ուրեմն

ընկզմեցին զմեզ :

Ընդ ուղիս անցին անձինք մեր , ան-

ցին անձինք մեր ընդ ուղիս անդա-  
դարս :

Օրհնեալ է տէր , որ ոչ ետ զմեզ յորս  
ատամանց նոցա :

Անձինք մեր ասլրեցան որսէս ճընձ-  
ղունկք՝ յորոգայթէ որսողաց :

Որոգայթ նոցա փշրեցան , և մեք ասլ-  
րեցաք :

Օգնութիւն է մեզ յանուանէ տեսուն ,  
որ արար զերկինս և զերկիր :  
Տունք ը :

Ս Ս Ղ Մ Ո Ս Ճ Ի Գ .

Օրհնութիւնք աստիճանաց :


Ո յուսաց 'ի տէր , որսէս լեառն սիօն ,  
մի սասանեսցի յաւիտեան՝ որ բնա-  
կեալն է յերուսաղէմ :

Երինք շուրջ են զնովաւ , տէր շուրջ է  
զժողովրդեամբ իւրով յայսմ՛հետէ մին-  
չեւ յաւիտեան :

Ոչ թողու տէր զգաւազան մեղաւո-  
րաց 'ի վիճակս արդարոց , և արդարք  
մի ձգեսցեն զձեռս իւրեանց յանօրէ-  
նութիւնս :

Բարի տունէ տէր բարեաց, և այնու  
ցիկ՝ ոյք ուղիղ են սրտիւք =  
Իսկ զթիւրեալն ՚ի յափշտակութիւն,  
տանի զնոսա տէր ընդ այնոսիկ ոյք  
գործեն զանօրէնութիւն. խաղաղու  
թիւն ՚ի վերայ իսրայէլի =

Տունք և Գորգայս խ :



Ս Ա Ղ Մ Ո Ս ձ ժ Ե .

Օրհնութիւնք աստիճանաց :

Ի գարձուցանել տեառն զգերութիւն  
սիօնի, և եղաք մէք միսիթարեալք =  
Յայնժամ լցան բերանք մեր խնդու  
թեամբ և լեզուք մեր ցնծութեամբ =  
Յայնժամ ասացեն ՚ի հեթանոսս, մեծ  
արար տէր զառնելն իւր ընդ նոսա,  
մեծ արար տէր զառնելն իւր ընդ մեզ .  
և մէք եղաք բերկրեալք =  
Գարձո տէր զգերութիւնս մեր որ  
պէս զուղիսս ՚ի հարաւոյ, ոյք վարէին  
արսասուօք, ցնծութեամբ հնձեսցեն =  
Երթալով երթային և լային, ոյք բար-



ձեռք տանէին զսերմանիս իւրեանց :  
Գալով եկեացեն և ցնծացեն , ոյք  
առեալ բերիցեն զորայս իւրեանց :

Տունք Ղ :

Ս Ա Ղ Մ Ո Ս ձ Ի Չ .

Յրհնութիւնք աստիճանաց :

Եթէ ոչ տէր շինէ զտունն , ՚ի նանկի  
վաստակին շինողք նորա :

Եթէ ոչ տէր սլահէ զքաղաքն , ըն-  
դունայն տքնին պահապանք նորա :

Ի նանկի է ձեզ յառնելն կանխաւ .  
արդ արիք՝ մինչևեւ էք ննջեցեալք ,  
ոյք ուտէք զհաց ցաւոց :

Ի ժամանակի սրտէս տացի քուն սի-  
րելեաց իւրոց . ժառանգութիւն առն  
որդիք են , որոյ վարձք իւր են , այն  
է պառւղ որովայնի իւրոց :

Որպէս նետք ՚ի ձեռս հզօրի , այնպէս  
են որդիքն թօթափելոց :

Երանի որ ելից զցանկութիւն իւր ՚ի  
նոցանէ . մի ամաչեացեն յորժամ իս-

տեսցին թշնամիք նոցա ընդ նոսա առ  
դրանն ։

Տաւնք զ ։

ՍՍ.ՂՄՈՍ ձԻԷ ։

Յրհնութիւնք աստիճանաց ։

Երանի ամենեցուն՝ ոյք երկնչին ՚ի  
տեառնէ, և գնան ՚ի ճանապարհս  
նորա ։

Զվաստակա ձեռաց քոյ կերիցես . եւ  
րանի է քեզ, և բարի եղիցի ։

Կին քո սրպէս սյգի վայելուչ յանկիւնս  
տան քո, որդիք քո սրպէս նորատունկ  
ձիթենւոյ շուրջ զսեղանով քո ։

Այսպէս օրհնեսցի ամենայն մարդ,  
որ երկնչի ՚ի տեառնէ . օրհնեսցէ ըզ  
քեզ տէր ՚ի սիօնէ ։

Եւ տեսցես դու զբարութիւն երու  
սապէմի զամենայն աւուրս կենաց քոյ ։

Տեսցես դու զորդիս սրդւոց քոյ,  
խաղաղութիւն ՚ի վերայ իարայելի ։

Տաւնք զ ։

ՄԱՂՄՈՍ ՃԻԸ.

Օրհնութիւնք աստիճանաց:

Բազում անգամ մարտեան ընդ իս 'ի  
մանկութենէ իմմէ, ասացէ իսրայէլ =  
Բազում անգամ մարտեան ընդ իս 'ի  
մանկութենէ իմմէ, և ինձ ոչ յաղ-  
թեցին =

Զթիկունս իմ հարին մեղաւորք, ընդ  
երկար արարին զանօրէնութիւնս իւր-  
եանց =

Տէր արդար է, և խորտակէ զուն մե-  
ղաւորաց =

Ամաշեսցեն և յետս դարձին ամենե-  
քեան՝ ոյք ատեն զսիօն =

Եղիցին նոքա որպէս խոտ տանեաց,  
որ մինչեւ 'ի բուռն եկեալ չորացաւ =  
Ուստի ոչ ելից զբուռն իւր հնձողն,  
և ոչ զգիրկս իւր որ զորայն ժողովէր =  
Ոչ ասացին ամենեքեան՝ ոյք անցա-  
նէին առ նոքօք, թէ օրհնութիւն  
տեսան ընդ ձեզ, և օրհնեցաք զձեզ  
յանուանէ տեսան =

Ս Ս Ղ Մ Ո Ս Ճ Ի Թ .

Օրհնութիւնք աստիճանաց .

Ե խորոց կարգացի առ քեզ տէր , տէր  
լուր ձայնի իմում :

Եղիցին ականջք քո 'ի լսել զձայն ա-  
ղօթից իմոց :

Թէ զանօրէնութիւնս իմ քննես տէր  
տէր , իսկ ո՞ կարէ կալ առաջի քո , զի  
'ի քէն է քաւութիւն :

Վ ասն անուանքո համբերի տէր , համ-  
բեր անձն իմ բանի քում , յուսացաւ  
անձն իմ 'ի տէր :

Ի սրահէ առաւօտու մինչեւ յերեկոյ ,  
'ի սրահէ առաւօտու յուսացաւ իսրա-  
յէլ 'ի տէր :

Ի տեառնէ է ողորմութիւն բազում ,  
'ի նմանէ է փրկութիւն , և նա փրկի-  
եաց զիսրայէլ յամենայն ներդութեանց  
նորա :


Ս Ա Ղ Մ Ո Ս Ճ Լ .

Օրհնութիւնք աստիճանաց :

Տէր ոչ բարձրացաւ սիրտ իմ, և ոչ  
զբօսան աչք իմ :

Ոչ գնացի ես ընդ մեծամեծս, և ոչ ընդ  
այնոսիկ ոյք սքանչելի եղենքան զիս :  
Բայց թէ խոնարհեցայ ես որպէս մա-  
նուկ սարսուցեալ 'ի ստենէ մօր իւ-  
րոյ, և դարձ նորա անդրէն 'ի նոյն :  
Այլ թէ հպարտացուցի արդեօք զանձն  
իմ, այսպէս եղիցի հատուցումն ան-  
ձին իմոյ, յուսացաւ իսրայէլ 'ի տէր  
յայսմ հետէ մինչեւ յաւիտեան :

Տունք դ : Գորդայս խդ :



Ս Ա Ղ Մ Ո Ս Ճ Լ Ա .

Երդ չուոց :

Յիշեալ տէր զդաւիթ, և զամենայն  
հեզութիւն նորա :

Որպէս երդուաւ տեառն, և ուխտս  
եդ աստուծոյ յակոբայ :

Թէ ոչ մտից 'ի յարկս տան իմոյ, թէ

Ելից յանկողինս մահճաց իմոց :  
Թէ տաց քուն աչաց իմոց , կամ նինջ  
արտեւանաց իմոց , կամ հանգիստ ի-  
րանաց իմոց . մինչեւ գտից զտեղի  
յարկի տեառն աստուծոյ յակոբայ :  
Ահա լուսք զնմանէ յեփրաթայ , և  
գտաք զնա 'ի դաշտս մայրեաց :  
Մտցուք 'ի յարկս նորա , երկիրպագ-  
ցուք 'ի տեղւոջ՝ ուր կայեալ են ոտք  
նորա :

Արի տէր 'ի հանգիստ քո , դու և տա-  
պանակ կտակի սրբութեան քո :  
Քահանայք քո զգեցցին զարդարու-  
թիւն , և սուրբք քո ցնծալով ցնծաս-  
ցեն :

Վասն դաւ թի սիրելւոյ քո , մի՛ դար-  
ձուցաներ զերեսս քո յօժելոյ քումմէ :  
Երդուաւ տէր դաւ թի ճշմարտու-  
թեամբ՝ և ոչ ստեաց նմա . 'ի պտղոյ  
որովայնի նորա նստուցանել յաթոս  
նորա :

Թէ պահեսցեն որդիք քո զօրէնս իմ , և  
զվկայութիւնս իմ զոր ուսուցից նոցա :

Արդիք նոցա նստցին յաւիտեանս յաւիտենից յաթոռ քո :

Հաճեցաւ տէր ընդ սիօն, և ընտրեաց բնակիլ 'ի նմա. սաէ՛ այս է հանգիստ իմ յաւիտեանս յաւիտենից, 'ի սմա բընակեցայց՝ զի հաճեցայ ընդ սա :

Չայրիս սորա օրհնելով օրհնեցից, և զաղքատս սորա լցուցից հացիւ :

Երիցանց սորա զգեցուցից զփրկութիւն, և սուրբք սորա ցնծալով ցընծասցեն :

Անդ ծագեցից զեղջիւր 'ի դաւիթ, պատրաստ արարից զճրագ օծելոյ իմոց :

Թշնամեաց նորա զգեցուցից զամօթ, այլ 'ի վերայ նորա ծաղկեացի սրբութիւն իմ :

Տունք ժէ :

ՍԱՂՄՈՍ ՃԼԲ.

Երգ հուոց :

Ձի՞ բարի կամ զի՞ վայելուչ, զի բնակին եղբարք 'ի միասին :

Արպէս իւղ զի իջանէ 'ի գլուխ և 'ի

մօրուսն ահարօնի, և 'ի մօրուացն  
իջանէ 'ի գրապանս զգեստու նորա :  
Որպէս ցօղ զի ցօղէ 'ի հերմօնէ 'ի վե-  
րայ լերին սիօնի :

Տէր անդ պատրաստեաց զօրհնու-  
թիւն և զկեանս յաւիտեանից :

Տունք 4 :

ՍՍ. ՂՄՈՍ ՃԼԴ.

Երգ չուոց :

Աստ օրհնեցէք ամենայն ծառայք  
տեառն զտէր, ո կայք 'ի տուն տեառն  
և 'ի գաւիթս աստուծոյ մերոյ :

Ի գիշերի համբարձէք զձեռս ձեր 'ի  
սրբութիւն, և օրհնեցէք զտէր :

Օրհնեսցէ զմեզ տէր 'ի սիօնէ, որ ա-  
րար զերկինս և զերկիր :

Տունք 4 :

ՍՍ. ՂՄՈՍ ՃԼԴ.

Աւելուիա :

Օրհնեցէք զանուն տեառն, օրհնեցէք  
ծառայք տեառն զտէր. ո կայք 'ի  
տուն տեառն, 'ի գաւիթս աստու-  
ծոյ մերոյ :



Օրհնեցէք զտէր, զի բարի է, սաղմոս  
ասացէք անուաննորա, զի քաղցր է =  
Զյակոբ ընտրեաց իւր տէր, և զիս-  
րայել ժառանգութիւն իւր =

Ես ծանեայ՝ զի մեծ է տէր, և տէր  
մեծ է քան զամենայն կուռս =

Զամենայն զոր ինչ կամեցաւ և արար  
տէր, յերկինս և յերկրի, ՚ի ծով և  
յամենայն խորս =

Հանէ զամսս ՚ի ծագաց երկրի, զփայ-  
լատակունս իւր յանձրեւս արար, և  
հանէ զհողմ ՚ի շտեմարանաց իւրոց =

Եհան զամենայն անդրանիկս եգիպ-  
տացւոց, ՚ի մարդոց մինչեւ յանասուն =

Առաքեաց զնշանս և զարուեստս իւր  
՚ի մեջ քո եգիպտոս, ՚ի փարուօն և  
յամենայն զորս իւր =

Եհար զաղգս բաղունս, և սպան ըզ  
Թագաւորս հզորս =

Զսեհօն Թագաւոր ամուրհացւոց,  
զովզ Թագաւոր բասանու, և զա-  
մենայն Թագաւորութիւնս քանա-  
նացւոց =

Ետ ղերկիր նոցա 'ի ժառանգութիւնս,  
ժառանգութիւն իսրայելի ժողովրդ  
դեան իւրոյ :

Տէր անուն քո յաւիտեան, տէր յի-  
շատակ քո ազդէ մինչեւ յազդ :

Դասէ տէր զժողովուրդս իւր, և 'ի  
ծառայս իւր մխիթարի :

Կուռք հեթանոսաց սակի և արծաթ-  
են, ձեռագործք են որդւոց մարդկանս  
Բերան գոյ՝ և ոչ խօսին, աչք են՝ և  
ոչ տեսանեն :

Ականջք են՝ և ոչ լսեն, և ոչ գոյ  
շունչ 'ի բերանս նոցա :

Նման նոցա եղիցին ոյք արարին զնո-  
սա, ամենեքեան ոյք յուսացեալ են  
'ինոսա :

Տուն իսրայելի օրհնեցէք զտէր, տուն  
ահարօնի օրհնեցէք զտէր :

Տուն ղեւեայ օրհնեցէք զտէր, եր-  
կիւղածք տեառն օրհնեցէք զտէր :

Օրհնեալ տէր 'ի սիօնէ, որ բնակեալն  
է յերուսաղէմ :

Յ Ա Ղ Մ Ո Ս Ճ Լ Ե .

Ա լ է Լ ու Ի ա :

Խոստովան եղերուք տեառն , զի բա-  
րի է զի յաւիտեան է ողորմութիւն  
նորա :

Խոստովան եղերուք աստուծոյն աս-  
տուծոց , զի յաւիտեան է ողորմու-  
թիւն նորա :

Խոստովան եղերուք տեառն տէրանց ,  
զի յաւիտեան է ողորմութիւն նորա :

Արար սքանչելիս մեծամեծս միայն ,  
զի յաւիտեան է ողորմութիւն նորա :

Զերկինս արար իմաստութեամբ իւ-  
րով , զի յաւիտեան է ողորմութիւն :

Հաստատեաց զերկիր 'ի վերայ ջուրց ,  
զի յաւիտեան է ողորմութիւն նորա :

Արար զլուսաւորս մեծամեծս միայն ,  
զի յաւիտեան է ողորմութիւն նորա :

Զարեգակն արար իշխանական տուրն-  
ջեան , զի յաւիտեան է ողորմութիւն :

Զլուսին և զաստեղս իշխանական գի-  
շերոց , զի յաւիտեան է ողորմութիւն :

ԵՏար զերկիրն եգիպտացւոց անդ-  
 րանկօք իւրովք հանդերձ, զի յաւի-  
 տեան է ողորմութիւն նորա :  
 Եւ եհան զիսրայէլ ՚ի միջոց նորա, զի  
 յաւիտեան է ողորմութիւն նորա :  
 Ի ձեռն բարձր և ՚ի բազուկ հզօր,  
 զի յաւիտեան է ողորմութիւն նորա :  
 Եհերձ զծովն մեծ, և բաժանեաց  
 յերկուս մասունս, զի յաւիտեան է :  
 Եւ անցոյց զիսրայէլ ընդ մէջ նորա,  
 զի յաւիտեան է ողորմութիւն նորա :  
 Ընկղմեաց զփարաւօն և զգօրս իւր ՚ի  
 ծով կարմիր, զի յաւիտեան է ողոր-  
 Եւ եհան զժողովուրդ իւր յանապատ,  
 զի յաւիտեան է ողորմութիւն նորա :  
 Եհար զազգս մեծամեծս միայն, զի  
 յաւիտեան է ողորմութիւն նորա :  
 Եւ սպան զթագաւորս հզօրս, զի յա-  
 վիտեան է ողորմութիւն նորա :  
 Զսեհօն թագաւոր ամուրհացւոց, զի  
 յաւիտեան է ողորմութիւն նորա :  
 Զովգ թագաւոր բաւանու, զի յաւի-  
 տեան է ողորմութիւն նորա :

Ետ զերկիր նոցա ՚ի ժառանգութիւնս,  
զի յաւիտեան է ողորմութիւն նորա ։  
Ժառանգութիւն իսրայէլի ծառայի  
իւրոյ, զի յաւիտեան է ողորմութիւն ։  
Յիշեաց զմեզ աւեր ՚ի խոնարհութեան  
մերում, զի յաւիտեան է ողորմութիւն ։  
Եւ փրկեաց զմեզ ՚ի ձեռաց թշնա-  
մեաց մերոյ, զի յաւիտեան է ողորմութիւն ։  
Ո՛ տայ կերակուր ամենայն կենդանեաց,  
զի յաւիտեան է ողորմութիւն ։  
Խոստովան եղերուք աստուծոյն երկն-  
նաւորի, զի յաւիտեան է ողորմութիւն նորա ։

Տունք իւր

ՍՍ. ՂՄՈՍ ՃԼԶ.

Սաղմոս գաւթի, ՚ի ձեռն երեմիայի, աննշան յերբա-  
յեցւոցն ։

Աս գետս բաբելացւոց, անդ նրա-  
տէաք և լայաք, որպէս յիշեցաք մեք  
անդ զսիօն ։

Իմէջ ուռեաց նոցա կախեցաք լող  
կտակարանս մեր ։

Անդ հարցանէին գերիչք մեր զբանա  
օրհնու թեան, գերաւարք մեր ստի-  
պէին զմեզ և ասէին :

Օրհնեցէք մեզ յօրհնու թեանէն սիօնի,  
իսկ զիարդ օրհնեսցուք զօրհնու թիւնս  
տեառն յերկիր օտար :

Թէ մոռացայց զքեզ երուսաղէմ, մո-  
ռացի զիս աջ իմ :

Ացեսցի լեզու իմ 'ի քիմն իմ՝ թէ ոչ  
յիշեցից զքեզ, թէ ոչ նախ նուագե-  
ցից զքեզ, երուսաղէմ, սկիզբն ու-  
րախու թեան իմոյ :

Յիշեա տէր զօրդիան եդովմայ յա-  
ւուրան երուսաղէմի :

Ոյք ասէին, քակեցէք քակեցէք  
մինչեւ 'ի հիմն հասուցէք :

Դուստր բաբելոնաց թշուառական,  
երանի որ հատոյց զհատուցումն քո,  
զոր դու մեզ հատուցեր :

Երանի որ կալաւ զմանկունս քո, և  
եհար զքարի :

ՍՍ.Ղ.ՄՈՍ ՃԼԷ.

Սազմոս դաւթի:

Խոստովան եղէց քեզ տէր բոլորով  
սրաիւ իմով, առաջի հրեշտակաց սազ-  
մոս ասացից քեզ :

Ձի լուար դբանա բերանոյ իմոյ, եր-  
կիրպագից 'ի տաճար սուրբ քո, և  
խոստովան եղէց անուան քում վասն  
ողորմութեան և ճշմարտութեան քոյ :  
Մեծ արարեր յամենայնի զանուն  
սուրբ քո . յորում աւուր կարգամ սու-  
քեզ վաղվաղակի լուր ինձ, և բազում  
արասցես զօրութիւնս յանձն իմ :  
Խոստովան եղիցին առ քեզ ամենայն  
թագաւորք երկրի, զի լուան դբանա  
բերանոյ քո, և օրհնեսցեն զճանա-  
սլարհս քո :

Մեծ են փառք տեսուն, բարձր է  
տէր՝ զխոնարհս տեսանէ, և զբար-  
ձունս 'ի հեռաստանէ ճանաչէ :  
Թէ գնացից ես 'ի մէջ ներդութեանց,  
կեցուսցես զիս 'ի բարկութենէ թըշ-  
նամուոյն :

Չգեցեր զձեռն քո , և փրկեաց զիս  
աջ քո , և տէր հասուցէ ընդ իմ :  
Տէր ողորմութիւն քո յաւիտեան , ըզ  
դործս ձեռաց քոց մի անտես առներ :

Տունք Ը . Գորգայս խղ :

ՍՍ.ՂՄՈՍ ձԼԸ .

Ի կատարած . Սաղմոս գաւթի :

Տէր փորձեցեր զիս և ծանեար զիս ,  
դու ծանեար զնստել իմ և զյառնել  
իմ :

Ի միտ առեր զխորհուրդս իմ 'ի հե  
ռաստանէ , զչաւիղս իմ և զվիճակս  
իմ դու քննեցեր , և զամենայն ճանա  
պարհս իմ յառաջագոյն տեսեր , զի  
ոչ գոյ նենգութիւն 'ի լեզուի իմում :

Ահա դու տէր՝ ծանեար զյետին իմ  
և զառաջին իմ , դու ստեղծեր զիս ,  
և եղեր զձեռն քո 'ի վերայ իմ :

Աքանջելի եղեւ զխաութիւն քո յի  
նէն , զօրացաւ և ոչ հանդարտեմսմա :



Յո՞ երթայց ես յողւոյ քու մէջ, կամ  
յերեսաց քոց ես յո՞ փախեաց :  
Թէ ելանեմ յերկինս՝ դու անդ ես, և  
թէ իջանեմ ՚ի դժոխս՝ և անդ մօտ ես :  
Թէ առից դժեւս իմ ընդ առաւօտս,  
և բնակեցայց յեզերս ծովու :  
Սակայն և անդ ձեռն քո առաջնորդեացէ ինձ, և աջ քո ընկալցի զիս :  
Ասացի՛ խաւար ուրեմն արդեօք ծածկեաց զիս, կամ գիշեր փոխանակ լուսոյ փափիւ թեան իմոյ :  
Խաւարն ՚ի քեզ ոչ խաւարեացի, և գիշերն օրպէս աիւ լուսաւոր եղիցի, և խաւար նորա օրպէս զլոյս նորա :  
Դու ստացար գերիկամունս իմ, և ընկալար զիս յարովայնէ մօր իմոյ :  
Խոստովան եղէց քեզ աէր, զի ահեղ և սքանչելի ես. սքանչելի են գործք քո, և անձն իմ սիրեաց յոյժ :  
Ոչ թագեաւ ոսկր իմ ՚ի քէն՝ զոր արարեր ՚ի ծածուկ, և կար գորու թեան իմոյ ընդ ստորինս երկրի :  
Չանգործս իմ տեսին աչք քո, և ՚ի

գիրս քո ամենեքեան գրեցան :  
Ի տուէ մտորեցան , և ոչ ոք էր որ ա-  
ռաջնորդէր նոցա :  
Ինձ յոյժ մեծարու եղեն բարեկամք  
քո աստուած , և յոյժ զօրացան իշ-  
խանք նոցա :  
Թուեցի զնոսա , և քան զաւաղ բազ-  
մացան , զարթեայ , և արդ ընդ քեզ եմ :  
Թէ սպանանես զմեղաւորս աստուած ,  
արք արեան 'ի բայ եղերուք յինէն :  
Ի հակառակու թիւն և 'ի նախանձ ,  
առցեն 'ի նանիր դքաղտքս քո :  
Զատելիս քո տէր ատեցի , և 'ի վերայ  
թշնամեայ քոյ մաշեցայ :  
Յատելու թիւն կատարեալ ատեցի ըզ  
նոսա , և եղեն ինձ թշնամիք :  
Փորձեա զիս աստուած և ծանիր ըզ  
սիրտ իմ , քննեա զիս և ծանիր զչա-  
ւիրս իմ . և տես թէ իցեն անօրէնու-  
թիւնք 'ի ճանապարհս իմ , և առաջ-  
նորդեա ինձ 'ի ճանապարհս քո յա-  
ւիտենից :

ՍԱՂՄՈՍ ՃԼԹ.

Ի կատարած. Սաղմոս դաւթի.

Ապրեցո զիս տէր 'ի մարդոյ շարէ,  
յառնէ անիրաւէ փրկեա զիս =  
Խորհեցան զանօրէնու թիւն 'ի սիրտա  
իւրեանց, դոր ամենայն պատրաստե-  
ցան 'ի պատերազմ =

Արեցին զլեզուս իւրեանց որպէս զօ-  
ձի, և թոյնք ի թից 'ի ներքոյ շրթանց  
նոցա =

Պահեա զիս տէր 'ի ձեռաց մեղաւո-  
րի, և 'ի մարդոյ շարէ փրկեա զիս =  
Խորհեցան խափանել զգնացս իմ. թա-  
գուցին ամբարտաւանք որոգայթ ինձ =  
Լարս ձգեցին որոգայթ օտից իմոց,  
շուրջ զշաւղօք իմովք եղին ինձ ըզ-  
գայթակղու թիւն =

Ասացի՛ տէր աստուած իմ ես դու,  
ուենին զիր տէր ձայնի աղօթից իմոց =  
Տէր տէր գորու թիւն փրկու թեան ի-  
մոյ, հովանի զլիտոյ իմոյ յաւուր պա-  
տերադմի =

Մի մատներ զիս աէր 'ի ցանկու թիւն  
մեղաւ որաց, ոյք խորհեցան վասն իմ.

մի բնդ վայր հարկաներ զիս :

Չի մի երբէք բարձրացին, և խոր-  
հուրդք նոցա մի կատարեսցին. վախ-  
ճան կատարածի նոցա վաստակ շքք-  
թանց իւրեանց ծածկեսցէ զնոսա :

Արկցես 'ի վերայ նոցա զկայծակուն  
հրոյ, և կործանեսցես զնոսա. 'ի տա-  
ռապանաց մի կարասցեն կեալ :

Մարդոյ լեզուանոյ մի յաջողեսցի 'ի  
վերայ երկրի. զայր մեղաւոր չարիք  
իւր որսացեն 'ի կորուստ :

Ծանեաց զի առնես աէր դատաստան  
աղքատի, և իրաւունս անանկի :

Արդարք գոհացին զանուանէ քում-  
մէ, և բնակեսցին ուղիղք առաջի ե-  
րեսաց քոյ :

Տունք ժգ :

ՄՄ. ՂՄ ՈՍ ՃԽ .

Սաղեսոս դաւթի :

Տէր կարգացի առ քեզ՝ և լուր ինձ ,

նայեա 'ի ձայն աղօթից իմոց 'ի կար-  
դալ իմուամ առ քեզ :

Ուղիղ եղիցին աղօթք իմ որպէս խունկ  
առաջի քո տէր . համբարձումն ձե-  
ռաց իմոց սլատարագ երեկոյի :

Դիր տէր պահապան բերանոյ իմոց և  
դուռն ամուր շրթանց իմոց , զի մի  
խոտորեսցի սիրտ իմ բանիւ շարու-  
թեան :

Ի պատճառել զպատճառս մեղաց ընդ  
մարդս , ոյք գործեն զանօրէնութիւն ,  
և ոչ եղէց կցորդ ընտրելոց նոցա :  
Խրատեսցէ զիս արդարն ողորմու-  
թեամբ և յանդիման արասցէ . իւզ  
մեղաւորի մի օծցէ զգլուխ իմ , այլ  
աղօթք իմ 'ի կամս նորա :

Արգելան մերձ առ վիմին դատաւորք  
նոցա . լուիցեն բանից իմոց , և քաղց-  
րասցին :

Որպէս թանձրութիւն հողոյ զի սըփ-  
ւեալ է 'ի վերայ երկրի . ցրուեսցին  
ոսկերք նոցա մերձ 'ի դժոխս :

Առ քեզ տէր տէր են աչք իմ , 'ի քեզ

յուսացայ, մի հաներ զհոգի յինէն :  
Պահեա զիս յորոգայթէ որ թագու-  
ցաւ ինձ, 'ի գայթակղութենէ գոր-  
ծողին զանօրէնութիւն :

Անկցին 'ի ցանցս նորա մեղաւորք, մի-  
այն եմ ես մինչեւ անցից :

Տունք ժ :

ՍԱՂՄՈՍ ՃԻՍԱ .

Իմաստութիւն դաւթի . Աղօթք, 'ի ժամանակի՝ զի էր  
նա յայրի անդ :

Չայնիւ իմով ես առ տէր կարդացի,  
ձայնիւ իմով զտէր աղաչեցի :

Մփռեցից առաջի տեսուն զաղօթս իմ,  
և զնեղութիւնս իմ առաջի նորա պատ-  
մեցից :

Ի նուազիլ յինէն հոգւոյ իմոյ, դու  
տէր ծանեար զչաւիղս իմ . 'ի ճանա-  
պարհ յոր և գնայի, թագուցաւ ինձ  
որոգայթ :


Հայէի յաջմէ՝ և տեսանէի, և ոչ ոք ճա-  
նաչէր զիս . կօրեաւ յինէն փախուստ  
իմ, և ոչ գտաւ խնդրող անձին իմոյ :

Աղաղակեցի առ քեզ տէր և ասացի ,  
դու ես յոյս և բաժին իմ յերկրին կեն-  
դանեաց :

Նայեա տէր յաղօթս իմ , դի ես խո-  
նարհ եզէ յոյժ . ասլբեցո դիս 'ի հա-  
լածչաց խնոց , դի հղօրք եղեն քան դիս :  
Տէր հան 'ի բանտէ զանձն իմ , դոհա-  
նամ զանուանէ քումմէ :

Եւ քեզ սպասեն արդարք՝ մինչեւ հա-  
տուսցես :

Տունք Ը , Գորդայս ծղ :



ՍՍ. Դ. Մ Ո Ս ՃԽԲ .

Պաղես դատի . 'ի ժամանակի՛ դի հալածէր զնա  
արխողամ որդի նորա :

Տէր լուր աղօթից խնոց , ունկն դիր  
խնդրուածաց խնոց ճշմարտութեամբ  
քով :

Լուր ինձ արդարութեամբ քով , և  
մի մեաներ 'ի դատաստան ընդ ծառա-  
յի քում . դի ոչ արդարանայ առ աջի  
քո ամենայն կենդանի :

Հալածեաց թշնամին զանձն իմ, խո-  
նարհ արար յերկիր զկեանս իմ. և  
նստոյց զիս 'ի խաւարի որպէս մեռ-  
եալ յաւիտենից :

Չանձրացաւ յիս հոգի իմ, և սիրտ իմ  
խռովեցաւ յիս :

Յիշեցի զաւուրսն զառաջինս, խոր-  
հեցայ յամենայն գործս քո, յարարածս  
ձեռաց քոց խորհեցայ, և համբարձի  
առ քեզ զձեռս իմ :

Անձն իմ որպէս երկիր ծարաւի է առ  
քեզ. վաղվաղակի լուր ինձ տէր, զի  
նուաղեցաւ յինէն հոգի իմ :

Մի գարձուցաներ զերեսս քո յինէն.  
նմանիցիմ այնոցիկ՝ ոյք իջանեն 'ի գուբ :  
Լսելի արա ինձ առաւօտու զողոր-  
մու թիւնս քո, զի ես 'ի քեզ տէր յու-  
սացայ :

Յոյց ինձ ճանապարհ յոր և գնացից,  
զի առ քեզ տէր համբարձի զանձն իմ :  
Փրկեա զիս 'ի թշնամեաց իմոց տէր,  
զի դքեզ ստաւէն ինձ արարի :

Ուստ ինձ առնել զկամս քո, զի դու



Ես աստուած իմ :

Հողի քո բարի առաջնորդեսցէ ինձ 'ի  
յերկիր ուղիղ :

Վասն անուան քո տէր կեցուսցես  
զիս արդարութեամբ քով, հանցես 'ի  
նեղութենէ զանձն իմ :

Ողորմութեամբ քով սատակես զթըշ-  
նամիս իմ, և կորս զամենայն նեղիչս  
անձին իմոյ, զի ես ծառայ քո եմ :  
Տունք ժգ .

Ս Ա Ղ Մ Ո Ս Ճ Ի Գ .

Սաղմոս դաւթի . առ զողիտայ .

Օրհնեալ տէր աստուած իմ, որ ու-  
սոյց զձեռս իմ 'ի սպաւերսզմ, և զմա-  
տուհս իմ 'ի ճակատամարտ :

Ողորմութիւն իմ և սպաւէն իմ, օգ-  
նական իմ և փրկիչ իմ, սպաւէն իմ,  
և ես յուսամ 'ի նա . ո՛հ հնազանդ առ-  
նէ զժողովուրդս ընդ ինեւ :

Տէր՝ ո՞վ է մարդ զի յայանեցար դու-  
նմա, կամ որդի մարդոյ թէ համարիւ  
ինչ զնա :

Մարդ նանբոյ նմանեցաւ , և աւուրք  
նորա որպէս հովանի անցին ։

Տէր խոնարհեցո զերկինս և էջ , մեր-  
ձեա 'ի լերինս և ծխեացին ։

Փայլեա զփայլատակունս քո , և խոռ-  
վեա զնոսա , առաքեա զնեաքս քո , և  
դրուեա զնոսա ։

Առաքեա զձեռնի քո 'ի բարձանց , և  
փրկեա զիս 'ի ջուրց բազմաց , և 'ի  
ձեռաց որդւոց օտարաց ։

Որոց բերանք իւրեանց խօսեցան ըզ  
նանրութիւն , և աջնոցա աջ է մեղաց ։

Աստուած՝ յօրհնութիւննոր օրհնեցից  
զքեզ , տասնադեաւ սաղմոսարանաւ  
սաղմոս ասացից քեզ ։

Ո՛ տացէ՛ զփրկութիւն թագաւորաց  
մերոց , որ փրկելոց իցէ զդաւիթ ծա-  
ւայ իւր 'ի սրոյ շարէ ։

Փրկեա զիս և ասրեցո զիս 'ի ձեռաց  
որդւոց օտարաց ։

Որոց բերանք իւրեանց խօսեցան ըզ  
նանրութիւն , և աջնոցա աջ է մեղաց ։

Որոց ուստերք իւրեանց որպէս նո-

բատունկ հաստատուն են 'ի մանկու-  
թենէ իւրեանց . դատերք նոցա զար-  
դարեալ և պաճուճեալ 'ի նմանու թիւն  
տաճարի :

Շտեմարանք նոցա լի են և բղխեն 'ի  
միմեանս , խաշինք նոցա բազմածինք  
են , և բազմաման 'ի գնացս իւրեանց ,  
և անդեայք նոցա պարարտք են :

Ոչ դոյ խրամատու թիւն ցանկոյ նոցա ,  
և ոչ աղաղակ 'ի հրապարակս նոցա :

Արդ երանեցից ժողովրդեան , որոյ  
այս այսպէս է . նա՛ երանի ժողովրդ-  
դեան , որոյ տէր աստուած է նոցա :

Տունք ժղ .

### Ս Ա Ղ Մ Ո Ս ձ Խ Դ .

Օրհնութեանց Սաղմոս դաւթի :

Բարձր առնեմ դքեզ աստուած իմ և  
թագաւոր իմ , և օրհնեմ զանուն քո  
յաւիտեան և յաւիտեանս յաւիտենից :  
Ջօրհանապաղ օրհնեցից դքեզ , և գո-  
վեցից զանուն քո յաւիտեան և յաւի-  
տեանս յաւիտենից :

Մեծ է տէր և օրհնեալ է յոյժ, և մեծ  
ծուժեան նորա ոչ քո չափ:

Ազգք և ազգք գովեսցեն զգործս քո,  
և զզօրութիւնս քո սլատմեսցեն:

Զմեծվայելչութիւն փառաց սրբու-  
թեան քո խօսեսցին, և զսքանչելիս  
քո սլատմեսցեն:

Զզօրութիւն ահի քո ասասցեն, և ըզ  
մեծութիւնս քո սլատմեսցեն:

Զյիշատակ բազում քաղցրութեան քո  
բղխեսցեն, և արդարութեամբ քո  
ցնծասցեն:

Գթած ողորմած է տէր, երկայնամիտ  
և բազումողորմ:

Քաղցր է տէր առ ամենեւեան, և  
գթութիւն նորա ՚ի վերայ ամենայն  
արարածոց իւրոց:

Խոստովան եղիցին առ քեզ տէր ա-  
մենայն գործք քո, և սուրբք քո օրհ-  
նեսցեն զքեզ:

Զփառս արքայութեան քո ասասցեն,  
և զզօրութիւնս քո սլատմեսցեն:

Ճանաչել որդւոց մարդկան զզօրու-

Թիւնս քո , և զփառս մեծփայելչու  
Թեան արքայու Թեան քո :

Արքայու Թիւն քո արքայու Թիւն ամե  
նայն յաւիտենից , և տէրու Թիւն քո  
ազգէ մինչեւ յազգ :

Հաւատարիմ է տէր յամենայն բանս  
իւր , և արդար է յամենայն գործս իւր :

Հաստատէ տէր զամենայն գայթակ  
ղեալս , և կանգնէ զամենայն զլորեալս :

Աչք ամենեցունն 'ի քեզ յուսան , և  
դու տաս կերակուր նոցա 'ի ժամու :

Տաս դու նոցա և կերակրին . բանաս  
զձեռն քո , և լցուցանես զամենեւեան

քաղցրու Թեամբ կամօք քովք :

Արդար է տէր յամենայն ճանապարհս  
իւր , և սուրբ է յամենայն գործս իւր :

Մերձ է տէր առ ամենեւեան ոյք կար  
դան առ նա , առ ամենեւեան ոյք կար

դան առ նա ճշմարտու Թեամբ :

Չկամս երկիւղածաց իւրոց առնէ տէր ,  
աղօթից նոցա լսէ , և կեցուցանէ ըզ

նոսա :

Պահէ տէր զամենեւեան ոյք սիրեն

դնա , և զամենայն մեղաւորս սատակե  
տէր :

Չօրհնու թիւնս տեառն խօսեսցի բե-  
րան իմ . օրհնեսցէ ամենայն կենդա-  
նի զանուէն սուրբ նորա յաւիտեան և  
յաւիտեանս յաւիտենից :

Տունք իր , Գորգայս ծբ .

Ս Ա Ղ Մ Ռ Ս Ճ Խ Ե .

Ալէլուիա անդեայ և զաքարիա .

Օրհնեա անձն իմ զտէր , օրհնեսցից  
զտէր 'ի կեանս իմ , սաղմոս սասցից  
աստուծոյ իմոյ մինչեւ եմ ես :

Մի յուսայք յիշխանս յորդիս մարդ կան ,  
զի ոչ գոյ փրկու թիւն 'ի նոսա :

Ելցէ հոգի 'ի նոցանէ՝ և դարձցին անդ-  
րէն 'ի հող , և յայնմ աւուր կորիցեն  
ամենայն խորհուրդք նոցա :

Երանի ազգի՝ որոյ տէր աստուած յա-  
կորայ օգնական է նմա , և յոյս նորա  
'ի տէր աստուած է :

Որ արար զերկինս և զերկիր , զծով և

զամենայն որ է 'ի նոսա :

Ո՛ր պահէ զճշմարտութիւն յաւիտեան ,

և առնէ իրաւունս զբկելոց :

Տայ հայ քաղցելոց , և արձակէ զկա-

պեալս տէր :

Տէր բանայ զաշս կուրաց , և կանգնէ

զգլորեալս տէր :

Տէր սիրէ զարդարս , տէր պահէ ըզ

պանդուխտս , զորքս և զայրիս ընդու-

նի տէր , և զճանատարհս ամբարըշ-

տաց կտրուսանէ :

Թագաւորեսցէ տէր յաւիտեան , աս-

տուած քո սիօն ազգէ մինչեւ յազգ :

Տունք ժ :

ՍՍ. ՂՄ ՈՍ ձԽ Զ .

Ալէլուիա . անգևայ և և զաքարիայ :

Օրհնեցէք զտէր՝ զի բարի է սաղմոս .

աստուծոյ մերում քաղցր եղիցի օրհ-

նու թիւն :

Շինէ զերուսաղէմ տէր , և զցրուեալն

խարայելի ժողովէ :

Բժշկէ զբեկեալ սիրտս , և պատէ զու-

մենայն վէրս նոցա :

Ո թուէ զբազմու թիւն աստեղաց , և  
զամենեանն զնոսա յանուանէ կոչէ :  
Մեծ է տէր և մեծ է զօրու թիւն նո-  
րա , իմաստու թեան նորա ոչ գոյ բաւ :  
Ընդունի զհեզս տէր , և խոնարհ առ-  
նէ զամբարտաւանս մինչեւ յերկիր :  
Օրհնեցէք զաստուած խոստովանու-  
թեամբ , սաղմոս ասացէք նմա օրհ-  
նու թեամբ :

Ո՛ զգեցոյց զերկինս ամպովք , և սլատ-  
րաստ արար զանձրեւ իւր յերկիր :  
Բուսոյց զխոտ ՚ի լերինս , և զգալարի  
՚ի ծառայու թիւն մարդկան :

Ո՛ տոյ անասնոց կերակուր , ձագուց  
ազռաւուց՝ ոյք կարդան սու նա :

Ոչ թէ ընդ զօրու թիւնս ձիոյ կամե-  
ցաւ տէր , և ոչ ընդ իրանս առն հըս-  
կայի հաճեցաւ :

Այլ հաճեցաւ տէր ընդ երկիւղածս  
իւր , և ընդ այնոսիկ՝ ոյք յուսան յո-  
ղորմու թիւն նորա :



Ս Ս Ղ Մ Ո Ս Ճ Խ Է .

Ալէլուիա . անդեայ եւ զաբարիայ .

Գովեա երուսաղէմ զտէր :

Եւ օրհնեա զատուած քո սիօն :

Զի զօրացոյց զնիզս զբանց քոց , եւ  
օրհնեաց զորդիա քո 'ի քեզ :

Ո՛րդ զսահմանս քո 'ի խաղաղութիւն ,  
պարարտութեամբ ցորենոյլցոյց զքեզ :

Առաքէ զբան իւր յերկիր , վաղվաղ  
ընթանան սլատգամք նորա :

Գնէ զձիւն որպէս զտար , եւ զմէգ որ-  
պէս փռչի ցանեաց :

Արկանէ զսառն որպէս սլատառս , ա-  
ռաջի ցրտոյ նորա ո՞ր կարէ կեալ :

Առաքէ զբան իւր եւ հալէ զնոսա ,  
շնջեացեն հողմք , եւ գնասցեն ջուրք :

Պատմէ զբան իւր յակօբաց , զարդա-  
րութիւն եւ զիրաւունս իարայելի :

Ոչ այսպէս արար ամենայն ազգաց  
տէր , եւ զգատատանս իւր ոչ յայս-

նեաց նոցա :

Տունք Ժ . Գորգայս ԼԲ :



ԱՂՕԹԻ ԱՄԲԱԿՈՒՄԱՅ ՄԱՐԳԱՐԷԻ

Ամբակ. դ.

Տէր, զլուր քո լուսոյ և երկեաց, տէր՝  
նայեցայ 'ի գործս քո և զարհուրեցայ =  
Ի մէջ երկուց կենդանեացն ծանխցիս  
դու, 'ի մերձենալ ամացն յայտնեսցիս,  
և 'ի հասանել ժամանակին երեւեսցիս =  
Ի խռովել անձին իմոյ 'ի ժամանակի  
բարկութեան, զողորմութիւն յիշես-  
ցես =

Աստուած 'ի հարաւոյ եկեսցէ, և  
սուրբն 'ի փառան լեռնէ =

Յայտնեսցեն երկինք զլսոյելչութիւն  
փառաց նորա, և օրհնութեամբ նորա  
լցան տիեզերք =

Ճառագայթք օրպէս 'ի լուսոյ հատան  
'ի նմանէ, և եղջիւրք 'ի ձեռին նորա  
դտան, և անդ հաստատեցաւ զօրու-  
թիւն փառաց նորա =

Յերեսաց նորա ելցեն հարուածք, և  
զհետ շաւղաց նորա երթիցեն մեծա-

մեծք 'ի թռչնոց :

Եկաց և չափեաց զերկիր , հայեցաւ  
և դիտեաց զհեթանոսս :

Լերինք հալեացին և անտառք վառ-  
նեացին , ճանապարհք՝ որք 'ի սկզբա-  
նէն էին , կուրացին , և 'ի նմանէ գո-  
ղասցի ամենայն երկիր :

Տեսի զբանակս քուչացւոց , խռովե-  
ցան բնակիչք վրանացն մադիամու :

Միթէ 'ի վերայ գետոց բարկասցին  
դու տէր , կամ սրամատ թիւն քո 'ի  
վերայ գետոց , կամ բարկութիւն քո  
'ի վերայ ծովու :

Ելեր դու 'ի կառս քո , հեծելութիւնդ  
քո փրկութիւն եղել յերանելն քո :

Զարթեալ աղեղն քո , զնեռս կասպար-  
ճից քոց արբուցեր , զգեաս ցրուե-  
ցեր , զերկիր դողացուցեր 'ի սաստկու-  
թենէ անձրեւի , որք անցանէն ընդ սա :

Անդունդք աղաղակեցին մեծապէս ,  
լոյս փայլման արեգականն արգելաւ

և ծագումն լուսնի դադարեցաւ :  
Որպէս 'ի նշոյլս սլաքաց քոց գնասցես ,

և որպէս 'ի լոյս փայլատակման սրոյքս :  
Բարկութեամբ զարթիցես 'ի վերայ  
երկրի, և դողութեամբ կացցես ըզ  
Հեթանոսս :

Երեւեցար 'ի փրկութիւն ժողովրդեան  
քո, 'ի փրկել զընտրեալս քո :

Նետաձիգ եղեր 'ի գլուխս մարդկան  
ամբարտաւանից, մինչեւ յանդունդս  
ծովու ընկղմեցան :

Խնդրեցեր զվրէժ զօրութեամբ քով  
'ի զօրագլխացն մեղաւորաց, որք յու  
սացեալ էին յանդգնութիւնս իւրեանց  
զի կերին զաղքաան 'ի գաղտնիս :

Առաքեցեր 'ի վերայ ծովու զերխլարս  
քո, և խռովեցան յաղթ ջուրք ան  
ղընդոց :

Կացի ես՝ և գերան աղիք իմ 'ի ձայնե  
բերանոյ իմոյ, եմուտ դողումն յու  
կերս իմ, և ես յանձն իմ խռովեցայ :  
Չայս սրահեցես յաւուր նեղութեան,  
ածել 'ի վերայ ազգի ամենայնի՝ որք  
մարանչին ընդ ժողովրդեան քում :  
Թղենի սչ տաղէ դալաուղ իւր, և յայգ

և ոչ բեր մի գտցի . ձիթ եհնիք սնասցին ,  
և երկիր մի բուսուսցէ զգալարի :  
Պակասեսցին հօտք 'ի ճարակաց , և  
եղինք մի գտցին առ մսուրս :  
Ես 'ի տէր յուսացայ , ցնծայցայց և ու-  
րախ եղէց յաստուած փրկիչ իմ :  
Տէր տէր ետ ինձ զօրութիւն , և կա-  
ցոյց զօտս իմ 'ի հաստատութեան ,  
'ի վերայ պարանոցի թշնամւոյն կացոյց  
զիս , և հանգոյց զիս երազ երազ :  
Փառք հօր և որդւոյ և :



ՄԱՂԹԱՆԻ

Լուր մեզ տէր լուր մեզ , աստուա-  
ծային ողորմութեամբ և գթութեամբ  
քո խնայեա յարարածս քո :  
Մարդասէր տէր վասն սրբուհ :

Զքարոզն եւ զաղօթս 'ի վերջն Ողորմեա կանոնին գլու-  
ցեա 'ի 186 երեսն ,



ՍՍ. ՂՄ ՈՍ ՃԻՐ.

Ալէլուիա . անդեայ եւ զաքարիայ :

Օրհնեցէք զտէր յերկնից, օրհնեցէք  
զնա 'ի բարձանց :

Օրհնեցէք զնա ամենայն հրեշտակք  
նորա, օրհնեցէք զնա ամենայն զօ-  
րութիւնք նորա :

Օրհնեցէք զնա արեգակն եւ լուսին,  
օրհնեցէք զնա ամենայն աստեղք եւ  
լոյսք :

Օրհնեցէք զնա երկինք երկնից, եւ  
ջուրք որ 'ի վերոյ քան զերկինս օրհ-  
նեցէք զանուն տեառն :

Ձի նա ասաց՝ եւ եղեն, հրամայեաց՝  
եւ հաստատեցան :

Ասցոյց զնոսա յաւիտեանս յաւիտե-  
նից, սահման եդ եւ ոչ անցանեն :

Օրհնեցէք զտէր յերկրէ վիշապք, եւ  
ամենայն խորք :

Հուր եւ կարկուտ, ձիւն եւ սառն,  
հողմ եւ մրրիկ՝ որքառնէք զբան նորա :

Լերինք և ամենայն բարձունք, ծառք  
պտղաբերք և ամենայն մայրք:  
Գաղանք և ամենայն անասունք, սո-  
ղունք և ամենայն թռչունք թեւա-  
ւորք:

Թագաւորք երկրի և զօրք իւրեանց, իշ-  
խանք և ամենայն դատաւորք երկրի:  
Երիտասարդք և կուսանք, ծերք և  
տղայք օրհնեցէք զանուն տեառն:  
Բարձրացաւ անուն նորա միայն, խոս-  
տովանու թիւն նմա յերկինս և յերկրի:  
Բարձր առնէ տէր զեզջիւր ժողովրդ-  
դեան իւրոյ, օրհնու թիւն նմա յամե-  
նայն սրբոց նորա յորդուցն իսրայէլի  
ժողովոյն՝ որ մերձ է առ տէր:

Տունք ժդ.

Ս Ա Ղ Մ Ո Ս ձ Խ Թ .

Ալէլուիա . անդեսոյ եւ զաքարիայ :

Օրհնեցէք զտէր յօրհնու թիւն ՚ի նոր,  
օրհնու թիւն նմա յեկեղեցիս սրբոց:  
Ուրախացի իսրայէլ յարարիչ իւր,

որդիք սիօնի ցնծասցեն 'ի թագաւորն  
իւրեանց :

Օրհնեսցեն զանուն նորա օրհնու-  
թեամբ, սաղմոսիւք և օրհնութեամբ  
սաղմոս երգեսցեն նմա :

Հաճի տէր ընդ ժողովուրդ իւրսուրբ,  
և բարձրառնէ զհեզս 'ի փրկութեան :  
Պարծեսցին սուրբքն փառօք, և ցըն-  
ծասցեն 'ի հանգիստ իւրեանց, և  
բարձր արասցեն զաստուած բերա-  
նօք իւրեանց :

Սուր երկասցրի ետ 'ի ձեռս նոցա,  
առնուլ զհաստուցումն 'ի հեթանո-  
սաց, 'ի յանդիմանութիւն ամենայն  
ժողովրդոց :

Ի կապել զթագաւորս նոցա կապա-  
նօք, զզօրավարս նոցա ձեռնակապօք  
երկաթեօք :

Առնել նոցա զատատանս ըստ գրոց,  
և փառք այս են ամենայն սրբոց նորա :



ՍԱՂՄՈՍ ԺԾ.

Ալէլուիա. անդեայ եւ զարթիայ :

Օրհնեցէք զաստուած 'ի սրբու թեան  
նորա, օրհնեցէք զնա 'ի հաստատու  
թեան 'ի զօրութեան նորա :

Օրհնեցէք զնա 'ի զօրութեան նորա,  
օրհնեցէք զնա 'ի բազում մեծութեան  
նորա :

Օրհնեցէք զնա 'ի ձայն օրհնութեան,  
օրհնեցէք զնա սաղմասիւք և օրհնու  
թեամբք :

Օրհնեցէք զնա ցնծութեամբ, գովե  
ցէք զնա ուրախութեամբք :

Օրհնեցէք զնա 'ի բանաքաղցր, գովե  
ցէք զնա 'ի բարբառ լսելի :

Օրհնեցէք զնա 'ի ձայն գոհութեան,  
ամենայն հոգիք օրհնեցէք զտէրք  
Տունքդ : Գորդոյս իը :

Կանոնս յիսր : Չորք Կանոնս Տունք ոյսր :

Միահամուս սաղմոս՝ Գորդոյս ծգ : Սաղմոս Էձ :  
Տունք 'ի սմա անկր :



Այս սաղմոս Ինքնագիր Դաւթի արտաքոյ թուոց :  
Ի ժամանակի զի եւ նա նաճատակ ընդդէմ գողիադու ,  
առաջի սաւուղայ եւ ամենայն զօրացն խորայելի :

Փոքր էի ես յեղբարս իմ, և կրտսեր  
ի տան հօր իմոյ, արածէի զխաշինա  
հօր իմոյ :

Չեռք իմ արարին զսաղմոսարան, և  
մատունք իմ կազմեցին զգործի օրհ-  
նութեան :

Իսկ արդ ո՞ սպատմեսցէ զայս տեառն  
իմում, ինքնին տէր ամենայնի լուիցէ  
զամենայն :

Եւ առաքեաց տէր զհրեշտակ իւր, և  
համբարձ զիս ՚ի հօտէ խաշանց հօր  
իմոյ, և էօժ զիս յօժումն իւղոյ իւրոյ :  
Եղբարք իմ մեծամեծք և գեղեցիկք,  
և ոչ հաճեցաւ ընդ նոսա տէր :

Ելի ես ընդդէմ սլաւոյսն, և նղո-  
վեցի զկուռս նորա :

Հանի զսուսերն ՚ի նմանէ և հատի  
զգլուխ նորին, և բարձի զնախատինա  
յորդւոցն խորայելի :

Փառք հօր և որդւոյ և :

# ՕՐՀՆՈՒԹԻՒՆ

ԵՐԻՑ ՄԱՆԿԱՆՑ

Դանիէլ դ.

Օրհնեալ ես տէր աստուած հարցն մերոց, օրհնեալ փառաւորեալ անուն քո յաւիտեան:

Յիրաւունս անցուցեր զայս ամենայն ընդ մեզ. արդար ես դու տէր, և ամենայն գործք քո ճշմարիտ են:

Ճանապարհք քո ուղիղ են, և ամենայն դատաստանք քո արդար են:

Դատաստան արդարութեան ածեր 'ի վերայ մեր ըստ ամենայնի, զոր ինչ ածեր 'ի վերայ մեր, և քաղաքի սրբոյ հարցն մերոց երուսաղէմի:

Արդարութեամբ և յիրաւի ածեր զայս ամենայն 'ի վերայ մեր վասն մեզաց մերոց:

Անօրինեցաք և յանցեաք ապստամբ լինել ի քէն, մեզաք յամենայնի և պատուիրանաց քոց մեք ոչ անսացաք:

Քչ սլահեցաք և ոչ արարաք որպէս պատուիրեցեր դու մեզ, զի զբարիս գտցուք մեք 'ի քէն:

Արդ՝ զամենայն զոր արարեր և զոր ինչ ածեր 'ի վերայ մեր, արդար դատաստանաւ արարեր:

Մատնեցեր զմեզ 'ի ձեռս թշնամեաց մերոց, անօրինաց, խստաց և ապստամբողաց:

Ի ձեռս թաղաւորի անօրինի և չարի քան զամե-

նայն երկիր, մատնեցեր զմեզ :

Եւ արդ՝ ոչ գոյ մեզ ժամ բանալ զբերանս մեր,  
զի ամօթ և նախատինք եղաք ծառայից քոյ  
պաշտօնէից :

Այլ մի՛ մատներ զմեզ իսպառ վասն անուան քո,  
մի՛ ցրեր զուխտս քո, և մի՛ ՚ի բացեայ առներ  
զողորմութիւնս քո ՚ի մէնջ :

վասն արբահամու սիրելոյ քո, իսահակայ ծա-  
ռայի քո, և իսրայէլի սրբոյ քոյ :

Խոստացար նոցա և ասացեր, բազմացուցից զզա-  
ւակ ձեր որպէս զաստեղս երկնից բազմութեամբ,  
և որպէս զաւազ առ եզր ծովու :

Եւ արդ տէր՝ նուաղեցաք մեք քան զամենայն  
ազգս, և եմք տառապեալ յամենայն երկրի այ-  
սօր վասն մեզաց մերոց :

Ոչ գոյ ՚ի ժամանակի յայսմիկ իշխան՝ մարգարէ և  
առաջնորդ, ոչ ողջակէզք պատարագաց, ոչ  
խունկք օրինաց, և ոչ տեղի պատարագս մատու-  
ցանելոյ առաջի քո, և զողորմութիւն գտանել  
՚ի քէն :

Այլ անձամբք խոնարհեալ և հոգւով տառապա-  
նաց ընդունելի լիցուք մեք որպէս զողջակէզք  
խոյոց և զուարակաց, և որպէս բիւրաւորս գա-  
ռանց պարարտաց :

Այնպէս ընդունելի լիցին պատարագք մեր այսօր  
առաջի քո, զի կատարեալ գացուք զկնի քո, և  
չիք ամօթ յուսացելոցս ՚ի քեզ :

Եւ արդ՝ դամք զհեա քո ամենայն սրտիւք մե-

բովբ , երկնչխմբ 'ի քէն և խնդրեմք զերևաս քո ,  
տէր մի՛ յամօթ առներ զմեզ ,

Այլ արա առ մեզ ըստ հեղուծեան քում , և ըստ  
բազում ողորմութեան քում , փրկեա զմեզ վասն  
սքանչելեաց քոց տէր , և փառաւորեացի անուն  
քո յաւիտեան .

Յամօթ լիցին ամենեքեան , որ չարչարեն զճա-  
ռայս քո , ամաչեցեալ լիցին բռնութիւնք նոցա ,  
և ամենայն զօրութիւնք նոցա խորտակեսցին .

Եւ ծանիցեն զի դու ես տէր աստուած միայն , որ  
փառաւորեալդ ես 'ի վերայ ամենայն տիեզերաց .  
Օրհնեալ ես դու , տէր աստուած հարցն մերոց ,  
դովեալ և առաւել բարձրացեալ յաւիտեան .

Եւ օրհնեալ է անուն սուրբ փառաց քոց , դով-  
եալ և առաւել բարձրացեալ յաւիտեան .

Օրհնեալ ես 'ի տաճարի փառաց սրբութեան քո ,  
դովեալ և .

Օրհնեալ ես 'ի վերայ աթոռոյ արքայութեան քո ,  
դովեալ և .

Օրհնեալ ես որ նստիս 'ի քրովբէս և հայկա յան-  
դունդս , դովեալ և .

Օրհնեալ ես 'ի վերայ հաստատութեան երկնից ,  
դովեալ և .

Օրհնեցէք ամենայն դօրժք տեառն զտէր . օրհ-  
նեցէք և բարձր արարէք զնա յաւիտեան .

Օրհնեցէք երկինք զտէր . օրհնեցէք և բարձր  
արարէք զնա յաւիտեան .

Օրհնեցէք հրեշտակք տեառն , և ջուրք որ 'ի

վերոյ երկնից զտէր . օրհնե .

Օրհնեցէք զօրութիւնք տեառն , արեգակն և լուսին զտէր . օրհնե .

Օրհնեցէք աստեղք երկնից , անձրեւք և ցօղք զտէր . օրհնե .

Օրհնեցէք ամենայն հողմք հօր և ջեր զտէր . օրհնե .

Օրհնեցէք ցուրտ և տօթ , ցօղ և ձիւնաբեր զտէր . օրհնե .

Օրհնեցէք սառն և պարզ , եղեամն և ձիւն զտէր . օրհնե .

Օրհնեցէք տիւք և դիշերք , լոյս և խաւար ըլտէր . օրհնե .

Օրհնեցէք ամպք և փայլատակունք և երկիր ըլտէր . օրհնե .

Օրհնեցէք լերինք բլուրք , և ամենայն բոյսք երկրի զտէր . օրհնե .

Օրհնեցէք աղբիւրք ծովք և դետք զտէր . օրհնե .

Օրհնեցէք կէտք և ամենայն կայտառք՝ որ 'ի ջուրս , և թռչունք երկնից զտէր . օրհնե .

Օրհնեցէք դաղանք և անասունք , և որդիք մարդկան զտէր . օրհնե .

Օրհնեցէք խորայել զտէր . օրհնեցէ և բարձր արասցէ զնա յաւիտեան .


Օրհնեցէք քահանայք զտէր . օրհնե .

Օրհնեցէք ծառայք տեառն զտէր . օրհնե .

Օրհնեցէք անձինք , և շունչք արդարոց զտէր . օրհնե .

Օրհնեցէք սուրբք և խոնարհք սրտիւք զտէր . օրհնե .

Օրհնեցէք անանիա աղարիա և միսայէլ զտէր,  
օրհնեցէք և բարձր արասրէք զնա յախտեան:



ՕՐՀՆՈՒԹԻՒՆ ՄԱՐԻԱՄՈՒ ԱՍՏՈՒԱԾԱԾՆԻՆ

Ղուկ. ա.

Մեծացուցէ անձն իմ զտէր, և ցնծացէ հողի  
իմ աստուծով փրկչաւ իմով:

Այց արար ՚ի վերայ խոնարհութեան աղախնոյ  
իւրոյ, այսուհետեւ երանիցեն ինձ ամենայն ազգք:  
Արար ընդ իս մեծամեծս հզօրն, և սուրբ է անուն  
նորա:


Ողորմութիւն արար ազգաց յազգս երկիւղածաց  
իւրոյ, արար զօրութիւն բազկաւ իւրով:

Յրուեաց զամբարտաւանս ՚ի մտաց սրտից, և քակեաց  
զհզօրս յաթուոց:

Զխոնարհս բարձրացոյց, զկարօտս ելից բարութեամբ,  
և զմեծատունս արձակեաց ունայնս:

Պաշտպանեաց իօրայէլի ծառայի իւրոյ, յիշելով  
զողորմութիւն իւր:

Որպէս խօսեցաւ առ հօրսն մեր՝ ընդ արբահամու  
և զաւակի նորա յախտեան:



ՕՐՀՆՈՒԹԻՒՆ ԶԱՔԱՐԻԱՅԻ ՀՕՐՆ

ՅՈՎՀԱՆՆՈՒ ՄԿՐՏԻ

Ղուկ. ա.

Օրհնալ տէր աստուած իօրայէլի, որ յայց ել՝

և արար փրկութիւն ժողովրդեան իւրոյ :  
Յարոյց մեզ եղչիւր փրկութեան 'ի տանէ դաւթի  
Յառայի իւրոյ, որպէս խօսեցաւ բերանովք սրբ.  
բոյն՝ որ յախտենից մարդարէքն էին :  
փրկութիւն 'ի թշնամեաց մերոյ, և 'ի ձեռաց ամե-  
նայն ատելեաց մերոյ :

Աննել ողորմութիւն առ հարմե մեր, և յիշել ըզ-  
կտակարանս սրբութեան իւրոյ :  
Էրգումն զոր երգուաւ արրահամու հօր մերոյ,  
տալ մեզ առանց երկիւղի զփրկութիւն 'ի թըշ-  
նամեաց մերոյ :

Պաշտել զնա սրբութեամբ և արդարութեամբ  
առաջի նորա, զամենայն աւուրս կենաց մերոյ :  
Էւ դու մանուկ՝ մարդարէ բարձրելոյն կոչես իւր,  
գնացես առաջի տեառն պատրաստել զճանա-  
պարհս նորա :

Տալ զգիտութիւն փրկութեան ժողովրդեան իւրոյ,  
'ի թողութիւն ամենայն մեղաց մերոյ :

Վասն զթոյ ողորմութեան տեառն աստուծոյ մե-  
րոյ, որով երևեցաւ մեզ արեգակն 'ի բարձանց,  
լուսաւոր առնել զխաւար մեր :

Յագեւ ըյս 'ի վերայ սոսոցիկ՝ որ նստէաք 'ի խա-  
ւարի և 'ի ստուերս մահու, ուղղել զոտս մեր 'ի  
ճանապարհս խաղաղութեան :



ԱՂՕԹՔ ՍԻՄԷՈՎՆԻ ԾԵՐՈՒՆՈՅՆ

Ղուկ . Բ :

Արդ արձակեա զժառայս քո տէր ըստ բանի քում՝ ի  
խաղաղութիւն . զի տեսին աչք իմ՝ զփրկութիւն քո,  
զոր պատրաստեցեր առաջ ի ամենայն ժողովրդոց :  
Լոյս յայտնեցար հեթանոսաց , և փառք ժողովրդեան  
քում իսրայէլի :



ԱՂՕԹՔ ԱՊԱՇԽԱՐՈՒԹԵԱՆ ՄԱՆԱՍԷԻ ԹԱԳԱՌՈՐԻՆ

Տէր ամենակալ աստուած արբահամու , խահա  
կոյ , յակօբայ և զաւակի նոցա արդարոց . ամե  
նակալ տէր՝ թող զմեզս իմ :

Որ արարեր զերկինս և զերկիր՝ և զամենայն զարդ  
նոցա . ամենակալ տէր :

Որ կապեցեր զժով բանիս հրամանի քո , փակեցեր  
զխորս , կնքեցեր ահաւոր և փառաւորեալ ան  
ուամբ քով սրբով . ամենակալ տէր :

Որ ամենայն ինչ սարսի և գողոյ յերեսաց ահի  
զօրութեան քո . ամենակալ տէր :

Անբաւ է մեծ վայելչութիւն փառաց սրբութեան  
քո , սաստիկ է բարկութիւն սպառնալեաց քոց  
ի վերայ մեղաւորաց , անչափ և անքննին են ու  
զորմութիւնք աւետեաց քոց . ամենակալ տէր :  
Դու տէր բարձեալ , գթած , երկայնամիտ , բա

դումնողորմ, և զյճանաս 'ի վերայ չարեաց մարդկան .  
ամենակալ տէր :

Դու աստուած՝ ոչ եղեր տպաշխարութիւն վասն  
արդարոյն՝ արրամու, խահակայ և յակոբայ, որք  
ոչ մեղան քեզ . ամենակալ տէր :

Այլ եղեր տպաշխարութիւն վասն իմ մեղաւո-  
րիս, զի մեղայ աւելի քան զաւաղ ծովու, և բազ-  
մացան անօրէնութիւնք իմ . ամենակալ տէր :

Չեմ արժանի հայիլ և տեսանել զբարձրութիւնս  
երկնից՝ 'ի բազմութենէ անօրէնութեան իմոյ . ա-  
կորացեալ եմ ես 'ի բռնութենէ կապանաց երկա-  
թից, և ոչ գոյ ինձ հանդիստ . ամենակալ տէր .  
Բարկացուցի զսրտմտութիւն, և չար առաջի քո  
արարի, կանգնեցի պատկեր և բազմացուցի ըզ-  
ցասումն . ամենակալ տէր :

Եւ արդ տէր՝ խոնարհեցուցանեմ զծունր սրտի  
իմոյ, և հայցեմ 'ի քաղցրութենէ քումմէ . ա :

Մեղայ տէր մեղայ, և զանօրէնութիւնս իմ ես  
ինձէն գիտեմ . ամենակալ տէր :

Ազաչեմ և խնդրեմ 'ի քէն՝ թող ինձ տէր, թող  
ինձ, և մի՛ կորուսաներ զիս ըստ անօրէնութեան  
իմոյ . ամենակալ տէր :

Մի՛ յաւիտեան բարկանար ինձ տէր, և մի՛ յիշեր  
զչարիսն իմ, և մի՛ պարտաւորեր զիս ընդ իջեալսն  
'ի ներքոյ երկրի չարեօք . ամենակալ տէր :

Չի դու աստուած՝ աստուած տպաշխարողայ ես,  
և յիս ցոյց զբարեբարութիւնդ քո, որ անարժան  
եմ . ամենակալ տէր :

Նեցուցես զիս ըստ բազում սղորմոս թեան քում .

և ես օրհնեցից զքեզ զամենայն աւուրս կենաց  
խնոց . ամենակալ տէր :

Զքեզ տէր օրհնեն ամենայն զուարթունք երկ-  
նից . և քո են փառք յաւիտեանս . ամէն :

Փառք հօր և որդւոյ և : Այժմ՝ և միշտ եւ :

Աղաչեմ և խնդրեմ՝ ի քէն տէր , թողինձ զմեզս իմ-  
բազումողորմ տէր՝ ողորմեա ինձ :

Աստուած՝ քաւեա՛ զիս զմեզաւորս ՚ի մեղաց և  
կեցո :

Արարիչ իմ և յոյս աստուած՝ դժա ՚ի մեղուցեալ  
ծառայս , և ողորմեա ինձ բազմամեղիս :

Ամէնօրհեալ սրբուհի և միշտ կոյս աստուածածին  
մարիամ , բարեխօսեա առ տէր վասն իմ մեղա-  
ւորիս :

Ամենայն սուրբք աստուծոյ՝ բարեխօսեցէք առ  
հայր ՚ի յերկինս վասն մեր մեղաւորացս :

Քրիստոս որդի աստուծոյ անօխակալ՝ ընկալ զա-  
ղաչանս մեր , զի ՚ի քեզ են ասպա ինեալ անձինք  
մեր :

Յաղթող զօրութեամբ՝ սուրբ և կենդանարար և  
պատուական խաչիւ քո տէր՝ պահպանեա զմեզ :  
Առաքեա տէր զհրեշտակ խաղաղութեան քո , որ  
եկեալ պահեացէ զմեզ անխառվս ՚ի տուէ և ՚ի-  
դիշերի :

Եւ մարդասիրութեամբ քո յիշեա զմեզ տէր յիշեա  
զմեզ յորժամ դաս արքայութեամբ քով , և ողոր-  
մեա մեզ :



Նախադրութիւնք խրատականք յաղաքս աղօթիցն,  
զոր արարեալ է Տեառն Ներսէսի եղբօրն Գրի-  
գորիսի հայոց կաթօւղիկոսի:

Աղօթք հասարակաց քրիստոնէից մեծաց և փո-  
քունց, զոր պարտին ուսանիլ ամենեքեան՝ և ու-  
սուցանել զմիմեանս. քահանայք՝ զԺողովուրդս,  
հարք՝ զորդիս, մարք՝ զդատերս, և ընկեր՝ զընկերն  
իւր: Եւ աղօթեսցեն սովաւ յաւուրն հինգ անգամ՝  
երկոտասան ծնրադրութեամբ՝ ՚ի ժամօնն, այսինքն՝  
յառաւօտուն, ՚ի ճաշուն, ՚ի հասարակ աւուրն,  
յերեկոյին, և ՚ի հանգստեան: Ապա թէ պղերգ-  
ոք լինիցի և ծուլանայ զհինգ ժամ աղօթս կա-  
տարել, աղօթեսցէ չորս անգամ, կամ երեք ան-  
գամ, կամ երկու անգամ, կամ մի անգամ, յաւուրն.  
որ միայն ճանաչի թէ քրիստոնեաց է, և զինքն  
ծանիցէ թէ արարած եմ աստուծոյ և երկրպա-  
գու նորա: Եւ թէ զամենայն բանս աղօթիցն հեղ-  
դայ ուսանիլ, (որք և զսատանայական երգս բա-  
ղուսն փութով ուսանին,) ուսցի զկէս սորա, կամ  
այլ նուազ. զի թէ տունս երիս ուսանիցին ՚ի սը-  
մանէ, և աղօթեսցեն երիս ծնրադրութեամբ ՚ի  
ժամօնն, ընդունելի է առաջի աստուծոյ: Ապա  
թէ ոք ՚ի քրիստոնէիցն անփոյթ առնէ զսա յու-  
սանելոյ և յաղօթելոյ, յանդիմանեսցի և ՚ի մուար  
Ժողովոյն այլազգեաց. որք զաղօթսն զոր ուսոյց  
նոցա, ՚ի պատերազմօնս անգամ ոչ խափանեն՝

Թող թէ 'ի խաղաղութեան, իսկ մեր ժողովուրդք արտաքոյ աղօթից տեղւոյ բնաւ ոչ յիշեն զանունն աստուծոյ. զի ոչ ունին փոյթ 'ի կարգս աղօթից որպէս զաստուածսլաչտս, այլ սիրեն զդատարկաբանութիւն քան զաղօթս. էւ թէ երբեմն դան ոմանք յաղօթել առ քահանայն, կամ փակեալ բերանով կանգնին, կամ զբուցատրութիւնս առնեն ընդ միմեանս. զի ոչ ինքեանք գիտեն բանս աղօթից, և ոչ քահանայից միտ դնեն սաղմոսաց և պաշտամանց. վասն այսր պատճառի արարաք զաղօթս զայս պարզ և յստակ բառիւ վասն տխմարաց դիւրահաս լինելոյ. որ է սակաւ ըստ բանից՝ տունս քսան և չորս, ըստ ժամուց տունջեան և գիշերոյ, և ըստ տառից սրբոց մարգարէիցն, և զօրաւոր ըստ մտաց զի զհոլովագոյն պէտս խնդրուածոց մերոց որ յաստուծոյ՝ ունի յինքեան, և տուաք ժողովրդեան մերում յուսումն. զի ամենայն անձն քրիստոնէի ուսցի զսա, և ուր հանդիպեսցին 'ի ժամ աղօթիցն՝ խօսեսցին սովաւ ընդ աստուծոյ, թէ յեկեղեցի՝ թէ 'ի տան՝ թէ յանդի՝ թէ 'ի գործ ինչ՝ թէ 'ի ճանապարհի. էւ որք ուսանին զսա և աղօթեսցեն մտադրութեամբ՝ շերմեռանդ սրտիւ և արտաուօք, ամենայն խնդրուածք որ գրեալ են 'ի սմա՝ կատարեսցին 'ի կենդանութեան և յետ մահու. իսկ որք արհամարհեն և ոչ ուսանին և ոչ աղօթեսցեն, ինքեանք տեսցեն զվնաս անձանց իւրեանց. մեք հատաք 'ի մէնջ զպատճառն՝ առնելով զաղօթս զայս. զի մի այլ եւս պատճառես.





ԱՂՕԹՔ ԻՒՐԱՔԱՆՁԻՐ ԱՆՁԻՆ ՀԱԻԱՏԱՅԵԼՈՅ

Ի ՔՐԻՍՏՈՍ

Զոր արարեալ է սրբոյ տեառն Ներսէսի  
հայոց կաթուղիկոսի :

Հաւատով խոստովանիմ, և երկիր պաղանեմ քեզ  
հայր և որդի և սուրբ հոգի, անեղ և անմահ բնու-  
թիւն, արարիչ հրեշտակաց և մարդկան և ամե-  
նայն եղեւոյ . ողորմեա քո արարածոց և ինձ բաղ-  
մամեղիս :

Հաւատով խոստովանիմ, և երկիրպաղանեմ քեզ  
անբաժանելի լոյս, միասնական սուրբ երրորդու-  
թիւն և մի աստուածութիւն, արարիչ լուսոյ և  
հալածիչ խաւարի . հալածեա ՚ի հոգւոյ խմկէ ըղ-  
խաւար մեղաց և անդխտութեան, և լուսաւորեա  
ղմխտս իմ ՚ի ժամուռ յայսմիկ աղօթել քեզ ՚ի հա-  
ծոյս, և ընդունել ՚ի քէն զխնդրուածս իմ . և ո-  
ղորմեա քո արարածոց և ինձ բաղմամեղիս :

Հայր երկնաւոր աստուած ճշմարիտ՝ որ առաքե-  
ցեր զորդիդ քո սիրելի ՚ի խնդիր մնորեալ ոչխա-  
րին, մեղայ յերկինս և առաջի քո . ընկալ զիս որ-  
պէս զանառակ որդին, և զգեցո ինձ զպատմու-  
ճանն զառաջին՝ զոր մերկացոյ մեղօք . և ողորմեա  
քո արարածոց և :

Որդի աստուծոյ աստուած ճշմարիտ՝ որ խանար-  
հեցար ՚ի հայրական ծոցոյ՝ և առեր մարմին ՚ի

որբոյ կուսէն մարիամայ վասն մերոյ փրկութեան ,  
խաչեցար , թաղեցար և յարեար 'ի մեռելոց' և  
համբարձար փառօք առ հայր , մեղայ յերկինս և  
առաջի քո . յիշեա զիս որպէս զաւազակն՝ յոր  
ժամ դաս արքայութեամբ քով . և ողորմեա քո  
Հոգի աստուծոյ աստուած ճշմարիտ՝ որ իջեր 'ի  
յորդանան և 'ի վերնատունն , և լուսաւորեցեր  
զիս մկրտութեամբ սուրբ աւաղանին , մեղայ յեր-  
կինս և առաջի քո . մաքրեա զիս վերստին աս-  
տուածային հրով քով՝ որպէս հրեղէն լեզուօք  
սուրբ զառաքեալնն . և ողորմեա քո արարածոյ  
Անեղ բնութիւն՝ մեղայ քեզ մտօք իմովք , հոգ-  
ւով և մարմնով իմով՝ մի՛ յիշեր զմեզս իմ զառա-  
ջինս՝ վասն անուանդ քում՝ սրբոյ . և ողորմեա  
Տեսող ամենայնի՝ մեղայ քեզ խորհրդով բանիւ և  
գործով . ջնջեա զձեռագիր յանցանաց իմոց , և  
գրեա զանուն իմ 'ի գպրութեան կենաց . և ողոր-  
բննող դաղանեաց՝ մեղայ քեզ կամաւ և ակամայ ,  
գիտութեամբ և անգիտութեամբ . թողութիւն շը-  
նորհեա մեղաւորիս , զի 'ի ծննդենէ սուրբ աւա-  
զանին մինչև զայսօր մեղուցեալ եմ առաջի աս-  
տուածութեանդ քո զգայարանօք իմովք , և ամե-  
նայն անգամօք մարմնոյս . և ողորմեա ,  
Ամենախնամ տէր՝ զիր պահասպան աչաց իմոց  
զերկիւզ քո սուրբ ոչ եւս հայիլ յարատ . և ա-  
կանջաց իմոց՝ ոչ ախորժել լսել զբանս չարու-  
թեան . և բերանոյ իմոց՝ ոչ խօսիլ զստութիւն . և  
սրտի իմոց՝ ոչ խորհիլ զչարութիւն . և ձեռաց իմոց՝



ոչ գործել զանիրաւութիւն , և ոտից իմոց՝ ոչ գնալ  
'ի ճանապարհս անօրէնութեան . այլ ուղղեալ զչար-  
ժութիւնս սոցա լինել միշտ ըստ պատուիրանաց քոց , յա-  
մենայնի . և ողորմեա :

Հուր կենդանի քրիստոս՝ զհուր սիրոյ քո՝ զոր  
արկեր յերկիր , բորբոքեալ յանձն իմ՝ զի այրեսցէ  
զախտ հոգւոյ իմոյ , և սրբեսցէ զխիղճ մտաց ի-  
մոյ , և մաքրեսցէ զմեղս մարմնոյ իմոյ : և վառես-  
ցէ զլոյս գիտութեան քո՝ 'ի սրտի իմում . և ողոր-  
մաստութիւն հօր յիսուս՝ տուր ինձ իմաստու-  
թիւն , զբարիս խորհիլ և խօսիլ և գործել առաջի  
քո յամենայն ժամ . 'ի չար խորհրդոց՝ 'ի բանից և  
'ի գործոց վերկեալ զիս . և ողորմեա քո :

Կամեցող բարեաց տէր կամարար՝ մի՛ թողուր զիս  
'ի կամս անձին իմոյ գնալ . այլ առաջնորդեալ ինձ  
լինել միշտ ըստ կամաց քոց բարեսիրաց . և ողոր-  
միրքայ երկնաւոր՝ տուր ինձ զարքայութիւն քո ,  
զոր խոստացար սիրելեաց քոց՝ և զօրացս զսիրա-  
սիւնս առել զմեղս , և սիրել զքեզ միայն , և առնել  
զկամս քո . և ողոր :

Ինամոզ արարածոց՝ պահեալ նշանաւ իռաչի քո  
զհոգի և զմարմին իմ՝ 'ի պատրանաց մեղաց , 'ի  
փորձութեանց դիւաց , և 'ի մարդոց անիրաւաց ,  
և յամենայն վտանգից հոգւոյ և մարմնոյ , և ողոր-  
մահապան ամենայնի քրիստոս՝ աջ քո հովանի  
լիցի 'ի վերայ իմ՝ 'ի տուէ և 'ի գիշերի , 'ի նստիլ  
'ի տան , 'ի գնալ 'ի ճանապարհ , 'ի ննջել և 'ի յառ-  
նել՝ զի մի՛ երբէք սասանեցայց . և ողորմեա քո :

Աստուած իմ՝ որ բանաս զձեռն քո, և շնուս զամենայն արարածս ողորմութեամբ քով, քեզ յանձն առնեմ զանձն իմ. դու հոգա և պատրաստեա ըզպէսս հոգւոյ և մարմնոյ իմոյ յայսմհետէ մինչեւ յաւիտեան. և ողորմեա:

Դարձուցիչ մոլորելոց՝ դարձս զիս՝ ի չար սովորութեանց իմոց՝ ի բարի սովորութիւն՝ և բեւեռեա ի հոգի իմ՝ զսոսկալի օր մահուն, և զերկիւղ դեհենին, և զսէր արքայութեանն, զի զլջացայց ի մեզաց՝ և դորժեցից զարդարութիւն. և ողորմեա: Աղբիւր անմահութեան՝ ազբերացո ի սրտէ իմմէ զարտասուս ապաշխարութեան որպէս պոռնկին. զի յուացից զմեզս անձին իմոյ յառաջ քան զելանելն իմ՝ յաշխարհէս. և ողոր:

Պարգեւիչ ողորմութեան՝ սարգեւեա ինձ ուղ զախառ հաւատով, և բարի դորժով, և սուրբ մարմնոյ և արեան քս հաղորդութեամբ դալ առ քեզ. և ողոր:

Բարերար տէր՝ հրեշտակի բարւոյ յանձն արասցեսս զիս՝ քաղցրութեամբ աւանդել զհոգի իմ, և անխռով անցուցանել ընդ չարութիւն այսոցն՝ որ են ի ներքոյ երկնից. և ողորմեա:


Լոյս ձյմարիտ քրիստոս՝ արժանաւորեա զհոգի իմ ուրախութեամբ տեսանել զլոյս փառաց քոյ ի կոչման աւուրն, և հանգչիլ յուսով բարեաց յօթեանս արդարոց մինչեւ յօր մեծի դալստեան քո. և ողորմեա:

Դատաւոր արդար՝ յորժամ դաս փառօք հօր դա

տէլ զկենդանիս և զմեռեալս, մի՛ մտաներ 'ի դատաստան ընդ ծառայի քում. այլ փրկեա զիս 'ի յաւիտենական հրոյն, և լսելի արա ինձ զերանաւէտ կոչումն արդարոց յերկնից արքայութիւնդ և ողորմեա:

Ամէնողորմ տէր՝ ողորմեա ամենայն հաւատացելոց 'ի քեզ, իմոց և օտարաց ծանօթից, և անծանօթից, կենդանեաց և մեռելոց. շնորհեա և թըշնամեաց իմոց և տուելեաց զթողութիւն որ առ իսյանցանաց, և դարձս զնոսա 'ի չարեացն զոր սնին վասն իմ, զի ողորմութեանդ քում արժանի եղիցին. և ողորմեա:

Փառաւորեալ տէր՝ ընկալ զազաչանս ծառայիս քո, և կատարեա 'ի բարի զխնդրուածս իմ՝ բարեխօսութեամբ սրբուհւոյ աստուածածնին և յովհաննու մկրտչին, և սրբոյն ստեփաննոսի նախավրկային, և սրբոյն գրիգորի մերոյ լուսաւորչին, և սրբոց առաքելոց՝ մարգարէից՝ վարդապետաց՝ մարտիրոսաց՝ հայրապետաց՝ ճգնաւորաց՝ կուսանաց, և ամենայն սրբոց քոց երկնաւորաց և երկրաւորաց: Եւ քեզ փառք և երկրպագութիւն անբաժանելի սուրբ երրորդութեանդ յաւիտեանս յաւիտենից, ամէն:




ՄԱՂԹԱՆՔԻ ԶՕՐԱԽՈՐՔ ԱՐՀԱԻՐԱՅ ԳԻՇԵՐԱՅՆՈՅ

ՅԵՐՐՈՅՆ ԳՐԻԳՈՐԻ ՆԱՐԵԿԱՅԸՆՅ ԱՍԱԿԵԱԿ :

Բան ժր :

Ընկալ քաղցրութեամբ, տէր աստուած հզօր, ըզ  
դառնացողիս զաղաչանս. մատիբ գթութեամբ առ  
պատկառեալս դիմօք. փարատեա, ամենապար  
գեւ, զամօթական տխրութիւնս. բարձ յինէն,  
ողորմած, զանբերելի ծանրութիւնս. անջրպե  
տեա, հնարաւոր, զմահացու կրթութիւնս. աւա  
րեա, միշտ յաղթող, զխաբողին հաճութիւնս.  
բացադրեա, վերնային, զմուլելոյն մառախուղ  
կնքեա, կեցուցիչ, զկորուսչին ընթացմունս. ցըր  
ուեա, ծածկատես, զըմբռնողին չար գտմունս.  
խորտակեա, անքննին, զմարտողին դիմեցմունս.  
Տեառնադրեա քո անուամբդ զլուսանցոյց երդ  
յարկիս. սլարփակեա քո ձեռամբդ զառաստաղ  
տաճարիս. գծադրեա քո արեամբդ զմուտ սեմոց  
սենեկիս. կերպացո զքո նշանդ 'ի հետս ելից  
մաղթողիս. ամրացո քո աջովդ զհանգստեանս  
խշտի. մաքրեացես 'ի հաղբից զծածկարան ան  
կողնոյս. պահեացես քո կամօքդ զտառապեալ  
անձն ոգւոյս. անխարդախ արացես զքո շնորհ  
եալ շունչ մարմնոյս. կացուացես շրջափակ զպար  
զօրուդ երկնայնոյ. կարգեացես 'ի դիմի ընդդէմ  
դիււաջն դասու. Տուր հանգիստ բերկրութեան  
մահահանգոյնս նիրհման 'ի խորութեան գիշերիս.

բարեխօսութեամբ հայցուածոյ սրբոյ աստուածածնիդ և ամենայն ընտրելոյ : Ամիօփեալ պարուրեա զպատուհան տեսութեանց զգայարանացս իմաստից անղարհուրելի զէտեղմամբ 'ի ծփական խռովութեանց , կենցաղական դբաղմանց , անբջական երազոց , խողականաց ցնորից , յիշատակաւքոյուսոյդ անվնասելի պաշտպանեալ , Եւ սթափեալ վերստին 'ի ննջմանէ ծանրութեան ամենազգաստ արթնութեամբ , հոգենորոգ զուարթութեամբ 'ի քեզ արձանացեալ զայս ձայն մաղթանաց բուրմամբ հաւատոյ քեզ՝ ամենօրհնեալ թագաւոր փառաց անճառից փառաբանողաց երկնագումար խմբից երգակցեալ յերկինս առաքել : Զի դու փառաւորեալ ես յամենայն արարածաց յաւիտեանս յաւիտենից . ամէն :



ԱՂՕԹՔ ԵՐԵԿՈՅԵԱՆ

Նորին սրբոյն Գրիգորի :

Բան զդ :

Աստուած յաւիտենական , բարերար և ամենակալ տակզծիչ լուսոյ , և յօրինիչ զիշերոյ . կեանք 'ի մահու , և լոյս 'ի խաւարի . յոյս ակն ունողաց , և երկայնմտութիւն տարակուսելոց : Որ ամենարուեստ իմաստութեամբ քո՝ զարձուցանես յայդ զստուերս մահու , աննուազ ծաղումն և անմուտ արեղակն . քանզի ոչ զօրէ ծածկել զփառս տէրութեան քո խաւար զիշերոյ : Որում կրկնի ծունր երկրպագ ու-

Թեան ամենայն եղելոց՝ երկնաւորաց և երկրաւորաց, և սանդարամետականաց. որ լսես զհեծութիւն կասելոց, և հայիս յաղօթս խոնարհաց, և ընդունիս զխնդրուածս նոցա. աստուած իմ և թագաւոր իմ. կանք իմ և ապաւէն իմ. յոյս իմ և վստահութիւն իմ. յիսուս քրիստոս աստուածդ ամենայնի. սուրբդ հանգուցեալ ՚ի հոգիս սրբոց, մխիթարութիւն վշտաց՝ և քաւարան մեղուցելոց, որ դիտես զամենայն յառաջ քան զլինել նոցա. առաքեա զպահպանողական զօրութիւն աջոյ քո, և փրկեա զիս յերկիւղէ դիչերի և ՚ի դիւէ չարէ. Որպէս զի զյիշատակ սոսկալի և սուրբ քո անուանըդ՝ միշտ համբուրեալ շրթամբք հոգւոյ՝ ըղձութեան շնչոյ, կեցից պահպանեալ ընդ այնոսիկ՝ որ կարդան զքեզ ՚ի բոլոր սրտէ. Եւ ՚ի դրօշմէ խաչի քոյոյ նշանիդ, զոր աստուած այինն արեամբդ քո ներկեալ նորոգեցեր, և ՚ի նոյն շնորհ որդեգրութեան զմեզ մկրտեցեր, և ՚ի փառս պատկերի քո նկտրեալ յօրինեցեր. այսու պարդեւօք աստուածականօք՝ ամաչեցէ աստանոյ. քահաւեսցին մեքենայքն. բարձցին որոգայթքն. պարտեցին մտրտուցեալքն. պակասեցին զէնքն սայրասուրբ. մերժեցի մէզն. փոքրատեցի խաւարն. մեկնեցի մառախուղն. Բազուկ քո հովանասցի, և աջ քո կիքեցէ. վասն զի զթամ կս և ողորմած, և ա՛նուն քո կոչեցեալ է ՚ի վերայ ծառայից քոց. Եւ քեզ ընդ հօք՝ հոգւովդ սրբով՝ փառք և իշխանութիւն յու խոնանս յու խոննից. ամեն:

ԱՂԹՔ ԶՕՐԱԽՈՐ

Նորին Արքայն Գրիգորի :

Բան խա :

Որդի աստուծոյ կենդանոյ օրհնեալ յամենայնի .  
հօրդ ահաւորի անքննին ծնունդ , որ տկարանայ  
առ 'ի քէն և ոչինչ . որ 'ի ծագել անստուեր նշու-  
լից սղորմս թեան քո փառաց , հալին մեղք , հա-  
լածին դեւք , ջնջին յանցանք , խղին կապանք ,  
խորտակին շղթայք , կենդանածնին մահացեալք ,  
բժշկին հարուածք , ողջանան վէրք , բառնին ա-  
ստականութիւնք , տեղի տան տիրութիւնք , նա-  
հանջին հեծութիւնք , փախնու խաւարն , մեկնի  
մէզն , մերժի մառախուղն , փարատի մուայն , բս-  
պառի աղջամուղջն , վերանայ մութն , դնայ դի-  
շերն , տարադրի տադնագն , չքանան չարիքն ,  
հալածին յուսահատութիւնքն , և թաղաւօրէ ձեռն  
քոյ ամենակար , քաւիչդ ամենայնի : Որ ոչ եկիր  
կորուսանել զմարդկան ողխ , այլ կեցուցանել .  
թող ինձ զանթիւ շարիան իմ բաշում ողորմու-  
թեամբդ , զի դու միայն ևս յերկնի անձառ , և  
յերկրի անդնին , 'ի տարր դոյի , և յեզրս ծագաց  
այխարհի , սկիզբն ամենայնի և յամենայն 'ի ամե-  
նայն լրմամբ , օրհնեալ 'ի բարձունս , և քեզ ընդ  
հօր և հողւոյդ սրբոյ փառք յախտանս , ամէն :



ՀՐԱԺԱՐՈՒՄՆ

Հրաժարիմք 'ի սատանայէ և ամենայն խարէութենէ նորա, 'ի պատրանաց նորա, 'ի խորհրդոց նորա, 'ի գնացից նորա, 'ի շար կամաց նորա, 'ի շար հրեշտակաց նորա, 'ի շար սլաշտօնէից նորա, 'ի շար կամարարաց նորա, և յամենայն շար զօրութենէ նորա՝ հրաժարելով հրաժարիմք :

Չայս երիցս կրկնէ՝ երես 'ի յարեւմուտս եւ ձեռս 'ի կորունկով եւ ապա դառնայ յարեւելս, եւ սկսանի զդուանութիւն ուղղափառ հաւատոյ, բացազուխ եւ ձեռնամած կերպիւ, եւ ասէ :

Խոստովանիմք և հաւատամք ամենակատար սրտիւ զհայրն՝ աստուած՝ անեղ, անձին, և անսկիզբն . այլ եւ ծնող որդւոյ և բղխող հոգւոյն սրբոյ : Հաւատամք զբանն աստուած՝ անեղ, ծնեալ, և սկսեալ 'ի հօրէ նախ քան զյաւխտեանս . ոչ յետոյ և ոչ կրտսեր, այլ որքան հայրն հայր՝ ընդ նմին և որդին սրգի : Հաւատամք զսուրբ հոգին աստուած անեղ, անժամանակ . ոչ ծնեալ՝ այլ բղխեալ 'ի հօրէ . էակից հօր և փառակից որդւոյ : Հաւատամք զերթորդութիւնն սուրբ՝ մի բնութիւն, մի աստուածութիւն . ոչ երեք աստուածք, այլ մի աստուած, մի կամք, մի թագաւորութիւն, մի իշխանութիւն . արարիչ երեւելեաց և աներեւութից : Հաւատամք յեկեղեցի սուրբ՝ զթողութիւն մեղաց՝ հաղորդութեամբ սրբոց : Հաւատամք զմին յերից անձանց զբանն աստուած՝ ծնեալ 'ի հօրէ նախ քան



դյաւիտեանս. 'ի ժամանակի իջեալ յաստուածածին  
 կոյսն Մարիամ, առեալ յարենէ նորա՝ միաւորեաց  
 ընդ իւրում աստուածութեանն. իննամսեայ ժուժ-  
 կալեալ յարդանդի անարատ կուսին. և եղև աստ-  
 ուածն կատարեալ՝ մարդ կատարեալ, հոգւով և  
 մտք և մարմնով. մի անձն, մի դէմ, և միաւորեալ  
 մի բնութիւն. Աստուածն մարդացեալ առանց վե-  
 րիսման և առանց այլայլութեան. անսերմն յղու-  
 թիւն և անապական ծնունդ. որպէս ոչ է ակիզրն  
 աստուածութեան նորա՝ և ոչ վախճան մարդկու-  
 թեան նորա: (Ձի Յիսուս Գրիստոս երէկ և այսօր՝  
 նոյն և յաւիտեան): Հաւատամք զտէրն մեր Յիսուս  
 Գրիստոս շրջեալ 'ի վերայ երկրի. յետ երեսուն ա-  
 մաց եկեալ 'ի մկրտութիւն, Հայր 'ի վերուստ վկայ-  
 եալ՝ դա՛ է սրդի իմ սիրելի. և հոգին սուրբ ա-  
 զանակերպ իջեալ 'ի վերայ նորա: Փորձեալ 'ի սա-  
 տանայէ և յաղթեալ նմա: Քարոզեալ մարդկան ըղ-  
 փրկութիւն: Աշխատեալ մարմնով, վաստակեալ  
 քաղցեալ՝ և ծարաւեալ: Յետոյ եկեալ կամաւ 'ի  
 շարշարանս, խաչեալ և մեռեալ մարմնովն, և կեն-  
 դանի աստուածութեամբն: Մարմինն եղևալ 'ի  
 դերեզմանի՝ միաւորեալ աստուածութեամբն, և  
 հոգւովն իջեալ 'ի դժոխս՝ անբաժանելի աստուա-  
 ծութեամբն: Քարոզեալ հոգւոցն՝ աւերեալ զդը-  
 ժոխս՝ և ազատեալ զհոգիս: Յետ երից աւուրց յա-  
 րուցեալ 'ի մեռելոց և երեւեալ աշակերատոյն:  
 Հաւատամք զտէրն մեր Յիսուս Գրիստոս՝ նովին  
 մարմնովն համբարձեալ յերկինս և նստեալ ընդ

աջմէ հօր, Այլեւ գալոյ է նովին մարմնովն և փառօք  
հօր՝ 'ի դատել զկենդանիս և զմեռեալս . որ և յա-  
րութիւն ամենայն մարդկան : Հաւատամք և զհա-  
տուցումն դործոյ , արդարոցն կեանք յախտենա-  
կան , և մեղաւորացն տանջանք յախտենական :

ՁՂՁՈՒՄՆ

Մեղայ ամենասուբբ Երրորդութեանն՝ Հօր և Որդ-  
ւոյ և հօգւոյն սրբոյ : Մեղուցեալ եմ՝ Աստուծոյ :  
Խոստովանիմ առաջի Աստուծոյ՝ և սրբուհւոյ Աս-  
տուածածնին , և առաջի քօ հայր սուրբ՝ զամե-  
նայն մեղս զոր գործեալ եմ : Քանզի մեղայ խոր-  
հրդով բանիւ և գործով , կամայ և ակամայ , գի-  
տութեամբ և անգիտութեամբ , մեղայ Աստուծոյ :  
Մեղայ հօգւովս և զօրութեամբ սորա , մտօքս և  
չարժմամբ սորա , մարմնովս և զգայութեամբ սորա :  
Մեղայ զօրութեամբ հօգւոյս , խորամանկութեամբ ,  
անզգամութեամբ , յանդգնութեամբ և երկչտու-  
թեամբ , շռայլութեամբ և ժլատութեամբ , զեղխու-  
թեամբ և անիրաւութեամբ , չարահաւանութեամբ ,  
յուսահատութեամբ , և թերամտութեամբ , մեղայ  
Աստուծոյ :

Մեղայ չար խորհրդով մտացս . նենդութեամբ ,  
ատելութեամբ , խեթիւ , մախանօք , յաչախանօք ,  
թուլութեամբ , սրտնկական խորհրդով , արուա-  
կան , իդական , անտանական , գրաստական , դա-  
ղանական , 'ի դիշերի և 'ի տունջեան , երաղական  
զիճութեամբ , և անբջական դարչ աղտեղութեամբ ,  
մեղայ Աստուծոյ :

Մեղայ ցանկութեամբ մարմնոյս . հեշտութեամբ ,  
պղերգութեամբ , յօրանչմամբ քնոյ , շարժութեամբ  
մարմնոյս , զազրագործութեամբ ՚ի պէս պէս աստու,  
հեշտալրութեամբ լսելեացս , արատութեամբ ա-  
չացս , ցանկութեամբ սրտիս , իգութեամբ ուրն-  
գացս , պագչոտութեամբ բերանոյս , անժուժկա-  
լութեամբ , շուայտութեամբ , և արբեցութեամբ :  
մեղայ Աստուծոյ :

Մեղայ չարաբանութեամբ լեզուիս . ստախօսու-  
թեամբ , սուտ երդմամբ , երդմնաղանցութեամբ ,  
հակառակութեամբ , վիճաբանութեամբ , բան-  
տարկութեամբ , շողմնգութեամբ , քսու , դա-  
տարկաբանութեամբ և ծաղու , զրախօսութեամբ ,  
հերձախօսութեամբ և անիծաբանութեամբ , տրր-  
տընջելով , դժգոհելով , բամբասելով , և հայհոյե-  
լով . մեղայ Աստուծոյ :

Մեղայ գողութեամբ ձեռացս . ադահելով , զրը-  
կելով , հարկանելով , սպանանելով , և ընդ գարշս  
ածելով , մեղայ Աստուծոյ :

Մեղայ ամենայն յօգուածովք շինուածոյս և ամե-  
նայն անդամօք մարմնոյս , հնդեակ զգայարանօքս ,  
և վեցելի շարժմամբս . վերամբարձ ոտնահարու-  
թեամբ , և վայրագարչ մեղիութեամբ , յաջ և յա-  
հեակ խտորելով , զառաջնոցն մեղանչելով , և  
վերջնոցն չար նշառակ դալով . մեղայ Աստուծոյ :  
Այլ և մեղայ եօթնիցս յանցանօք՝ մահացու մե-  
ղօք . հպարտութեամբ՝ և մասամբք նորին . նա-  
խանձու՝ և մասամբք նորին . բարկութեամբ և

մասամբք նորին . ծուլութեամբ՝ և մասամբք նորին . ազահութեամբ՝ և մասամբք նորին . որկրամուլութեամբ՝ և մասամբք նորին . բղջախոհութեամբ՝ և մասամբք նորին , մեղայ Աստուծոյ . Այլ և մեղայ ամենայն պատուիրանացն աստուծոյ , յանձնարելեացն և հրաժարելեացն . զի ոչ զյանձնարականն կատարեցի , և ոչ ՚ի հրաժարելեացն հեռացայ : Զօրէնս առ ՚ի՝ և յօրինացն հեղդացայ . ՚ի կարգս քրիստոնէութեան հրաւիրեցայ , և դործովս անարժան դտայ . գիտելով զչարն կամուկորացայ , և ՚ի բարեաց դործոց ես ինձէն հեռացայ . վայ ինձ , վայ ինձ , վայ ինձ :

Զորն ասեմ , կամ զորն խոստովանիմ . զի անթիւ են յանցանք իմ . անասելի են անօրէնութիւնք իմ . աններելի են ցաւք իմ , և անբժշկելի են վէրք իմ . մեղայ Աստուծոյ :

Հայր սուրբ՝ զքեզ ունիմ միջնորդ հաշտութեան և բարեխօս առ միածին Որդին Աստուծոյ . զի իշխանութեամբդ որ տուեալ է քեզ , արձակեացես զիս ՚ի կապից մեղաց իմոց , աղաչեմ զքեզ :

#### ԱՐՉԱԿՈՒՄՆ

Ողորմեացի քեզ մարդասէրն Աստուած , և թողութիւն շնորհեցէ ամենայն յանցանաց քոց , խոստովանացելոցդ և մոռացելոց . Եւ ես կարգաւօքահանայական իշխանութեան , և հրամանաւն Աստուածային՝ թէ Զոր արձակիցէք յերկրի՝ եղիցի արձակեալ յերկինս : Նովին բանիւն արձակեմ ըզ

քեզ յամենայն մասնակցութենէ մեղաց քոյ . 'ի  
խորհրդոց՝ 'ի բանից՝ և 'ի գործոց , յանուն Հօր և  
Որդւոյ և Հոգւոյն սրբոյ . Եւ դարձեալ՝ տամ զքեզ  
'ի խորհուրդս սուրբ եկեղեցւոյ . զի զոր ինչ գոր-  
ծիցես բարիս , եղիցի քեզ 'ի բարեգործութիւն և  
'ի վառս հանդերձեալ կենացն . ամէն .

Յրհնեալ Տէր մեր Յիսուս Քրիստոս , ամէն .

Հայր մեր որ յերկինս .




ՀԱՆԳԱՆԱԿ ՆԻԿԻԱԿԱՆ

Հաւատամք 'ի մի Աստուած 'ի Հայրն ամենակալ՝  
յարարինն երկնի և երկրի, երեւելեաց և աներեւ-  
ուութից: Եւ 'ի մի Տէր Յիսուս Քրիստոս Ռոգին  
Աստուծոյ՝ ծնեալն յԱստուծոյ Հօրէ՝ միածին, սյ-  
սինքն յէութենէ Հօր: Աստուած յԱստուծոյ, լոյս  
'ի լուսոյ, Աստուած ճշմարիտ, յԱստուծոյ ճշմարտէ՝  
ծնունդ և ոչ արարած: Նոյն ինքն 'ի բնութենէ  
Հօր, որով ամենայն ինչ եղել յերկինս և 'ի վերայ  
երկրի, երեւելիք և աներեւոյթք: Որ յաղագս  
մեր մարդկան և վասն մերոյ փրկութեան իջեալ  
'ի յերկնից՝ մարմնացաւ, մարդացաւ, ծնաւ կա-  
տարելապէս 'ի Մարիամայ սրբոյ կուսէն Հոգւովն  
Սրբով: Որով էառ զմարմին զհոգի և զմիտ, և զս-  
մենայն որ ինչ է 'ի մարդ, ճշմարտապէս և ոչ կար-  
ծեօք: Չարչարեալ, խաչեալ, թաղեալ, յերրորդ-  
աւուր յարուցեալ, ելեալ 'ի յերկինս նովին մարմ-  
նովն՝ նստաւ ընդ աջմէ Հօր: Գալոյ է նովին մարմ-  
նովն և վառօք Հօր՝ 'ի դատել զկենդանիս և ըզ-  
մեռեալս, որոյ թագաւորութեանն ոչ գոյ վախ-  
ճան: Հաւատամք և 'ի Սուրբ Հոգին՝ յանեղն և 'ի  
կատարեալն, որ խօսեցաւ յօրէնս և 'ի մարդաբէս  
և յաւետարանս: Որ էջն 'ի Յորդանան, քարոզեաց  
դառաքեալն, և բնակեցաւ 'ի սուրբսն: Հաւա-  
տամք և 'ի մի միայն ընդհանրական և յառաքե-

լազան եկեղեցի, 'ի մի մկրտութիւն, յապաշխարութիւն, 'ի քառութիւն և 'ի թողութիւն մեղաց : 'ի յարութիւնն մեռելոց, 'ի դատաստանն յաւիտենից հոգւոց և մարմնոց, յարքայութիւնն երկնից և 'ի կեանսն յաւիտենականս :

Մինչև ցաստ են հաւատոյ բանք :

Իսկ որք ասեն՝ էր երբեմն, յորժամ ոչ էր Որդի . կամ էր երբեմն, յորժամ ոչ էր Սուրբ Հոգի, կամ թէ՛ յոչէից եղեն, կամ յայլմէ էութենէ ասեն լինել զՈրդին Աստուծոյ և կամ զՍուրբ Հոգին . և թէ՛ փոփոխելիք են կամ այլայլելիք, զայնպիսիսն նզովէ կաթուղիկէ և առաքելական սուրբ եկեղեցի :



ՓԱՌԱԲԱՆՈՒԹԻՒՆ

Փառք 'ի բարձունս Աստուծոյ . և յերկիր խաղաղութիւն 'ի մարդիկ հաճութիւն : Եւ օրհնութիւնք եղ 'ի բարձունս օրհնեալ ես Տէր Աստուած մեր . օրհնեմք զքեզ և գովեմք զքեզ . խոստովանիմք Տէր զքեզ և երկիրպաշտնեմք քեզ . փառաւորեմք ըզքեզ . գոհանամք Տէր զքէն վասն մեծի փառաց քոց . Տէր թագաւոր Սուրբդ երկնային . Աստուած և Հայր ամենակալ . Տէր և Որդի Հօր միածին Յիսուս ֆրիստոս և Սուրբ Որդի . Տէր Աստուած

դառն Աստուծոյ և Որդի Հօր . որ առեր զմերս 'ի  
կուսէն . Ողորմեցար , բարձեր զմեզս աշխարհի . և  
արդ ընկալ զազաչանս մեր . Սուրբդ որ նստիս ընդ  
աջմէ Հօր՝ ողորմեաց մեզ . Զի դու միայն սուրբ , դու  
միայն բարձրեալ ես՝ դու միայն Տէր մեր Յիսուս  
Քրիստոս . Տէր և Հոգիդ Սուրբ որ 'ի փառս Աստ-  
ուած ընդ Հօր . ամէն .

Եւ յամենայն ժամ օրհնեմք զքեզ , Տէր և դովեմք  
զանուն Սուրբ քո յաւիտեան և յաւիտեանս յաւի-  
տենից . Սրժանի արա տէր զորս զայս խաղաղու-  
թեամբ , և առանց մեղաց պահեա զմեզ . Օրհնեալ  
ես Տէր Աստուած հարցն մերոց , դովեալ և փա-  
ռաւորեալ է անուն Սուրբ քո յաւիտեանս ամէն .  
Օրհնեալ Տէր ուստ ինձ զարդարութիւնս քո . Օրհ-  
նեալ Տէր ուստ ինձ զարդարութիւնս քո . Օրհ-  
նեալ Տէր ուստ ինձ զարդարութիւնս քո . Տէր ա-  
պաւէն եղեր մեր յազգէ յազգ . Ես աղաչեմ Տէր  
ողորմեա ինձ , և բժշկեա զանձն իմ , ևս մեղաց քեզ .  
Յոյց մեզ Տէր զողորմութիւնս քո և զվերկութիւնս  
քո սուր մեզ տէր ողորմութիւն քո յաւիտեան ,  
դդսրծս ձեռաց քոյ մի անտես առներ . Տէր իմ ըզ  
քեզ ապաւէն ինձ արարի , ուստ ինձ առնել զկամս  
քո զի դու ես աստուած իմ . Ի քէն է տէր ազբիւր  
կենդանութեան , և լուսով երեսոց քոյ տեսանեմք  
զլոյս . Մագեա զողորմութիւնս քո՝ որք ճանաչեն  
զքեզ Տէր .



ՄԱՂԹԱՆԻ

Չհանգստեան զաղօթս և զազանս ընկալ մար-  
դասէր աստուած 'ի հաճոյս բարերար կամաց քոյ :  
Մեր մեղաց և բաղում՝ յանցանայն թողութիւն չը-  
նորհեա , և քեզ փառք յաւիտեանս ամէն :

Փառք քեզ տէր աստուած մեր , որ պարգեւեցեր  
զօրս զայս բարեաւ և խաղաղութեամբ անցուցանել :  
Մարդասէր աստուած , զառաջիկայ գիշերս սր 'ի  
վերայ մեր գալոց է՝ 'ի մեղաց վրկեա , 'ի չարեաց  
ազատեա , և 'ի գործս բարիս առաջնորդեա :

Առաւօտու օրհնութեանցն և փառաբանութեանցն  
արժանի արա զամենայն հաւատացեալս անուանդ  
քում սրբոյ , և սրահեա 'ի խաղաղութեան :

Տէր աստուած մեր տուր զքո խաղաղութիւնդ ա-  
մենայն աշխարհի . բարձ զցասումն և զպատուհանն  
'ի յարարածոց քոյ :

Ողորմեաց հարց և եղբարց մերոց կենդանեաց և  
հանգուցելոց :

Ողորմեաց զեկեղեցի շինողաց , երախտաւորաց ,  
պտղատուից , սպասաւորաց , և այնոցիկ՝ որք ընդ  
հովանեաւ սրբոյ եկեղեցւոյ են հանգուցեալ :

Տէր աստուած , օգնեա թագաւորաց քրիստոնէից  
և իշխանայն բարեպաշտից , զօրաց և զաւակաց նո-

ցին՝ պահելով 'ի խաղաղութեան :

Տէր աստուած մեր , պահեա զառաջնորդս և զեղ-  
բայրութիւնս մեր ամբողջ և անխռով 'ի կամս ու  
զորմութեան քո :

Նշանաւ սուրբ և պատուական խաչիւ քո հալածեա  
զերեւելի և զաներեւոյթ թշնամին 'ի սահմանաց  
մերոց և 'ի բնակութենէս մերմէ :

Փրկեա զմեզ 'ի հրոյն յաւիտենից :

Եւ քեզ վառ ք յաւիտեանս ամէն :



ՅԱՆԿ ՍԱՂՄՈՍԱՅ

Հստ կարգի այբուբենից :

Ազազակեցէք առ աստուած ամենայն երկիր . . .	կե :
Ազազակեցէք առ տէր ամենայն երկիր . . .	դթ :
Ապրեցո զիս տէր, զինուաղեաց սուրբ . . .	ժա :
Ապրեցո զիս տէր 'ի ժարդոյ չարէ . . .	ճլթ :
Ազ կետս բարելացեոց. անդ նստէաք . . .	ճլգ :
Ազ քեզ տէր կարգացի աստուած իմ, մի . . .	լէ :
Ազ քեզ տէր համբարձի զանձն իմ . . .	լոգ :
Ազ քեզ տէր համբարձի զաչս իմ, որ . . .	ճլբ :
Ասաց անդգամն 'ի սրտի իւրում. թէ ոչ . . .	ժգ :
Ասաց անդգամն 'ի սրտի իւրում, թէ ոչ . . .	ժբ :
Ասաց տէր ցտէր իմ, նիստ ընդ աջմէ իմմէ . . .	ճթ :
Ասացի թէ պահեցից զճանապարհս իմ . . .	լբ :
Ատէ անօրէնն 'ի մեղանչել ընդ միտս . . .	լե :
Աստուած՝ ականջօք մերովք լուաք զոր հարքն . . .	խգ :
Աստուած աստուած իմ, ես առ քեզ առաւօտ . . .	կբ :
Աստուած աստուած իմ՝ նայեաց առիս . . .	խա :
Աստուած աստուածոց տէր խօսեցաւ եւ կոչեաց . . .	խթ :
Աստուած եկաց 'ի ժողովս աստուածոց . . .	ձա :
Աստուած զիրաւունս քո արքայի տուր . . .	հա :
Աստուած մեր սպաւէն եւ զօրութիւն . . .	խե :
Աստուած մերժեցեր եւ աւերեցեր զմեզ . . .	ձթ :
Աստուած մահն հեթանոսք 'ի ժառանգու . . .	հբ :
Աստուած յանուան քում կեցո զիս, եւ 'ի զօ . . .	ձդ :
Աստուած յօգնել ինձ նայեաց, եւ տէր . . .	կթ :
Աստուած ողորմեա մեզ եւ օրհնեա զմեզ . . .	կգ :
Աստուած ո՞ քեզ նմանիցի, մի լսեր եւ . . .	ձբ :
Աստուած վրէժինդիր. տէր աստուած . . .	զգ :

Աստուած օրհնութեան իմոյ մի լսեր . զի . . . . .	ճը
Աստ օրհնեցէք ամենայն ծառայք տեառն . . . . .	ճլգ
Բազում անգամ մարտեան ընդիս . . . . .	ճլը
Բայց միայն աստուծոյ հնազանդ լեր անձն . . . . .	կա
Բանից իմոյ ուկն զիր տէր , եւ 'ի միտ առ . . . . .	ե
Բարի է խոստովան լինիլ տեառն , եւ սաղմոս . . . . .	դա
Բարձր աննեմ զքեզ աստուած իմ եւ թա . . . . .	ճխգ
Բարձր աննեմ զքեզ տէր , զի ընկալար . . . . .	իթ
Բղխեցէ սիրտ իմ զպատգամս քո բարի . . . . .	խդ
Գոհացայց զքէն տէր բոլորով սրտիւ . . . . .	թ
Գովեա երուսաղէմ զտէր . . . . .	ճխէ
Գատ արա ինձ աստուած , եւ իրաւ արա . . . . .	խը
Գատ արա ինձ տէր զի ես յամբժութեան . . . . .	իե
Դատեա տէր զայնոսիկ ոյք դատեն . . . . .	լգ
Եթէ ոչ տէր էր առ մեզ , առասցէ . . . . .	ճխգ
Եթէ ոչ տէր չինէ զտունն , 'ի նանիր . . . . .	ճխգ
Եկայք ցնծասցուք 'ի տէր , աղաղակեսցուք . . . . .	զզ
Երանեալ են ամբիժք 'ի ճանասլարհի . . . . .	ճժը
Երանեալ է այր որ երկնչի 'ի տեառնէ . . . . .	ճժա
Երանեալ է այր որ ոչ գնաց 'ի խորհուրդս . . . . .	ա
Երանի ամենեցուն ոյք երկնչին 'ի տեառնէ . . . . .	ճիէ
Երանի որ խորհի զաղքատն եւ զանանկն . . . . .	խ
Երանի , ում թողութիւն եզեւ մեղաց . . . . .	լա
Երկինք պատմեն զփառս աստուծոյ եւ . . . . .	ժը
Ձի բարի կամ զի վայելուչ , զի բնակին . . . . .	ճլը
Ձի պարծի 'ի չարութեան հզօր . . . . .	ծա
Չողորմութիւնս քո տէր յաւիտեան օրհ . . . . .	ժը
Րնգէր խոսիցցան հեթանոսք եւ ժողո . . . . .	բ
Րնգէր մերժեցեր աստուած խապառ . . . . .	հդ
Թէ արդարեւ զարդարութիւն խօսելիք . . . . .	ծէ
Յերբեւ զի բարի է խրայելիս աստուած . . . . .	հը

Ի դարձուցանել տեառն զգերութիւն . . . . .	ճիւր
Ի խորոց կարգացի առ քեզ տէր, տէր . . . . .	ճիւր
Ի կարգալ իմում լուար ինձ աստուած . . . . .	դ
Ի ննդութեան իմում ես առ քեզ տէր կարգացի . . . . .	ճիւր
Ի տէր յուսացայ . որպէս ասիցէք ցանձն . . . . .	ժ
Ի քեզ տէր յուսացայ, մի ամաչեցից յաւիտեան . . . . .	բ
Ի քեզ տէր յուսացայ մի ամաչեցից յաւիտ . . . . .	հ
Լուարուք զայս ամենայն ազգք . ուկնդիր . . . . .	խոր
Լուիցէ քեզ տէր յաւուր անձկութեան . . . . .	ժիւր
Լուր աստուած աղօթից իմոց յաղաչել ինձ . . . . .	կգ
Լուր աստուած աղօթից իմոց, եւ նայեայ տէր . . . . .	կ
Լուր տէր արդարութեան, եւ նայեա . . . . .	ժղ
Խոնարհեցո տէր զունկն քո՝ եւ լուր ինձ . . . . .	ձե
Խոստովան եղերուք տեառն՝ եւ կարգա . . . . .	ճդ
Խոստովան եղերուք տեառն՝ զի բարի է . . . . .	ճժէ
Խոստովան եղերուք տեառն՝ զի բարի է . . . . .	ճլե
Խոստովան եղերուք տեառն՝ զի քաղցր է . . . . .	ճե
Խոստովան եղերուք տեառն՝ զի քաղցր է . . . . .	ճգ
Խոստովան եղէց քեզ տէր՝ բոլորով սրաիւ . . . . .	ճլէ
Խոստովան եղէց քեզ տէր՝ բոլորով սրաիւ . . . . .	ճժ
Խոստովան եղիցուք առ քեզ աստուած . . . . .	հգ
Ծափա հարէք ամենայն հեթա . . . . .	խգ
Կեցո զիս աստուած, զի հասին ջուրք . . . . .	կը
Հանճար տէր ընդ երկիր քո, եւ դարձու . . . . .	ձդ
Համբարձի զաչս իմ՝ ի լերինս, ուսաի ե . . . . .	ճիւ
Համբերելով համբերի տեառն, եւ նայեցաւ . . . . .	լթ
Հաւատացի դոր եւ խօսեցայ, եւ ես խո . . . . .	ճժե
Հիմունք նորա՝ ի լեառն սուրբ նորա . . . . .	ձդ
Չայնիւ իմով ես առ տէր կարգացի . . . . .	հգ
Չայնիւ իմով ես առ տէր կարգացի . . . . .	ճխա
Մատուցէք տեառն՝ որդիք աստուծոյ . . . . .	կր

Մեծ է տէր . եւ օրհեալ է յոյժ . . . . .	խէ:
Մի նախանձիր ընդ շարս , եւ մի ընդ այնս . . . . .	լը:
Մինչեւ յերբ տէր՝ մտտանաս զիս . . . . .	ժբ:
Յայտնի է 'ի հրէաստանի աստուած եւ . . . . .	հե:
Յարիցէ աստուած՝ եւ զբուեցցին ամենայն . . . . .	կէ:
Յելանելն խորայելի յեղիպտոսէ . . . . .	ճժգ:
Յիշեա տէր զդաւիթ , եւ զամենայն հեղու . . . . .	ճլա:
Յողորմութիւն եւ յիրաւունս օրհնե . . . . .	ճ:
Նայեցարուք ժողովուրդք յօրէնս իմ . . . . .	հէ:
Ողորմեա ինձ աստուած , զի կոխեաց . . . . .	ձե:
Ողորմեա ինձ աստուած՝ ողորմեա ինձ . . . . .	ժգ:
Ողորմեա ինձ աստուած ըստ մեծի ողոր . . . . .	ժ:
Ո յուսայ 'ի տէր , որպէս լեառն սիօն . . . . .	ճիգ:
Որ բնակեալն է յօգնութիւն բարձ . . . . .	գ:
Որ հովուեաղ խորայելի՛ նայեաց , որ . . . . .	հթ:
Որպէս սիրելիք են յարկք քո տէր զօրու . . . . .	ձգ:
Որպէս փափազի եղջերու յազբերս . . . . .	խա:
Ունկնդիր աստուած աղօթից իմոց . եւ . . . . .	ձգ:
Ուրախ եղէ ես՝ ոչք ասէինցիս . . . . .	ճխա:
Պահեա զիս աստուած իմ , զի ես 'ի քեզ . . . . .	ժե:
Պատրաստ է սիրտ իմ աստուած , պատ . . . . .	ճէ:
Սիրեցի՛ զի լուծցէ տէր զձայն . . . . .	ճժգ:
Սիրեցից զքեզ տէր զօրութիւն իմ . . . . .	ժէ:
Տեառն է երկիր լրիւ խորով . . . . .	իգ:
Տէր աստուէն եղեր մեր ասպէ . . . . .	ձթ:
Տէր աստուած իմ՝ 'ի քեզ յուսացայ , վեր . . . . .	է:
Տէր աստուած փրկութեան իմոյ , 'ի տուէ . . . . .	ձէ:
Տէր զի բազում եղեն նեղիւք իմ . . . . .	գ:
Տէր թագաւորեաց , բարկացան ժողո . . . . .	ղը:
Տէր թագաւորեաց՝ վայելչութիւն զգնցաւ . . . . .	ղը:
Տէր թագաւորեաց՝ ցնծացէ երկիր . . . . .	ղը:

Supplement of January  
1892 Vol 10 31  
The [unclear] [unclear]

---

The [unclear] [unclear]

Handwritten text in a cursive script, possibly a list or account, with several lines of entries.



1874 Page 14  
Handwritten text, possibly a signature or a date, with a large flourish at the end.

Handwritten numbers and symbols, possibly a list or a calculation, with a horizontal line drawn below the numbers.



2

1

150

150

150

150

150

150

150

150

150

150

150

150

150

150

150

